

... de

II

BIBLIOTECA NAZ.
Vittorio Emanuele III

XLVIII

F

32

NAME _____



S. T U R I B I I
ALPHONSI MOGROBESII

ARCHIEPISCOPI LIMENSIS
IN PERUVIÆ REGNO,

Quarto Idus Decembris Anno MDCCXXVI.

A BEATISSIMO PATRE
BENEDICTO XIII. P.M.

SOLEMNITER INTER SANCTOS RELATI,

Vita, & Gesta

^A
P. FRANCISCO MARRACCIO
L U C E N S I

Congregationis Clericorum Regularium Matris Dei Sacerdote

LIBRIS QUATUOR EXPLICATA.

OPUS POSTHUMUM

*Nunc primum Auctori suo restitutum, & nonnullis
additamentis auctum*

A FRIDERICO SARTESCHI

Ejusdem Congregationis Professore.

REVERENDISSIMO PATRI
MICHAELI ANGELO

-T A M B U R I N O

PRÆPOSITO GENERALI SOCIETATIS JESU

D I C A T U M.

R O M Æ, M D C C X X V I I.

Ex Typographia Komarek in Via Cursus.)(*Sup. Permissu.*



REVERENDISSIMO PATRI
MICHAELI ANGELO
TAMBURINO

PRÆPOSITO GENERALI SOCIETATIS JESU,

Lavinia Natalini Komareck Felicitatem.



HISTORIAM de rebus gestis a Divo
TURIBIO Archiepiscopo Limano
posthumum opus insignis viri Francisci Marraccii
Congregationis Matris Dei nullius potius ornatum
nomine prodire decuit, quàm Tuo. Quibuslibet enim
ex causis jam pridem invaluit ista consuetudo, ut

clarorum ingeniorum monumenta, claris itidem viris inscribantur, propter eas omnes istud tibi Reverendissime Pater deberi sentio. Etenim qui hunc primi morem usurpaverunt, duo hæc illos spectasse arbitror; aut certè alterutrum: ut eâ re vel quos Patronos habebant, quodam quasi munere demererentur, vel lucubrationibus suis, ex eorum claritate præsidium, & decus quærerent. At hoc opusculum, quod ego prælo edendum suscepi ejusmodi est, ut eo neminem magis, quàm te donari deceat. Nam præter quamquod authorem habuit, qui genere vitæ Instituta Societatis, cui Tu præses, quam proximè imitabatur: Ea continet, quæ tua fieri ipsa per se quodammodo flagitant. Sunt enim argumentum ipsius, quæ vir apostolici spiritus in extremâ illâ novi orbis Barbariâ præclarè gessit, ut in eam latissimè quaquaversus Trophæa Crucis inferret. Quem verò latet, quam feliciter inter easdem gentes Filii tui TURIBII cœpta, & tunc adjuverint, & nunc illo in Cælis auspice, Te in Terris Duce, prosequantur? Tibi ergo Reverendissime Pater cum sanctissimi Antistitis gesta leges, revocabuntur in memoriam perquam simillima tuorum, quin potius tua. Neque enim a te aliena esse possunt, quæ tuo ductu geruntur a Tuis. Hæc autem cogitatio quemadmodum mihi persuasit neminem esse cui hoc opusculum, vel justius deberi, vel gratius quàm tibi futu-

rum

rum crederem; Ita fiduciam præbuit, Te unum præ
cæteris patrociniū ejus benignè suscepturum. Ta-
metſi hujus quidem rei nihil mihi neceſſe fuit
cauſas extra Te quærere. Notum quippe eſt, inter
tam multas egregias dotes, ob quas in magno nu-
mero virorum omni laude præſtantium unus maxi-
mè dignus fuiſti, qui Societati Jeſu præficereris,
præcipuè commendari benignitatem tuam, illudque
nunquam deficiens ſtudium de omni hominum ge-
nere bene merendi. Non ergo vereri debui, ne qui
te cunctis tam facilem præbes, a tuo me patrocini-
o repelleres. In quo ſanè quantum hujus Operis præ-
ſidium decuſque conſtituam, non equidem dicam
ne modèſtiam tuam odioſis tibi laudibus onerem;
Sed tamen ſcio, haud facile quēquam improbatu-
rum, quæ noverit tuo judicio comprobari. Vale.

CÆSAR TRENTA

RECTOR GENERALIS

Congr. Cleric. Reg. Matris Dei.

CUM Opus Posthumum inscriptum *Sancti Turibii Alphonfi Mogrobesii Archiepiscopi Limensis Vita, & Gesta &c.* a P. Francisco Marraccio Lucensi nostræ Congregationis Sacerdote compositum, probatum fuerit a duobus e Nostis Theologis quibus illud examinandum commisimus, quantum ad Nos spectat facultatem concedimus ut typis mandari possit.

Datum Romæ e nostro Collegio S. Mariæ in Porticu in Campitello
XV 11. Kalendas Octobris MDCCXXVI.

Cesar Trenta Rector Generalis.

Quintinus Roncaglia Secretarius :

SANCTORUM gesta nobis exempla sunt quæ sequamur. Iis insistentes habemus quæ cum merito exequamur. Inter eos qui Sanctitatis singulari laude in Ecclesia eminent Turibius Alphonfus Mogrobesius censei sanè debet, cum virtutibus summam sanctitatem decentibus undique effulserit. Ejus Gesta olim a P. Francisco Marraccio Lucensi Congregationis Clericorum Regularium Matris Dei Sacerdote latine conscripta jussu Reverendissimi Patris Fr. Gregorii Selleri Sacri Palatii Apostolici Magistri legi, nihilque in iis reperi quod operis editionem moretur. Quapropter opus dignissimum judico quòd ad sanctitatem alios docendam evulgetur.

Romæ 1v. Kalendas Augusti MDCCXXVI.

E Cœnobio Minervitano.

*Fr. Thomas Maria Minorellius Sacræ
Theologiæ Magister, & Bibliotheca-
rius Casanatensis.*

APPRO-

APPROBATIONES

*PP. Consultorum Sacrorum Rituum
Congregationis.*

Librum, cui titulus *Sancti Turibii Alphonfi Mogrobesii Archiepiscopi Limensis Vita, & Gesta &c.* a P. Francisco Maraccio conscriptum, jussu Reverendissimi Patris Magistri Sacri Palatii, legi: nihil in eo, quod vel catholicae veritati, vel bonis moribus adversetur, offendi: plurimum autem quod legentium edificationi prodesse possit; censeo igitur publicâ luce dignum. Ex Collegio Romano 22. Augusti 1726.

Ignatius Guarini Societatis Jesu.

UT jussis Reverendissimi P. Magistri Sacri Palatii fatis facerem, legi librum, cui titulus *Sancti Turibii Alphonfi Mogrobesii Archiepiscopi Limensis Vita, & Gesta &c.* Auctore P. Francisco Marraccio Congr. Matris Dei, nihilque in eo deprehendi quod aut Catholicae Religionis incremento, aut Fidelium pietati foret præjudicium, aut bonis moribus excolendis non sit apprime consentaneum. Quare e re communi fore censeo, quod publicâ luce donetur.

Ex Domo Professorum Societatis Jesu die 29. Augusti 1726.

Vincentius Caravita Societatis Jesu:

IMPRIMATUR

Si videbitur Reverendissimo Patri Magistro Sacri Palatii
Apostolici.

N. Baccari Episcopus Bojanen. Vicefg.

IMPRIMATUR.

Fr. Gregorius Selleri Sacri Palatii Apostolici Mag. Ordinis
Prædicatorum.

FRAN-

FRANCISCI MARRACCII

P R Æ F A T I O .

QUæ in hac TURISII Alphonsi Mogrobesii Limensis Archiepiscopi Vita non dum Latino sermone, quod sciam, concinnata, scribenda aggredior, ut tot tantisque præclarissimarum virtutû exemplis absculata fides habeatur, ex Antonio Legionensi Pinellio, qui Turisii gesta, Hispanicè superioribus annis evulgavit, quæ pretius Italicè reddira a Lappio, edita Romæ MDCLV leguntur; nec non e publicis Actis, quæ nunc Romæ conficiuntur ut Beatorum Fastis sanctissimus Præsul accenseatur, a clarissimo viro Joanne Francisco De Valladolid Limensi cui demandatum negotium ut Romæ de TURISIO inter Beatos referendo ageret, pro sua humanitate mihi exhibita, decerpfi.

Illud fateor deplorandum, quòd millesima vix pars eorum quæ sanctissimè TURISIIUS gessit ab oblivione vindicari integrum fuit. Post quantum enim ac vicesimum annum ab excessu tanti viri, de ejusdem, gestis legitimè inquire vix coeptum est. Quo tempore cum iis pene omnibus absumptis, qui cum intimè norant, familiariterque usi fuerant, quique omnem vivendi rationem optimè observant: tum si quos mors reliquos fecerat, eorum quæ olim viderant, audierantve majori ex parte fuerant obliiti, quàm multa hîc desideranda sint nemo non videt.

Quod autem ad me attinet, non est quod multis te morer Lector. Id unum monitum volo, me uberrimum atque amplissimum laboris mei fructum percepturum, si qua ex tanti viri vita præclarisque virtutibus ad plures utilitas promanarit. Hujus enim rei causâ, hoc sermonis genere uti libuit quo nullus ubique gentium notior, nullus gravior, ac dignior, ut cum Romano sermone, Romana fide, illius etiam propagatoris nomen, ac laudes latius percrebescerent.

Cæterum si quid in ipso stylo rude, si quid parum splendide dictum videbitur, parum ornate, da veniam Lector; neque enim hîc verba ad scribendum nimîa diligentia conquirere, sed res opus erat per se satis ornatas, & claras memorare. Quæ in te, non auribus tuis indulgendum duxi, sed tibi. Vale.

FRIDERICI SARTESCHI

P R Æ F A T I O .

UT modum dicendis rebus in hac nostra Præfatione imponamus , primum de Auctore , dein de Opere ipso , cæ quâ poterimus brevitate , scribemus .

Verus hujus Vitæ Auctor est Franciscus Marraccius Lucensis , Hippolyti , & Ludovici Marraccii Congregationis Matris Dei clarissimorum Scriptorum germanus frater , qui A. MDCXVII. natus , Congregationi nostræ Matris Dei anno MDCXXXII. nomen dedit , in qua cum triginta annos cum nostrorum , tum exterorum , ob singularem ipsius pietatem , eruditionemque laude vixisset , demum Neapoli v. i. Idus Augusti Anno Milleesimo sexcentesimo sexagesimo secundo ultimum diem clausit .

Haud pauca ingenii sui nobis monumenta reliquit ; quæ partim typis ipse mandavit , partim MSS. in nostris pluteis locum habent .

Inter ipsius Opera MSS. TURIBII ALPHONSI Mogrobessii Limensis Archiepiscopi Vitam Latinè scriptam in nostra Romana Bibliotheca S. Mariæ in Porticu in Campitello invenimus , quam Franciscus Marraccius anno MDCLVIII. Romæ absolverat , ut nostri Romani Archivii Codex non obscurè prodit . Illico e tenebris vindicandam animum adjecimus , laboresque nostros haud gravatè contulimus , sperantes eos non tantùm Sodalis nostri studia illustraturos , ac in Reipublicæ litterariæ , Piorumque omnium utilitatem cessuros , sed , quod caput est , facilius nos tanti Præfatis , iv. Idus Decembris hoc quo hæc scribimus anno MDCCXXVI. inter Sanctos a Benedicto XIII. Pont. Max. adscripti , patrocinium expecturos .

Dum autem hujus Vitæ editionem adornabamus nostras in manus TURIBII Vita venit , quæ Fr. Cypriani de Herrera nomen præfert , cui Titulus : *Mirabilis Vita & mirabilia Acta Dei Vener. Servi Toribii Alphonsi Mogrobessii Limani Archiepiscopi Viri virtutum splendore clarissimi, ex Actis legitimis de mandato Sacre Rituum Congregationis opera Ordinarii & Auctoritate Apostolica conscriptis deprompta, Sanctissimo Domino N. Clementi Papæ X. dicata. Studio A. R. P. M. F. Cypriani de Herrera Augustinienfis Limani, S. Theologiæ Doctoris in Regali Regum Universitate. Qualificatoris S. Inquisitionis, & Hispaniarum Catholicæ Majestatis Regii Concionatoris in lucem edita. Romæ Typis Nicolai Angeli Tinassii MDCLXX. in 4.*

Antiquiorem hac editionem nemo nobis ostendet , cum extra omnem judicii alcæ sub Herrere nomine sit Romæ primum cusa anno mox

præ-

prænotato, seu MDCLXX. octavo post nostri Francisci Marraccii obitum anno; quippe Franciscus Marraccius, ut supra adnotavimus, Anno MDCLXII. vivere desit.

Hujus Turibianæ Historiæ ab Herrera editæ tria Romæ exemplaria vidimus; unum in Bibliotheca Casanatensi, alterum in Bibliotheca Eminen. Cardinalis Imperialis, tertium in Bibliotheca Angelica PP. S. Augustini.

Ut vero memoratam Turibii Vitam, quæ Herrera nomine in lucem prolata legitur, cum Turibii Vita MS. a Marraccio concinnata contulimus, statim, quod nunquam in mentem venisset, Herreram a Marraccio ferè omnia desumpsisse deprehendimus. Quandoquidem præter aliquam non una in parte ordinis inversionem, & sententiarum plerumque adfuturam congeriem quibus non erat locus, nonnullaque capita, & quibus etiam ob nimis apertam styli dissonantiam, manifestum discrimen inter ea quæ ex Marraccio sumpsit, quæque ipse adjecit cognoscitur, de suo ferè nihil contulit. Eadem Historiæ partitio, eadem propemodum capita, eademque ut plurimum verba, verborumque compositio.

In primo Libro præter caput 1. xi. xxi. ex parte & xxv. e suo penu nihil deprompsit, nec quidquam quod multum ad rem faciat affert. In secundo habet caput xxvi. idque magna ex parte ex aliis Marraccii locis excerptum. Tertium Turibianæ Vitæ Librum integrè fideliterque ad verbum ferè exscripsit. In Quarto addidit caput xvi. prænotatum: *Turibii cum B. Carolo comparatio*: & ultimo loco *Perorationem Auctoris* adjecit. Hos verò quatuor Libros tot S. Scripturæ, Patrum, aliorumque sententiis ab argumento alienis, adeo turbavit, ut ipsa Historica narratio perquam molesta reddatur. Hinc Herrera maximas debemus gratias nostri Francisci Marraccii nomen tacitè omnino præterisse.

Ubi verò Herrera Marraccii verba retulit, quod lepidum, & factum est, ut aliquid quandoque e proprio fundo addidisse videatur; tunc vel quando pro cum, vel activum e pallivo, aut e contra, idque genus similia reddit.

Ex paucis his exemplis cetera discite. Marraccius lib. 1. cap. vi. pag. 8. num. 1. hæc de Turibio habet: *Annum quippe agebat tricesimum primum cum Pintia Salmaticam venit, eodemque die quo Collega esse cepit, summo omnium judicio, ac favore, maximo doctissimorum virorum conventu, ac frequentia, inter clarissimi nominis Antagonistas, Joannem Pinedam, quo viri Societas Jesu nobiliter deinde floruit, & Franciscum de Contreras, hominem in paucis, & doctrinâ, & morum integritate, & gloriâ honestissimorum munerum spectatum, Collegarum Ovetensium clamide griseâ, ac redimiculo cyaneo post humeros rejecto, quod honoris summum genus est, dignissimâ ornari mernit* &c. Herrera autem lib. 1. cap. 1v. pag. 8. sic scribit: *Annum quippe*

agebat Turibius trigesimum primum quando *Salmanticam venit, eodemque die quo Collega esse cepit Sancti Salvatoris, summo omnium iudicio maximo doctissimorum virorum, Equitum conventu inter clarissimi nominis Antagonistas Joannem de Pineda, quo postea Societas Jesu floruit nobiliter, & Franciscum de Contreras, hominem in paucis doctrinam morum integritate, & gloriâ beneficentissimorum munerum spectatum, Collegarum Ovetensium clamide dignissimâ meruit ornari, & Becâ &c. Marraccius eodem libro cap. xvi. p. 25. num. 1. Hic nescio quibus suis potius rationibus e Politica sinu depromptis persuasus &c. Herrera eodem pariter libro cap. xii. p. 46. Sed nescio quibus rationibus e Politica sinu depromptis Prorex persuasus &c. Marraccius cap. xx. ejusdem libri p. 28. num. 11. De Præfeto enim quis dubitet? Sed eas criminatrices &c. Herrera cap. xiii. ejusdem libri pag. 50. De Prorege ergo quis dubitet? Sed eas criminatrices &c. Marraccius lib. ii. cap. xxx. p. 89. num. xv. Cumque jam jam profecturus instaret &c. Herrera eodem libro cap. xx. p. 144. Cumque jam instaret profecturus &c. Marraccius lib. iii. cap. xx. p. 174. num. xiv. Subscribit Petrus Ortega Sotomajor egregius Theologus his verbis. Herrera cap. xxi. ejusdem libri p. 303. Subscribit Illustrissimus Doctor D. Petrus de Ortega Sotomajor Theologus egregius his verbis &c. Addidit de suo speciosa illa verba: Illustrissimus Doctor D. Marraccius Lib. iv. cap. v. p. 184. num. vi. quem Præsulem, Turibium scilicet, non Gregorius, non Chrysostomis absmilem fuisse depradicant &c. Herrera eodem libro cap. v. p. 321. quem Præsulem non Augustinis, non Gregorius, non Chrysostomis, non Carolis, nec Villanovis absmilem fuisse depradicant &c.*

Multa id genus hîc retulîsem, sed ne nimis quàm par est nostra hæc excresceret Præfatio ab iis recensendis superfedimus. Qui plura volet conferat memoratam Turibii Vitam ab Herrera Romæ cûsam cum hac nostra a Francisco Marraccio verè elucubrata, atque luce ipsâ meridianâ, Herreram se Auctorem vitæ quam ferè solum exscripuit venditasse, satis intelliget. Nos autem cuilibet pagine notulas marginales consultò adjecimus, uti Lector statim, quo loco ipsissima Marraccii verba Herrera in memorata sua TURIBIANÆ Vitæ editione exscripserit, ob oculos habeat.

At quomodo amabò Marraccii nostri Codicem Herrera inspexit, habuitque?

Penes Franciscum de Valladolid Limianum (qui ut Turibius sacris honoribus donaretur Romæ quadraginta annos exegerat, ibique tandem obiit) Anno MDCLVIII. quo Franciscus Marraccius Româ Neapolim profectus est, suum TURIBIANÆ Vitæ exemplum reliquerat, ut typis quàm primùm mandaret, quippe ejusdem Valladolid precibus TURIBIANÆ Historiam concinnaverat: cum autem brevi Franciscus Marraccius Nea-

poli

poli obiisset, Franciscum Valladolid Turibii Vitę exemplum a Marraccio ei conceditum, F. Cypriano Herrera Linnano tunc Romę degenti ostendisse, fortasse an publicā luce dignum iudicasset, haud levibus ducti momentis putamus: Herrera autem res a Turibio præclarę gestas proprio inscriptas nomine evulgandi consilio motus, laudes quę Marraccio debebantur in se transfudit: quique cum longę post Marraccium scripserit, ignotum non fuit, Marraccium ipsum TURIBIANÆ Vitę Latine scriptę verum agnatum esse Auctorem.

Pręterea ex Codice MS. in nostro Romano Archivio adservato, cui Titulus: *Memorie de Nostri passati a miglior vita &c. num. 42.* eundem Franciscum Marraccium in sui seculi Virorum Illustrum rebus gestis colligendis qui singulari sanctitatis laude inclaruerunt, quos inter sanctissimum Archiepiscopum TURIBIUM accensendum nemo non videt, adlaborasse compertum habemus.

Tertiõ, stylus quo TURIBII Vitam Marraccius noster conscripsit, Marraccium ipsum ut verum illius Auctorem prodit. Quandoquidem qui Vitam Venerabilis P. Joannis Leonardi Congregationis Matris Dei Parentis ab eodem Franciscò Marraccio Latine pariter elucubrata, quę in eodem Archivio adhuc MS. adservatur, cum hac TURIBII Vita contulerit, ex styli similitudine eundem Marraccium utranque scripsisse satis intelliget.

Quartõ, ex nimis aperta planaue styli dissimilitudine quā Herrera non paucis in locis TURIBII Vitam interpolavit, ejusdem Vitę se non fuisse Auctorem exploratum facit.

Demum ex pluribus quę ad hanc rem afferri possent, id unum sufficiat. Cum Marraccius quo tempore de TURIBIO scripsit, ejus diem natalem ignoraret, hunc prætermisit: Herrera vero recenset, quę quidem illius diligentia manifestum facit longę post Marraccium de TURIBIO scribere aggressum, seu verius quę scripserat Marraccius tribuere sibi voluisse. Ex his aperte intelligitur uter verus TURIBIANÆ Vitę Auctor videatur. Sed de Auctore satis.

Pauca nunc de Opere ipso dicamus. Cum Franciscus Marraccius Anno MDCLVIII. Romę hujusmodi Opus absolverit, nonnulla ipsum fugerunt, quę in Actis ipsis tunc desiderabantur; quapropter ut omnibus numeris absoluta præfens de TURIBIO Historia prodeat, ea quę in Marraccii Codice deesse animadvertimus ex Nicosellio, Haroldo, aliisque recentioribus Scriptoribus TURIBII gesta percententibus, supplevimus. Prodigia autem illa quę TURIBIUS patravit postquam ille a Sede Apostolica inter Beatos locum obtinuit, ne Auctoris ordinem perturbaremus, ad calcem libri quarti consultõ adjecimus.

Pręterea nęvos quosdam, qui Latinitatem alicubi minus excultam efficere

efficere videbantur, quique Marraccio dum scriberet aliud forsitan agenti exciderunt: aliaque nonnulla, pauca licet, vel inutilia, vel ad rem parum facientia, expunximus. Hæc non ignorari voluimus, ut hanc a Marraccio conscriptam Vitam conferenti cum ea quam Herrera interpolavit, pateat a nobis id factum, ut Marraccianum Opus ad Autographi sinceram fidem, atque ad legitimi Auctoris mentem propius accedentes ederemus.

Hæc non ignorari a Lecturis hanc Vitam abs re non fore duximus, ut sincerè veritas cognoscatur.



Scri-

SCRIPTORUM AC TESTIUM

de TURIBIO *Alphonso Mogrobefio* *Judicia.*

I. **U**T quæ in TURIBII vita recensentur non arbitrio consista, sed ad rerum veritatem exacta manifestius cognoscantur, operæ pretium visum est referre quæ de illo viri fide dignissimi prodiderunt, probique Testes confirmarunt. Ex his, velut in antecessum patebit, quàm admirandâ sanctitate TURIBII Vita fuerit. Plura quidem potuissim proferre si majorem in numero firmitatem, quàm in similitudine tadium, fore sperassem. Volumen certè satis amplum confici posset, si quis omnia exscribere hîc, atque exhibere vellet. Ego pluribus supersedens ex sexcentis similibus ea tantùm ponam, quæ maximè auctoritate, dignitateque excellere videbuntur, iisdem omnino verbis, quibus scripta reperi, latinitate tantùm adjectâ.

II. Franciscus Molina doctissimus vir hæc habet: Non me
latet Virum generis nobilitate clarum, fuisse TURIBIUM, Antistitum verò exemplar absolutissimum, verum sanctitatis speculum, omnibus Vitæ, ac morum singulare documentum: *Ad-
dis:* Ita se gerebat in omni re, ut ex externis actibus candor prospecti posset tanquam terrestris Angeli.

III. Francisci de Chaves Provincialis Peruenfis Franciscanorum Ordinis dignitatibus ac religiosi moribus præcellentis verba sunt: Fuit TURIBIUS Alphonfus Archiepiscopus Vir vitâ plannè inculpabili, omnium acclamatione SANCTUS, Prælatorum exemplar.

IV. His non minus grave Joannis Robles Sacerdotis a doctrinâ insignibus vitæque probitate ornatissimi testimonium: Fuit Archiepiscopus TURIBIUS Vir ingenuitate, atque integritate singulari. Nullum ex ejus ore verbum excidit unquam, quod ja-stantiam saperet, aut vanitatem oleret: omnia verò ejus tum verba, tum gesta cum Sanctitate conjuncta erant, adeo ut nullâ unquam in eo gravior culpa, immo nec levior, aut imperfecti aliquid deprehendi potuerit. Animæ puritatem, candoremque eximium præfetulit, itaut nec capere, nec credere, ne suspicari quidem de aliquo posset improbitatem, aut flagitium. Creditur etiam, ac pro indubitato est, & certo Virginitatem semper servasse usque ad vitæ suæ finem, simul cum innocentia de sacro fonte relata. Nihil quippe ab Ange-

Herrens
lib. IV. c.
XXI. p. 339.

Ibidem.
p. 356.

Ibidem.
p. 357.

„ Angelo cælesti differre vitæ incontaminatę candore videbatur.
 „ Ad hæc poenitentię amantissimus, Caritate Divinâ ignitissimus,
 „ rerum ad Divicium cultum pertinentium studiosissimus, omni
 „ curâ diligentiaque ad illud incumbens, ut Deo ac Domino no-
 „ stro laudes, atque obsequium omnes exhiberent: a nemine ve-
 „ ro idem offenderetur :

V. Consonat quod Joannes Reynoso Hispanus testatur, ait
 enim : Se de Archiepiscopi TURIBII Alphonsi Vitæ puritate,
 „ Animęque integritate eam semper animo opinionem habuisse,
 „ ut non lethalis tantum, ac venialis criminis contagione alie-
 „ num; sed & qualibet imperfectione immunem, toto vitæ tem-
 „ pore perseverasse eum pro certo judicaverit. Ceterum perpe-
 „ tam nemini non fuisse pectoris illius candorem, mansuetudi-
 „ nem eximiam, misericordiam erga omnes singularem. Voluisse
 „ enim omnes, ac singulos cordi, ac visceribus suis inferere,
 „ maximè verò omnium pauperes, ac miserabiles. Porro om-
 „ nem ejus in consuetudine agendi rationem de uno Deo ipsius-
 „ que caritate fuisse, quâ ut e Coelicolis unum, altius imbibitâ
 „ semper conflagrassè.

Ibidem
 P-350.

VI. Contestatur Doctor D. Hernandus Avendano Sacerdos
 „ Doctrinæ titulis insignitus, ac Limensis Ecclesię Parochus his ver-
 „ bis: Equidem (quę mea de Archiepiscopo TURIBIO Alphonso
 „ Mogroveso opinio est) integrum eum vitę scelerisque purum,
 „ sanctum, irreprehensibilem, Prælatum Apostolicum, dignum
 „ qui in Sanctorum numero ab Ecclesia reponatur existimavi. Nec
 „ mea hæc tantam opinio sed communis est ejus Civitatis, atque
 „ Archiepiscopatus ubi cunctorum summâ acclamatione SAN-
 „ CTVS ARCHIEPISCOPVS TURIBIUS vocitatur. Omnium
 „ insuper gravissimorum Virorum doctorum, ac pietate insi-
 „ gnium: totius denique ad unum populi consensus, a quibus om-
 „ nibus tam in vita, quam post mortem eo honore affectus est,
 „ quo sancti homines consueverunt, ac tãquam primitivę Ecclesię
 „ Prælatus propter heroicis virtutes, maximam vitę castitatem,
 „ sanctitatem, ac zelum est habitus.

Ibidem
 P-358.

VII. Ex Ordine Prædicatorum Magister Fr. Gabriel de Za-
 „ rate Peruanę Provincię Præfatus, ac Magistratûs Fidei Quali-
 „ ficator, & Electus de Guamonga de TURIBIO fatetur: Eum,
 „ „ admirum, Caritate erga Deum ejusdemque honoris, & cultûs
 „ studio maximè exarsisse. In animarum salute curanda studiosis-
 „ simum fuisse: per se enim pias preces, & Christianę doctrinæ ru-
 „ dimenta pueros docere diebus Dominicis sub vespertinum
 „ tem-

tempus in sua Ecclesia consuevisse, atque ejus rei memoriam quam adolescens viderat nunquam animo suo excidisse.

VIII. Fr. Thomas Majorga ex Augustiniana familia Sacre Theologiæ Magister in suo Ordine celeberrimus: Fuit, inquit, Archiepiscopus TURIBIUS ALPHONSUS Vir summâ fortitudine, summâ constantiâ quidquid ageret, aut constitueret. Providebat enim diligentissimè quæ geri oporteret: quod deinde aggressus nullâ ratione deterri poterat quin perficeret.

IX. Ex Ordine Beatæ MARIÆ Virginis de Mercede P. Fr. Petrus Nolasco Sacerdos: Erat, inquit, Præsul TURIBIUS in caritate, & amore Dei insignis, quod in tota vita sua, ac gestis demonstrabat, omnia eò referendo.

X. Ex Societate JESU P. Joannes Vasquez Sacerdos, Rector, & Parochus in Suburbio Limensi inter cætera multa: Denique fuit, inquit, TURIBIUS omnium virtutum speculum, quæ ad asserendam in homine sanctitatem requiruntur. Fuitque in vita, ac moribus singulare sanctitatis exemplar, formæque Præsulum primitivæ Ecclesiæ. Vir tandem illustris, atque æternâ memoriâ multis nominibus dignus.

XI. Mauritius Rodriquez Sacerdos spectatæ probitatis, multique in Urbe Regum muneribus rite honestèque perfunctus cum asseveratione, ac jurejurando testatur: Fuit Præsul TURIBIUS ALPHONSUS animo summâ sinceritate, & candore præditus, ita ut nullam unquam de aliquo homine malam suspicionem admiserit, nec si quod flagitium de quopiam ad eum deferretur illud credebat. Neque enim animum inducere poterat, ut existimaret lethali peccato aliquem operam suam dare potuisse. Utque ipse animam maximè puram sanctamque gerebat, ita eam de cæteris omnibus opinionem habebat, ut ab offensa Divina sibi quisque summâ diligentia caveret. Animæ verò suæ rationes ita relatas confectasque semper habebat, tanquam si eo die, atque momento sibi moriendum foret. Sæpius exclamare solitus: Ne leviter quidem peccandum.

XII. Alphonsus de Carion sic fide dignus, ut a Secretis Capitulo, & Gubernationi Civitatis Limensis esse potuerit adjungit: Fuit in Dignitate sua præferenda gravissimus quandocunque veste Pontificiâ indutus Sacerdotio suo fungebatur. Immunitatem porro Ecclesiasticam, atque omnia jura, resque sacras ita tuebatur, ut nulli placere, aut displicere curaret, nihilque hominum causâ moveretur, sed tantum Dei obsequium purissimo obtutu respiceret. Neque enim personarum acceptator erat, nihilque accipiebat a quoquam.

†††

XIII. Pe-

Ibidem. XIII. Petrus Nugnez Limensis Ecclesiæ Decanus Juris ve-
p.356. rò, & litterarum sciens in primis Oratione funebri Primatis
TURIBII ALPHONSI exequias profecutus, cum suo judicio,
tum quia sic judicare confirmareque universam concionem vide-
bat, neu sensui adversari communi solus videretur, nunquam nisi
cum prænomine SANCTI VIRI TURIBII nominavit.

Ibidem. XIV. P. Fr. Bonaventura Salinas, & Cordova Franciscanus,
p.360. in Historia sua Peruana, de Urbe Lima, deque iis, qui ei Eccle-
siæ præfuerunt claris Viris scribens „ Purissimâ Virginitate or-
„ natum, ac SANCTUM ARCHIEPISCOPUM appellat.

XV. Alphonfus Ramis Gaudan ex Augustiniana familia,
Historiæ de Imagine Beatæ Virginis Capocavanæ scriptor, de
TURIBIO agens ARCHIEPISCOPUM SANCTUM SAN-
CTÆQUE MEMORIÆ eum dicit.

XVI. P. Barnabas Cobo e Societate Jesu in Historia Limensi
nondum edita, ubi de ejus Ecclesiæ Pontificibus agens ad TU-
RIBIUM venit, pauca de ejus genere, muneribus delectu præ-
„ fatus: Obiit, *inquit*, in Oppido Sagnensium, dum Provin-
„ ciam sibi creditam recognosceret, anno 1606. x. Calend.
„ Aprilis maximâ de se sanctimonix opinione, quam vivendo
„ comparaverat relictâ. Liberalitate in pauperes maximè præ-
„ stitit. Præterea commissi sibi gregis spiritualia bona summo
„ studio diligentique curavit: Indorum præcipue gentem sum-
„ mâ caritate complectens, quos singulis diebus Dominicis ver-
„ naculâ eorum linguâ alloqui pro concione solebat.

Ibidem. XVII. Ægidius Gonzalez Abulensis Indiarum summus
p.361. Chronographus in Theatro Sanctæ Salmanticensis Ecclesiæ edito
anno 1650. Viros nomine, ac virtute claros e Collegio Sancti
Salvatoris Ovetensis profectos enumerans de TURIBIO nostro
hæc habet „ D. TURIBIUS ALPHONSUS Mogrovesus Ar-
„ chiepiscopus Limensis Vir Sanctus, de quo inter Sanctos re-
„ ferendo nunc agitur.

Ibidem. XVIII. Hippolytus Marraccius consanguinitatis mihi summæ
p.355. conjunctione adstrictus, Religiosa quoque vitæ institutis iisdem
mecum utens, libelli quem nuperrimè de *D. Virgine Capocavana*
Romæ edidit cap. 20. ubi de ejusdem Virginis effigie, atque ædicu-
la apud Limam nostri Præfulis tempore impiis ausis dissipata, ver-
„ ba fecisset. Audiit (*inquit*) quæ gesta fuerant Sanctus ille Ar-
„ chiepiscopus Limanus TURIBIUS ALPHONSUS Mogrovesus, Vir to-
„ tus ex pietate ac caritate factus, & signis, & virtutibus admi-
„ randus, qui a Divina Providentia hoc nostro sæculo datus vi-
„ de-

„ detur, ut antiquorum Prælatorum imaginem, quorum memo-
 „ ria est omni laude major, moribus, ac vitæ ratione delinearet.
Et libro de Antistitibus Marianis c. xxi. & xxix. Antistitem laudatif-
 „ simum, Virum Angelicarum Virtutum æmulum, & charismatum,
 „ Apostolicorum hæredem copiosum, qui creditam sibi Ecclesiam
 „ omni cum Pontificalis virtutis laude administravit, & Epi-
 „ scopali folio manifesta æternaque inculpata vitæ, ac explora-
 „ tæ Sanctitatis vestigia impressa reliquit, appellat.
 „ X^l X. In hanc rem plura congefferat scripseratque Marrac-
 „ cius de TURIBIO Testimonia. Verùm cum fere ii omnes qui de
 „ Sancto Archiepiscopo loquuntur, eadem pene habeant afferant-
 „ que, abs re non futurum judicavimus, immo consultius duximus
 „ hic solum apponere quæ retulimus, ut brevitati studeremus.



CAPITULA

LIBRI PRIMI.

CAP. I.	TURIBII Alphonsi Genas, Patria, Portus.	pag. 1.
II.	Puerilis educatio.	p. 2.
III.	Studia litterarum Vallisoletæ.	p. 5.
IV.	Pustula in lava manu sanitatem Deipara Virginis operâ implorata, consequitur.	p. 6.
V.	Jurisprudentia lauream cum pudicitia palma adeptur.	p. 7.
VI.	Salmanticam migrat. Emeritus renunciatur; quale in ea dignitate ejus vivendi genus.	p. 8.
VII.	Peregrinatio Compostellana.	p. 9.
VIII.	Fidei Quæstor Apostolicus apud Granatenses eligitur.	p. 10.
IX.	Archiepiscopus Limensis designatur.	p. 11.
X.	Sacerdotio initiatus, Regi Catholico gratiis actis, Patria ac suis valedicto, in Indiam navigat.	p. 12.
XI.	Duplici periculo, adversâ navigatione, bellisque marinis, eripitur.	p. 13.
XII.	Limam petit, ubi honestissimè excipitur.	p. 14.
XIII.	Orbis Lima, ac Provincia qua natura, & amplitudo.	p. 15.
XIV.	Ad Sacerdotalia Comitia Provinciam cogit.	p. 18.
XV.	Actio in Prasalem Cusquensem TURIBII operâ a Concilio ad Romani Pontificis judicium rejicitur.	p. 19.
XVI.	Ad stipulatio Sedis Apostolica, ac de ipsius Concilii promulgatione, atque usu pauca.	p. 22.
XVII.	Ephebinum, seu Seminarium TURIBIUS extruendam curat.	p. 23.
XVIII.	A Prælege turba, ac litam femina	p. 25.
XIX.	Unde inter Antistitem ac Regium Prasectum similitudinis origo.	p. 25.
XX.	In Insensia Pontificis Regius Prasectus deservit: factum equanimiter a TURIBIO fertur, a Rege improbat.	p. 27.
XXI.	Accusatur TURIBIUS quoddam adversus Regiam jurisdictionem quadam moliri ausus fuisset.	p. 29.
XXII.	Iterum calumniis appetitur TURIBIUS se purgare cogitur.	p. 30.
XXIII.	Joanni Hortizio Zaratenfis sacri Juris violatori Divinis mysteriis TURIBIUS interdicat.	p. 32.
XXIV.	D. Virginis Capocavanensis Imago coruscare miraculis incipit.	p. 34.
XXV.	Duplex heretico homini salutis beneficiū Virgo impertitur.	p. 34.
XXVI.	Transfertur eadem Imago a TURIBIO in Urbem, & magni-	gni-

	<i>gustico extracto Sacello collocatur.</i>	P. 35.
XXVII.	<i>Duo in Urbe Asceteria a fundamentis TURIBUS ad- ficanda curat.</i>	P. 36.
XXVIII.	<i>Auli divinitus TURIBUS census.</i>	P. 37.
XXIX.	<i>Divinam Fidem devio cuidam TURIBUS meritis interpo- sitis imploranti mirum in modum succurritur.</i>	P. 38.
XXX.	<i>Gravi morbo laborantem sanat.</i>	P. 39.
XXXI.	<i>Extinctam Puellulam vita restituit.</i>	P. 40.
XXXII.	<i>Insigne Liberalitatis exemplum.</i>	P. 40.
XXXIII.	<i>Inexpiabiles inter duos Equites inimicitias conciliat.</i>	P. 42.
XXXIV.	<i>Singularia in agro caritatis exempla.</i>	P. 43.

C A P I T U L U M LIBRI SECUNDI.

CAP. I.	<i>Plura a TURIBUS Alphonso in Provincia gesta desiderari.</i>	pag. 47.
II.	<i>Diocesim TURIBUS invisere instituit.</i>	P. 48.
III.	<i>Secundam Provinciam obis.</i>	P. 49.
IV.	<i>Tertiam professionem aggreditur.</i>	P. 50.
V.	<i>Agendi ratio per Provinciam.</i>	P. 51.
VI.	<i>Truxillum veniens Joannem Roblensem molestissimam Ha- morrobidum agitudine sanat.</i>	P. 53.
VII.	<i>Auditus divinum officium alternis recitare cum San- ctis Celibibus.</i>	P. 53.
VIII.	<i>Cruentis corpus suum flagellis dilacerat.</i>	P. 54.
IX.	<i>Ad loca editiora, atque asperiora progreditur.</i>	P. 55.
X.	<i>Cacique ad TURIBUS veniens in rebus Fidei institui petit. Ejusdem ad alia loca progressio.</i>	P. 56.
XI.	<i>Multis & gravissimis casibus mirabiliter evadit.</i>	P. 57.
XII.	<i>In quam plurima pericula incurrit, nullius avertitur.</i>	P. 61.
XIII.	<i>Incommoda itinerum varia, ac laboriosissima summam ala- critate & subit, & contemnit.</i>	P. 66.
XIV.	<i>Aqua suis precibus a Deo impetrata, quo beneficio In- colis aquarum penuriam laborantibus prospicit.</i>	P. 70.
XV.	<i>Aquarum salubritas fontibus a TURIBUS restituitur.</i>	P. 71.
XVI.	<i>Frequenti fulmine tangi solitas Urbes eo incommodo liberat.</i>	P. 72.
XVII.	<i>Joannem Gutierrezum a bestia liberat.</i>	P. 73.
XVIII.	<i>Pueros in vita servat, a morte revocat.</i>	P. 74.
XIX.	<i>Caciche sanguinis fluxu perituro fert opem.</i>	P. 75.
XX.	<i>Surdus, & mutus a TURIBUS interrogatus audit, & loquitur.</i>	P. 76.
XXI.	<i>De puero non dum baptizato pradicat Servus Dei.</i>	P. 77.
XXII.	<i>Fa-</i>	

- XXII. *Fœminam Fidem semel Christianam solemnî ritu professam, Sacramentum iterare volentem agnoscit, ac manifestat.* p. 77.
- XXIII. *Diœcesanam Synodum habet.* p. 78.
- XXIV. *Futuram seneritatem prædicit.* p. 79.
- XXV. *Adolescenti Sacerdotium prædicit, & animarum Præsecuram.* p. 79.
- XXVI. *Panis ad rem divinam ex longinquo petitus non sine prodigio celeritatis opportuno tempore usi prædixerat.* p. 80.
- XXVII. *Hominem in asperrima solitudine vitæ defungi indicio ignis nocturni præagis, & opem fert.* p. 81.
- XXVIII. *Ad gentes Christiano nomini infestas Fidei lumen insert.* p. 82.
- XXIX. *Fœmina in partu extremum laboranti præsto est.* p. 83.
- XXX. *Alia alibi præclarè gesta.* p. 84.
- XXXI. *Pestilentia in Urbe Regum eo absente grassante, quemadmodum se gesserit.* p. 94.
- XXXII. *Adversus Regium Præfectum Jus sacrum tuetur.* p. 94.
- XXXIII. *Adversus Alphonsum Alvaredum sacrorum Jurum violatorem, Ecclesiæ, ac pauperum causam strenuè defendit.* p. 95.
- XXXIV. *Romanorum Pontificum litteris, laudibus, ac singularibus privilegiis exornatur.* p. 96.
- XXXV. *Frequentibus ipse litteris de rebus a se in Provincia gestis Romanos Pontifices certiores facit, & qua cum modestia.* p. 99.

C A P I T A LIBRI TERTII.

- CAP. I. *Severioris vitæ disciplina, & corporis afflictationes.* p. 101.
- II. *Modestia, & Humilitas.* p. 109.
- III. *TURIBI in Paupertatem amor.* p. 118.
- IV. *Ejusdem Liberalitas.* p. 122.
- V. *Liberalitas in his, quæ ad Religionem, & res sacras spectant.* p. 124.
- VI. *Liberalitas in iis quæ ad Rêpublicam, & miseros generatim.* p. 126.
- VII. *In miseros quosque singillatim Liberalitas.* p. 128.
- VIII. *Caritas erga Proximos.* p. 133.
- IX. *A muneribus accipiendis TURIBIUS prorsus alienus.* p. 145.
- X. *Incorrupta in Jure dicundo Justitia.* p. 148.
- XI. *In Jure Ecclesiastico, dignitateque propugnanda ineluctabilis animi sortitudo.* p. 150.
- XII. *Prudentia.* p. 153.
- XIII. *Pro-*

XIII. <i>Providentia.</i>	p.156.
XIV. <i>Futurorum eventuum prasagitis.</i>	p.157.
XV. <i>Linguarum genera.</i>	p.160.
XVI. <i>Fides.</i>	p.161.
XVII. <i>Fiducia seu Spes.</i>	p.164.
XVIII. <i>Caritas Divina.</i>	p.166.
XIX. <i>In Virginem Dei Genitricem TURIBIANA pietas.</i>	p.169.
XX. <i>Corporis, atque Animę Virginalis integritas.</i>	p.171.

C A P I T A LIBRI QUARTI.

CAP. I. <i>Proxima mortis sue conscius TURIBIUS agrotare incipit.</i>	pag. 175.
II. <i>Pretiosa TURIBII Mors.</i>	p.178.
III. <i>Prodigia mortem consecuta ac funus.</i>	p.179.
IV. <i>Limam TURIBII corpus honorificè transfertur.</i>	p.181.
V. <i>TURIBIANÆ Sanctitatis summa ubique opinio.</i>	p.183.
VI. <i>TURIBIANI corporis admiranda.</i>	p.184.
VII. <i>Mulierem a sanguinis fluxu sanat.</i>	p.186.
VIII. <i>Santa fluminis dum TURIBII corpus transvehitur mira diminutio ac mora.</i>	p.186.
IX. <i>Pueris egrosantibus a TURIBII corpore mira sanitas.</i>	p.187.
X. <i>Puella incolumitas restituta.</i>	p.189.
XI. <i>Multiplex a TURIBII aspectu remedium.</i>	p.189.
XII. <i>Alia eggra, & capite dolens quomodo curata a TURIBIO fuerit.</i>	p.190.
XIII. <i>Maura mulier ad TURIBII corpus p̄d orans vehementem febrim discussit.</i>	p.191.
XIV. <i>Ludovico Cordubensi, & Francisca Biveria conjugibus ad extremum agrotantibus a TURIBIO suppetia, & salus.</i>	p.192.
XV. <i>Puerpera TURIBII chirographum salutare gemino mira- culo experitur.</i>	p.193.
XVI. <i>Res amissæ ad TURIBII invocationem recuperantur.</i>	p.194.
XVII. <i>Corporis & stature TURIBII Alphonsi descriptio.</i>	p.195.
XVIII. <i>De miraculis a TURIBIO patratis postquam Beatorum Fastis adscriptus est.</i>	p.195.



V I T Æ
S. TVRIBII ALPHONSI
MOGROBESII
LIMENSIS ARCHIEPISCOPI.

LIBER PRIMUS.

CAPUT PRIMUM.

Turibii Alphonsi Genus, Patria, Parentes.

I.



URIBIUS Alphonsus Mogrobesius, aliis Mogrovecchius, Mogrovesius, Mogrobesus, Hispanus in Oppido Majorga in Montanis, quæ de Lievana vocant, Diocesis Legionensis, eodem quo S. Carolus Borromeus, cui in multis a cæteris Vitæ Scriptoribus meritò comparatur, Aronæ in Insubribus Galliæ Cisalpinæ natus est anno Christi-

no MDXXXVIII. diem, aut mensem nondum memoriæ proditum inveni. Illud in aperto est iisdem cum illo optimis sanctitatis auspiciis eandem vitæ rationem initurus, eadem studia,

A

parem

parem vel majorem provinciam consecuturus. Dixeris Christianos geminos cœlesti beneficio pariter exortos, illum, ut Europæo, nostrum, ut Americano Orbi virtutum radiis affulgerent. Generis nobilitas, etsi utrique clarissima, adeo tamen ab utroque superata est, ut pretium potius acceperit ipsa quàm dederit. Ne fortunæ commoda commemorem, quæ amplissima fuisse satis constat, illud in causa est, quod non sine injuria ea a me commendari posse existimo, quæ ille tanquam omnium vilissima semper contempsit. Paucis talia percurrenda, ac potius ut illi hæc quoque ornamenta non defuisse, quàm ut inde aliquid ad ejus laudes accessisse videatur; nisi hoc fortasse unum, quia vel fortiter sprevit, vel sapientissimè administravit.

II. Parentes habuit Turibius in primis nobilissimos Aloysium Alphonsum Mogrobesium, atque Annam de Robles, & Moran de Villaquexida: alterum cùm litterarum laude sui que Oppidi Majorgæ regimine, tum pro Avorum imaginibus domi militiæque æternam apud Posteris memoriam promeritorum, insigniter præcellentem: alteram tali Viro a morum singulari bonitate generisque æquali splendore optimè instructam, nec sine Deo auctore copulatam. Hanc Mogrovesæ Domus claritudinem pluribus aliis, ego paucis perstringam, Gregorii Arzæ Hispalensis Viri doctrinæ eminentis, muneribusque obitis clari, testimonio contentus, omnium enim ille, hanc veteris Castellæ familiarum nobilissimam esse affirmat, ex qua longâ serie homines omni semper disciplinarum genere florentissimi prodierunt, quorum operâ, cùm propter præcellentem inter cæteros Hispani nominis ingenuitatem, tum propter eximiam spectatamque Christianæ Religionis, ac virtutum cunstarum facultatem, Ferdinandus atque Isabella aliique Catholici Reges plurimum usi fuerunt. Illud quoque summæ nobilitatis argumentum certissimum, quod & ipse Turibius inter Alumnos Collegii Ovetensis, & in Ordinibus Equitum nobilissimorum ipsius Nepotes, summâ omnium voluntate adscribi potuerint. humili enim, atque obscuro loca natis, nullus inter hos locus concedi solet.

N O T Æ

Marraccium latuit dies Natalis Turibii, cum ex Nicœsellio, & Haroldo constet Turibium natum xvi. Kalendas Decembris An. 1538.

CA-

Puerilis Educatio.

I. **T**ALI igitur loco nato, Parentum neque cura, neque diligentia, quæ in educandis, fingendisque ad virtutem liberis maxima adhiberi debet, TURBATIO defuit; ut enim erant uterque virtutum, ac pietatis amantissimi, sic ne qua institutionis neglectu, si fieri posset, labe primus ille candor, quem è sacro fonte retulerat corrumpetur, omni studio sibi contendendum existimabant. Pietatem proinde, vivendique optime, ac liberaliter disciplinam fuxit hic noster non minus maternis ab uberibus, quàm ab exemplis. Tredecim circiter annos, quàm domo, & solo natus erat traduxit, quo tempore in elementis Christianæ, ac litterariæ eruditionis addiscendis, ita totus erat, ut puerilibus curis, aut parum relinqueretur, aut nihil. Si quid interdum otii foret, in extruendis, exornandisque parvis altari-bus, sacri ritus, jam tum ac cæremoniarum emulator, quòd & de S. Carolo, aliisque insignibus Sanctitate Viris memoriæ pro-ditum est, illud præcipuè collocabat. Nemo adeo nil videbat, ut surgentia futuræ Virtutis semina, in ipsius pene infantia con-finio non suspiceret, Prudentiam ætate majorem, Pietatem re-ligioso Viro dignam, modestiam incredibilem, mores omnes adamussim probitatis exactos; cereum denique in omnem vir-tutem flecti, æreum in vitia pueri, atque ineluctabile ingenium. Utinam ut omnes suspicere potuere, sic aliquis ab oblivione ea vindicasset, effecissetque ut dici a nobis, ac legi possent. Sed quanquam in tabulis omnino desiderantur ex iis tamen quæ sub-secuta sunt, qualis exordii illius dignitas fuerit, con-jicere animo non temere licet.

II. Etenim cum apud omnes ea constantissima semper opi-nio fuisse videatur, quæ omnem TURBATIONIS ætatem a quavis vel non gravissima liberat noxa, quis dubitet eum sibi similem sem-per fuisse, magisque ætate firmiores fecisse virtutes quamplures. Quàm lubrica res adolescentia, quàm ruinis obnoxia, nisi præ-ter severioris institutionis præcepta, singulari cælestis gratiæ prærogativâ, singulari virtutis munimento, singulari morum probitate firmetur! Per hoc certè lubricum citra offensam ne-que TURBATUS noster progredi potuisset, si illi hæc adminicula,

4
line quibus nulla innocentia consistere potest, defuissent. Eadem proinde opinari de hac ejus ætate oportet, quæ de paucis, quos Deus singulari amore dilexit, atque benedictionibus dulcedinis ita prævenit, ut per omnem deinde vitam incontaminatè supra humanæ naturæ morem gererent sese. Credibile quippe est jam tum ex præscripto vel parentum, vel alicujus probissimi prudentissimique Viri didicisse ea quæ ad sanctitatem faciliorem viam ipsi sternerent: jam tum intra certa temporum intervalla omnes vitæ partes, atque actus ita inclusisse, ut ne momentum quidem liberè relinqueretur, jam tum quâ ratione accuratissimè Conditori suo deserviret, quâ Divinis commentationibus, precibusque summâ contentione vacaret, quibus officiis parentibus, quibus majoribus natu, quibus cæteris omnibus cumulatisimè, atque ex christiana institutione satisfaceret: quo loco & æstimatione cælestia & æterna, quo fluxa hæc terrenaque habenda, quâ vi pravus quibusque cupiditatibus obluendum, quo studio virtus excolenda, quibus artibus humanos affectus regeret, probè diligenterque percepisse.

III. Occurrit hîc, in aliis Scriptoribus TURANÆ gesta perconsentibus, exemplum haud vulgare Marracci ætate vel adhuc tenebris obrutum, ut puto, vel ab ipso tacitè præteritum, quod certè negligendum non est.

Nicofel-
sius lib. I.
cap. I. p.
4. Harol-
dus c. 2.
p. 13. &
alii

IV. Vix ille decimum ætatis suæ annum exegerat, cum ab adolescentibus suis æqualibus excitatus ut cum iis plateam adiret pueriles quosdam ludos visurus, obstitit primò dein eorum precibus devictus, annuit. Contigit ut cista, puerorum malitiâ vel casu, pomis onusta, quam venundatum mulier quædam exposuerat, inverteretur, e quibus nonnulla pueri ipsi subripuerunt. Tunc illa in iras exarsit, linguamque maledictis & conviciis in ipsos exolvit, atque, ut dici mos est, fas omne abruptit. Exhorruit ad hæc TURANUS, ægrè que ferens Deum injuriâ tam gravi lædi, vesanam mulierem ut conquireret rogat & obtestatur, nimiam illius iram Christianæ professioni absonam ostendens: quâ quidem piâ lenitate, mulierem ad mitius agendum revocat, ille tam pretio, quod alacriter spondit, pro damno illi a pueris illato, se soluturum. Illa a TURANO liberalitate mitigata iras posuit. Mox puer Genitricem adit, ad ipsius pedes provolvitur, rei gestæ seriem brevi exponit, & ab ea pecuniam petit quam illi pollicitus fuerat. Cui Mater *hujus ne culpa reus*
id a

5
id a me petis? Potius fame emori, inquit TURIBUS, paratus sum, quam noxam hanc perpetrare, Deoque displicere. Admirata tunc tantam, Filii religionem, pecuniam quam ab ea postulaverat largita est; eaque a TURIBIO mulieri traditâ, ne deinceps se tam facile abripi iracundiâ sineret, seriò admonuit, id consecutus hâc humanitate, ut Mulier ad se rediens tantam virtutem suspiciens se comperceret. In pietatem excolendam intentus sacra templa frequenter adibat, xenodochia invisebat, atque alia pia opera exercebat, abdicatâ omnino adolescentium sodalitate, qui eadem aut sentire, aut agere recusarent.

C A P U T III.

Studia litterarum Vallisoleti!

I. **H**Is ornamentis intra domesticos parietes instructus, liberalium disciplinarum causâ ad Vallisoletanam Academiam, parentum jussu, proficiscitur, ut cui nascendi fors secunda ad paternas fortunas aditum clauferat, ingenii ac litterarum culturâ jam tum inciperet sibi viam potiore ad hæreditatem moliri: possetque cum sacro Vate gloriari felicius: *Dominus pars hereditatis meæ.* Eò igitur profectus, sui que juris quodammodo factus tantum abfuit, ut de disciplina, quâ domi paternæ eruditus fuerat, aliquid remitteret, ut potius arctiorem, severioremque institueret vivendi rationem, illud ratus, verè jure suo uti esse nullius malæ cupiditatis imperium pati, omnibus tandem imperare. Nihil ei antiquius fuit, quàm ut illius ætatis ludos, illecebras, necessitudines procul haberet. Si quando tamen, ne in rusticitatis confinia dilabi videretur, hujusmodi uti opus fuisset, ita parçè modesteque solebat, inexactâ ad virtutis scopum, Deumque ipsum intentione, ut nec litterariæ rei, neque pietatis consuetis officiis quidquâ detrahi pateretur. Exempla non ab antiquiori, sed ab optimo quoque optima accipiebat, non optimis etiam dabat. Hinc bonorum in se studia conciliaverat, improborum reverentiam, ne eo vidente quidquam auderent, contra modestiam facere, aut loqui. Si cujus consuetudine tutissimè uti se posse non videret, nec aut corruptos mores, aut ingenii pravitatem emendari a se rectè monendo consideret, cautè fugiendo sibi ipsi consulebat, ne contagio prævæ consue-

tudinis afflaretur . Neminem verò familiarius adhibere consueverat nisi a quo cum doctrinæ incitamentis vitæ probatissimæ exempla habere posset . Ductore in rebus pietatis certo cui omnino pareret, cuique animi sui rationes omnes referret, latebras aperiret, per id saltem tempus non caruisse, certo certius existimo . Subsecivas verò horas, & quas humanioribus litteris negare licebat, Christianæ humanitatis officiis libentius impendebat, ægrotis publicis valetudinariis inserviendo, adoratum sacras ædes adeundo, aliaque huiusmodi pietatis officia excolebat . Hominum frequentiam, & conventus fugiebat, qui religionis ac pietatis studio sacris in ædibus non haberentur, ubi cum intererat, adeo in iis que circa Divinum cultum peragebantur, totus erat, ut alia omnia oblitus videretur . Pauperes omni studio, ac benevolentia jam tum completi, quibus, ut opem ferret, cum alia ratione non posset, ciborum sibi portionem adimebat, quam illis impertiretur; quamobrem ELEMOSINARIUM nomen sibi comparare ibi primum cœpit .

C A P U T IV.

*Pustula in leva manu sanitatem Deiparæ Virginis
ope imploratâ, consequitur .*

Herrera
l. i. c. III.
pag. 7.

I. **I**NTER hæc, caruncula in sinistra manu in folliculi similitudinem excrescens, non mediocrem juveni in dies, & molem, & molestiam creabat . Doloris acerbitate; quantum ne ea quidem contemnenda, minimum movebatur, nec de membri vitio præcipuus labor, Sacerdotii sibi spem ita intercipi gravius ille ferebat . Medicæ primum Artis remedia expertus, ubi nullam sibi opem asferre posse cognovit, ad celestia mox animum contulit . Est apud Vallisoletum Deiparæ Virginis Imago, cui a Sacratio nomen, in Basilica Divo Benedicte dicata, maximâ omnium pietate culta, beneficiorumque famâ percelebris . Ad hanc, opem ægritudini suæ ut impetraret, TURIBUS venit, ibique multis precibus Dei Genitricem, cujus effigiem jam multo ante in oculis, ac pectore nunquam non habuerat defixam, oravit, ut quod hætenus Medicorum artem latebat, ab ipsâ remedium daretur . Ad hæc rem divinam ad ipsius aram peragi curat, ac Eucharisticum panem recipit, tum
agræ

ægræ corporis parti frequentiori pollicis ductu , Crucis imprim-
mit signum , atque oculos , atque animum interea a Diva ipsa
liberatrice non tollit , quâ statim benignè annuente , ecce sen-
sim tumor decrescere , remittere doloris vis pariterque cum
precibus omnino finire . Quas porro gratias pro tali beneficio
Divinæ Virgini professus fuerit piissimus adolescens commemo-
rare , ut esset longum , ita difficillimum .

Ibidem.
Pag. 8.

C A P U T V.

Jurisprudentiæ Lauream cum Pudicitia palma adeptus.

I. **I**LLIC verò blandiori quidem malo ; sed pestilentiori
tentatus fuit . Erant inter Commilitones nonnulli ad
speciem sanè frugi , ac modesti , cæterum corruptâ profligatâ-
que omnium vitiorum sorde adolescentiâ , quorum alii neces-
situdine , alii etiam propinquitate generis , quâ illi conjunge-
bantur , abusi , honestissimo juveni , nihil in eis fraudis , qui ani-
mi candor erat ingenui , nihil inquam , fraudis suspicanti , pe-
stem iidem , malè feriatu moliri ausi sunt . Hos ea vivendi ratio
ab omnibus voluptatum illecebris aliena , modestiæ , ac severi-
tatis gravissimis legibus temperata , jamdudum non delectabat ;
cohiberi enim se veluti quodam fræno sibi videbantur , ne quid
coram in consuetudinem citra fas auderent aut facere , aut lo-
qui . Hinc ejus sanctitati infensi ; illius evertendæ , in commune
aliquando consilium cepere . Projecti igitur pudoris muliercu-
lam , flagitium nefarium ac detestabile ! nequitiarum omnium
artificem , cultu , vultu , verborum lenociniis incendere , quæ
posset pretio conductam , in cubiculo ejus constituunt . Actum
de innocentissimi juvenis candore videri poterat . Rei exitus
cupidissimè expectabatur ab iis , qui adolescentis innocentiam
eidem objecerant lancinandam , perditissimis adolescentibus .
At res , ab expectato , exitum longè habuit diversum . TURBIO
ubi Domum regressus , sceminam suo in cubiculo solum conspe-
xit . ut toto animo , & corpore contremuit , periculi gravitate
perterritus , ita indignatione magis , quàm concupiscentiâ in-
flammatus , titionem ab igne raptum cum D. Thoma Aquina-
te , cujus res similis agebatur , arripuit , quo illam fugaret .
Acerrimæ sanè increpationi non pepercit , nec temperaturus
erat

Cap. 11.
Pag. 7.

erat verberibus, nisi illa inde maturius cum pudore, si quis tamen pudor in illa fronte habere locum potuit, suisque cum lenociniis aufugere properasset. Virginitatem omni tempore quam attentissimè conservans sibi cavebat, ne qua vel minima labe illa foedaretur.

II. Ab hac porro palma ad Jurisprudentiæ lauream facilè feliciterque pervenit, quam quidem humaniorum jam Musarum leporibus, ac Philosophiæ studiis apprimè instructus, summâ omnium voluptate adeptus est, tantoque in ea facultate progressu, ut non ab homine Magistro, sed ab ipso Deo videretur edoctus.

C A P U T VI.

Salmanticam migrat. Emeritus renunciatur; quale in ea dignitate ejus vivendi genus.

Cap. xv.
pag. 8.

I. **T**URIBI Pater accepto de filio inter Doctores adscripto nuncio non mediocriter gavisus est, opinione & spe adductus amplioris profectus, si Turibius in celebriori Athenæo, ingenii doctrinæque suæ specimen daret; deposito Vallisoleti tyrocinio, Salmanticam proficisci jubet, ut in Ovetensi Collegio famâ toto Orbe Terrarum celeberrimo reliquum Jurisprudentiæ cursum, Joanne Mogroveso patruo, homine in primis ejus Academiæ doctissimo, summisque honorum gradibus præclarissimè functo, Doctore ac Duce, conficeret. Tali loco, tali Institutore nobile illud Jurisprudentiæ trophæum, ut summi Viri verbis utar, brevi erexit, quo postea in Magistratu, ac Præfectura optimè administranda, mirificè excellere visus. Annum quippe agebat trigessimum primum, cum Pintia Salmanticam venit, eodemque die, quo Collega esse cæpit, summo omnium judicio, ac favore, maximo doctissimorum Virorum conventu, ac frequentiâ, inter clarissimi nominis Antagonistas, Joannem Pinedam, quo viro Societas Jesu nobiliter deinde floruit, & Franciscum de Contreras hominem in paucis, & doctrinâ, & morum integritate, & gloriâ honestissimorum munerum spectatum, Collegarum Ovetensium clamyde gristâ, ac sedimiculo cyaneo post humeros re-

9
jesto, quod honoris summum genus est, dignissimâ ornari me-
ruit. Plurima, quæ hîc laudabiliter egit, quia nemo tradidit
ignoramus: ad superioris tamen, & consequentis vitæ rationes
omnia exegisse quis dubitet? Equidem, ut in ætate, ita in omni
virtutum studio, stadioque magnis itineribus semper processisse
putaverim: uti sol qui crescit usque ad perfectum diem.

11. Didacus de Corduba auctor est TURIBIUM ALPHONSUM
eodem tempore, quo animum hîc Juris utriusque laboriosâ
contentione exercebat corpori suo ita nihil indulgisse, ut potius
ne ob inediam voluntariam deficeret, ac nimis vitam afflicta-
tionibus opprimeret, pallorem enim in vultu, atque imbecilli-
tatem virium ferè deplorandam contraxerat, moderatore
opus habuerit, qui eam severitate temperaret. Hinc addu- Ibidem.
ctum Didacum Monreal Collegii rebus Præfectum Francisco p. 9.
Contreræ, quo TURIBIUS familiarius uti consueverat, id negotii
dedisse, ut ei scilicet, auctor esset, ne se eâ vivendi ratione pe-
rimeret; indulgentius secum ageret, mitiorem adversus cor-
pusculum animum indueret. His conveniunt, quæ Gregorius
Arce Hispalensis, Vir omni doctrinarum genere consummatissi-
mus ex eadem Salmanticensi Academia, Relatoris munus in
Limenâ deinde Cancellaria consecutus, pro testimonio dixit
TURIBII; quo tempore litterariæ clamydis honore, de quo
paulo superius memoravi, præfulsit, non solum virtutis, doctri-
næ, Sanctimonix laudem celebrari quotidianis sermonibus con-
suevisse, sed & severiorem ipsius vitæ institutionem adeo per-
crebuisse apud omnes, ut de eo tanquam de Viro singulari jam
sanctimoniâ prædico, nemo non dignissimè loqueretur.

C A P U T VII.

Peregrinatio Compostellanâ.

I. **P**ER id tempus, scholastico iustitio indicto, quo tem- Cap. v.
p. 10.
pore cæteris Jurisprudentiæ Candidatis in amœnos
agros, relaxandi animi causâ, dilabi mos est, Compostellam
TURIBIUS ad Sanctissimi Apostoli sepulchrum proficisci statuit;
quam quidem peregrinationem, quæ amplius CC. millium
spatio distat, nec equo, nec calceamentis utens pedibus suis
iusque nudis, villiorique habitu contactus conficere voluit; uno

B

tan-

tantum, ut conjicere est, Francisco Contreras, Viro, & morum similitudine, & amicitiae artissimo vinculo sibi conjuncto conficio, ac comite. Ubi verò ad locum, quò tendebatur, perventum, in ipso Templi Compostellani ingressu Muliercula genere Aethiops reperta est quæ egenos eos rata (cultus rudis, & attritior; pes pulvere tantum cœnoque cothurnatus fidem fecerat) æreo nummo minimi pretii egestatem commiserata, donavit. Nec recusavit, aut sprexit TURIBIUS mendico homine dignum munus: at mox collaudata, in re tenui, inestimabili munificentia, gratiisque pro affectu pluribus actis, eidem, quæ dederat æs restituit; faustissima quæque a Deo Opt. Max. illi apprecatus. At Mulier levitatem sui muneris contemni opinata, gravius inde commoveri, causarique fortunæ suæ conditionem, sibi in eo iniquam, quod majora ab ea non obtinisset quæ daret: adesse tamen proprius herum suum hominem nobilem, ac divitem, a quo plura si peterent, possent, & sperare, & accipere. Quam animi liberalitatem in muliere Serva summo opere admiratus TURIBIUS ALPHONSUS, postquam suspicione contemptus fœminam liberavit, ita pectori suo consignavit, ita inter immortalis grati animi debita retulit, ut ejus deinceps nullo unquam tempore oblivisci potuerit. Nec tantum commemoratione frequenti factum laudare, sed & cum Sacerdos rem Divinam privatim primus fecit, & cum Episcopus deinde solemniori ritu, quoties denique ad aram accederet, præcesse Deo funderet; mulierculam illam non ultimo loco, sed inter carillima commendandam proponere sibi consuevit. Sacra hac peregrinatione absolutâ, Salmanticam iterum rediit.

Ibidem
p. II.

C A P U T VIII.

Fidei Quæsitore Apostolicus apud Granatenses eligitur.

I. **A**PUD Granatenses Fidei Quæsitore Apostolici munus obuisse omnes tradunt, habeturque in Ovetensis Collegii publicis monumentis non obscurè. At si Bonaventuræ Salinas Viro Religioso, neque enim alterius testimonio res confirmatur, fidem habemus, etiam antequam in Collegium adscisceretur, cum Magistratu, in rebus ad fidem Catholicam pertinentibus, Hispali aliquandiu fuerat. Annus tunc Christianus agebatur mil-

millesimus quingentesimus septuagesimus quintus, cum ad eam Provinciam regendam Salmantica discessit. Ea verò prudentiæ, fidei, diligentia laude administravit per quinquennium, ut & omnibus in admiratione esset, & ampliori non impar judicaretur. Magistratus, ut severitatem retinuit, ita animi sui lenitatem exuit nunquam. Criminum vindex sanè perquam acerrimus, at in eisdem minime immisericors pater. Porro quàm inculpate, sanctèque judicia, totumque illud fidei conservandæ munus obierit, tunc ab omnibus sine dubio perspicitur, cum controversis inter Ordines excitatis, Cancellariæ Præses ex supremo Fidei Magistratu impetravit, ut Cognitor Collegio, singulisque ejus Judicibus daretur. Id cum factum, postquam diligentissimè cuncta pervidit, atque cognovit, nihil ex omnibus incorruptum, nullius administrationem integram, & probatam, præter unius TURIBII ALPHONSI pronunciavit; quomobrem cæteris omnibus rejectis, unus ipse retentus est in ordine Judicum: in quo quidem non illi tantum gradus ab imo ad summum, sed & in mentibus hominum, ea accessio opinionis facta est, ut ab omnibus suspiceretur colereturque tanquam virtutis clarissimum sydus.

C A P U T IX.

Archiepiscopus Limensis designatur.

I. **J**AM vero tempus erat, ut ad Christiani nominis claritudinem TURIBII virtus, celsiori collocata fastigio, emicaret. Morte sublato Urbis Regum Antistite, de successore sufficiendo frequentissimis Indiarum Comitibus seriò agebatur. Ea enim Urbs Peruntini Regni Metropolis est, vulgò Lima. Didacus quippe Gomez de la Madriz Successor designatus quidem antea fuerat, sed mox Pacensi Ecclesiæ præesse jussus, integram Provinciam illam alteri relinquere cobeatur. Nec tam gravis muneris onus, nisi viro qui virtute ac doctrinâ dignè illud sustineret, demandandum. Aderat in consilio TURIBII ALPHONSI dudum Collega, deinde Auditor in Boeticis, postremo Regius Consiliarius Didacus Zuniga Vir emeritus, genere prudentiæque florentissimus. Hic cui Collegæ carissimi, dignissimique probitas intimè perspecta, cum cæteris omnibus præferendum censuit.

Cap. vii.

P. 14.

IL Philippus hujus nominis Secundus rerum tunc temporis potiebatur Hispaniarum Summus Monarcha, non illum Viri virtus, non singularis doctrina latebat, quam ubi præferri intellexit, Consiliariorum suorum judicium suo lubenter comprobavit. Quibus Turibus auditis, quæ ejus erat modestia, excusare virium suarum tenuitatem, delatosque a Rege honores, cum gratiis ad deferentem remittere. Rex non ex contemptu profectam, sed ex virtute repulsam admiratus, tres ei ad deliberandum menses concessit: sperans interea pervinci necessariorum precibus posse, ut susciperet munus. Nec sua quidem spes illum sefellit: nam licet ægre admodum, ac difficiliter, communibus tamen Collegarum vocibus, amicorum consiliis, propinquorum ac fratrum precibus, rationibus, suasionibusque expugnatus, oneri quod ei imponebatur, Dei voluntatem reveritus, humeros submisit. Duo tamen, inter cetera, ad Archiepiscopatum subeundum illum compulerunt. Primò quod eligeretur a Deo Pontifex tanquam Aaron, nullâ operâ suâ, nullo studio, nullâque ambitionis culpâ, a qua omnino procul aberat. Deinde quod ad labores magis pro animarum salute, Fideique apud Barbaros propagatione perferendos, quàm ad honores præclarissimi Sacerdotii sibi iter aperiretur amplissimum. His igitur manus tandem dare victas coactus ad Sacerdotalem Ordinem per suos quasi gradus ascendere opus habuit; neque enim præter tonsuram, & sacram vestem quidquam aliud habebat, quo inter Dei ministros rite adscisceretur. Adeo nunquam animum induxerat ad Ecclesiastica emolumenta, aut dignitates, in suum familiæ splendorem, aut compendium iter moliri.

C A P U T X.

Sacerdotio initiatus, Regi Catholico gratiis actis, Patriâ ac suis valedicto, in Indiam navigat.

Ibidem.
p. 15.

I. **I**NTEREA dum Romæ Pontificium Diploma conscribitur, TURIBIUS Philippo Regi, ejusque Senatui pro collata dignitate gratias acturus, Madritum proficiscitur. Inde Majorgam patrum solum atque Oppidum, Matrem Viduam, Pater enim jam obierat, necessariosque sibi conjunctissimos postremò salutaturus venit. Nec diu cunctatus, Granatam

Be

Bæticorum Urbem inde revertitur, ubi quatuor diebus Dominicis, priores ad Sacerdotium gradus fecit; neque enim eodem die, etsi Archiepiscopus Joannes Mendez de Salvatierra ultro operam suam offerret, ac recusanti prope irasci videretur, initiari placuit. Reliquis mox tribus gradibus, pari moderatione per intervalla legibus statuta peractis; jamque Sacerdotio inunctus; Hispali propriis dignitatis delatæ ornamentis Christiano more inauguratur.

II. Jam maturius apparatâ profectioe, litterisque a supremo Indiarum Senatu acceptis, quibus, & ipse, utpote qui omnium Princeps ab Hispania ad illius Provinciæ administrationem navigabat, peculiaribus privilegiis ornabatur. Ut Navigio ex omni Classe lestissimo uteretur, ut servos, quos vellet, convehendi esset facultas, ut pecunias, libros, domesticum omne Instrumentum, remissis vestigalibus secum ferret, atque hujusmodi aliis simul Regulo ejus Regionis imperabatur, ut Pontificio domicilio apparatissimè instructo, honestissimè excipientem curaret, ut quæ opus ipsi forent non negligeret. Austus præterea a Rege dimidiâ reddituum parte, quos per illud Pontificium Interregnum, ab excessu nimirum Hieronymi Loayse Antistitis, Limensis Ecclesia Sacerdote suo viduata feposuerat, Anno a Partu Virginis quingentesimo octogesimo supra millesimum Marco de Aramburu Regiæ Classis Præfecto, solvit Turæius, & Atlantici Maris vastitate superatâ ad Portum de Nomine Dei nuncupatum feliciter pervenit.

C A P U T XI.

Duplici pèriculo, adversâ navigatione bellisquæ marinis, eripitur.

I. **E** Portu a Nomine Dei nuncupato inde progressus, multisque exantlatis laboribus, ad Portobellum appulit classis, ex quo loco ad Urbem de Panama, & in Oceanum Australem aperitur ingressus. Navigatione in his locis nihil incommodius. Intervallis quidem si cum cæteris conferantur, minimis, periculis verò perquam maximis confici solet; ingentes enim fossæ superandæ, quæ aquarum montanis ex jugis magnâ vi dilabentium impetu cœnosoque tumultu oppletæ, haud facile dictu est quantum trajicientibus periculum minentur,

tur, ac ferant. Inter has fossas ea, quàm Chagre appellant, TURIBIUM profecto nobis abstulisset, nisi illi crelestis manus ad fuisset. Hæc immanium ferarum, Indigenæ Caimanes vocant, ferax est, quarum vis, moles, truculentia tanta est, ut non hominum solum, sed & Taurorum, in continenti, si quos conspiciantur, viva corpora, abripiant in vadum, ibique præfocatis, profundissimæ voracitatis ingluviem faginent. Igitur hanc TURIBIUS ALPHONSUS, dum trajicit, jumento quo vehebatur minus morigero in proluentem excutitur. Nec mora, ex hujusmodi monstris duo ad prædam casu suo excitavit, quorum truci aspectu, plusquam casu cõsternatus, ubi nihil ad salutem aliud sibi superesse animadvertit, nisi, ut Dei liberatoris auxilium imploraret, piis ad eum precibus suis ita præfens expertus, ut nec mergi vadis, nec tangi belluis potuerit, seque prius in continentis esse viderit, quàm qua ratione intellexerit, se tanto in quo versabatur periculo ereptum.

C A P U T XII.

Limam petit, ubi honestissimè excipitur.

I. **H**is tandem, aliisque permultis defunctis incommodis, ac navigationis penè immensæ difficultatibus elutatus ad 1X. Calendas Junias, alterius a digressu anni ad Urbem Provinciæ suæ Sedem pervenit anno ætatis tertio supra quadragesimum. Ejus adventus summâ omnium voluntate, honore, amore exceptus est. Nihil relinquebatur, quod ad ornatum viarum, Portarum, locorumque omnium, quâ Præsul ornatissimus transiturus erat, excogitari posset. Nullius Academiæ studium, nullius Religiosæ familiæ officium defuit. Ordo omnis sacerdotalis, Equestris, omnis cum liberis multitudo, Magistratus denique omnis obviam iere. Faustræ ubique acclamationes, læti clamores exaudiebantur, dum per fora ac Regias Porticus, sub umbella incedens, ac manu Crucem sublatâ exprimens, ad suam sacram Ædem procederet. Suscepto Ecclesiæ regimine, non levibus ejus animum curis agitavit, minus felix Ecclesiæ suæ status in quo illam diu suo Pastore quo regeretur carentem, offendit. Ipsius adventu, omnia quæ antea sublapsa, in melius referri cœpta. Hic non alienum fore putaverim Ecclesiæ ejusdem dignitatem, Urbis amplitudinem,

15

nem, locorumque, & gentis naturam, ex aliorum fide, prout tanta longinquitas fert, paucis demonstrare, non parum enim cum sequentium rerum narrationi, tum TURIBIANÆ vitæ splendori, video hæc lucis allatura.

C A P U T XII.

Urbis Lima, ac Provinciæ, quæ natura & amplitudo.

I. **A** MERICÆ Australis princeps Urbs Regum. Limam, Cap. xi.
p. 18. jam omnes ferè vocant. In Valle sita est ubi olim Rimac Idolum vanissimâ superstitione colebatur. De ea Auctores alia alii vera, sista, prout in originibus ejus indagandis, studium illis, aut incuria. Is locus ubi nunc Civitas, infrequens olim. Agresti tantum multitudine atque eâ tenui, Oppidulum quatuor inde circiter milliaribus distans, nunc verò dirutum suisque ruderibus oppressum jacet, habitabatur. Cæterum antequam nostris hominibus pateret hæc Vallis, legique, ac Regi pareret Christiano, & Catholico, Ingarum Imperio obnoxia fuerat. Provinciæ universæ nomen, vetus Oppidum, ac cæterorum princeps, huic Idolum insigni fano ac superstitione ibidem olim cultum dederat Pachacamac. Is omnium Deorum Maximus, ac toti Provinciæ communis. Erant, & sui singulis locis, ac Vallibus Dii privati, & cognominis, uti huic quæ de agimis, Rimac. Causa ejus nominis ab eruditis illius Regionis ea certa traditur; quod figurâ humanâ simulacrum, voces, & responsa edere consueffet. Rimac enim iis gentibus loquax est, cui Pachacamac Idolum aliud opponeretur, Elingue nimirum ac mutum.

II. Hic igitur loci superioris sæculi decimi quinti anno quinto, ac trigésimo, ad xv. Cal. Febr. Vir ille fortissimus, atque Hispanâ nobilitate clarissimus Franciscus Pizzarrus Urbis hujus magnificentissimæ fundamenta posuit, REGUMQUE appellavit, in Caroli Quinti, & Joannæ ejusdem Matris memoriam monumentumque sempiternum, locum ad omnem vivendi usum natura commodissimum nactus. Oceano quippe ad pauca passuum millia recedens, marinis infortuniis tam, Ibidem.
p. 19. procul est, quam proxima commoditatibus. Orientem solem prohibent juga montium adeo celsa. Joanne Petro Maffejo auctore *Indicarum Historiarum lib. 2.* ut ipsos avium volatus fati-

fatigare dicantur. Latus quoque montes utrumque cœrent; amœnas ubique valles, latas agrorum planities relinquentes, ubi feraci ubertate, augendas effundit opes, cum varias, tum plurimas, frumentum, vinum, oleum fruges ad incolarum, non tantum usus, sed & mercaturas. Urbs æquo solo condita Cælo utitur sereno & saluberrimo, prospectu jucundissimo, iis omnibus abundans, quæ ad usum, honestatem, voluptatem expetuntur. Imbre, nive, tonitru, procellis caret, minutissimis tantummodo scilicidiis nonnunquam irroratur, ager tamen semper virescens, derivatis irrigatur fluminibus, quorum toto Regno plurima, ac maxima è locis editis dilabuntur. Nives ætatem ad æstivas delicias proxima juga sufficiunt. Hic ver penè perpetuum, vix brumæ, vix æstus vicissitudines sentit. Totius anni, aut constat temperies, aut gelu minimum. Urbem Limam si cinis spectes, non admodum illustrem censeas, domorum quippe fastigia, ut pluviarum, sic tectorum expertia, rudiori cespice, floreæque teguntur; Ædificia quoque non multum in sublime erecta, non artis elegantiam, operisve magnitudinem præferentia, ob magnos ac frequentes motus, quibus regio laborat. Ceterum domestica suppellex si usquam gentium, ampla, dives, invidiosa, in hac maximè Urbe. Tempia publica, ædificia, Collegia, etiam magnificentiam ostentant, è quibus pleraque, atque amplissima, quæ a Viris Religiosis obtinentur, sanctimoniâ quæ, ac doctrinis florent. Basilica, & antiquitate, & opere ceteris præstat sub Evangelistæ Joannis auspiciis Deo dedicata. Huic Paulus III. Pontifex Maximus Anno salutifero millesimo quingentesimo quadragesimo primo pridie Idus Majas Diplomate super ea re confecto, totius Regni Principatum imposuit, ac duobus post annis Hieronymum Loaysam primum omnium Antistitem præfecit. Præfecti Provinciarum, quos Proreges vocant hinc locum habent. Hinc maximi Episcoporum, quem Metropolitanum dicimus, certa Sedes.

III. Amplissima hujus ditionis confinia, longè latèque per Provincias, & ingentes, & multas se profert Præfectura; nam decem, TURBIO superstitè, numerabantur, spatiis ferè immensis terræ marisve distractæ. Ex his, quæ minimum, sexcentis passuum millibus distat. Quædam ultra duo millia quadringenta. Nunc nonnullæ, diminutâ Limensi Præfecturâ, alieni juris esse

Ibidem
p. 20.

Ibidem
p. 21.

effectæ . Antiqui fines duo millia quadringenta passuum millia circuitu amplexi . Diœcesis Quitensis confinia a parte Australi respiciebant , ab Aquilonari verò totam Quamangensem , atque Arequipensem ferè totam includebant . Hodie Provinciis Truxillensi , Arequipensi , & Quamangensi abjunctis a Flumine Santa ad Arequipensium usque , & Quamangensium fines , tota Limensium ditio protenditur . Cæterum totius Regionis mira natura , mira varietas . Littora ab Oceano in latitudinem quadraginta ferè passuum millium excurrunt . Olim frequentissimis oppidis , hodie paucis habitatur , planioribus locis non perinde salubritate celi quàm equitate soli , ad habitationem idoneis . Flatus ab Austro perpetuò spirantes , alibi graves , nimboſi , pestilentes , hic non salutis tantum incolarum , sed & serenitati conspirant , alioquin non solis ardor , non aër noxius ferri possent hoc toto tractu , præsertim pluviarum nullo beneficio . In eo Lima , Truxillum , & aliæ Urbes insignes . Ab ora maritima , colles ad sexaginta passuum millia occupant latitudinis , inter quos magnæ , ac frequentes convalles ob soli bonitatem fertilitatemque nobiles . In his Urbes , atque Oppida celebriora Arequipa , Guamanga , Cusquum , Quitum . Andes denique ejusdem ferè latitudinis succedunt . Longitudo verò earum millia passuum M M M M. esse creditur . In his Indorum major frequentia , tametsi eâ sunt asperitate , ut adiri posse vix videantur , nedum ab hominibus habitari : quo tamen auri sacra fames non iter aperuit ? Metallorum cupiditas , quibus ea juga abundant , cœlique salubrioris amor , pluribus mortalibus , sedes collocare hic persuasit . Incolunt Condomarchii , Cacapoii , Abancaii , Guamalenses , Andes , a quibus his jugis nomen , Chincacaii , Jungæ , Guamcambæ , aliæque barbarorum nationes innumere .

I V. Andium hujusmodi ordines duo , inter se æquè distantes perpetuis jugis altitudine certantes , sed sub eodem omnino axe , diversas inter se naturæ conditiones sortiti . Alter Sylvarum viridi opacitate vestitus , perenni propemodum decidentium cælo imbrium humore perfunditur , gelu expers , ac nivis , lætis pascuis , variis pecorum generibus abundans . Alter contra sterili nuditate squallens , gelu , nivibusque altissimis tegitur , nunc serenitate , nunc nubilo , nunc pluvia , nunc udo vicissim utens , nullum gramen , nulla arbor , nullum pecus , nisi fortasse immite ac ferum , aut gignit , aut nutrit . Inter hos va-

C

sta

sta arborum planities jacet, ubi Collaum Provincia sita est. Fluminibus, torrentibusque crebris, è summo defluentibus aluitur, nec exiguam partem occupat palus, quam Titiacam vocant. Haud admodum hîc tellus vbertate foelix, ad fruges, ad nemus alendum, communem cum jugis naturam sortita, pecoribus tamen aptissima est, graminum copiâ, cæli salubritate, incolarum frequentia nulli concedens. Arboribus, & frumento caret, quorum defectum sativi graminis radicibus simillimis tuberibus, quod Papas vocant, & in panes redactis compensant. Hæc de Urbe Regum, totaque Provincia satis. Jam ad Mogrobesium nostrum redeat sermo.

C A P U T XIV.

Ad Sacerdotalia Comitia Provinciam cogit.

I. **H**ANC igitur talem, ac tantam nactus Provinciam, alienissimis Reipublicæ illius temporibus Mogrobesius noster nihil habuit prius & antiquius quàm ut & vitæ exemplis inculpatæ, & optimarum legum institutis devinctam, uno quasi fidei, & Religionis vinculo, in rectum salutis iter traduceret. Principio ex omnibus, quibus præerat Provinciis suffraganeos Episcopos coire ad Concilium Limam iussit litteris ad singulos ea de re datis, quorum adventus cum propter itinerum longissima spatia maturari paucis diebus non posset, ne qua interim temporis particula, rebus suæ curæ traditis, deperiret, Provinciæ ipsius cognitionem instituit. Ubi verò Patres adesse intellexit, in Urbem regressus, nonis sextilibus, anni ab Orbe reparato millesimi quingentesimi, octogesimali secundi, die dedicationis S. Mariæ ad Nives sacrâ primum Convantum habuit.

Cap. xi.
pag. 33.

II. Hoc porro Concilium, omnium primum, ac celeberrimum iis in locis fuisse habitum, nemo est qui neget, aut dubitet. Nam etsi quo tempore Hjeronymus Loayza præfuerat, bis advocato catu nonnulla statuisset superioribus annis, quæ Conciliorum nomine ferebantur, re tamen verâ rudimenta potius, atque imagines quædam ea fuerant, quàm Concilia, quorum neutri firmitas a Romano Pontifice accessisset, alteri ne Concilii quidem facies, Interfuere è decem Provinciis subiectis, Antistites septem, tres, Popajanensis, Panamensis, Nicaraguensis desiderati; longi itineris difficultatibus prohibiti, an ægritudi-

tudine; an alia ex causa ambigitur. His comitiis interfuit pro Rege Catholico Provinciæ Præses Martinus Henriquez omnibus prudentiæ, amplitudinis, probitatisque numeris vir abso-
lutiſſimus. Interfuere tum divinarum litterarum, tum sacri
civilisq; juris prudentiâ, tum denique omni disciplinarum ge-
nere florentiſſimi, quique iis in locis, eâ tempeſtate nomen ali-
quod habebant. Nec mora, nec diligentia deſuit; quindecim
quippe penè menſes graviſſimarum rerum deliberationibus da-
ti, in quibus non ultimum locum obtinuerunt, quæ ipſemet Præ-
ſul Turibus in ſuo ad Clementem VIII. Pont. Max. commen-
tario memorat. Decreta permulta, libri ad Chriſtianæ Eidei
rudimenta, atque institutionem pertinentes, tribus linguarum
generibus, quibus Hiſpani, atque Indigenæ utuntur, conſcripti,
atque editi. Præſcripta quædam excipiendis ſacris confeſſioni-
bus prudens forma: tradita ſacris Oratoribus non contemnen-
da monita, & argumenta concionum: Præſeſtis ad cognoscen-
das Eccleſiarum res, quos Viſitatores dicimus, facilis agendi
ratio monſtrata. Eccleſiaſtica jura in compendium redacta, &
alia hujusmodi.

Ibidem.
pag. 34.

C A P U T X V.

*Actio in Præſulem Cuſquenfem: TURIBII
operâ a Concilio ad Romani Pontificis
judicium rejicitur.*

I. **T**ANTAM Chriſtiænæ illius Reipublicæ utilitatem, mul-
tis, ac variis modis impugnare morariq; humanæ
gentis adverſarius, non omiſit. Arietem omnium validiſſimum
ab Epifcopo Cuſquenſi mutuatus Sebaſtiano Lartaun huic no-
men, homini in primis gratioſo, ac diviti, a quo tamen in Ec-
cleſiaſtica Provincia gerenda multa cupidè, multa iniquè facta
ab accuſatoribus ferebantur; judicio Concilii vindicanda &
damnanda. Ille qui gratiâ plurimum apud Judices, pecuniâ æquè
ſe poſſe ad judicium labefactandum, omnemque accuſationem
evertendam ſperabat, ita ſecurè, ita ſine metu agere, ut ſi om-
nium ſuffragia in ſua poteſtate nutuq; verſarentur, poſſetque
Patrum pleraſque ſententias pecuniis emere, quò vellet impelle-
re. Quod ubi ſubodoratus TYRIBIUS ne quâ fraude, ſas eo ſædiori

Ibidem.
pag. 35.

exemplo, opprimeretur, quo ante fuerat ab illo peccatum, omni studio, ac diligentia contendit, ut ejus accusationis iudicium a Concilii Patribus integrum ad Romanum Pontificem transferretur. Perculit inopinati iudicii translatio hominem, totamque absolutionis ipsius rationem turbavit. Non gratia, non auro, Romæ causam pro se perorari posse videbat, ubi TURIBII jam nomen, & virtus plus possent. Quo innocentiam suam demonstraret argumento, tot juratis testibus tot tabulis exagitata, damnata? Ut sceleris expers esset, minimum tamen sibi fidei, Præsuli Primario plurimum habendum. Omni proinde sibi vi, ope, contentione elaborandum, ut ne ejus iudicii translatio fieret. Et sanè cum per se, tum per amicissimos suos Franciscum Victoriæ, & Alphonsum Granerum, alterum Tucumanensem, alterum Platensem Pontificem strenuè reclamavit, ac resistit. Postquam verò nihil se proficere contentione animadvertit, fraude sibi consulendum putavit, accusationis suæ tabulis, ne Romam transmitti possent, interceptis.

Ibidem.
pag. 36.

II. Nactus igitur commodum tempus, quo TURIBIUS adesse non poterat, a Bartholomæo Menacho, a Concilii secretis, homine integerrimo, summâ prudentiâ, summâ doctrinâ, summâ fide, ornato, multis primùm precibus efflagitat, ut confectas iudicii sui tabulas, quæ apud eum servabantur, è pluteo producat, suæ fidei committat, sua plurimi interesse, quædam in eis scripta cognoscere, gratias se immortales, atque integras, ut accepisset, habiturum. Mox ubi nihil simulatarum rete precum traxisse videt, nullâque ratione decipi posse oculatissimum virum, negantem nimirum licere, sibi rerum suæ fidei creditarum cuiquam facere potestatem; tum verò precibus in minas commutatis, irâ ardens, extorquere per vim, ab homine plutei claves aggressus est. At eas, seque defendente Menacho, ut obtinere non potuit, in opportunius tempus facinus reservavit. Commodum paulo post Martinus Henriquez Provinciæ pro Rege Præfectus ad immortales concessit; cujus partes, dum illi succederetur, Antonius Cartagena Audientiæ Præses, interea suscepit. Is Cusquensis amicissimus, quia in Concilio locum pro defuncto Principe obtinere opus erat, omnia pro necessitudine facturum, quæ ille vellet, videbatur; adesse proinde tempus maxime idoneum ratus Cusquensis, interceptandarum tabularum,

rum, eo majori vi facinus rursus aggressus est, quo hominis potentiis, atque amici auspiciis plurimum in Civitate, minimoque periculo se posse sperabat. Et quanquam cum superioris audacie exemplo, tum novæ metu, tabularum a Menacho custodiam TURIBIUM ad se transfuisse sciebat, nihilominus tantum potentia, tantum amicitia, ne dicam amentia tribuebat! neque ab impudentissimo ausu Viri sanctitas, neque ab inferenda vi dignitatis sublimitas, absterre cum potuerunt. Ad ipsum TURIBIUM armatâ fervorum, atque amicorum manu adire constituerat, ab eodem tabulas, nisi ultro cederet, extorquere, flammis in ejus oculis dedere. Ne ad exitum rem nefariam deduceret illud prohibuit, quod non adeo agi potuit occultè quin a Prætorè Urbano deprehenderetur.

III. Franciscus Quinones per eos dies erat TURIBIO non amicitia tantum, sed affinitate conjunctissimus, cujus Sororem Grimanesam in matrimonium duxerat, qui audito Cusquensis consilio, ne incendium inde excitaretur infinitum atque immensum, maxima cum celeritate, tum dissimulatione, emicantem scintillam opprimere conatus est. Continuo assumptâ Cohorte ad TURIBIUM auxilium venit, locum, atque hominem a vi defendit: quod atrocissimè ferens Cusquensis, doloris sui acerbitem non celavit, parumque a tumultu res absuit, magno totius Civitatis, propter facinoris indignitatem, stomacho, atque offensione. Nec verò exinde a furore temperavit, aut modestius se gessit, *Ibidem* Capiti ac Principi suo semper infensus, cujus quia vitam violare non poterat, famam atque existimationem labefactare, depravareque quovis potuit modo, non destitit; quamobrem paulo post Divini judicii telo percussus, re infectâ, ad plures abire cogitur. Antonius Pinellus Legionensis Turibianæ Vitæ Scriptor, existimat eorum judicium non infirmum, qui putant, sub vitæ finem ad mentem sanam hominem rediisse. Illud tamen constat, reliquisse post se familiarissimos Viros, qui simulatos doloresque suos prosequerentur, Platensem, ac Tucumanensem Antistites. Hi duo viri partim suis, partim amici defuncti offensionibus adducti, multis ad Catholicum Regem per litteras de TURIBIO conquesti, res in Concilio ab eo gestas criminantes pro affectu, & dolore enarrantes. In iis Epistolis quædam sibi non constantia, auctores ipsos contumeliosos malignosque arguebant, inculpabilis enim vitæ scelerisque omnis purus

purus ferebatur idem, cujus res gestas criminari adeo contēdebant.

I V. Quibus Rex animadversis, ac sincerius exaratis ex aliorum multorum litteris, eorum in Concilio quę gesta erant minimē nescius, Regio adhibito Senatu, acri ejus increpatione pro responso investus est. Non se ignarum de eorum in Concilio agendi ratione, nosse quantum ii suis dissensionibus, & factionibus, justitię, atque expeditissimis alioquin rebus, unde cultui Divino, & Christianę rei apud eas gentes incrementum fore videbatur maximum, incommodassent, quā tamen pro sua dignitate, ac munere Sacerdotali, maximopere debuissent eas, & promovere, & juvare. Quo populi exemplo, talia Sacerdotes diligit? Perspici autem dilucidē in Epistolis ipsis ad se scriptis invidiam, nec latere in accusatione doloris venenum, quo impię, ac contumaciter, Metropolitanum suum, petiissent, Virum summo honore, ac veneratione dignum, quemque ore suo Vitę inculpata faterentur.

V. Acceptis hujus sententię ab Rege responsis, speque omni victorię destituti Antistites, cessare tutius, quā adversis fatis, & hominibus, navigare censuerunt. Itaque controversiarum flamma omnis sopita, resedit.

C A P U T XVI.

Adstipulatio Sedis Apostolicę, ac de ipsis Conciliis promulgatione, atque usu pauca.

I. **Q**Uibus omnibus tandem rite confectis, Concilii ipsius acta, quoniam non firmissimē, nisi, animadvertēbat prudentissimus Pręsul, nisi Romani Pontificis suffragio rata probarentur, ad eum postquam Comitia dimissa sunt, Romam deferri curavit; quo factō, atque ea rursus a Patribus Sacri Concilii Tridentini Interpretibus diligentius expensā, & comprobata, Apostolicę insuper auctoritatis judicio rata rediere, per provincias ab Sacrarum rerum Pręfectis promulgari, ut quā fieri posset diligentissimē servari, jussit: qua in re, quia incredibilis jam expectatio, atque opinio omnium animos pręceperat, leviori brachio elaborandum fuit, ut ea summā voluntate ac studio acciperentur, quę synodus ad Vitę, ac morum, vel correctionem, vel institutionem censuisset.

Nec

II. Nec verò intra Limesis tantum Provincie fines, ejusmodi Concilii pretium atque utilitas stetit. Percrebuit apud finitimas Provincias, ac longè latèque ad alias Americæ gentes manavit. Accepere summi Antistites Chuquiabensis, Barran-
censis, Guamangensis, Arequipensis, Truxillensis, quique iis Gentibus quæ ad Argenteum flumen incolunt, quique novæ Boeticæ populis præfunt. Chilensis præterea, & Papajanensis, Chartaginensis, & Nicaraguensis, atque alii ad Dioecesum suarum eruditionem, & formam, nihil a se melius in sui Sacerdotii Provinciis nasci, aut perfici posse existimantes - Quo Concilio, etsi omnia, quæ ad optimam rerum administrationem pertinent ita complexus erat TURIBIUS nihil ut desiderari, nihil addi posse videretur, Tridentinæ tamen Synodi ne non servantissimum se ostenderet, non omisit consequentibus mox temporibus ad ipsius præscriptum, quin Provinciales conventus revocaret: præter coactas ex Dioecesi frequentes Sacerdotum Synodos, nunquam in iis, quæ ad animarum curam pertinent, sibi ipsi omnino satisfaciens.

CAPUT XXVII.

Ephebiū, seu Seminarium TURIBIUS extruendum curat.

I. **D**imisso Concilio TURIBIUS ad rem in iis quidem Orbis terrarum regionibus adhuc novam, etsi ab aliis, qui antea præfuerant sæpius propositam, nunquam tamen ob eluclabiles difficultates deliberatam, Christianæ verò Reipublicæ in primis necessariam, atque ab Tridentino Synodo maximopere, & commendatam, & imperatam, omnem curam cogitationemque convertit. Nam quia ut neglectu culturæ, optimis quoque novalibus commendata semina degenerare, vepresque innasci bonas fruges oppresuros, ita in Ecclesiæ agro, nisi a prima ætate puerorum ingenia pietatis ac disciplinæ cultu apprime excolerentur, vitæ ac morum pravitati maximè exposita atque obnoxia fore prævidebat.

II. Huic communi incommodo ut consuleret, essetque in Urbe locus, unde demortua per Provinciam auxiliatorum virorum plantaria facillè reparari tanquam ex Seminario possent, Athenæum ædificari iussit, ubi certus Adolescentium numerus

Cap. XL.
pag. 45.

pu-

publico sumptu inter optimas disciplinas morumque præceptiones enutritus, ad Religionis propagationem, Christi que fide-
 lium curam, tum deinde adultâ cum ætate probitate ad admini-
 strandam Ecclesiam educi posset. Ad hæc non parum momenti
 adjungi ex ipsius Regis Catholici auctoritate, certâque voluntate
 videbatur, a quo in Provinciam dudum proficiscenti, inter alias,
 eam rem sibi impensius commendari meminerat. Nec Patrum
 quidem in Comitibus Consultorum summas nuperrime consensus
 defuerat, nisi illud unum maximè omnium alienos animos esse-
 cisset, quod in annuos Ephebi redditus, singulorum privatos
 census deliberari oportebat. Adeo publicæ rei ratio jacet ubi pri-
 vatæ nimia est. Enim verò non tanti Turisio fuit, quippe qui
 non quæ sua erant quærere, sed quæ Jesu Christi ex Caritatis in-
 stitutione didicerat. Quâ igitur dicendi facultate, & quâ præ-
 ceteris auctoritate dignitateque pollebat, in Concilio usus, eò
 tandem adduxit Patrum suffragia, ut singulis nummorum è cen-
 tenis a locis, aut personis Ecclesiasticæ Jurisdictioni obnoxiiis,
 tres hujusce rei causâ penderentur quotannis, quam tamen pen-
 sionem non ante exigere cepit, quàm cum Rege Catholico Ro-
 manum Pontificem, de ea deliberatione certiore fecit, secum-
 que sentire intellexit, cum ne qua interea temporis adversario,
 neque enim omnes consenserant, perturbandæ rei ansâ daretur,
 tum quia omnem consiliorum suorum rationem supremi capi-
 tis judicio pendere, probarique tutum æquè, ac necessarium
 illud munus gerenti, ut exactè quâ humani, quâ divini judicii
 calculis responderet existimabat. Postquam verò Pontifici
 Maximo, Sixtus V. eo tempore Christianæ Reipublicæ præe-
 rat, placere quæ fuerant decreta de annuæ pecuniæ pensio-
 ne cognovit, ad hæc regio jussu magnopere impelli, nihil jam
 cunctandum sibi ratus Turisius, continuo locum omnium
 maximè ad ædificationem idoneum suis impendiis deligi du-
 cique opus, quàm fieri celeriter, ac diligentissimè posset,
 curavit.

Ibidem.
 p. 46.

C A P U T XVIII.

25

A Prorege turbæ, ac litium semina :

I. **H**ic nescio quibus suis potius rationibus è Politicæ sinu Ibidem. P. 47.
depromptis persuasus, quàm Juris alicujus patrocini-
nio, aut specie, Regi Collegium, Alumnorum designationem
omniaque alia adjudicanda impotenter contendebat, Redditus
enim, ne ex personis quidem, aut locis Ecclesiæ subiectis con-
flari posse integris ærarii regii rationibus, cui ejus Regni cuncta
penderent censum : si conflarentur, iis quicumque uti deberent,
Regibus obnoxios esse eos oportere. Contra Præsul fortissimè
sacra jura tueri : nihilque iniquissimæ Proregis contentioni con-
cedere. Rem Tridentini Synodi decretis non obscurè constitu-
tam, negligi abs se neutiquam posse. Ab iis, ad quem Collegium,
ad quem Alumnorum designationes, ad quem jus omne ac red-
ditus pertinerent, Regibus ne an Episcopis, cognosceret. Eam
vero reddituum colligendorum rationem præterquam quod ex
jure, atque equo factam, Pontifex Maximus, Rexque ipse cen-
suerant, nihil Regiis fiscis, nihil juribus incommodare. Quid
quod tota penè ea ædificatio, non ex publica, sed pecuniâ suâ
privatâ creverat ? His artibus non demereri sibi Regem spera-
ret, potius offensurus, rem Catholico homine, nedum Rege mi-
nime dignam, nomine ipsius ausus : sibi quidem a Rege Semina-
rii ædificationem magnopere commendari, hujusmodi autem sue
voluntatis, aut jurisdictionis, ne mentionem quidem fieri in
mandatis.

II. His non tam non persuasus, quàm magis etiam efferatus
animus Regii administratoris, is erat Garzia Nurtado de Men-
doza, irâ præceps multa egit, dixit in Sauctissimum Sacerdo-
tem, nec dignitati suæ, nec Provincialium exemplo satis com-
moda, Regi quoque & Consiliariis ejus displicitura.

C A P U T XIX.

Vnde inter Antistitem ac Regium Præfectum simultatum origo.

I. **Q**uo tempore Lima ædificari cæpit, quibusdam certis Ibidem. P. 46.
locis Indorum gens, quæ ex finitimis populis ad
ædificationem confluxerat, incolere jussâ est. His numero non
D pau-

paucis, ac diversè habitantibus, Christianæ eruditionis beneficium, ob Ministrorum tunc temporis paucitatem, agrè impendî posse videbatur. Occurrere huic incommodo putavit Regius Præfectus Lupus Garzia Castrensis, si quæ intra Civitatem Indorum erant sparsim sedes vñirent, atque ex earum pretio agri suburbani quantum ad eorum omnium simul habitationem satis esset, emeretur. Ita factum, omnisque Indorum Natio, Urbe exclusâ, in Suburbiiis consedit.

Ibidem.
P. 47.

II. Non multò post Franciscus de Toledo Regius Præfectus, crescente in dies multitudine, atque ædificiis, omnem locum sepîri iussit, ac vallatum S. Jacobi nomine nuncupavit. Vulgus tamen obtinuit, ut Cercatum, Hispanico vocabulo diceretur, eo quod locus ille circumdatus esset. Hæc circa annos a Christo nato 1571. gesta erant, cum ab eodem Præfecto ne quid ad Christianam disciplinam spectans, inter eos desiderari posset, accersitis è Societate Jesu Doctoribus, totam erudiendæ multitudinis provinciam commisit. Erat contra ex altera fluminis parte, quod Rimach appellant, urbemque Limam, cui corrupto vocabulo nomen dare creditur, interfluit, suburbium ignobile, ac perexiguum Sancti Lazari nomine, quò Piscatores ex Indorum genere ferè septingenti se se casis extructis receperant. Sacra quoque illis Ædes, ubi ex Sacerdote ab Antiflîte dato, res divinas audirent, ac discerent.

III. Hoc Suburbium seu Reip. incommodare ratus, seu commodum privatè afferre Hurtadus Garzia de Mendoza Regiâ Præfecturâ potitus, Pinellius Comitî Villorenfi id factum adscribit, illud amoliri, Incolis in aliud Suburbium transnigrare iussis, instituit. Sunt qui dicant, Mogrobesium nostrum per id tempus in cognitione Provinciæ abfuisse. Reclamatum tamen pro eo absente ab Œconomis. Eam Doctrinam, sic Ædium Sacrarum Præfecturas appellant, ad Præsulem Limensem pertinere, non posse sine injuria atque offensa ditionis, eo absente atque ignaro, ad alios aliò transferri. Convenisse itaque servandi Juris causâ, ut Doctrina quidem illa tolleretur, ceterum Limentî Pontifici integrum esset, ut antea, Doctorem ex suis Clericis ad quoscumque transferretur dare. Sicque ad TURIBIUM usque reditum res deducita.

IV. Regressus in Urbem accepit ab Œconomio, Doctorem è vivis celsisse, cui cum Successorem TURIBIUM dare vellet, a Præfecto non permissum contendente è duabus Doctrinis unam factam,

27
Etiam, nihil ultra Juris Pontifici dandi eruditorem manere. Hinc omne discordiarum principium; quibus TURIBIUS multum diuque exercitus sibi non defuit, in id sedulo intentus ut jugibus constantique patientique exemplis, sui non oblivisceretur officii, suamque dignitatem conservaret.

V. Accedit, & alia ab ambitione causa. Honores enim in-
suetos in Sacra Basilica affectanti Praefecto, Pontifex haberi cum
vetuisset, servandaque secundi Concilii Statuta dixisset, in illius
offensionem adeo incurrit, ut rebus divinis publice interesse
in Basilica deinceps ille abstineret, omnemque Sanctissimum
Sacerdotem insectandi animum arripere non dubitavit.

C A P U T XX.

*In Insignia Pontificis Regius Praefectus deservit :
factum aequanimiter a TURIBIO fertur,
a Rege improbat.*

I. **I**Taque, quemadmodum superius demonstratum est, Cap. 13.
Collegii jura turbare, atque ab Antistite ad Regem, P. 48.
transferre, impotens doloris Prorex prius aggressus, ubi repu-
gnantem Praefulem sensit, ad singulare improbitatis atque injuriae
facinus venit. Illud quale fuerit, jam paucis expedio.

II. Insignia Familiae Mogrobesiae gentilia marmore insculpta,
quod unum operis a se perfecti monumentum, ut poneret, nullo
suo elogio, nullo titulo vix exorari potuerat, conspicua atque
edita ad fores Collegii TURIBIUS collocarat, quae res ita Prae-
fectum commovit, ut statim missis excubitorum Duce cum mili-
tibus, fabris, ferramentis, Pontificis Insignia, per summam vim
atque injuriam, amoveri loco, disturbarique jusserit. Quod fa-
ctum quantum, prohi Deus, optimo cuique indignum visum est,
ac detestabile ! Tota Urbs atrocitatem criminis deploravit, ac
veluti praeter horrore contremuit. Omnes hominis furorem impro-
bare, omnes Pontificis injurias sentire. Contra ipse tanti fecit
quanti rem nihili. Nulla ejus animi, nulla oris perturbatio de-
prehendi potuit, summa verborum modestia, incredibilis animi
potius equabilitas. Nemo tantae Virtutis robur non cum admi-
ratione suspexit. Fuerunt tamen quibus non ferendum scelus vi-
deretur impune, hortabanturque, ut armis, & ipse suis, hoc est
sacris censurarum fulminibus injuriam persequeretur. Quibus

Ibidem.
P. 49.

ille : *Absurdum* , ait , & *Christiana Caritatis ingenio alienum* , *anima sua jacturâ* , *aliena pernicie se se ulcisci* . *Omnia Judici Divino integra relinqui præstare* . *De se quidem eum pessimè meritum iis contumeliis hominem* , *dignitatem tamen in se Sacerdotalem Deumque ipsum in ea Optimum Maximum* , *specie publica utilitatis non leviter violari* , *illud enimverdè unum sibi esse pergrave* , *maximèque molestum* .

Ibidem.
p. 50.

II. Cæterum non omnino sibi connivendum putavit, ne modestiâ suâ , ac patientiâ , Præfetti ad hujusmodi perpetranda audaciam aleret atque impotentiam . Atque equidem , ut his , si fieri posset , consuleretur incommodis , litteras ad Regem Catholicum , ejusque Consiliarios de ea re fidelissimè scriptas dedisse , non dubitaverim . De Præfecto enim quis dubitet ? Sed eas criminatrices , nec ad Causæ equitatem , sed rebus a se gestis , ad libidinem accomodatas , quibus in Hispaniam perlatis , gravissimè tulit Rex piissimus , quique ei a Consiliis aderant Senatores , iniquissimam adversus Antistitem , Præfetti contentionem , atque improbissimum facinus , Epistolas proinde ad eum cum mandatis misit : Ut deinceps hujusmodi contentionibus abstineret , molestiamque ullam Antistiti inferre caveret : cæterum rem integram illi , ac liberam , tam quod ad Conturbernalium , ac Ministrorum designationem , quàm quod ad Collegii ipsius administrationem relinquerent . Gentilitia autem ejus Insignia , cum Regiis , ut libuisset , reponi non prohiberet .

Ibidem.
p. 51.

III. Ita Præfetti licentia coercita est , sed Turbibus modestiâ singulari , atque incredibili , victoriam sic temperavit , ut alieni vulneris acerbiter , suam existimare visus fuerit , nullâ re lætior , nisi quod pro equitate , Deoque pugnasset vicissetque . Enim vero ne victi exarcerbaret dolorem , neu proprias persecutus videretur injurias , non Ecclesiæ ac Dignitatis , adduci nullis unquam rationibus potuit , ut Insignium suorum monumentum , in ædificii fronte restitutum deinceps videret . Nihil præterea omisit quod ad mitigandum dolorem , optimamque in Præfectum , voluntatem incandam , valere posse existinaret . Omnia tamen in deterius ab illo accipi , quæ semper novarum criminationum causæ . Ille enim adeo Episcopi patientiâ , & humanitate , ad saniora non movebatur consilia , ut potius ad magis furendum accenderetur .

Accusatur TURIBIUS quod adversus Regiam jurisdictionem quadam moliri ausus fuisset.

I. **A** Liquando tamen Antistes succubuisse calumniæ videri potuit, tunc nimirum cum per Præfectum, Regis mandato, in Concilium adduci, atque objurgari jussus est, quod adversus Jurisdictionem Regiam nova moliri videretur. Res ita partim ex Pinellio, partim ex testibus gesta traditur. Missas a TURIBIO ad Romanum Pontificem litteras, in quibus cum tunc ibi rebus non bene ordinatis, & Statutis, de Regiæ Jurisdictionis adversus Ecclesiasticam vi, aliisque hujusmodi, ad rectam sui muneris administrationem atque animi quietem sui spectantibus, consulebat, subodorati ejus adversarii Regi ipsi Philippo II. significare, & minima quæque, licet a culpa omni remota, in pejus detorquere, ut Episcopo invidiam conflarent, non omisere. Rex Legatum suum Romæ agentem monet, si quid hujusmodi indagare possit, statim nunciet. Re ille exploratâ, nunciat Archiepiscopi litteras ad Pontificem extare, & qualis esset earum sententia certiolem facit.

II. Gabriel Zaretenfis ex Ordine Prædicatorum testis fide dignus, ab ipso Pontifice Regem Philippum expositulatorias super ea re Epistolas accepisse ait; quam ob rem dato his rebus Senatu, censuisse Regem, increpari acrius Præfulem oportere, quod talia Romani Pontificis auribus ingereret. Itaque Epistolas sanè acres, & questus plenas, per Præfectum suum, Præfule coram Senatoribus legendas, cum increpatione misisse, jussisseque eundem Præfectum, ut ad se, quid Præsul responderet, quemve oris habitum, aut affectus inter ea præferret, rescriberet. Cæterum veritos Viri sanctimoniam, Præfectum ejusque Senatum, nec Regias litteras ei recitare, nec verbum increpationis multitare auros esse, sed Philippo Regis respondisse Sanctimoniam Viri eam esse, ut omnia excusaret; si quid ab eo in Regem peccatum, nimis potius Religionis instinctui, quàm voluntatis prave, aut fidei vitio imputandum, non iis de rebus consulturum fuisse Pontificem, nisi Deo rem gratam, Regi non ingratam se facturum sperasset.

III. Alii tamen dicunt Regias litteras a Præfecto in senatu, atque objurgationem TURIBIUM audisse, ejus verò responsum non aliud fuisse quàm pauca hæc, modestissimè quidem, sed tranquill-

Cap. xlv.
p. 54.

Ibidem.
p. 55.

lis.

Ibidem.
p. 55.

lilimo, more suo; vultu emissa verba: *Subirasus nimirum Rex noster hac scripsit. Dei causâ ferendum est. Satis equidem Regi, satis, inquam faciam.* Quod responsum nulla cum indignatione, nulla cum perturbatione conjunctum, summopere non admirari Præfectum Regium, ejusque Auditores non potuisse, præcipuè cum pleraque falsa, atque ab Adversariis excogitata gravissimè objicerentur. Post hæc satis Regi fecisse TURIBIUM suis litteris constat, quarum initium, Andrea Lisonio teste, illud fuit: *Christi verba sunt, o Maxime Rex, si me persecuti sunt, & vos persequentur.* Quibus Rex lectis, Virique innocentia cognita, stylum deinde ad ipsius commendationem, animum ad sanctitatis venerationem convertit.

C A P U T XXII.

Iterum calumniis appetitus TURIBIUS se purgare cogitur.

Ibidem.
p. 55.

I. **A**T non idcirco penitus malevolentia virus extinctum. Nec deerant quotidie qui recentes calumnias affigerent, ut TURIBIANUM nomen infensum, inimicumque Regi probarent. His, ut non utramque aurem daret jam Rex Philippus, Præfulem tamen suis verbis iterum monendum, corripendumque censuit. Etenim cum Gregorius Arze Hispalensis, cujus hîc testimonio utor, omni virtutum genere ornatus, honestissimisque muneribus designatus, in eas Regiones Regii Senatus missu navigaturus esset, inter alia quæ Regis nomine accepit mandata, illud fuit, ut Limensem Metropolitanum conveniret, Regiam erga eum voluntatem non optimam demonstraret; offensionum causas non celaret.

Ibidem.
p. 56.

II. His Arze cum mandatis ad contrarias nobis Terras profectus, ubi primum Limensi Portu egressus, ad Urbem Regni Principem contendere instituit, Præfulem TURIBIUM honoris causâ sibi occurrentem habuit ad duodecimum ferè ab Urbe lapidem. Ibi primum omni officiorum genere, atque humanitate diu certatum. Salutationes amicorum multæ datæ, & acceptæ. Mox ad Urbem pariter contudentes, quæ sint Europæ res, quæ Hispaniæ, alter narrat, alter interrogat. Ad Philippum Regem simul ventum. *Illud Arze, inquit, tibi fatebor, mi Præsul, non optime te audire apud Regem. Quam ob rem, inquit TURIBIUS? Quia (retulit) nonnullis, quæ ejus litteris mandabantur, parere recusasti. Ad sacra jura nihil non trabis; Regia deprimis. Urbe semper ferè abes non*
fine

sine plurimorum querela, & commissi muneris negligentia. Clericali ordini dari nomen postulantem non accipis. Et hæc quidem Regii Senatores, ne ignorares, ex me audire magnopere voluerunt. Ad quæ Præsul, Senatoribus, inquit, ut cognoscant æquitatem rationum mearum, suarum quoque expostulationum, quæso te mi Arze meis verbis hæc pauca referto: Me Christi fidem sanctæ, religiosæque profitemem, parere præ cæteris Apostolicis jussis opus esse, quorum causâ nec martyrium subire detrecto. Improborum Sermone decipi Regem, qui adversantia Ecclesiastica Jurisdictioni contendit. Hoc primum; absentiam deinde meam ab Urbe, Provincia cognoscenda gratiâ, Divina præcepto juberi, muneri meo maximopere exigi, in ista hominum, ac locorum barbaria, ut hos doctrinæ pabulo pascam, illos, in fidei Christianæ professione confirmem, alios errantes ad gregem reducam, plurimis nostræ Religionis ignavis Evangelicæ lucis ingeram radios, omnes Christo lacrifaciam; quem enim me in Civitate cessante, laboriosa hujus, atque immensa provinciæ saluti consulturum? cujus rei causâ per medias plerumque mortes iter agendum, apud Christiani nominis hostes, gentes omni humanitate exutas, ferarum rita viventes, per montium prærupta, per planorum lubrica, nocte dieque pluvio calo, an rigente hyeme, an aestu furente progrediendum, cum feris immanissimis luctandum, altissima flumina superanda, plures sine comæatu dies continuandi, sine tecto, ac lare sub dio cubandum, omnia denique incômoda devoranda. Provinciæ amplitudinem, naturam, ac varietatem locorum, auxiliorum paucitatem, ovium irreparabiles ubique jacturas, exempla Sanctissimorum Virorum, Urbanæ quietis amorem non ferre. Demum, quod petitores Clericalis Ordinis initiare nolim reprehendunt, id non voluntatis meæ vitio, non laboris tædio, vel fugâ fieri, sed eorum culpâ, qui petunt, siquidem Concilii Tridentini offendi nolunt a me decreta nostri Senatores, neque enim ii, aut ætatis, aut doctrinæ, aut Natalium, aut morum integritate se probant. Num hæc agentibus Rex indignabitur? Num rectè plus perditorum hominum improbitas, quam mea in Provinciæ hujus administratione fides, ac vigilantia respicitur? Num mutandam mihi agendi rationem propter levissimas calumnias quis existimet? Ita, mi Arze, res nostræ se habent, quas quis non perturbato judicio æstimet non reprehendat; nullam enim alium scopum spectant, nisi unicum illum, ac præstantissimum Deum. Regis gratia, aut ira, animi mei rectitudinem, quæ soli Deo placere studeo, certè infringere non poterunt, aut depravare.

III. Hęc

Ibidem.
P. 57.

32

III. Hæc & similia a TURIBIO causam suam defendente responsa, ut nullâ vituperatione, summâ potius laude dignâ visa sunt Arze, ita ad Regium Senatum eadem non sine amplissimi Viri commendatione renunciavit, quorum æquitate, totius ordinis judicio comprobata, perditorum hominum calumniæ, omnique de eo superioris opinionis umbra, recessit ex animis.

C A P U T XXIII.

Joanni Hortizio Zaratenfi Sacri Juris violatori Divinis mysteriis TURIBIUS interdicat.

Cap. xv.
P. 57.

I. **S**Us hæc tempora, quibus Mendozeus Præfecturam Regiam obtinuit, quotidie ferè in certamen pro sacri Juris atque securitatis integritate, Archiepiscopo nostro descendendum erat; quæ quidem certamina ita strenuè alacriterque pugnabat, ut mori potius, quàm vinci paratus esset; non ullius hominis mortalis dignitatem, non minas ac terribiliora respiciens, ubi Divini honoris, & dignitatis, vel vestigium videret.

Ibidem.
P. 58.

II. Expertus suo maximo incommodo Joannes Hortizius Zaratenfis Cercati Prætor, quanta pro hujusmodi causis digladianti vis, & constantia TURIBIO inesset. Hic & suo ingenio, & Præfecti sui demerendi, quem TURIBIO iratum sciebat, spe ductus sacræ securitatis jura invadere, ac proculcare non dubitavit. Etenim, cum homo quidam genere Hispanus, ab homicidio intra Ædem Sacram se recepisset, ubi ex more asylum sibi futurum sciebat, hujus jussu per summam vim, atque injuriam statim extrahitur, vincitur, damnatur. Non omisit interea optimus Præsul monere hominem, ut resipisceret, ac liberum loco Sacro reum restitueret, alioquin se cum è fidelium coetu moturum minatus. At ille monitis contumacior, quò Præfecto Præsulis offensam litaret, cujus potentiâ, ejusque consularium studiis, sibi omnia tuta pollicebatur, in furcam reum agi continuo jubet, quare Præsul cognitâ, ac deploratâ, hominem sacrilegii reum, atque anathema publicat, municipio, Sacris interdicat. Negligere primum homo amens, ac dolore cæcus, mox ignominie potius, quàm poenitentiae stimulis laceratus furere, precari, minitari, terrere per se, per amicos illos suos, summâ potentiâ, atque auctoritate præditos. Nullis TURIBIUS precibus, nullis cujusvis minis moveri, nisi contumacie ille magnitudinem poenitentiae, ac pecuniâ pensaret. Quamobrem ingenti pecuniâ mulctat. Despe-

speratæ salutis infirmi est remedia plus odisse, quàm mala. Magnitudinem sceleris, qui nihil fecerat, ei gravissima multa videri, iniquum Præsulis judicium. Omnia proinde tentat, ut vel omnino sine multa, vel eà quidem leviori, sceleris ab Antistite veniam extorqueat. Quæ postquam frustra a se fieri videt, nec posse illum a sententia ullo modo dimoveri ad Romani Pontificis judicium provocat, æquiores ratus sententiam in se ab eo pronunciatum iri, atque ita se victorem, eluso Præsuli impositurum. Enimvero miserum illum sua opinio sefellit. TURISI enim judicium Romæ in cæteris justissimum, in hoc uno ab æquitate aliquantulum recedere visum est, quod pro magnitudine facinoris, non satis reum multasset; itaque addi ad multam nonnihil oportere judicatum. Incredibile dictu est, quantum devoto, ac superbo capiti fulmen tali cum sententia intonuerit, quales in eo affectuum turbas concierit. Omnium tamen illud videbatur gravissimum, cogi a TURISIO facinorum suorum veniam, ac remedium petere, & expectare, a cujus monitis recessisset, a sententia provocasset, mille modis lacerasset, nec jam posse eam necessitatem effugere, nisi semper extra fidelium communitatem se esse vellet, atque in Oppido a rebus divinis cessationem trahi ultra contumaciam sine hæreseos suspitione non posse; at nec sine pudore relinqui; Nil spei jam sibi superesse, vel novæ provocationis, vel alterius Judicis, vel levioris punitionis. Adamante constantiorem TURISIUM fore, nisi numeratâ ad teruncium pecuniâ, publicèque verberibus caeso, nunquam sibi locum in Ecclesia redditurum. His curis distractus, pejora simul metuens, tandem parere statuit, seque Præsulis judicio submittit. Ille absolutionis negotium violatæ Ecclesiæ Curatori mandat, siquidem argenteorum prius viginti quinque millia pro multa, duodecim præterea pro exsolvendis homini iniquè damnato Sacris parentalibus, numerasset. Absolvi quoque publicè voluit ad Ecclesiæ fores, nudos humeros flagellatum, humique abjectum, ut publicæ, longæque contumaciæ exemplum dilueret, doceretque Principes Terræ sacræ securitatis jura non violare.

Ibidem.
pag. 59.

CAPUT XXIV.

*D. Virginis Capocavanensis Imago coruscarè
miraculis incipit.*

Cap. xvi.
pag. 60. I. **I**N Cercati Suburbio ab Indis humili loco quædam Dei Genitricis Imago, ad similitudinem ejus expressa, quæ Copocabanæ in Humafuii Provincia Urbis Pacis Diœcesi, summa religione colebatur. Accidit, ut in Deiparæ ipsius contemptum, impia manus, ædiculæ testum per umbras, noctemque dirueret quod nunciatum, incredibile dictum est, quanto piissimi Mogrobessii animum dolore affecerit. Nil cunctatus facinoris auctorem diligenter inquiri jubet: Deum optimum Maximum, ejusque Genitricem ante humi abjectus precatus, atque obtestatus, ut suam ipsimet adversus impium, ac nefarium caput, per se agerent causam, nec impunè semper eum latere permitterent. Ob eandem quoque causam Divinum Eucharistiæ Sacramentum in templis Populo palam exorandum proponitur, precesque ad Deum publicè funduntur, supplicatio magnâ celebritate indicitur, in qua Sacræ Imagini ab humillimo Tugurio vindicatæ in ipsa Limensis Urbis Basilica Sedes daretur honestior, quæ dum interea ornantur impii facinoris contumelia miraculi gloria superari visa est, atque ex ipso scelere permisso cumulatus erga Genitricem suam a Deo lumen excitari. Etenim quadam die animadversum est, effigiem ipsam, tum Matris Virginis, tum Dei Infantis, quem brachia inter complectitur, tantam ex se Sudoris copiam profunderè, ut quatuor horarum spatio, quo res accidit duo calices impleri pene potuerint. Re statim vulgatâ, undique eò concursus fuit maximus, ac tota, pene dixerim, Civitas, vel pietatis, vel visendi studio advolavit. Ibi cæcis visus, vox mutis, integritas aliquo languore affectis, omnibus denique optatissima valetudo præsto erat.

CAPUT XXV.

*Duplex Hæretico homini salutis beneficium
Virgo impertitur.*

Ibidem.
p. 61. I. **N**Ec solum corporibus, sed & ipsis quoque animabus remedia ibi dabantur Cœlestia. Nam, cæteris ut supersedeam, quidam ex impiissimi Hæresiarchæ Lutheri Auditori-

toribus, quos, ut ferebatur, Anglicana Navis, in freto Magal-
laenti pridem capta, in eas Regiones invexerat, Paralyti ita
atlectus, ut in corpore jam suo sepulchrum anima demortua ha-
beret videbatur: postquam huc delatus est, conspicatusque bene-
ficiorum in alios ab Effigie illa caelesti, magnitudinem simul, &
multitudinem, luce veritatis perfusus, atque in spem salutis erec-
tus, simul Lutheri errores animo execratus, ore mox apud fidei
Magistratus ejuraturus, piis precibus, ut sibi quoque integritatis
beneficium largiretur, Deiparam magnopere oravit, pollicitus
sub ipsius auspiciis se deinceps totum futurum. Audiit hunc oran- Ibidem.
tem munificentissima Mater, eodemque ferè momento voti pag. 62
compotem effecit: Quo ille tanto munere permotus nihil præ-
termittere constituit, quo suam in beneficam Virginem piete-
tem tam insigni cumulatam beneficio testatam faceret.

C A P U T XXVI.

*Transferitur eadem Imago a TURIBIO in Urbem, & ma-
gnifico extracto Sacello collocatur.*

I. **H**IS igitur TURIBIUS in publicas tabulas, legitime, di-
ligenterque relatis, memoriæque proditis, se Judi-
ce, ac tunc spectatilibus, sacram supplicationem suo jussu jam
ornatam duci mox jubet, ubi Effigies Virginis ex humillimi loci
solitudine in Urbem deportata, principis Templi honestissimâ sede
collocaretur. Nulla supplicatio pari, vel frequentia, vel appa-
ratu, vel denique pietatis ostentatione superiori memoriâ his
Nationibus spectari contigerat: quo majori studio omnes ab omni
parte adesse, viarum latera densis spectatorum ordinibus stipari,
edita quæque certatim occupari, beatissimos sese existimare,
quorum propter domos, ac fores deveshi oporteret. Jam verò
supplicatione ducta, effigie quoque destinata Sede compositâ,
TURIBIUS Antistitis in illam pietas multò dilucidius emicuit. Con-
tinuò Sacellum in illius honorem excitari voluit, ac magnis suis
impendiis, quàm fieri potuit, pulcherrimum, ac nobilissimum
tandem perfecit. Ad hæc Sodalitatem ejus gentis, optimis legi-
bus institutam sub auspiciis, ac tutela tantæ Patronæ, congre-
gavit. Quo tempore domi morabatur, ab hoc loco divelli vix
poterat; nec solum illic quæ sui muneris erant functiones fre-
quentius, libentiusque præstabat, sed plures singulorum dierum ho-
ras, vir tantâ negotiorum mole, ac varietate ferè semper disten-
sus orando protraherat.

CAPUT XXVII.

*Duo in Vrbe Asceteria a fundamentis TURIBUS
ædificanda curat.*

Cap. 17.
p. 62.

Ibidem.
p. 63.

IN TERRA verò alterum opus animi sui magnitudine, caritateque non indignum meditabatur, quo nimirum Virginibus humili loco natis, & malè nuptis puellis in commune consuleret. Huic perficiendo magnâ pecuniarum vi opus erat. Hæc autem deerat illi magna ex parte. Quamobrem pia voluntatis propositum morari cogebatur. Commodum cælesti beneficio accidit, ut Francisci Saldagnæ viri opulenti, nec minus virtutum laude conspicui, aures, Archiepiscopi votum penetraret, qui statim in partem honestissimi operis admitti percupidus, eidem se, suæque omnia, ad quatuordecim circiter scutatorum nummorum millia in eo collocanda, una cum servis ultro spondit. Cujus Viri opibus TURIBUS ad suas adjunctis, atque ædificatione, lætissimâ Urbis parte jam cœptâ, in majorem Dei gloriam exituram rem existimavit, si consilio de malè nuptis in aliud tempus dimisso, Sacrarum ibi Virginum cœtus, Religiosæ disciplinæ legibus sub auspiciis Divæ Claræ meriturus, excitaretur. Nec displicuit Saldagnæ ipsi consilium, quin & Aloysius Velasquius, qui eâ tempestate Regiam Præfecturam obibat, ab eo, cui successerat Mendozæo, in Primatem animo valde diverso, idest amico, regio jussu mille Philippæos annuos pendentem fundum, in operis consummationem attribuit; quem plures alii, & Hispani, & Indigenæ secuti, pro se quisque opem undique, argentum, equos, vestem, frumentum, pecora, atque hujusmodi alia afferentes, pium cœptum non parum juvere. TURIBUS verò, & ex propriis redditibus, & ex reorum damnationibus, ac multis in Provinciâ cognitione, longè majori pecuniarum vi congestâ, quamquam cæteros omnes simul, multis numeris superavit; tum operi faciendo, ita curâ, diligentiaque præfuit, ut totum omnino ipsi jure imputandum videretur, illam tamen mortalis auræ gloriolam adeo non curavit, ut eam Saldagnæ integram esse voluerit; eundem auctorem, fundatoremque existimari, ac dici, hoc unô laborum, impensarumque suarum pretio ipse contentus, Divini honoris incremento. Opere tandem perfecto, quatuor è Sacris Virginibus religiosam vitam jam in claustris, ab Incarnatione dictis, diu professæ, omniumque

Ibidem.
p. 64.

que virtutum laude conspicuæ, novæ familiæ duces, Matresque evocatæ: quarum Principem, Abbatissam vocant, Justinam Guevaram, deinde Annam Illescam, tertio loco Barbaram Vegam, postremò Isabellam è fonte, Scriptores numerant. His primò duodecim Virgines ex universâ Provincia, Propugnatorum filiæ instituendæ traduntur, nullis dotibus, nisi honestatis, atque indolis optimæ allatis. Dein certis limitibus, ut Sacrarum Deo Virginum mos est, acceptis ut ne loco pedem efferre liceat, tanta aliarum accessio facta est, ut ad quingentas jamdiu pervenisse dicantur mirabili vitæ Sanctimoniâ, severiorisque instituti disciplinâ, paucis, quantum ubique Terrarum Christiani Ibidem. cap. 65.

II. Adstruxit his TURIBIUS, ne Saldagnæ pia voluntas irrita fuisse videretur, malè nuptarum domicilium, ubi mulieres illæ locum haberent, quarum Conjugium legitimâ causâ dirimi postularet, ne apud Viros Divinæ offensæ, dum interea judicio res transigitur, foveretur occasio. At perdiu ob nimiam cum Virginitibus vicinitatem, commorari ibi non licuit malè nuptis, coactis anno ab TURIBII excessu tertio integram eam Sedem Virginitibus relinquere, aliòque ab iis longius transmeare. Cæterum inter opera TURIBII præclara, atque Reipublicæ maximè utilia, hoc instituti genus numeratur, quo infinitis peccatis clausit, plurimis in summo discrimine fœminis vivendi honestè iter aperuit.

CAPUT XXVIII.

Anti divinitus TURIBIO Censuræ.

I. **H**Æc domestica, & in Urbe gesta. Plura quoque tam Ibidem. pag. 65.
 Limæ, quàm per Provinciam ædificia Sacra, Templaque posuisse, ac dedicasse Primatem nostrum, qui novere testantur, nosque suis locis videbimus, si quæ sigillatim ex Testium tabulis sciri poterunt, quibus ædificiis, privatâ suâ pecuniâ ferè eductis, quanquam annui redditus impares videbantur, rationesque in iis expensæ cum accepti ex suo censu rationibus in tabulis relatæ, paucioribus numeris notarentur: ad hæc familiam pro dignitate plurimam aleret, ac largus erga miseros, egenesque homines esset, ut *Elemosynarii* nomen sibi comparaverit, nihilominus Successori suo non tantùm deteriores res non fecit, ut potius ingenti auctu cumularit, quippe quas decem, aut plurimum

rimum duodecim Philippæorum millia pendentes initio acceperat, supra triginta demum millia pendentes moriens reliquerit; optimo nimirum fœneris genere usus ubi Divinitas accipit, centuplum restitutura; Servumque in paucis fidelem supra multa miro planè modo constituit.

C A P U T XXIX.

*Divinam Fidem devio cuidam TURIBII meritis
interpositis imploranti miram in modum
succurritur.*

Ca. XVIII.
pag. 67.

I, **N**EC rei tantum fluxæ, & mortalis maximum TURIBIO compendium ex hac sceneratione factum est; sed & virtutis, & gratiæ, adeo quippe Cœleste Numen sibi demeruit, ut omnia quantumlibet mira, & humanæ naturæ præstantia ipsius gratiâ facere, suæque omnipotentiæ eidem vim quamdam impertiri, ad talia patranda, visum fuerit. Hujus generis nonnulla sequentes commentarii demonstrabunt, etsi plura cum Testibus tanto temporis intervallo interiisse putandum simul ac dolendum. Quæ ad tempora hæc in Urbe acta pertineant, paucorum memoria est, cujus tamen ea pretii, ut ad rei propositæ confirmationem, fidemque faciendam, vel maximè valere videantur.

II. Sacerdos, nomen adhuc mihi obscurum, negotii causâ alicujus, seu potius officii, ac venerationis, Antistitem ipsum TURIBIUM domi iis diebus agentem, ut adiret, Limam nactus lunam splendidam, nocte iter instituerat, quatuor leucarum intervallo distans. Atqui locorum parum ille peritus, per inscitiam, rectâ egressus in arenas procul deserti littoris, erroresque se induit. Illic Syderis quoque in occasum jam proni beneficio destitui. Quid faciat miser in loco erroris, & vastæ solitudinis, ubi fortasse nihil a Prædonibus, nihil a ferarum sevitia tutum? Ope cœlesti opus esse haud nescius, eam sibi implorandam putavit. Igitur genibus terræ datis, oculis cœlo: O si quid apud te, inquit, Rex summa Cœlitum, si quid Antistitis TURIBII, ad quem cuius erat, nomen, & virtus valet; plurimum enim, plerique omnes valere existimamus, ejus quæso, Viri sanctitate exoratus, ad me nunc omnium mortalium miserrimum divinos oculos verte, atque his erroribus expedito, Syderis simul cadentis lumen, & vitam serva. Tu-
que

39

que adeo, *Vir divine, TURIBI, si absentis preces absentem non latent, & laborem hunc tui causâ susceptum adhuc in terris agens intuitu vides cœlesti, mihi adsis quodque ad te iter ducat ostende. Vix talia oraverat, cum triti itineris semita ante oculos aperitur. Luna verò interea veluti defixa stare super occasum visa est: nec prius Oceano se merfit, quàm Limam ille per semitæ compendium pervenit.*

CAPUT XXX.

Gravi morto laborantem sanat.

I. **H**Æc per se in gratiam famuli sui, Cœleste Numen. Ibidem p. 67.
Sunt & quæ ipsemet TURIBIUS, Divinâ quodammodo vi in se derivatâ, mira gessit. Inter hæc non immeritò numeratur, quod sequitur.

II. Cum adhuc Limæ esset, aliquando Indorum hominum concione advocatâ, antequam verba facere inciperet, an omnes convenissent, rogavit. Responsum, unum tantummodo desiderari, quem copiosa è naribus sanguinis profusio, atque inde virium imbecillitas adesse non pateretur. Quibus auditis, *Non ita, inquit, Sed, & cum hic accersite, aut adducite.* Ibidem p. 68.
Causantibus ex motu corporis, vires ægritudini auctum iri; nec sine summo ejus periculo fieri posse, non idcirco sententiam, aut mandata mutavit. Postquam adesse videt, sanguinis adhuc rivum fundentem, manu apprehensâ, *Age, inquit, remedium habemus in promptu.* Atque in hortulo mox secum adducto, ut nescio quo frontem gramine confricaret, imperavit. Quo facto fluxus continuò deficit, integritas redit, in concione cum cæteris adstat, domum nullius jam operâ indigens se reducit. Graminis ne efficaciam, an TURIBI Cœlestem vim hac in re demiremur? Umbrâ graminis se tegere voluit Modestia Viri Sancti, ac magis detexit. Neminem quippe latuit, ex eo genere olus fuisse, cui hominis subita salus imputari non deberet: contra TURIBI Sanctitas adeo erat conspicua, ut Auctorem ipsum rei miræ extitisse omnium opinione fixum immotumque constitit.

CAPUT XXXI.

*Extinctam Puellulam Vitæ restituit.*Cap. xxi.
p. 69.

ALPHONSUM Fernandium Bonillensem, Mexicanæ gentis Protomyssam designatum, sacris cœremoniis, ac ritibus inauguraturus, Aedem Divinæ Incarnationi Sacram delegerat TURBIUS. Rei novitas, ac magnitudo, præter Urbanam multitudinem, advenarum quoque infinitam pene turbam coegerat. Omnes capere locus non poterat, capi tamen omnes volebant, ita alius alio premi, primique ordines certatim occupari, dum extremum relinqui se quenque piget. In medium densissimæ multitudinis muliercula quædam vulgaris cum pupula brachiis implicita, inducere se se, quæ hujus sexus ubique terrarum aviditas est, nec timuit, nec erubuit, fecisse tamen pœnituit, cum huc, illuc veluti frequenti undâ jactata, arque impulsâ, naufragium filix se fecisse cognovit; æstu quippe populi oppressâ puellulâ post vagitus, atque ejulatus, sine spiritu elanguit. Ibi deploratio Matris, ac gemitus: plusque ab una turbâri, quàm a tota multitudine. Commotus cum rei acerbitate Præsul TURBIUS, tum Matris infelicis, cuncta ejulatu complere, atque turbare querelis nullum finem facientis; ante aram pronus, & corpusculum manu tegens, coram quippe statuerant, Deum Optimum Maximum pro extincta Puellula, majorem in modum oravit. Parva mora intercellit, jamq; animulam respirare, vitæque potiri pupulam, qui modo extinctam viderant, cuncti mirabantur. Protinus in gaudia genitricis conversa lamenta, facto acclamantis populi voces ad Sydera usque pervenire; Sacrarum eo loco commorantium Virginum Choro, Deo gratias publicè actæ, ejusque diei lætitia, ac deinde memoria, hoc illustrior facto, quàm Mexicani Pontificis inauguratione permanfit.

CAPUT XXXII.

*Insigne Liberalitatis Exemplum.*Cap. xx.
p. 70.

E' Superiori parte Domus aliquando respiciens TURBIUS, hominem Vincentinum Rodriquefium pauperum nomine proque agentibus simul in valetudinario caritatis, puellis stipem quærentem vidit, hunc ad se vocatum rogavit: quemnam
ad

admodum pia quæsturæ ratio procederet ? quaque liberalitate suppetiæ miseris impertirentur ? ille ex Divinæ Providentiæ pen-
 nu pauperibus satis liberaliter ministrari alimenta respondit,
 caterum parçè admodum de superfluis suis homines impertiri.
 Ad quæ Præsul. *Age, inquit, Franciscum Quinonium Sororis meæ*
Conjugem rerum mearum curatorem statim adi, meisque verbis cen- Ibidem,
tum scutatos tibi numerare jube. Paruit, sed affirmante Quino- P-71:
 nio, pecuniariæ rei maximam sibi esse in præsentia inopiam,
 quamprimum tamen numeratam illi pecuniam se missurum ; Ad
 Præfulem rediit Rodriqueſius, quæque a Quinonio retulisset, ex-
 posuit. Tum Præsul, *redi, inquit, & ducentos numerare jube.*
Unde enim hæc pecuniariæ rei inopia ? Equidem pecunia mea in prom-
ptu ſunt volo in pauperum largitiones. Rediit ad Quinonium Ro-
 driquesius, iisdemque cum promissis ab eo dimissus. Recedenti
 Præsul occurrens : *Retulisti ne, inquit, ducentos ?* Neganti, rur-
 sum imperaverat, ut eo se referret, ac duplum exigeret, hoc
 est quadringentos. Verum cum imperata facere modeste recu-
 sare Rodriqueſius, ne homini importunior videretur. *At quin-*
gentos, nonnihil eâ re turbatus Præsul, hinc sanè auferes, ait, Ad
Quinonium me sequere. His dictis per aulam Pontificiam cum ho-
 mine unâ progreditur. Illic Servos ex Maurorum genere duos
 videt in opere domestico occupatos, quos cujus essent, cum in-
 terrogasset; Alter Francisci Quinonii, alter verò ipsius rogantis,
 sese esse dixit. Cui Præsul, *quandoquidem, inquit, in arc meo*
et, mitte nunc ista quæ agis, atque exin hujus esto, cui te trade. Mox
 ad Rodriqueſium : *Tolle hunc modo, inquit, pro donativo,*
quingenti quoque statim ut sequantur enimvero efficiam. Nec
 mora, Quinonio diligentissimè mandat, ut justam pecuniam
 omnino cogat ; nulloque interposito spatio ad egenorum ara-
 rium ipsum Præfectum mittat : Quibus ille mandatis seriò coa-
 ctus, veritus, ne cunctatione suâ longè amplius augeret, aris
 summam a Creditoribus statim exigi curavit, quo jubebatur
 submisit. Hæc liberalitate Turbatus suam caritatem luculen-
 ter ostendit, pauperum inopiæ, tam largiter promptèque opi-
 tulatus.

CAPUT XXXIII.

*Inexpiabiles inter duos Equites inimicitias
conciliat.*

Cap. XII.
p. 72.

I. **P**ER id tempus, duo ex ordine equestri privatas injurias prosequentes, in ipsa Principis Aula configere non pertimuerant. Capitalis criminis rei in vincula statim coniecti. Jamque in aggressorem extremis erat animadvertendum supplicii, cum adversarius a concedenda venia, atque ab imponendo sine simultatibus, alienus esset. Quare nemo ferè in Civitate fuit, qui plurimum auctoritate dignitateque valere ex omni ordine videretur, quem servandi hominem, odiorumque causas restringendi, cura, laborque præterierit. Atqui inexorabilem ullis vel precibus, vel rationibus adversarii dolorem, cuncti sentire, virique pertinaciam posse frangi, jam spe deciderant. Diem supplicio Equitis constitutam, carnificinæ instrumenta in forum consequi jussa. Explere Adversarius odii sui sitim, miseri cæde effluctim cupiebat. Tota Civitas unius infortunio; alterius implacabilitati irascebatur, ad spectaculi acerbitem concita. Hæc simul ac intellexit Mогrobесius noster, quod extremum, atque unum subsidium restabat, nihil sibi, aut cessandum, aut omittendum putavit, quo utriusque salutis minus consuleret. Ad publicam repente custodiam pedibus devolare vidisses; equitem vindictæ avidum adire, ante pedes provolvi, Christi effigiem de Cruce pendentis manu præferre, per Deum Optimum Maximum, per Cælites omnes, per salutem denique suam etiam, atque etiam obtestari, ut hosti injuriam remitteret, gratiam redintegraret. Rationibus & exemplis è Divina Scriptura depromptis, a Natura, a Philosophia petitis, honestatem condonatæ injuriæ, turpitudinem vindicatæ demonstrare. Ultionis genus omnium optimum, a Sapientibus illud censi, quo non gladio hostem, sed beneficio jugulamur. Præstabilis suum dolorem opprimere, quàm de Adversariorum exercitu triumphare. Inglorios semper, ignominiaque dignos irarum memores quosque judicatos. Non ita Dei filium dictis nos, atque exemplis instituisse, cum ab ipso patibulo cui illum affixerant hostibus, & carnificibus suis veniam indulgentiamque precaretur. Non ita Stephanos, Paulos, Laurentios cum suis intersectoribus se gessisse. Quam aliâ re propius, ad ipsum cæleste Numen accedere mortales, quam

Ibidem.
p. 73.

quàm parcendi facilitate ? Hæc aut his familia vir Divinus . Quibus eò equitem adduxit , ut posito acri odio , quo ardebat in hostem , illud in sincerum amorem christianâ pace converteret . Quo factum TURIBI caritate , ut pace conciliatis inter hostes animis , reus eriperetur supplicio , quod illi fuerat decretum . Secuta victoriam TURIBI tam illustrem populi universi læta acclamatio , ac redeunti domum gratiæ , gratulationesque undique persolutæ . Opinio demum , quæ ante magna ejus Sanctimonix , ex cæteris rectè factis erat , ex hoc uno maximè apud omnes excrevit , omniumque sermonibus deprædicari cœpit :

C A P U T U L T I M U M .

Singularia in agros Caritatis Exempla .

I. **Æ** Quâ TURIBIUS omnes caritate complexus , suum pariter auxilium è plebe vilioribus atque inter nobiles præstantioribus , nunquam deesse , patiebatur . Hujusmodi suæ caritatis exempla , duo , inter alia plura quæ possent referri Joannes a Rocca Limensis Basilicæ Archidiaconus in suo testimonio memoriæ prodidit , rerum oculatus testis .

Cap. xlii
P. 75.

II. Is Parochi munus obibat , cum muliercula infimi generis , gravi morbo affecta , sacris procurationibus opus habuit . Distabat ejus domus non paucis passibus . Circa tertiam noctis vigiliam ad Parochum mittit , Divinum sibi Viaticum rogans afferri . Affertur . Exactâ jam nocte Præsul Parochum accersit : quid proximâ nocte tintinnabuli per forum sonitus indicasset (eo signo Divinitati reverentia , atque obsequium comparari mos est) percontatur . Mox re , ut erat , auditâ , Parocho imperat , ut ad extremum laborantem foeminam redeat , ex eaque cognoscat , an Fidei aliquando Sacramentum christiano more confirmaverit . Ille , aut quòd longè aberat , aut quòd inutilem eam interrogationem censebat eo sanè statu , quo ægra moveri loco non poterat , nedum ad Ædem sacram , ejus rei gratiâ venire , imperata neglexit . Unius ferè horæ spatium intercesserat , cum Præsul de ea re valde sollicitus iterum Parochum accersit , jussu ne peregisset , rogat . Ubi supersedisse auditum , leni increpatione contumaciam coarguit , eademque rursum majoribus verbis imperat . Jam mora nulla it , redit , Sacramentum a Muliere confirmationis nunquam receptum denunciat . Meridiem sol terris effecerat tempus instaurando corpori præsens , cæteris occupa-

Ibidem.
P. 76.

tionibus importunum. At Turisius minimè sibi cunctandum, dum cibus caperetur, putavit. Continuo unà cum eodem Parocho, ac Ferdinando Guzmano, qui aderat, homine Juris apprimè perito, Sacerdotale pallium indutus, ac cæteris ad functionem necessariis præmissis, ad ægræ domum pedibus contendit. Ibi postquam ægram adiit, verbisque Apostolo dignis allocutus, quibus eam ad doloris tolerantiam, animumque ut ad Divinam voluntatem componeret hortatus, omni cùm sacrarum cæremoniarum, tum summæ caritatis significatione, nec minori eorum qui aderant admiratione, Sacramentum Confirmationis administravit; Nec ita multò post eadem cui administratum fuerat mortali vitâ exsoluta, ad immortalem convalescē credita est tanti Viri caritate adjutâ.

Ibidem.
P. 74.

III. Eodem Parocho, Francisci Quinonii mancipium pleuritide decubuit: cui in summum periculum jam adducto circa quartam noctis vigiliam ad animæ ipsius suppetias sacris expiationibus ferendas, Parochus excitatur. Commune cum Jumentis, quorum curæ præpositus erat, homini diversorium. Idem quia vix hominis quidquam præter humanam speciem habere videretur, cum ob ingenium rude atque hebes, res Divinas minus perfectè cognosceret, ad earum participationem nunquam admissus fuerat. Audierat Sacerdos hujus peccata, Christianoque more expiaret, inde per tenebras, puero facem præferente, domum suam redituro, atrium Præfulis pertranseundum fuit, cubiculi fenestræ subiectum, qui incedentium motu percepto, è superiori parte, quid eo tempore negotii sit, totas ferè noctes vigilare solebat, sciscitatur. Certior de ægritudine servi, deque sacra expiatione postquam factus, viatico ad æternitatis iter, Divinæ præmuniri maturè jussit, causanti verò hominis incapacitatem; *Dignam nimirum Parocho diligentiam!* inquit, *Tuum erat efficere, ut esset capax. At jam nunc, ut sit, vide satis:* Ceterum nequid ad salutis æternæ rationes servo deesset, in stabulum ipsemet continuo descendit: ibi ægro assidere, verborum mirâ suavitate, blanditiisque animum captare, quæ opus essent, ad ritè Eucharisticum cibum percipiendum docere, ingenii tarditatem, eruditionis facilitate superare. Quid plura? brevi ita instituit, ut Divinis mysteriis ritè procurari posset. Tum iptius jussu repurgatâ, atque ornatâ Domo, in Aedem Sacram cum Parocho contendit, quò jam consueto signo excitata pia multitudo convenerat. Inde eundem Parochum, Divina ferentem, non dedignatus

45

tus Præful , cum cætera turba , ceream facem manu portans , ad ægrotum comitari , eoque Eucharistiâj munito , inde iterum in ædem Sacram regreditur . Quo facto ut ægrotum ipsum magnâ consolatione affecit , ita caritatis adeo insignis spectatores optimi exempli admiratione , ac studio . Mox ad servum regressus , iterumque consolatus , atque ad agendas Deo immortales gratia exhortatus ; ad Confirmationis Sacramentum exoptandum , petendumque pellexit . Quo administrato ; rursus exhortari cœpit , ut Christiano more perungi novissimè vellet ; quo annuente , ubi jam nihil ad salutem ejus desiderari necessarium vidit , loco abscellit ; opinione Sanctitatis suæ altè animis circumstantium cum admiratione defixâ .

LIBRI PRIMI FINIS:



VITÆ



V I T Æ
S. TVRIBII ALPHONSI
MOGROBESII
LIMENSIS ARCHIEPISCOPI
LIBER SECUNDUS.
CAPUT PRIMUM.

*Plurà a TURIBIO ALPHONSO in Provinciâ
gesta desiderari .*



EXPOSUI Superiori Commentario , quæ
domi , atque in Urbe a Primate , atque
Heroe nostro TURIBIO gesta , quæ vel in
tabulis testium , vel in Vitæ Scriptoribus
potui reperire . Plura geisse iterum af-
firmare non dubitaverim , quæ quia cum
memoratis collata non adeo cludere vi-
debantur , memoriæ fortasse placere non
curarunt . Atqui utinam non etiam ex
præclarissimis plurima præterierint , quod
quidem de Provinciæ visitatione , quàm mox exequi incipio ,
perspicuum est . Ter enim cum visisse Provinciam dicatur extre-
mi vix temporis pauca non periere , antiquioris plura desideran-
tur . Quippe ejus ætatis , cum acta scribi cœperunt , qui testimo-
nium diceret reportus est ferè nemo . Cæterum quarum rerum
testes habemus eas certè , aut locorum , aut temporum serie ex-
pli-

plicare non posse, nec spero; nec promitto; nisi si quam forte testes ipsi luculentiores seriem demonstrent, quam sequar, alioquin, aut divinare opus esset, aut mentiri, longè ab ingenii mei, stylique consuetudine: Minimam igitur Provincialium gestorum, atque extremam partem, cæteris temporum injuriâ absumptis, quo ordine ex tabulis accepi, idest nullo, aut maximè perturbato, ita propono, ut quisquis hæc leget, totque, tamq̃ illustria mirabitur, exque iis quantum si omnia traderentur satis intelligat.

C A P U T II.

Diacesum TURIBIUS invisere instituit.

Herrera
lib. 2. c. 1.
p. 92.

I. **E**X quo primùm tempore **TURIBIUS** in Provinciam cum dignitate venit, nihil se prius, aut antiquius habere existimavit, quam Provincie ejusdem universæ cognitionem. Boni enim Pastoris partes eas esse non ignorabat, crediti statum gregis exploratissimum habere, oculisque perspectum, quò res integras præsentia fovere, labentes sustentare, corruptas restituere facilius queat. Hinc quandocumque negotiis urbanis expedire se, sine officii sui culpâ, posset, nullum tempus, aut occasionem ejus obeundi muneris, abire sibi patiebatur. Qua in re laborum immensitatem, virtutumque præclarissima exempla, quis pro dignitate dicat? Ea quippe erat tunc temporis Provincie magnitudo, quemadmodum supra demonstravimus, ut totî semel obeundæ, nedum bis, ac ter parem fuisse, miraculi simile videatur; Ea verò locorum asperitas, hominum barbaries, itinerum pericula, ut vel fortissimum animum potuissent deterrere. Quo tempore cœperit, aut unde, qui progressus fuerint, quid singulis locis præstiterit, quæ primâ, quæ secundâ, quæ tertiâ cognitione, vix apud Testes, verbum, aut certa distinctio. Cœpisse ante primum **Limenſe Concilium** absolutum, ajunt vitæ scriptores, ac me supra innuere memini. **Jacobus** tamen **Moralius** in suo testimonio habito, ait, **Concilio TURIBIUM** decrevisse primùm proficisci ad visendam Provinciam. Fortasse quia ante hoc tempus, ut rebus quoque Urbanis posset consulere, Provincie, atque Urbi, prout res exigeret, se dividens ibat, redibat, nondum ad remotissimas partes progressus; idcirco ea potius præludia, quàm initia putavit.

Ibidem
p. 93.

11. Annus igitur millesimus quingentesimus, octogesimus quar-

quartus, qui Concilio finem, TURIBIANÆ visitationi certum principium fecit, etsi duobus ante annis aliquid otii nactus prælibasse dicatur. Qualis autem fuerit hæc prima cognitio, ab allato proximè teste, quando luculentior desideratur, compendio descriptam, seu potius convolutam audire non pigeat. *A Concilio, inquit, primam Provinciæ suæ Visitationem aggredi statuit, assumptis in auxilium necessariis ministris, qua in re senes, septenosve annos totos exegit, nullo in Urbem regressu, aut accessu. Hoc tempore (haud ignota loquor) Sacro ritu confirmavit, instituit, docuit supra centum millia hominum. Adiit autem Regionem, ac fines adeo remotos, ut eo accedere nullus ante eum Præsul, aut Sacerdos ausus fuerit maximo sanè vitæ discrimine. Usque ad Inderum populos Christiani nominis hostes penetravit. Amazonum maximum omnium, ac rapidissimum flumen, nec semel, nec iisdem vadis transmisit. Multa pro Christi fide pati cupiens, ac Sanctum ipsius Evangelium notum facere. Ad quasunque gentes accessit, maximam earum multitudinem Sacris aquis expiatam Christo adjunxit, quibus & Parochos qui Sacra ministrarent reliquit. Animarum salutis cupiditate incitatus, dies, noctesque quietis oblitus, in itinere perseverabat, plerunque suis pedibus per altissimum canum, per lubrica viarum, ac Montium prærupta, quo vix ullus aditus, plurimam discriminis appareret. Non ubique Commentus, non lectus repertus: in Provinciis præsertim Capajoæ, ac Majobambæ. Ibi propter limi tenacitatem, callesque malignos, ne pellis quidem ipsa, nedum calceamenta ex sparto caligæque, tuto divelli poterat. Incolæ verdè ejus adventu perterriti, neque enim Sacerdotem, aut Episcopum unquam videre contigerat, principio verrebantur in fugam: mox ab eo revocati, blandèque excepti, securè accedere, audire docentem: alii Baptismum, alii Confirmationem postulare. In his omnibus labores plurimos, plurima pericula sustinuit. Hactenus Testis, cujus ipsissima pene verba è tabulis in hanc linguam transtulimus.*

Ibidem.
Pag. 94.

C A P U T I I I.

Secundò Provinciam obit.

I. SEPTIM circiter annis, uti dicebam, Provinciæ datis, eaque totâ perlustratâ, repurgatis errorum vepribus, quibus ager ille immensus oppletus videbatur, tum jactis bonarum segetum granis, in Urbem TUXISUS revertitur, ubi secundo Provinciali Concilio indicto, atque habito anno salutari 1591.

G

iterum

Ibidem.
P. 49.

iterum cognitionem instituere cogitavit, quem quatuor circiter annis confecisse dicitur, meliori jam rerum facie, ac prioribus illis fenticetis magnâ parte culturâ sublatis, unde & breviori temporis periodo opus fuit. Hujus temporis gesta, eorum quæ extant, pleraque esse dicuntur, ita tamen referuntur in Actis promiscue, ut a cæteris alterius temporis, vix distinguantur. Id nos coëgit in extremas partes singularia cuncta rejicere, quamvis fortasse ad has medias, vel etiam primas pertineant: alio an alio tempore gesta esse parum curandum existimantes, dum omnino aliquando gesta esse, sit constans. Hanc igitur Provinciale moram Testis idem, de quo & supra memoravi, paucissimis his verbis totam complectitur. *Regressus ad cognoscendam Provinciam, diu absuit. Innumerabiles verd molestias devoravit in Provinciis Concuci, Guailæ, Guanuci, atque in agro Truxillensi.* Plura non addit, nisi post longum tempus, regressum.

CAPUT IV.

Tertiam profectionem aggreditur.

Ibidem.
P.95.

I. **J**AM post aliquot annos, tertio Provinciam invisit. Adeo enim gregi suo, vastas regiones, sparsim incolenti opem ferendi desiderio semper ardebat, ut quiescere in Urbe otii culpam existimaret. Hinc, ut inter occupationes urbanas tædium suum solaretur, oculos identidem levans in montes, illud quod in Evangelio de Virginea Visitatione legitur, sæpius atque incredibili alacritate repetebat. *Abiit in Montana cum festinatione, & visitavit Elizabeth.* Eodem, & ipse abire gestiens ad carissimas in iis errantes oviculas revisendas, ac cælestibus pascuis recreandas. Coepit igitur Provincialis orbitæ cursus ab ora maritima, inde per acclivia Collium processit: editissimos denique montes, nisi vita mortalis defecisset, superaturus, quem quidem cursum nos, quoad fieri poterit, sequi, impressaque iis locis vestigia, quæ oblivio delere non potuit, vestigare conabimur. Antequam tamen incipio, libet hic paucis TURIBIANARUM visitationum institutum, inviolabilemque agendi morem prælibare, cum ne eadem pluries repetere necesse sit, tum, ut Viro Sanctissimo, nullam sui, suarumve rerum rationem humanæ tantum salutis, divinique honoris propositam fuisse dilucidius appareat.

CA-

CAPUT V.

Agendi ratio per Provinciam :

I. **I**N Provinciam quoties discessurus erat Turbatus, illud Cap. II.
P. 95. summo studio, diligentiaque providere curabat, ut res Urbanas quàm expeditissimas, quietasque relinqueret; hinc Conciliorum consultis, veluti quibusdam munimentis tutas, hinc optimorum virorum pro se in specula vigilantium custodiâ, itaut licet incommodi, fortasse nonnihil pati absentia suâ, minimû ex tamen labefactari possent. Neque enim res longè positas, rectè a se curari posse putabat, nisi iis prius, quæ circa se, domique suæ laborarent, optimè consulisset. Tum auxilia, ac servos ad necessitatem tantummodo coæquatos ducebat, ut quoad fieri posset, onus hospitii minus incommodaret iis, apud quos versaretur. Nulla impedimenta, nisi dignitati ita propria, ut cum honestate omittere non liceret, qualia sunt Sacerdotis ornamenta, gestatoria fella, & pauca ad quotidianos usus. Jam ab initio certam sibi vivendi, agendique rationem præstituit, a qua ne latum quidem unguem aliquando recessit. Eam verò hujusmodi fuisse tradunt,

II. Ad locum destinatum, ubi jam pervenerat, omnium Ibidem,
P. 96. primùm ad Sacræ ædis limina ab equo accedere; ingressus divinis diutius commentationibus vacare. Exin Sacerdotalem se in Domum conferre, nec alio, qualecunque hoc tandem foret, hospitio, nisi summa quædam res, majorem Deo gloriam paritura, intercederet, uti velle, quæ si quando intercessit, ita demum moveri passus est, si prior quidem hospes petenti sibi potestatem faceret; invitanti verò minimum incommodi sui causâ allatum iri certissimè sciret. Ad hæc nihil omnino cunctatus, nullo quieti, aut seilioni dato momento, rem ipsam aggredi. Tempia, sodalitates, Collegia, Sacrarum Virginum domicilia, omnia denique loca, quæ pia vocant, cum eorum statu, lege, rationibus accuratè cognoscere; singulorum mores, ac vitæ instituta pervestigare: si quid corruptum, aut labefactum auctoritate, edictis restituere; præterea, quanquam nil naturæ suæ alienus esse videbatur, habere delictorum, reorumque quæstiones, Judicia pro gravitate facinorum constituere, pronunciare sententias, pecuniâ, vel aliis pœnarum generibus mulctare, non ullius potentiam, gratiam, divitias, dignitatem respicere; sed

Ibidem,
pag. 97.

causarum æquitates; nullius vel tenuissimi muneris acceptione integerrimas manus inquinare. Insuper, facta testa Templorum, sicubi opus esset, ut fierent imperabat, pecuniâ suâ juvabat, operibus aliquando, nequid Curatores a se imperatum ob negligentiam, aut avaritiam præterirent præesse volebat. Interea temporis Divini Verbi pabulo jejunum diu gregem recreare, operam vel per se, vel per auxiliares suos, sacris animorum expiationibus impendere, Divinis expiatis mysteriis procurare, rudimenta fidei ignaris tradere, data nomina Christo recipere, recepta more christiano confirmare; ad extremum nihil omittere, quod cum divina gloria conjunctum, atque animarum salute cognosceret, quæ tametsi omnia, eâ, quâ maximè posset celeritate præstare consuevit, ne hospitibus inutili morâ, gravior fieret; non tamen ut diligentiam suam desiderarent majorem aliquando permisit. Ubi rem alicubi peregisset, non illum pluviarum libentium copia, non conjuratæ tempestates, non hiemis ulla inclementia retinere poterant, quin statim aliò se conferret; ne illius quidem temporis jacturam passurus dum phaleræ adderentur jumentis, quæ parata ut haberent famulos, paulo antequam viç se committeret, jubebat. Tēnias, sudario-
la, candelas ab Indis confirmandis, aut Sacris Ordinibus initian-
dis nunquam accepit, semper dedit. Ab Hispanis, si qua ultro
sibi offerrentur, iis, inopes Ecclesiarum res ut juvarent suadebat. In itinere vel mulâ vehebatur, vel pedes pergebat: plerumque pedes. Certas diei horas precibus in commune, Deo, ac Beatissimæ Dei Genitrici persolvendis statuerat. Confabulationes de rebus tantum Divinis institutas, comitibus permittebat. Ipse semper in cælestium rerum commentationibus mente defixâ, vel diurnis erga Deum officiis, mente cum voce peragendis conjunctâ iter agebat, a cætero Comitatu aliquanto semotus. Hic illi quotidianus agendi mos fuit, a quo nulla tam grandis occupatio, nullæ temporum vices, nulla corporis lassitudo, nulla itinerum spatia (nam plusquam septem leucarum millia, quarum singulæ tria milliaria Italica continent, confecisse dicitur, nullus quippe angulus tam immensæ Provinciæ fuit, quò præsens accedere non voluerit) retrahere nunquam potuerunt. Jam verò quædam ab eo inter hæc Provincialia tempora singulariter gesta videamus.

Ibidem.
pag 97.

C A P U T VI.

*Truxillum veniens Joannem Roblensem molestissimâ
Hæmorrhoidum ægritudine sanat.*

I. **T**RUXILLUM Urbs est in ora maritima ad Septentri- Cap. III.
nem Urbis Regum, nomen Provinciæ impertiens, p. 100.
ac Limensi Primati sacris in rebus parebat. Ad hanc Urbem cum
venisset TURIBIUS, novissimam cognitionem peragens, è fami-
liaribus quidam Sacerdos, genere Hispanus, quo a Cruce, &
Sacello uti solebat, cruentissimis Hæmorrhoidum cruciatibus
affectus, vitam cum sanguine prope fufurus decubuerat. Eam
ægritudinem annos senos denos incurabili pertinaciâ sævientem
pertulerat. Remediis pecuniarum magnâ vi comparatis (tria Ibidem.
enim millia ferè nummorum scutatorum consumpserat) aspera- p. 101.
verat magis, quàm sedarat. Decumbentem igitur hominem,
ac præ doloris acerbitate mortem invocantem, TURIBIUS invisit,
miseretur, consolatur. Divinam rem pro ejus salute se fecisse
affirmat, celerem ex ea ægritudine salutem sperare jubet, metu
mortis excluso. Vix hæc, cum se melius habere æger cœpit,
moxque ita convaluit, ut deinceps eo morbi genere nunquam
amplius laborarit.

C A P U T VII.

*Auditus Divinum Officium alternis recitare
cum Sanctis Celitibus.*

I. **P**OSTQUAM Truxilli rerum sacrarum cognitionem ha- Cap. IV.
buit TURIBIUS, optimèque iisdem consuluit, Oppida, p. 102.
& Pagos ejus agri adire perrexit. Nusquam iter aquarum è ju-
gis defluentium, ac passim stagnantium lapsu, neque enim plu-
viis suis irrigatur solum, impeditius nusquam altiore cœno, aut
tenaciore argillâ, quâ hominibus, quâ jumentis incommodius:
soleas enim, atque ungulas hîc diripere dicitur. Calceos enim
& cutem viatoribus hoc iter ingressis damno subducere non li-
cet. Has tamen difficultates contempsit TURIBIUS, atque, ut
supra demonstratum, aggredi ausus suis pedibus viam, quâ ex-
pediri jumenta non poterant; præstare ratus, calceos, & pellem
suam luto teneri, quam oves suas, morbidas, invisas, negle-
ctasque a se Pastore deferi. Inter alia verò, quæ non adiit tan-
tùm

tum, sed & aliquo suæ virtutis insigni monumento ornavit loca, Pagus apud Chaonem, quod divæ Mariæ Magdalænæ nomen præfert, memoratur. Hic dum res administrat Turisius, noctem traducere cogitur. Datum Sacerdotali in Domo singulari Viro, singulare cubiculum; quippe eodem Conclavi adesse, aut somnum capere volebat neminem, ne cui, nisi Divinis oculis vigilæ suæ, quibus totam ferè noctem inter sacras preces, ac sui corporis macerationes impendere consueverat, paterent. Eâ porro nocte, cum ab iis, qui proximis in cubiculis erant, Divinas preces, alternis recitare audiretur, opinio primùm incidit, opem alicujus ex familiaribus cum præ laxitudine accessisse: mox illucescente jam die, cum neminem intus fuisse ex familia cunctis affirmarent, tum recluso Conclavi, præter unum Antistitem nullus inveniretur, illud jam certum, atque indubitatum existimandum esse: ex vocis diversitate planè observatâ, aliquem illi è Sanctis Cœlitibus, operam suam collocasse, Divinisque officiis persolvendis adiutorem accessisse judicarunt.

C A P U T VIII.

Cruentis Corpus suum flagellis dilacerat.

I. **N**Ec mirum Cœlestium Civium consuetudine usum, fuisse, qui iisdem se simillimum imitatione, ut fingeret, studiosissimè semper curavit. Quamobrem corpori suo animam prægravanti, autque humo affigenti sic iratus semper, ita dixerim videbatur, ut hosti suo insensissimò, quem interneccinis odiis sibi debellandum, profligandumque putaret, ut eo aliquando expeditus cum beatis Cœlicolis Spiritus haberet confortium. Id tum aliàs sæpe, tum in eodem Truxellensi tractu, certissimis argumentis comprobavit. Etenim præterquam quod viarum illud spatiis, difficultate, continuato diu itinere, famis, ac sitis longâ tolerantia, vigiliarum assiduitate pene conficere videbatur, alia quoque poenarum instrumenta addebat adeo immittia, ut mirum fuerit tamdiu potuisse vivere. Eo igitur tractu, rusticano, ac Silvestri cum nocte jam inductâ, constitisset, iis agrestibus opem aliquam laturus, cæteris in quietem solutis, ipse hospitio egressus, per lunam in vicinam Montem secessit. Horrendâ mons Sylvarum opacitate tectus stabula alta ferarum habebat, ob quarum sævitiam infamiâ perpetuâ laborabat. Eò cum pervenisset Turisius, nullo solitudinis, aut ferarum metu sub

sub arbore procera, atque antiqua consistens, humeris veste detractâ atque ad humum genibus demissis, Divinam misericordiam implorans, ita se ferreis flagellis concidere cœpit, ut sonitus verberum longius auditus fuerit, & sanguinis largissimâ effusione circumfusa virgulata terramque resperferit. Quod factum Deo volente occultum esse non potuit. Quidam enim è familiaribus comperto, domo eum egressum clam ponè secutus, pluresque accolarum illac prætereuntes audito fragore, cuncta observasse dicuntur. Ab his continuò inter agrestes res vulgata, vix clarescente die, eorum multos illuc visendi studio perduxit; visaque tellus rivo sanguinis madens, irrorata eodem virgulta, arboris quoque trunco hærentes guttæ; quarum ad suam usque ætatem, nimirum ad annum salutis 1631. purpurea quædam vestigia apparuisse, Joannes Sopeda testatum reliquit in Aetjjs.

C A P U T IX.

'Ad loca editiora, atque asperiora progreditur.'

I. JAM verò equioribus regionis partibus peragratiss, Colles Cap. vi.
quoque, & valles, ipsasque altissimas Andes, si quâ p. 106.
humani generis vestigium reperiri intelligeret, accedere non dubitavit optimus Pastor TURIBIUS. Oppida in Collibus præcipua Guamangæ, & Aræquipæ cum suis Provinciis. In Vallibus quas maximas, adituque propter altitudinem difficillimas esse dicunt, Xauxa, Juquai, Andegavila memorantur. Porro Alpes, quemadmodum superius demonstratum est, asperitate, magnitudine, multitudine ferè incredibili, plurimas mortalium Sedes accipere. In his Condomarchii, Cacapoii, Abancai, Guamalienses, Andes Chincacochenses, Juugæ, Guamcabambenses, aliæque Barbarorum Nationes innumeræ. Ad quas omnes bonus Pastor præsens adire voluit, itinerum nullis difficultatibus deteritus, etsi per juga æternis nivibus obsita, eaque frigoris inclementiâ, ut corrumpi cadavera gelu concreta non sinant, viam plurium dierum pedibus, neque enim equis aptæ eæ rupes, continuare simul, ac moliri opus esset. Tridui quippe iter nonnunquam pedes per ardua, ac prærupta ita confecit, ut ne gestatoriâ quidem Sellâ, quæ præsto erat, uti voluerit. Adiit præterea Carapinam, Aroquileam, Chilcas, Guanen, barbarorum terrâs, exceptus non inhumauit ab incolis, belluinâ pene feritate præditis, semper in armis, ac telis. Ibi multos nondum Christianis my-

mysteriis initiatos, salutari lavacro expiavit : innumeram prope multitudinem sacro Ritu confirmavit : aliaque ad salutem Incolarum spectantia tantâ caritatis significatione obiit, ut quasi hominem omnino cœlestem Barbaries ipsa suspiceret, ac veneretur.

C A P U T X.

Cacique ad TURIBIUM veniens in rebus Fidei institui petit. Ejusdem ad alia loca progressio.

Cap. vii.
p. 107.

I. **A**PUd Thomas, Xauxę Provincię Oppidum, agente TURIBIO, ac jam latius ejus Sanctimonię famâ percrebescente, Indorum Princeps ex iis, quos Caciquos appellant, cum ingenti suorum multitudine, ad eum venit, enixius rogans, ut & gentis suę oram adiret, pollicitus omnes Christianam fidem maximâ voluntate audituros & accepturos. Se autem, & qui cum eo erant, Christum dare nomen per eum velle. Complêxatus cum Principe singulos TURIBIUS, nullum sanè officium, nullam optime voluntatis significationem omisit. Mensam quoque dapibus refertam apponi jussit; in comœtatum vina, & pecora clargitus. Se tamen negavit posse ibi tamdiu morari, donec fidei Christianę præceptis omnes imbueret; nec cęptam Provinciæ suę cognitionem tutò relinquere, ut quò vocabatur contenderet, iis rationibus usus, quibus Cacique intelligere potuit, nullum in re negata sui contemptum, nullum negantis supercilium, aut propriæ commoditatis curam reperiri. Adesse ibi Virum, qui ejus votis satis faceret, eique omnis Christianę Sapientiæ arcanum aperiret; mox etiam in patrios fines sequeretur, ejusdem Religiosis præstantissimus præco. Is erat Vir Religiosus è Franciscana Familia doctrinâ æquę, ac vitæ sanctimoniâ insignis Bernardus Navarrete, qui eo tempore Chomis in Collegio sui Ordinis morabatur.

Ibidem.
p. 108.

II. Huic ergo Cacique cum Sociis erudiendum cum reliquisset; atque in Patriam deinde sequi, maxima Christianę rei incrementa facturum jussisset, iter suum profecutus TURIBIUS, omnes Xauxensium, Guanhyansium, Cocangatensium fines accessit, ac peragravit, apud quos populos, rerum omnium inopiam, ac jejunium habitare credas, tanta pabulorum caritas, ut quo corpora curarent plerumque repertum non sit, tam rara hospitia, ut labore defessis diurno, humi, subdio, nocte jacere opus

opus fuerit. Hujusmodi hominum genus montanum, atque, ut ita loquar, semiferum, cui nihil præter vile tugurium, ac fordidos liberos, notum; dum videret Præsul res, haud rarò, superius testimonio comprobata ac risu sâne digna accidere solebat. Ejus enim adventu in fugam, ac latibula se conjiciebant conferunt non pueri tantum, hujusmodi rerum trepidi, sed viri, & mulieres ætatis jam adultæ, atque incanæ; Sacerdotali ornatu, atque urbanioribus vultibus, ut re insolenti, larvarumque simili exterriti: revocandique erant, & a timore avocandi blanditiis, ac datis munusculis.

III. Illud quoque hîc accidit, ut ad Sacra Confirmationis mysteria invitati plerique refugerent, non odio quidem, ac contemptu rei sacræ, sed candelæ, ac tæniolæ dispendio deterriti. Etenim, quia ante paucos annos Tucumanensem Præsulem a TURIBIO administrandi facultate acceptâ, ut consuetum munusculum, ea sibi jure exegisse viderant, & TURIBIUM facturum suspicabantur. Quæ res tenuissimis eorum fortune oppidò incommodare videbatur. Causâ TURIBIUS cognitâ, in concionem advocavit, gravissimisque verbis, Indicè, Hispanicè increpitis, voluntatem suam eam esse declaravit, ut non solum accipere ab eis nihil vellet, sed indigentibus quidquid necessarium erat etiam dare. Nunquam se talia munuscula exegisse, plerisque elargiri consuevisse. Venirent proinde eo timore soluti, ad Sacramenti confirmationem, nulla suarum rerum dispendia passuri. Quibus auditis plurima undique multitudo statim confluit. Enim verò laborum tolerantiam, periculorum magnitudinem, ac numerum, alacritatem in omni re adversa singularem, res ubique summa cum laude, ac virtute gestas tanti Viri quis audiens non demiretur?

C A P U T XI.

Multis, & gravissimis casibus mirabiliter evadit.

I. EX infinita similium exemplorum multitudine pauca Cap. VIII.
p. 1 o. persequi non erit ut puto absque operæ pretio, illud verò non possim loco relinquendum, quod Corongi accidit. Eò per rupes, & aspera saxa ascenditur, quæ dum superat TURIBIUS pede proapsus, per præcipitia ferri coepit. Actum ibi de eo erat, nisi virgultum in casu ostendisset, quo, non sine prodigio, tandiu sustineretur, donec per aviam rupem fune demisso,

H

re-

reduci posset in tutum . Rebus verò ibi compositis decliviori jam die , & pluviis hibernis foedo putavit se Lapum duodecim inde millibus passuum distantem Pagum , posse eodem die pervenire . Dissuadere omnes , ac detertere , viæ asperitate , noctis atque hiemis fœditate , nivium altitudine propositâ . Nil tanti , omnia ille contemnere , neu paucarum horarum spatio cessare cogere-
tur , eo die Cœli vultu tam turbido , ac minaci , corruptissimis nive , ac lubrico semitis , sumpto famulo , ac duobus ex indigenis viæ ducibus , cæteros enim Coronix eâ nocte morari permisit , eò contendere . Circa tertiam noctis vigiliam pervenit , ita corpore affectus , ut è quodam naufragio emeruisse videretur , omnes noctis , hiemis , itineris injurias expertus , at eam frontis hilaritatem præferens , qualem cui omnia ex animi sententia contigissent . Nec verum reliquum noctis quieti concessit , sed totum Divinis pensis exsolvendis , piisque commentationibus impertivit , nullo ante vel cibo , vel potu gustato , quippe jejunii tempus erat , aut frigore ad ignem , corpore vestibus humore depulso . Ab aurora altarium consecrationes coepit numero non minus viginti , quibus cæterisque de more prout loci res exigebant perfunctus , ut jam rerum nihil , temporis verò tantum vidit superesse , ut ad Oppidum Cusculusquiliam , quatuor ac viginti passuum millibus longè positum , posset pervenire , eò , ne procurato quidem corpore , tot laboribus hætenus confecto , præter superioris noctis incommoda , continuò disce-*lit* .

Ibidem
p. 111.

II. Cum accepisset familias Indorum nonnullas altissimæ convallis loca incolere , quò Christiani nominis nec odor quidem afflari unquam a quoquam ob impeditisimos calles potuisset , sed eas ritu ibi ferino vitam degere ; non tulit bonus Pastor paucarum ovium a toto grege tam misere aberrantium jacturam , iisque causis , quibus demorati cæteri fuerant , accessu nimirum laborioso , ac ingeniorum ferociâ neglectis , eò continuò ire perrexit , quidquid familiares , ut ab eo consilio deterrent , adlaborent . Cœpto itinere ubi ad angustissimam semitam perventum , lapsu inter subjectas rupes evolvitur , quo casu examinatus diu jacuit . Mox redeunte spiritu , tanquam nil grave passus esset , iter cœptum promoveri jubet ; familiaribus deteriora metuentibus , & a proposito dimovere jam acrius adniten-
tibus , animos addens , illud¹ pro constanti haberent , operâ id communis adversarii factum esse paucarum animarum salutem indignissimè ferentis : exin nil tale metuerent : omnia expedita

fo-

fore. Quibus confirmati familiares, sequi eundem Ducem non recusant, ac nullâ ferè molestiâ, decem passuum millia pedibus conficiunt, per loca horrida, & confragosa, ad vallis incolae descendentes. Illic aliquot dies moratus TURBIUS, dum fidei Christianæ rudimenta ignavis hominibus traderentur, ac salutiferis aquis ad veram vitam renascerentur, nihil interea somni nisi super nuda humo; nihil cibi præter Indici frumenti grana, ac minutissimos cammaros apud eos cepit, aut reperit.

III. Inter hæc incommoda nunquam queri, nunquam omnino commoveri visus: omnia enim ardentissimo caritatis igne incensus superabat. Contra sævillimus humanæ salutis, ac veræ Religionis Adversarius, quantis in eum odiis, atque insidiis frendens utebatur! Sperabat quippe, periculorum magnitudine, multitudineque pium constantissimæ mentis propositum, aut infringi a se aliquando posse, aut labefactari. Hinc nullum lapidem per viam non moliri, in quem offendens jumentum, fessorem in præceps excuteret, omnisque ita humanæ salutis curandæ ratio perturbata negligetur. Id cum hætenus narrata, tum continuo narranda apertissimè demonstrabunt.

IV. Ad asperissimi Montis apicem cum aliquando pervenisset, mula, quæ vehabatur, ad immanem præruptarum rupium altitudinem, haud dubiè Dæmonis stimulis agitata, propius accessit; cujus pondere subruta tellus, ipsam quidem bestiam ad ima prolabantem, atque in minutas particulas per acuta saxorum concisam consecuta est; cæterum hominem justum in ipso exitii limine, impune effusum, ita continuit, ac servavit, ut Divinâ potius manu ablatus, sustentatusque videretur quàm solo.

Ibidem.
pag. 112.

V. Nec illud ex una parte atrocem Adversarii invidiam non habet: ex altera verò auxiliantis opem Dei dilucidè ostendit quod sequitur. Iter per aspera, atque angusta montium latera, hinc arduis in Cælum scopulis, hinc pronis ad ima præcipitiis, TURBIO gregis sui longè latèque dispersas turmas vestiganti, conficiendum fuit. Accedebant ad horrorem loci, prærupta Convallium; porro inferius rapidissimarum perstreptentes aquarum lapsus. Ubi ad altissimam rupem perventum, cum jumento offendente concidens per declivia pariter deferri cœpit. Frutex in saxo pendens, Deo volente, mirumque in modum auxiliante, statim excepit, & quamvis ex se impar iis sustinendis, utrumque contigit, donec famuli ponè sequentes adessent. At bestię casus ita Viri tibiam interceperat, ut subduci non posset, nisi

amoveretur & bestia. Id autem nullâ ratione fieri posse animadvertentes, ob iniquitatem loci, consilium cepere, ut qua posset, alii per brachia Antistitem apprehensum continerent, alii arbutum succiderent, ut bestia illo obice, qui unus ruinam morabatur, amoto, ad ima prorupte, integer ille, tibiâque expeditâ, reduceretur in tutum. Quo factô, vita quidem Viro servata est, at non omnino incolumi tibiâ.

VI. Ad hæc in vallem Chicamæ cum venisset apud Pagum Chocopen, in fossam ingentis altitudinis offendit. Ponte quidem subflicio illa conjugebatur, sed vitioso malèque tuto. Illic anteriori pede inter trabes minimè sibi cohærentes inserto, jumentum collabens sessorem Antistitem in fossam effudit, idemque verò tigillo admodum exiguo pependit, ne cadentem consecutum opprimeret. Porro cœlesti beneficio, homo, & jumentum servatum est, quorum utrique perniciem infestissimus hostis instruxerat.

VII. Guancabambam Provinciam obeunti, illud memorabile accidit, quod subjiciam. Mulâ utebatur, cui Saltatricis nomen inditum erat, quod nomen sibi intractabilis naturæ pravitæ comparaverat. Præter Antistitem, nullum illa alium tergo Sessorem ferebat, eo verò mansuescere videbatur recepto. Aliquando hæc offendens pedibus, Antistitem ipsum ad terram dedit, corporique suo ita subjecit, ut moveri non posset, quin eum protereret. Mira res! Constitit bestia immobilis, donec accurrerent, qui eum a periculo eriperent.

VIII. Nonnunquam visibili Angelorum ministerio, ab hujusmodi casibus ereptum fuisse, dubitari non potest. Duo hujus rei exempla narrantur. Alterum apud Laimebambam Caco-poyensem Villam; Alterum verò Pallascœ. Illic dum a cæteris seorsum, totus in Officii Divini recitatione defixus, iter facit, jumenti errorem non advertit, a quo rectâ longius digresso ad os immanis præcipitii defertur. Nondum periculum suum animadverterat Præsul, cum bestia ruina jam imminens subsistit; eodemque omnino momento audita vox revocantis, ac monentis, ne ulterius progrediretur. Ad quem respiciens, hominem ejus nationis similem, concitatori ad se cursu venientem vidit, qui accedens, habenas apprehendit, mulamque loco difficillimo maxima cum facilitate in adversam partem convertit. Viro de se optimè merito multis gratiis actis; quandoquidem quid mercedis daret nihil apud se habebat, eum rogavit, ut se comi-
tare -

Ibidem,
p. 113.

taretur, donec ad iuos perveniret. Secutus ille quamdiu ad rectum iter reduceret: tum paulatim se se subducens, videri desinit, ac nullibi, accuratissimè licet perquisitus, a famulis reperiri potuit.

I X. Pallasæ verò accidit, ut Sacerdos ejus loci, Sacris Præfectus, noctis tempore, ad audiendam hominis indigenæ confessionem, quodam in saltu animam agentis, Turisio præsentem, atque hospitem, accerferetur. Quâ re ille auditâ, sibi eam palmam eripi non est passus. Ipsemet morituro adesse atque opem ferre voluit, etsi familiaribus id consilii minus probari videret, propter & nocturnas tenebras, & viæ difficilioris anfractus. Igitur famulo secum adsumpto illuc perrexit. Ad itineris cætera impedimenta, rupes omnino præceps accedebat, quam ægrè admodum nec sine manifesto periculo superasset, nisi in summo discrimine versanti homo, ut videbatur, ex Indorum genere opem attulisset. Cui dum pro beneficio gratias agere parat Turisius, jam ille oculis, se subdlexerat, nec adesse ultra visus. Quis utrobique Angeli tutelarvis visibili effigie præsentiam non agnoscat?

C A P U T XII.

*In quamplurima pericula incurrit, nullis
atteritur.*

I. **H**Is casibus & periculis accedunt alia nec pauciora, nec leviora. Et sanè totam hanc Provinciam nostram Præfulis administrationem, si quis diligenter animadvertat, ut nullam penitus horam laboribus vacuum, ita nullum locum vestigiis invictæ in periculis constantiæ non impressum reperiet. Horum quædam ex gravioribus tantum hîc exponam.

Cap. 12.
pag. 113.

II. Chinee proficiscentem, duobus tantum comitibus viarum error ita abstraxit, ut luce jam dilapsâ noctem integram iter facere compulerit. Nec ut quidquam, eo toto itinere degustaret adduci potuit.

Ibidem.
P. 114.

III. Ciguïs, nomen est Villæ ad Amazonum flumen, re peractâ, præmissis Turisius domesticis, ad alium quatuor & viginti milliaribus distantem locum, contentiori passu ipse incendo promovebat, Divinis precibus mente intentâ. Longius interea omnes progressi, ad locum restâ pervenere. Ille in viarum errores se induit. Ante oculos, eodem ferme tempore oc-

curs-

current, inhospitalis solitudo, rupium undique præcipitia, in-
 gredientes ab illuni nocte tenebrarum horrores. Quid faceret ?
 Mirâ animi æquabilitate substitit, rupi insidet, ac jumentum lo-
 ro tenens ne elaberetur, tanquam liberalissimi hospitis domici-
 lio exceptus, sic hilari, alacrique vultu ejus noctis incommo-
 da traducere, Divini honoris causâ, non dubitavit. Familiars
 ubi diu expectatum adelle non vident, adultâ jam nocte, animo
 gravius commoveri, atque, ut erat, rem suspicati, de sui Præ-
 sulis incolumitate solliciti anxia curâ omnes angebantur. Igitur
 per obscuram, & hibernam noctem, stipularum manipulis in
 taces accensus, adhibitis regionis peritissimis, ausi iterum am-
 bigua retrogressi lustrare, & jactare voces per umbras. Jam
 propius cum pervenissent, respondentis vocem excepere : *En
 hic adjum : Ecce me*. Quam secuti, Antistitem suum, habitu
 oris, atque animi ad lætitiâ, & hilaritatem compositi inveniunt,
 ac secum ad hospitia deducunt.

I V. Majobambæ cum esset, pro certo accipit Indorum quos-
 dam Christianæ severitatis disciplinam, ac vitiorum suorum in-
 crepationes a Sacerdotibus ne perferre cogerentur, nuncio Re-
 ligioni remisso, in impietatem rursus ac perfidiam relapsos : cui
 operam, ut darent, solitudinum recessus occupasse, ibi exleges,
 ac securos gregatim vitam traducere. Quo nuncio veluti duris-
 simo, ac lethali vulnere transverberatus TURBII piissimus ani-
 mus, consilium statim cepit, ne ulli in iis vestigandis, ac re-
 ducendis labori parceret. Nihil proinde cunctatus, iter centum
 ferè milliarium pedibus conficere ausus, per loca equis iniqua,
 atque impervia, incredibili asperitate, montibus, fluminibus,
 paludibus, arboribus inpeditissima. Plures dies integros sine ci-
 bo perseveravit : non semel noctes inter vastas eremos tra-
 duxit : nonnunquam nudis pedibus, & læsâ cute cruentis,
 aut lacunarum coeno, aut calceorum vitio inpeditis pro-
 gredi coactus. Adde, pro locorum vicissitudine, nunc acutissi-
 ma frigora, nunc æstuentes soles, nunc decedentes Cælo plu-
 vias, montium editissimas acclivitates, vallium incredibiles
 profunditates, planorum lubrica, sylvarum horrores, bel-
 luarum fævitiam : omnia hæc minima pars erant eorum, quæ
 hoc itinere pertulit. Interea adeo corpus debilitatum est, ut die
 quodam defectus viribus succumbere labori, ac similis exanimi
 jacere visus fuerit. Quem famuli verò exanimem rati, feretro
 ex arborum ramis prout licuit contexto, suisque stragulis in-
 strato

strato imposuerunt. Insuper vestibus velantes, quominus ruentis interea astatim pluviae injuriis pateret, non sine copiosis fleatibus per eam solitudinem deserebant, maturantes assequi socios, qui, ut tuguriolum instante jam nocte ex materia sylvestri venienti pararent Domino, aliquanto praecesserant. Hos postquam affecuti, certiores faciunt de Antistitis casu, deponuntque in medio piam sarcinam. Primò omnes, ut extinctum lacrymabili querela prosequi, mox vitae indicibus deprehensis, fomentis, ac remediis admotis juvare. Elapso duarum ferme horarum spatio, vivere cum manifestè compertum: visusque veluti ex profundo somno excitari, eâ vultus hilaritate, quâ semper uti solitus erat. Tum famuli circumstare, orantes, ut virium defectum aliquâ refectiunculâ recrearet. Atqui adduci non potuit, ne jejuniū, quod eo die servare proposuerat, violaret. Solo tamen stratus imbre madido paucarum horarum spatio jacens quietem cepit: vigilantibus interea qui aderant, ac metuentibus ne feris, quibus solitudo abundabat discerperetur. Quippe inter noctis, locique horrores, auditi Leones, Ursi, Simiique enormis magnitudinis errare propius, ac rugitu saltum sevo complere. Jam verò clarescente Aurorâ, festus enim erat dies, arâ ibidem structâ sacrum fecit. Mox iter profectus, ad locum, quem Olares vocant, pervenit. Ubi Vir religiosus ex Ordine Mercedis, qui Sacris praeerat, illi obviam profectus, quædam obtulit vesca munuscula. At ne degustare quidem voluit, quanquam inediâ pene confectus: moris sui, vel in summa necessitate retinens, ne prius ad locum quàm veniret, ubi sacra futura erat cognitio, atque in Ecclesia post preces opus fecisset, corpus curaret. Abstinentiam verò illam, servi fame, pene enecti ferre non potuerunt: iis enim, quæ offerebantur clanculum acceptis, omnia continuò absumpserunt. Inde ad homines quos tanto studio quærendos susceperat venit. Numero erant ferè centum. Plures ætate jam grandiori, nec elementis quidem Christianæ fidei initiati fuerant. Alij octogenarii, & initiati, nondum sacro ritu confirmati erant. Omnes in summa Divinarum rerum ignorantia versabantur. Porro incredibile dictu est, quâ agendi dexterritate; ac suavitate eorum se animis insinuaverit, ut illos ad omnia honesta, induceret. Verbis, blandimentis, & muneribus brevi effecit, ut qui Christo necdum nomen dederant, ultro se sacro fonte expiandos offerrent: iis verò qui baptismum jam receperant, confirmationis Sacramentum administravit. Cuncti de-

Ibidem.
pag. 216.

denique se Sacerdotibus obsequentes futuros, fidem suam obligarunt. Quos omnes bonus Pastor patriâ caritate complexus, quæ factio opus essent edocuit, fidei Christianæ præceptis imbuere, cæque instructos lætus reliquit.

V. Nec illud sanè silentio prætereundum quod in ejusdem Majobanæ tractu, Anno 1595. contigisse fertur. Secefferat more suo aliquantulum TURIBIUS a cætero Comitatu, ut quotidianum Deo precum pensum maiori animi sui contentione exolveret. Cum ecce illi Tauri duo è proxima Sylva occurrunt, torvo ferocique aspectu formidandi. Constat id genus belluarum fœvire in homines consuevisse, ac multis exitum illatum. Timuisse TURIBIUM in hujusmodi discrimine, Magnanimitatem ipsam in aliis periculis adamantinam, non puduit: neque enim pro virtute, aut Religione objectandum illic erat caput. Illos igitur conspicatus, ac digno, constanti, & forti Viro metu correptus, celeritate quâ maximâ potuit jumento desiliens, proximam occupat rupem, nec illam sanè omnino tutam a ferarum fœvitie, nisi hanc Deus ita cohibuisset, ut propter transeuntes tauri, nec Viro, nec jumento nocere possent. Cujus cælestis auxilii, ac rei argumentum fuit Arbor in eadem rupe statim enata, quam ad hanc usque diem cerni vegetam virentemque affirmant; ac vulgò dici, ARBOREM ARCHIEPISCOPI.

VI. Antonius Varetius in suo de hac Arbore testimonio, de TURIBII periculo, paulo aliter se audisse affirmat. Verba ex Tabulis producám. „ Dum hac, *inquit*, iter facio, audiui in „ eo itineris spatio, quod Majobambam, atque Iranarum Op- „ pidum interjacet, ad radices Montis loco aëquo, ac plano ar- „ borem esse in saxo vivo, & quantum memini altitudine ferè „ humani corporis: monstratusque ab iis, qui comitabantur Vi- „ ris, quindecim circiter, aut viginti locus, & Arbor, ut res „ prodigiosa. Atque inter eos Scriba Limensis Capituli retulit „ mihi cæteris audientibus eodem D. Antistite illac iter agente „ ante annos circiter viginti, plus minusve, visum fuisse in eo „ itinere ferocissimum Taurum, admonitumque Antistitem a „ familiaribus, ut salutis suæ eo saxo occupato consulere, paruis- „ se. Ea verò Arbor tunc aridam fuisse fertur, vulgatumque „ apud omnes fama est, tanquam aliquod valde certum, haud „ ita multis post diebus viruisse, ac flores protulisse. Equidem „ illud compertum, atque perspectum affirmare possum mane- „ re adhuc arborem ipsam, ramusculis partim virentibus, par- „ tim

Ibidem.
p. 117.

„tim aridis, altitudine majori, quam hastilis militaris. Quod
 „verò prodigiosum censetur, illud est, quod arbor vireſcat
 „in saxo etſi quo ali queat, nihil ex ea parte humoris accipere
 „omnino poſſit; tantùm quia in eo ſtetit Antifeſtes, ut ſibi ca-
 „veret a Tauro. Hæc ibi iſſdem pene verbis huc translata.
 A quibus parum diſtat Garziæ Aguerii Viri ex Ordine Merce-
 dis Religioſi, & Sacerdotis teſtimonium. Nec mirum: Fama
 enim plerunque res quas eſt, corrumpit. Superioris narra-
 tionis plures, certioresque Auctores eſſe puto.

VII. Simili diſcrimine Totopone Turanus deſungitur.
 Eo enim loco dum flexis genibus Divinis commentationibus
 vacat, ejuſdem generis beſtia in eum ſe ſe incitat, ac perniciem
 minatur. Quod unicum erat eſugium, ſublatis in Cælum ocu-
 lis, Dei optimi maximi opem imploravit. Nec fruſtra: nam
 lapide exiguæ magnitudinis forte oblato, quo quis lædi poſſe
 tantam ſeram vix ſperafſet, a ſervo qui aderat percuſſa, ſtatim
 non ſine Dei auxilio exanimata eſt.

VIII. Aliquando ſolis, atque æſtus vitandi cauſâ in quan-
 dam Officinam, quâ ſaccarum aquariâ molâ purgari ſolebat in-
 greſſus, haud procul ab Oppido Cupe, quò iter erat, nonnihil
 quietis in arundinum manipulo fuſus ceperat. Expergeſactus,
 ubi opportunum ad iter faciendum tempus vergente jam ſole
 intellexit, domo egreſſus, Divini officii partem veſpernam
 ante perſoluturus, quàm iter adiret. At vix pedem extulerat,
 cum magno fragore domus ſubitam dedit ruinam, cunctaque
 intus oppreſſit. Qua in re cæleſtis tutelæ, atque auxilii erga
 ipſum beneficium, nemo fuit qui non ſuſpiceret.

IX. Quid de laborum magnitudine, quos in ſacris huiusmo-
 di cognitionibus paſſim pertulit dicam? Quid de itinerum va-
 riis incommodis, ac rerum neceſſariarum plerunque caritate?
 Aſta huiusmodi rebus plena ſunt, Teſtes nihil magis confir-
 mant. Ex iſis, quæ hætenus dicta ſunt iudicari nemini non li-
 cet. Paucis proinde ex innumera multitudine delibatis hîc lo-
 cus eſto.

C A P U T XIII.

Incommoda itinerum varia, ac laboriosissima summâ alacritate, & subit, & contemnit.

Cap. x.
pt 18.

I. **A**T sanè tanto sacræ cognitionis studio flagrabat Turcius, ut per omnia laboriosa, & obliantia eam, prosequi nullo unquam tempore destiterit; nullis incommodis quamvis durissimis perterritus: animo, ac vultu semper explicato, & sui simili. Maxima horum incommodorum pars ab hospitii, & comæatus, vel defectu, vel qualitate, a viarum, & temporum asperitate, a fluminum, & lacunarum tum objectu tum transitu profecta est. Hæc enim quotidiana, & ubique obvia illi fuisse, vel divisa, vel omnia simul videntur. Sæpe totam noctem sub aperto Coelo, inclementissimâ anni tempestate, locis humentibus, ac minimè tutis exegisse eum testes affirmant. Cujus rei inter alia exempla hæc memoratu digna sunt.

II. Majobambam viâ, quam Narancianorum vocant, montium salebris, atque anfractibus difficillimâ, ex Cacapojs pergebat. Quo itinere, cum ad profluentem quemdam ventum esset, quem transvadari oportebat, ita subitis pluviis torrens intumuerat, ut nec transitum daret, nec ad proxima hospitia, quæ nulla erant, regressum. At famuli cum sarcinis, & rebus ad comæatum necessariis, alveum paulo ante facilem nacti trajecerant. Itaque in ripa jacere per eam noctem, in summa rerum omnium, præter pauca poma sylvestria, egestate, atque inopia coactus fuit. At ne hæc quidem gratis in tam necessarios usus decerpi, aut absumi passus est Præsul, ne, vel cum eorum possessoris jactura coenasse, vel potius ne vel ab arboribus munus accepisse pro administratione videretur. Mandavit itaque diligenter, ut pretium platanis, ejus generis arbores erant, pro acceptis pomis penderetur. Affirmantibus autem famulis, eas nullius esse juris, nullius pretii, deserto ac sylvestri solo temere enatas, primùm occupanti poma sua elargientes. *Ob hanc ipsam, inquit, causam, quia de possessione ambigitur, neque ante utendi re alienâ accepta facultas, quadruplum illis exoluisse.* Tum inter eos, quanti ea poma, vel maximo pretio valerent, æstimatione factâ, visum duos regales nummos quadruplum ejus esse. Appendi proinde hanc ramis, pro decerptis foetibus pecuniam

niam iussit : quo facto flumen contractiori jam vado transiit.

III. Eodem planè modo Coello Calangum profecturus servos cum impeditentis præire iussèrat. Mala fluvius iter medium secat ; alto enim verò , ac difficili vado , auctus insuper imbre recenti . Quem sarcinas transducere ausi , parum absuit , quin omnia cum jumentis pronis vorticibus raperentur , præter unum illud , quo Præfulis domestica , ac sacra suppellex deferebatur , quæ una alveum sicca transvecta est , cæteris multo imbre mædientibus . Hac re animadversâ , ac de Antistite sequente solliciti , homines aquarum altitudinis non ignaros in ripa expectare iusserunt . Timebant enim ne si temere se vado dedisset , altiori gurgite in grave aliquod periculum impingeretur , unde exire salvus non posset . Interea collectis alveus aquis tumidior fieri , nec spes transitus ulla relinqui , nisi aperte perire volenti . Turbatus , ut magnanimus , ita minimè in temeritatem proclivis , ubi ad profluentem accellit , trajectuque proliberi se vidit , nihil audacius , sibi agendum esse putavit . Et quanquam nox aderat , decrant cætera , præstare tamen censuit , molestias noctis in ripis subdicio experiri , quàm fortunæ in suorum , suumque discrimen ancipitem aleam . Itaque ibi moratus , nihil aliud habuit , quo corpus reficeret , nisi unicum , eumque modicum panem forte a servo quodam delatum , quo inter quatuor , tot enim erant , ex æquo distributo cœnatum est , & aquâ è flumine haustâ sedata sitis . Divinis dein Officiis exolutis , gausape stravit , atque ephippio pro cervicali subjecto , tantâ animi securitate , tranquillitateque incubuit , ut si domi suæ , & in suo lecto . A secunda porro noctis hora pertenui , sed pertinaci usque ad lucem pluvia cadente , non enim vehementes pluvias novit Peruvana planities , ille sibi ephippio , & stragulo , quo jumentum tegi consueverat superinducto cavere , donec Auroræ surgentis indicia appareant . Tunc annis ibi transitu desperato , iter adverso flumine , per ardui montis dorsum , pedesque aggreditur , Divinarum precum librum sub brachio ferens . Postquam verò circa summum evaserat , præ lassitudine progredi vix potuit . Quamobrem comites baculum ab agressi homine , quo adjuvaretur precibus acceptum , illi offerre voluerunt . Ille tamen uti fulcimento precario , & gratuito recusavit : nec prius adduci potuit ut acciperet , quàm pretium pro re nihili liberaliter agressi datum cognovit . Jugis deinde superatis circa octavam diei

Ibidem.
p. 119.

horam, sudorē madens, ac pene deficiens, ad eam fluminis partem pervenit, ubi per pontem transitus erat. Pontes sunt apud eas gentes, non ut nobis, ex materia, & cæmentis, aut sublicis extructi, & commodi, sed ex quadam materia simillima vimini, quam *Vexunco* nominant, confecti, aut aliter ex valido transversum rudenti, quem *Guaſca* vocant, ducto, atque utrinque ad vallos firmato, fluviorum latera jungunt. Huic porro funiculum inserunt in utramque partem agitabilem, trahique facilem, cui hærentes, appensique viatores, quamlibet in partem, magno sanè incommodo, ac periculo deferuntur. Illo igitur primo modo *Turcius* amne superato, ad Oppidum, quò tendebat, brevi pervenit: cui Oppidani cum suo Sacerdote, is erat Melchior Monsonius è Prædicatorum familia, præeunte Labaro cum sacris canticis, summâque lætitiâ, occurrisse dicuntur, atque ad Ædem sacram deduxisse. Quo ubi perventum post fusas ad Deum preces, quamvis ex via, & labore lassus, multo etiam sudore persufus, nihil prius habuit, quàm concione Indorum coactâ, perutili oratione, suâ eos linguâ omnes alloqui, ac monere, ut vivendi rationem quàm optimam instituerent, essentque ad Sacram Confirmationem parati. Mox, factâ, solemnî ritu, Deo optimo maximo, re Divinâ; iterumque de Christianæ Fidei mysteriis, deque iis rebus, quæ ad cælestem salutem consequendam necessaria sunt, pluribus concionatus, Confirmationis Sacramentum impertiri cœpit; quo in munere, ea confirmandorum frequentia erat, totum pene diem consumpsit.

Ibidem.
P. 119.

I V. His peractis, horâ jam vespertinâ probe defatigatus, ac præ lassitudine vix consistens, cum mensâ positâ discubuisse; antequam quidquam degustaret, ad Sacerdotem versus: *Obtestor*, inquit, *te Monsoni*; *Ecquis alius est, qui debeat a me confirmari?* Quo hæsitante, ac responsum cunctante, ne ex labore ad laborem revocare videretur, quo maximè tempore cessandum erat, rursus: *Ecquis alius est?* ait; *Eloquere pro veritate. Neque enim celare fas est.* Ille iussu adactus, hominem ægitudine impeditum superesse fatetur, haud sanè procul, sed paupertatis, ac sordium domo oppletâ habitantem. Quo Præsul audito, mensâ surgens relictâ, ad confirmandum hominem confestim perrexit. Invenit autem in superiori contignatione (quo nullus, nisi per scalarum gradus, difficiles enim verò, nec minus domino suo infirmos, erat accessus) decubentem, atque inter fordes ærumnasque versantem. His tamen ille saluti illius missi

selli

felli posthabitis, aliquamdiu apud eum moratus perhumaniter consolari, ac sanctilimis monitis ad tolerantiam eorum malorum adhortari non gravatus. Deinum sacro ritu auctoratum relinquens, ad reficiendas cibo vires, jam alacrior revertit. Monsonio verò diligentissimè imperavit, ut homini omni curâ consuleret, ne ærumnis conficeretur, ac submissis necessariis juvaret: largitus ad ea cœmenda pecuniam.

V. Postero die a meridie rebus ibi absolutis ad Oppidum Malam progredi voluit. Quo in itinere nocte occupatus regione clivosâ, ac perdifficili, non parum laboris perferre coactus est. Aderant Comites Monsonius, duoque alii viri nobiles, atque emeriti Joannes Capeda, Didacus Moralius, & ejus testimonio hæc habemus. „ Hos (quo noctis, viarum molestias fallere) ad laudes Divinas invitare. Litanîæ Beatissimæ Virginis Dei „ Genitricis primùm, eo præcinente decantatæ. Mox alia, tan- „ taque fuit ejus concentus suavitas, ut omnem itineris laborem „ sopiret. Angelum quippe audire non hominem sibi vide- „ bantur.

Ibidem
p. 120.

VI. Circa secundam noctis vigiliam Malam tenere. Apud flumen ejusdem nominis profundâ Oppidum jacet convalle, arboribus circum clausum, atque horrentibus umbris, infestissimarum muscarum, & culicum sedes. Hinc omni præterito labore deterior pestis adjungi: quippe statim densissima hujusmodi bestiarum examina in novos hospites invehi, nec aures minus molestissimo susurro, quàm corpora rostris acutissimis fodicare, atque vexare. Nulla eas abigendi ratio reperiri potuit, unâ enim depulsâ sexcentæ coibant, irruerant. Quamobrem per totam eam noctem nulla quies data est. Hæc circa secundæ profectiois extrema tempora accidisse memorantur.

VII. Inter quæ corpori minimè allubentia, aut commoda Turibui animus præ lætitiâ exultare videbatur. Neque iis contentus, quæ se ultro passim offerrent, alia ipsemet sibi ex industria accorfebat.

VIII. In Regione Cacapoje (ut sexcenta hujus generis exempla præteream) Indorum Pagus est accessu perdifficilis, per prærupta saxorum, atque altissima præcipitia. Parvi tamen habuit has difficultates Turibius præ animarum salute, nisi etiam magno veluti facto compendio gavissus. Eò contendente postquam apud se statuit, nullis suorum rationibus, nullis precibus dissuaderi potuit. Nox horas jam binas exegerat, cum uno tantum

Ibidem
p. 121.

tam viæ duce iter aggreditur tenebris undique affusis, consilio quod susceperat non dimotus, ut Evangelii lucem Paganis illis deferret. Totum illud itineris lubricum, salebræ, rupes, anfractus, ruinæ. At his quoque incommodis fortiter oblectari, Dei causâ non dubitavit, donec ad locum veniret. Porro famuli luce insequenti eum consecuti, semitarum angustiiis, ac salebris animadversis mirati sunt, cum per tenebras potuisse iter habere ubi ipsi apertiore jam die non sine exitii metu adrepere se posse sperarent. Adeo agilem Divinæ caritatis ignis illum effecerat, non ad sua quærenda, sed quæ Jesu Christi.

C A P U T XIV.

Aquâ suis precibus a Deo impetratâ, quo beneficio Incolis aquarum penuriâ laborantibus prospicit.

Cap. xii.
p. 127.

I. **G**UAILÆ Provinciæ Paræciam, Macatem vocant, anno ab millesimo quingentesimo nonagesimo sexto, secundâ profectione petierat. Quo anno immodicè a Sole caloribus ardere Regio videbatur. Hic loci incolas ingenti plenos mœrore ob exhaustum, quem unicum ad suos usus, sataque irriganda habebant fontem, invenit. Omnes enim cum eo anni spes exaruisse videbantur. Jamque pecora, & segetes languere siti, deficiente aquâ, & emori. Ipsius adventus miseros maximâ mœroris parte levavit. Sibi enim per eum, cujus famam sanctitatis jam præceperant, consultum iri statim sperarunt. Igitur illum Sacerdote suo auctore, ac duce adeunt; etiam atque etiam orant, ut sibi summâ necessitate opprimendis, vel aliò demigrare adigendis opem aliquam asserre velit. Quibus permotus Præsul, ad fontem simul se contulit. Rupem illi demonstrant præaltam, unde eo tempore pauca stillicidia, ante largissima aquarum fluentia scaturiebant. Demonstrant agri sui faciem, lætam prius, atque irriguam, tunc squalentem, siti hiantem, moriturumque segetes demittentes caput. A Deo munus illud exorandum contra Præsul demonstrat. Quamobrem aram eodem loco continuo poni jubet, rem Divinam in ea conficit; locum sacris ritibus expiat, ac lustrat; deficientes rupe humores, ut ante delabi, multis a Deo precibus contendit. Mirum dictu? Repente aqua ubertim fluere cepit. Ab eo tempore Fons eadem

sem-

semper largitate fluxit. Hodieque non Incolarum tantummodo usibus copiose satisfacit, sed & versandis frumentariis molis, & agro irrigando abunde aquam suppeditat.

II. Illud quoque Josephi Sanchezii Viri ex Dominicana familia Religiosi testimonio fertur. Fuisse ex Incolis, qui certissime sibi affirmarent eo tempore, quo hæc a TURBIO peracta sunt, visum ejus vultum fuisse, multo radiantem lumine, cunctorumque vocibus ipsum VIRUM SANCTUM conclamatum. Aquam verò eandem a senioribus loci Sanctam ad suum usque tempus appellari non desisse.

III. Quid quod non tantum fontem restituit TURBIUS, sed fecit? Bernardus Alcozerius Hispanus, qui ab Anno 1596. usque ad annum 1606. Præsuli TURBIO operam suam summi Quæstoris munere navasse, eumque familiariter, atque intimè nosse, per Provinciam denique se profecutum fatetur, sic factum refert.

IV. „Anni tempore ardentissimo venerat Præsul ad asper-
rimos montes Carasimalis, Cacapoensis Provinciæ. Ibi ad
æstus, atque itineris inclementiam sitis asperior accessit. Unde
humor peti posset nullus in ea solitudine locus; quam omnes eo
penitus destitutam non ignorabant. Dum itaque nihilominus
iter profecquitur, ecce humentis quadam soli signa ante oculos.
Restitit. Latentem illic aquarum scatebram affirmat: certo loco
terram perfodi jubet. Quo facto confestim copiosi laticis
profilire vena visa est, quâ omnes sitim restinxerunt. Fons adhuc
manat copiosus, cujus haustu ægri valetudinem assequuntur.
FONTEM ARCHIEPISCOPI vocant, ejusque rei monumentum,
Crux ingens juxta defixa hodieque extat.

C A P U T XV.

Aquarum salubritas fontibus a TURBIO restituitur.

I. **N**ULLA fere Regio hujusmodi fontes non habet, quos ante ejus adventum vanissimâ superstitione Peruvien-
sium impietas contaminarat. Veniens TURBIUS in Provinciam quotquot reperit, reliquiis nondum veteris superstitionis deletis, sacris lustrationibus expiavit. Inde eorum haustus salubres morbisque curandis utilissimi. Nonnulli aquarum lustralium venerationem habent de nomine Viri, Sancti appellati.

Ibidem.
p. 128.

ti. Non omittam quod Franciscus Sanchezius perhibuit de se testimonium. Laborabat hic graviter dentium dolore, acripuit in gengivam ferviente. Non quietem, non remedium undè peteret satis videbat. Fons ab Archiepiscopo TURABIO olim expiatus, inter Cabanam, & Guardovalem Conchuci Provinciae loca, ac de Divae Catharinae nomine sacer factus, in mentem venit. Aliis aquarum vim saluti fuisse fortasse non latebat. Eò proinde se confert faciem noxio humore tumentem salubribus lavat in undis: opem sibi certam de viri Sanctitate, aquarumque salubritate, quas cuncti accolæ sacras existimant, sperans, nec frustra. Eodem quippe momento, quo ablutus est genas detumuisse, seque omni tumore liberum agnovit. Quod sine miraculo fieri non potuisse idem testatum reliquit.

C A P U T XVI.

Frequenti fulmine tangi solitas Vrbes, eo incommodo liberat.

Cap. XII.
p. 129.

I. **M**AJOBAMBÆ Urbs alpina nongentis fere passuum millibus Limā distans hoc se beneficii genere affectam in primis gaudet. Hanc Urbem, & Provinciam TURIBUS præcipuā semper benevolentia prosequi visus est. Fortasse, quia omnium in aurifero Regno pauperrima, omnium situ, ac locorum asperitate incommodissima, laboris ac patientiæ uberiores sibi materiam præberet. Ejus Aedem sacram cum rebus ad Divinum cultum spectantibus non satis splendide instructam reperisset, multis, ac pretiosis muneribus ornavit. Totam supellectilem suam argenteam tam sacram, quam domesticam ei dilargitus. Ibidem multis diebus commoratus, multa utiliter, multa fortiter, dignèque gessit. Incolarum inopiam largissimè sublevavit, adeo ut communis Patris nomen obtinuerit. Tempia, & aras complures sacravit, & locupletavit. Infinitam multitudinem a Dæmone ad Christum traduxit, infinitam sacris ritibus expiavit, confirmavitque.

II. Cum verò crebris tempestatibus, ac procellis obnoxiam totam illam Provinciam intellexisset, quia montanam, Coelique impressionibus propinquiorem, ac propterea nihil esse a fulminibus tutum, non ædificia, non jumenta, non homines, quorum quotidie strages deplorabantur, ratus id, non tam Coeli vitio, aut naturæ, quam Dæmonis operâ contingere, instrumenta ex

etc

are fusili ingentia, ac sonora, Campanas Itali vocamus, fieri jubet, quorum tinnitu coortæ cum ipso Adversario tempestates fugarentur. Ea prout jusserat, postquam perfecta sunt, sacris cæremoniis solemnî ritu inaugurata, edito loco pensilia collocari, cùm propter incolarum ad res Divinas evocationes, tum propter ingruentium procellarum depulsionem mandavit. Tunc primum Campanæ iis in locis visæ, & auditæ sunt. Porro illud mirabile, quod post hoc tempus fulminibus Urbs, & Provincia citra noxam tangitur. Cujus rei causam nemo ad æris vim, seu naturam, cuncti ad Turibianam consecrationem referendam putant.

III. Ejusdem generis exempla plura legas in Actis. Nam & Piscobamba Conchuci, Provinciæ Oppidum, & Charcas in Provincia Guarensi, & aliæ permultæ gentes, Campanis suis a TURIBIO consecratis, eandem efficaciam inesse adversus procellas gloriantur. Et hîc omnia in medium asserre operæ pretium non puto ad majora properanti.

CAPUT XVII.

Joannem Guttiereum a Bestia liberat.

I. AD Oppidum Taucam nomine ierat TURIBIUS, quo tempore dies insigniter festus ab Oppidanis agebatur. Sacris profana miscere Adversarii communis semper, & ubique gentium veteres artes. Tauris illic quoque in foro populo datis, ab Aede sacra, & officiis Christianæ pietatis avertat. Immortali TURIBIUS noster, cùm cætera omnia, tum maxime genus hoc ludicri barbarum, atque inhumanum, odio, & inimicitiiis persequebatur. Nulla tamen profligandi ratio erat contra Præfectos, & vulgi morem. Hujusmodi ludus ubicunque ageretur ne spectu quidem suo, aut suorum dignum unquam putavit: prospectum omnem in forum eripi, fenestris obductis jubebat: penetrali interea conclavi preces ad Deum supplex fundere consuetus.

Cap. xv.
pag. 130.

II. Taucæ igitur ludicrum dari ubi intellexit, acutissimo veluti doloris telo perstringi sibi præcordia sensit. Erat Sacerdotalis Domus, ubi hospitabatur foro conjuncta. Jussit de more, nullum relinqui prospectum: tum suos omnes a nefario spectaculo oculos abstinere. Interea coepto jam ludicro, TURIBIO verò Deum serîo orante, de famulis quidam Joannes Guttiereus

K

nomi-

nomine, nescio quâ necessitate coactus domo exiit, & ad forum accessit. Cum ecce in illum incitissimus ad pugnam, ac sui juris taurus recto cursu cornibus gestiens impressionem facere visus est. Nemo hominum saluum esse a tali infortunio posse existimat. TURIBIUS, quæ causa tantum vulgi clamorem excitasset (suspiciatus quod erat, miseri alicujus a bestia periculum, ut si qua fieri posset, salutem pereuntis animæ consuleret) sibi videndum putavit. Ut vidit, & bestię irruentis immanitatem, & famuli præfens discrimen exclamans: *Propitium habeas*, inquit, *fili Cælesti Numen*. Ductâque in crucem super eum manu, meliora illi, ac salutaria precatus. Illic velut attonitus taurus stetit: furere desit, in arenam unde aufugerat, per se minarum, ac ferociæ oblitus revertit. Quod sine cælesti virtute fieri potuisse, nemo eorum, qui aderant putavit.

C A P U T XVIII.

Pueros in vita servat, a morte revocat.

J. **G**AVILÆ Provinciæ Peruvienſis rusticanus Pagus est Garaz. Hic agenti TURIBIO Mater pueri infelix, qui jam triduò ne guttam quidem lactis, sævo prohibente morbo, sugere potuerat, cum ipso ad sinum puero, jam jam animam acturo, se sistit, ac fletu magis, quàm verbis, quod ab eo impetrare velit, exponit, infantis nimirum deficientis salutem. Ille materni doloris acerbitate commotus, Alphonſo Guerræ Viro ornatissimo, ac doctrinæ summis titulis insignito, statim imperat, ut ex Evangeliiis super ægrotum aliquid legat. Ipse verò dextrâ signo Crucis expresso, bene, riteque precatur. Continuo ab his Infans veluti reviviscere, arridere parenti, uberi labella affigere, omni ægritudinis indicio carere. Mater gratiis actis, læta suos ad lares revertit. Idem tamen Alphonſus Guerra in suo testimonio, non puerum hunc, sed puellam: non proximè morituram, sed mortuam ad Antistitem delatam fuisse, affirmat. Cui oculato Testi, quis non libentius credat?

II. Altera genere Inda, fortunâ tenui, opinione verò de Viri probitate, ac sanctimonia maximâ, filio suo gravissimâ febri periclitanti, ut, vel deesse cætera, vel parum ad salutem prodesset vidit, TURIBIO remedium sibi esse petendum existimavit. Ad eum proinde cum puero venit, certissimè sperans ejus aspectu fore, ut ad commiserationem piissimus animus moveretur; atque

atque opem illi suam ferret. Addidit simul preces, quas & amor, & necessitas excogitare potuit maximas, vel exprimere. Quibus Præsul tandem victus; puerili capiti manu impositâ, bene precatus continuò omnes ægritudinis vires ita compescuit, ut sâvire deinceps in puerum morbus nihil valuerit.

III. Eodem pene modo puer alius Guaræ, in Provincia Conchuci sanitati restitutus fuisse dicitur. At de his hæctenus.

C A P U T XIX.

Caciche sanguinis fluxu perituro fert opem.

I. **C**AXAMARCHAM Provinciam TURIBIANIS temporibus Cap. xv. p. 132.
 Limensis Præsul obtinebat; post cum aliis nonnullis
 obtinere desit, nimia ejus ditionis amplitudine ab uno regi non
 ferente. Hic dum res TURIBIUS administrat, advenit a Caciche
 Viro Principe, ac potente Orator, ipsius se auxilio, ac precibus
 etiam atque etiam commendante, quippe in vitæ summo di-
 scrimine ex sanguinis immodico fluxu. His auditis TURIBIUS ab
 Oratore Caciche ejusdem consanguineo, ut erat ad commiserationem
 pronior, sic se valde viri periculo, ac malo commoveri,
 & vultu ostendit, & dixit: Deo quoque pro ejus incolumitate se
 preces fufurum. *Interea verò, inquit, adversus ejusmodi ægritu-
 dinem, gramen illud (digito monstrat) utilissimum fore existimo.*
 Gramen erat nullius nominis in triviis nascens, nec tali effica-
 ciâ a natura præditum. Orator nihilominus decerpit: mox
 æstis gratiis, ad Caciche regressus. Assiduâ sanguinis profusione
 jacebat ille ita debilitatus, ut non diu vivere posse videretur.
 Reditu tamen consanguinei Oratoris a Viro Sancto nonnihil re-
 creatur. Continuò monstrati graminis vim experiri lubet: utque
 monuêrat Præsul, inter manus attritum, naribus inserit; unde
 sanguis affatim defluebat. Mirum dictu! Vim non gramineam
 sed Cælestem sentire cruor visus; tam subito se intra venas suas
 retulit, atque continuit, ut nunquam deinceps effluerit. Man-
 sit autem honos & herbæ illi; post tale prodigium, atque utun-
 tur in venenatis pro antidoto Hispani passim, atque Indi HER-
 BAM SANCTAM SANCTI ARCHIEPISCOPI (nam ante
 obscuri, & ignoti nominis fuit) appellantes.

CAPUT XX.

*Surdus, & Mutus a TURIBIO interrogatus
audit, & loquitur.*

Ibidem.
p. 132.

I. **I**LLUD verò longe maximè mirabile, quod in Pallascæ rusticani Pagi cognitione accidit. Jusserat ibi omnem multitudinem Sacramento Confirmationis consignandam, in Aedem sacram certo tempore convenire: Cumque jam plurimi adessent, rite omnibus confirmatis; rogavit: Superesset ne alius adhuc quem confirmaret. Affirmantibus qui aderant plures decumbere adversà valetudine lecto defixos. *Hos verò*, inquit, *accerere non est usus. Prestat enim me sanum, atque incolumem domum singulos convenire, quàm maximo suo incommodo, salutisque periculo, eis adhuc ad nos advocari.* Statimque ad eorum domos licet rusticanas, ac sordidas circumduci voluit. Quo factò, Equis superesset alius nihilominus quæsit; responsum, hominem adhuc unum superesse, sed qui nec audire quidquam, nec loqui posset. Relictum proinde, ut ad talia sacra ineptum. Accersiri eum jubet: forsitan, inquiens, loqui poterit. Adducti altiori in aurem voce clamat, linguâ illi maternâ, quo vocetur nomine rogat. Nil audit, nil respondet. Tum Præful Viri manibus in Crucis similitudinem ad pectus decussatis, genibus ipse ad terram procumbit, orat, Sacerdotale amiculum inducit. Exin surdas majori voce aures complens, de Sacramento Confirmationis plura, ac necessaria profatus. Operam perdere iis, qui aderant videbatur, cum surdo frustrâ canere Præful videretur. At perseverante TURIBIO, atque suum, ut ederet nomen imperante, illud tandem Mutus cunctis audientibus ter, quater pronunciavit: nec deinde ullam emisit amplius vocem. Quo audito, ut cunctos admiratio prodigiosæ rei cepit, sic opinio de TURIBII sanctitate concepta altius animis insedit, invaluitque. Ille verò omnia Cælesti, nihil suæ tribuens virtuti, homine quamvis misero, Sacramento Confirmationis rite inuncto, ubi reliquum jam esse neminem intellexit, ne acclamantium voces audiret, e medio abscessit.

II. Idem cum Inda ejusdem scēmina eodem planè exitu factum narratur.

III. His haud minora Carvasii Pagus a Divo Petro nomen ferens olim suspexit.

CA:

CAPUT XXI.

De Puerō nondum baptizato prędicat Servus Dei.

I. **A**D hunc locum cum venisset TURIBIUS, deque rebus Divinis in Templo Concionem haberet, Paganorum, atque accolarum, confertissimā multitudinem circumstantem, puer e media turba ploratus importunos attollere cępit. Gravem sibi, ac molestum esse clamorem illum non obscurę Pręsul indicavit, quippe quo concio tota turbari, avertique ab auscultatione Divini Verbi videretur: mox ad circumstantes versus. *Puerum, inquit, illum perquirite, ut Christo inicietur, neque enim adhuc per Baptismum inter Christianos locum habet.* Imperata quibus mandatum fuerat statim faciunt, puerum plorantem, ac vociferantem e medio abducunt; ex parente, utrum Christo adscriptus unquam fuerit, diligentissimę inquirunt. Re in examen vocatā, cognoscunt puerum nunquam Christianę Religionis mysteriis Baptismo initiatum. Quā re compertā, sine mora salutaribus Baptismi aquis tingitur: quo factō pueri comploratio omnis cessavit. Divino instinctu eam rem Antistitem cognovisse ut nemo dubitavit, ita totius populi acclamatione, virtus ipsius, ac sanctitas in Cœlum elata. Vivetque etiam nunc apud ejus loci incolas rei tam insignis, vulgatęque memoria.

Cap. xvi.
p. 133.

Ibidem.
p. 134.

CAPUT XXII.

Fęminam Fidem semel Christianam solemnī ritę professam, Sacramentum iterare volentem agnoscit, ac manifestat.

I. **C**ONTRA in Paręcia ex Divi Bonaventurę nomine appellata, TURIBIO Provinciale labore m obeunti, in maxima datum Christo nomen confirmantium turba, utriusque sexus, cujusvis ætatis, ordinis, fortunę, numero circiter CCL. Mulier annum agens prope quinquagesimum, oblitā jam olim primā ejus in Provinciam egressione, in fidei professione, ab eodem se confirmationis oleo oblitam, iterum confirmanda acceperat. Non fefellit oculatissimi Pastoris prudentiam, aut memoriam, oviculę suę aut ignorantia, aut oblitio. Quam contuitus. *At hac, inquit, minimę iterando Christianę Religionis ritę, inuncto est jam semel.* Eā negante, affirmante Antistite.

Ibidem.
p. 134.

tistite, Parochus, parentes, proximus quisque advocatur, ut testimonium dicant. Omnibus memoriâ per longum tempus exciderat; pars ambigunt, pars negant. Tum Præsul *Equidem ait, bene memini, huic, tali loco, tali tempore, me olim sacrum signum illevisse. Confirmatorum ejus loci tabula afferantur, videantur, necesse est enim, & hujus nomen in eis legi.* Al-latis tabulis, duodecim ante annis inscripta nomina recitari jussit, in quibus, & Mulieris, & ejusdem parentum, & fideijussorum perspicuè reperta, ac lecta.

II. Quæ ibi admiratio universos cepit! Quàm TURIBIANÆ sanctitati ab omnibus acclamatum! Neque enim prodigiosam illam memoriæ vim, tanto temporis intervallo, singula quæque rerum, locorum, personarum indubitanter reminiscens naturæ magis felicitati, quàm Divinitatis beneficio, virtutisque merito adscribendum esse quisque existimavit. Evangelici Pastoris partes, oves suas cognoscentis, & vocantis eas nominatim, quis hîc in nostro desideret?

III. At minus hoc fortasse mirum videbitur, si non unius quidem, aut alterius, sed singulorum in suo grege tam vario tam multo, tot Provinciis, terrisque diffuso, degentium nomina fere omnia, vultus, mores, eundem novisse, dignis testibus confirmari posse non nesciet? Nimirum quò omnibus omnia fieret, singulos quoque, eorumque statum, ut cognosceret summâ diligentia, studioque affectus est.

C A P U T XXIII.

Diœcesanam Synodum habet.

I. **H**INGUARAM proficiscitur: quo in loco, Bernardo Al-cozerio teste, complures dies commorari Diœcesanæ Synodi causâ coactus. Hæc porro Synodus cæterarum omnium quas ante habuerat quædam synopsis, atque breviarium fuit. Præterea multa ibidem piè, ac splendide gessit. Præcipuè verò liberalitatem suam erga indigentes ostendit. Oppidani ad hæc usque tempora, summa diligentia, ac veneratione, ornamenta quædam pretiosa, quibus eorum sacras Ædes locupletavit servare dicuntur.

C A P U T XXIV.

79

Futuram Serenitatem prædicit :

I. **D**IVINO spiritu non caruisse paulo superius memorata Cap. xvii. de Puer non dum Christiano satis perspicue demonstrant. Ex his tamen fides accedat, quæ nunc referam. P. 135.

II. Re apud Palascam peractâ, duo movere inde volenti incommoda imminere videbantur, dies jam in noctem inclinatio, & Cælum nimbis horridum, flammisque coruscum. Quamobrem etiam atque etiam obtinere ab eo precibus loci Sacerdos, (is erat Joannes Palmos) adnixus est, ut in posterum diem profectionem dilaberet, eamque noctem, quam procellarum arbitrio foedissimam adornari videbat, hospitii sui securitate commutaret. Exorari nullis precibus potuit. Cur enim re jam consecutâ illius temporis jacturam faceret? Qui alienos cibos frustra absumeret? Profectionem verò sibi commodissimam fore; non illum noctem, non pluvium Cælum, non procellarum confectus. Hæc dicens, inter majores Cœli minas, ac ruentes imbres, equum profecturus admisit. Continuo, mirum visu! omnes veluti re attoniti minæ Cœli posuere; nimbi momento discedere: in miram tranquillitatem turbo omnis desinere, adempto mox die, facie nox solito clariore succedere. Quæ admiratio hæc fieri cernentium consecuta sit, ego non dicam. Plus tamen Præfulis sanctitatem admirati sunt omnes, qui temporis eas vices præscire potuisset, antequam ullo deprehendi possent indicio.

C A P U T XXV.

Adolescenti Sacerdotium prædicit, & Animarum præfecturam.

I. **S**ED non minus quod sequitur prædictionis habet. Vil- Ibidem
lam Jeque, Repague dictam, in convallibus vivebat, P. 135.
cum Marcus Garzia bonæ spei tunc adolescens, septimum vix supra decimum annum attigerat. Hujus ibi parenti Viro ornatissimo, atque inter suos facile Principi, adolescentis indolem contemplatus, in familiari sermone aliquando dixit. Diligentem juvenis curam ageret, olim enim futurum ut ejus Villæ Sacram Præfecturam Sacerdos obtineret, Vaticanii fidem, tonso
ado-

adolescens christiano more capillo, devotoque Divinis obsequiis capite, paucis proximè consecutis diebus, ratam facere visus. Mox a Christianæ militiæ Sacris, ad arma, & castra juvenili ardore, ne dicam levitate, traductus, cum sanctioris vitæ studii omnem TURIBIANÆ prædictionis spem aboleverat. Diu in Insulis Philippinis stipendium meruit. Viginti post annis in Patriam regressus, rerumque humanarum fragilitate introspectâ, castra iterum mutare constituit. Inter Augustiniani Ordinis Religiosos adscriptus, ac pietatis, virtutisque partes insigni fide secutus, per suos brevi gradus, ad ordinem Sacerdotalem pervenit. Denique, uti TURIBIUS prædixerat, quis enim cælestia veritat consilia? ipsi soli natalis suæ Villæ summâ omnium voluntate præfectus, in eo munere singulari sollicitudine, animarum saluti invigilans, diu vixit: quæque hæc hactenus juratus ille testis primus exposuit.

C A P U T XXVI.

*Panis ad rem divinam ex longinquo petitus non
sine prodigio celeritatis opportuno tempore
uti prædixerat affertur.*

I. **A**D Villam quandam Cacopojensis Provinciæ, Ingenium vocant, cum pervenisset rem ibi Divinam facere se velle dixit. Festus ille dies cum sequenti agebatur: quibus diebus, sacris adesse quemlibet pium Christianæ leges obstringunt. Postquam Sacrificii tempus advenerat, cæteris jam ad illud paratis, panis deesse,prehenditur. Ministrorum ibi magna turbatio; neque enim quid consilii caperent; quidve facto opus esset, exploratum satis habebant. Jam hora tardior, matutinarum videlicet septima, agebatur: non Oppidum, non Pagus nisi longinquior: iter equorum cursibus ineptum, nec pedibus quidem satis expeditum. Millia passuum duodecim Xacapatum loco aberat minimè omnium peti incommodum. Eò hominem certum properare jubent cum litteris ad loci Parochum petentes panem necessarium ad Sacrificium, quâ celeritate fieri queat maximâ, per puerum suum ad cursum recentem, atque impigrum submittat. Interea ad Præsulem res defertur. Nihil commovetur. Ministros quoque sollicitos esse vetat. Opportuno tempore affuturum hominem a Xacapato affirmans. Quid mul-

multa? Non a dictis eventus longè abfuit. Etenim non ita multo post, confectis intra trium horarum spatium quatuor & viginti passuum millibus (dictu citra prodigium incredibile!) per impeditiſſimos, atque asperrimos montium calles, venit expectatiſſimus cum azimis puer, potuitque peragi legitimo tempore Sacrificium.

C A P U T XXVII.

*Hominem in asperrima solitudine vitâ defungi
indicio ignis nocturni præſagit, &
opem fert.*

I. **A**T illud in ejuſdem Provinciæ tractu, incredibilem Christianæ caritatis ardorem cum quadam animi divinatione complecti, quis neget? Noſte in itinere deprehenſus, in hoſpitiū Viri boni, Joanni Rojæ Alvarado erat nomen, advenit. Ubi poſtquam pro loci, atque hominis facultate liberaliter exceptus, in cubiculum deductus eſt, per fenestram Regionem circumſpectans, procul ad novem circiter paſſuum millia, nocte tenebris atrâ, exactâ horâ jam decimâ, collucere ignem proſpexit. Ab hoſpite cujus rei loco eâ noctis horâ ignis indicium ſit ſciſcitatur. Magalia Indorum nonnulla ibi eſſe Alvarodus reſpondet, quibus fortaſſe igni eſſet uſus, aut tugoriolum illorum aliquod incendio depaſci fortuito. *Quid? Si qua alicui ſumma neceſſitas inciderit*, ait Præſul, *cui ſit operâ noſtrâ occurrendum, petaturque ignis indicio auxilium? Equidem nobis eò contendendum eſſe exiſtimo, idque indicii minimè contemnendum. At omnia rupes, atque avia montium*, addidit Hoſpes, *per quæ locum adire poſſimus non video. Eſto*, retulit Præſul, *contemnendum tamen non eſt. Omnia caeſte Numen, quantumlibet aſpera, atque ardua coaquabit. Igitur eò ſimul auſi contendere, adrepentes paulatim per avia, & ſcopulos ad montes edita, ubi ignis cernebatur, nihilque repertum eſt obicis, aut inacceſſi, omnia cæſti Numine uti præmonuerat Præſul, complanante. Ubi perventum ad locum eſt, ecce homo miſer ex Indorum genere ſolus, humi in ſtipula jacens, cum agritudinis acerbitate, ac præſentis horrore mortis colluſtari viſus. Quòd in tempore veniſſet Præſul, Deo Maximis gratiis actis, ſtatim hominis æternæ ſaluti conſulere cœpit. Accedit: ad peccatorum ſuo.*

Cap. xix.
P. 137.

suum poenitentiam, & confessionem exhortatur; ægritudinis cruciatus brevi in æternæ felicitatis gaudia mutatum iri, si patienter, ac Divinæ voluntati consentiens perferat, pollicetur. Omnia denique facit, ac dicit, quæ in mortis, atque æternitatis confinio versanti, necessaria esse videntur. Nec sanè operam perdidisse poenitendum fuit. Aeger enim talibus auxiliis optimè usus, nihil eorum, quæ ab Antistite suadebantur facere omisit, donec per ipsius manus spiritum Creatori suo, a quo acceperat, cælesti felicitate donandum tandem restituit.

II. Hæc Vir ille bonus jam octogenarius Christophoro filio, non sine lacrymis, & sanctitatis admiratione de TURBIO narrabat. Quorum ipse ex auditu testimonium in Tabulis amplum perhibuit.

C A P U T XXVIII.

*Ad Gentes Christiano nomini infestas Fidei
lumen infert.*

Cap. xxi.
p. 150.

I. IN ejusdem Provinciæ finibus Motilones habitant, genus hominum ferum, ac barbarum & a Christianis moribus, & sacris alienum. Ex his, Præsulis Mogrobessii clarissimæ virtutis radiis eò famâ delatis, nonnulli visendi tantum Virum studio permoti, Cacopojas Urbem, ubi eum res agere intellexerunt adveniunt. Humanissimè ab eodem excepti, Christianæ disciplinæ præceptis erudiuntur. Attulerant quædam Viro munera, quæ ipsorum Regio propria fert, psittacos, pinea poma, lacticia. Omnia ille more suo recusavit, citra suspicionem contemptus. Tum rogantibus, ut in eorum fines proficisci vellet, maximam ibi voluptatem ex plurimorum ad Christianam rem transitu percepturus, postquam de ea re Viros doctos consuluit, libenter annuit.

Ibidem.
p. 151.

II. Quæ apud eos porro gesserit, eorum nihil, qui hæc narrat, meminit Testis. Tantum magno vitæ suæ cum periculo protectionem illam suscepisse, ob inexpiabile ejus gentis in Christianos odium, adjecit. Ex aliorum tamen testimoniis, & publicâ fide conjectare licet, quàm utiliter ad eam rem laboraverit. Quippe, ajunt, multa ex hoc genere centena hominum millia toto suo Provinciali tempore, de barbaricæ perfidiæ, atque impietatis naufragio ad fidissimum veræ Religionis portum traduxisse. Quod egregium facinus, si quando alias illi evenit felicitet,

ter, quis dubitet in præsentia felicissimè evenisse, ab iisdem Christo dare nomen, & Sacramentum cupientibus accerisco?

III. Ad has autem gentes tendenti non magis ab eorum barbarie timendum erat, quàm a difficultate viarum. Ingentia passim flumina, quæ vel per transversum rudentem, fune suspensum circa femora, ut supra demonstratum, vel lintribus e paleis, juncis, aliâve materiâ simili compactis, transire oportebat: passim coenosæ paludes, saltus inaccessi, angustissimæ montium fauces, horrendæ, vastæque solitudines, salebræ, anfractus, præcipitia. Porro tanti vel unius abjectissimi homunculi salutem faciebat, ut tam difficilia incommoda & manifesta pericula ultro alacriterque subiret.

C A P U T XXIX.

Fœmina in partu extremùm laboranti præsto est.

I. **M** Cap. XIX. p. 138. JOHANNES AMBAM revocat nova res. Sequi certo locorum ordini minimè obnoxium non pigeat. In quadam ejus Urbis Paræcia, Mulier sub adventum TURIBI, prolem enisura gravissimis cruciatibus, ob difficultatem pariendi conficiebatur. Nuntius ad Parochum nocte intempestâ missus, ut ad opem pereunti summam ferendam, sacrisque animam expiationibus procurandam quàm citissimè adesset. Non latuit TURIBIUM Nuntius, non puerperæ summa necessitas, quâque erat misericordiâ semper in alienis malis præditus, quâ caritate ad auxilium ferendum inflammatus, Parochum ipsemet agere magnopere voluit. Nec temporis momento interposito laboranti statim præsto fuit. Ipsius adventus laborum fuga fuit. Etenim ubi domum pedem intulit, ac verbis mulierem humanissimis salutata consolari cœpit, tam feliciter illa masculam prolem in lucem edidit, ut se peperisse prius viderit, quàm senserit, nullaque pro nato puero gaudium molestia labefactavit. Quod beneficium ita mulier TURIBIANÆ virtuti acceptum retulit, ut aliâ ratione se certissimè perituram fuisse non dubitaret.

C A P U T XXX.

*Alia alibi praclarè gesta.*Cap. xx.
p. 138.

I. SUNT nonnulla, quæ ad certa licet capita reduci non facile possint, negligi tamen minimè debere videantur. Memoratu in primis digna se offerunt, quæ in Pacaravana Regione accidisse feruntur. Duodeviginti fere horas principe in Oppido ubi in Divinarum rerum administratione laboribus nunquam fessus perseverasset, nullâ vel requie, vel morâ in vicinâ Pagum cognitionem promovit. Sequi cœpit eundem Franeiscus Cabiscius Limensis Sacerdos horum Testis. At ea erat itineris asperitas, ut passim Cabiscius casum ac ruinam sibi pertimescens, adminicula quæreretur, quæ illi adjumento essent. Nec verò diu sequi perseveravit, difficultatibus fractus, atque in Oppidum regressus, quò se ad reficiendum corpus rediturum Præsul promiserat. Quid ipse? Illud iter ingenti alacrique animo susceptum, tantâ confecit agilitate, ut nullo usus fuerit adminiculo nullâque alterius ope. Pervenit ad locum omnia diligenter cognovit, quæ opus erant curavit, eodemque die jam in noctem vergente jejunus ad Oppidum sese retulit.

Ibidem.
p. 139.

II. Postero die Lampianam eodem Cabiscio comite petiit, quo in itinere acclivi maximè ac præcipiti, ferreæ solæ jumentis ab ungulis partim refixæ, partim malè hærentes, bestiarum impedimento, ipsi erant periculo. Re animadversâ Cabiscius, eum magnopere oravit, ut in jumentum suum optimè soleis instructum, atque a natura mitius se se recipere vellet. Nihil tamen profecit: nec persuaderi unquam potuit, ut jumento cum meliori commutato periculum suum efficeret alienum.

III. Lampianæ biduum moratus, in opere perpetuus fuit. Altaria complura consecrata, ingens hominum multitudo Divinis institutionibus auctorata, multi ad Ordines Sacros, & Sacerdotalem promoti. Quibus atque aliis id genus rite peractis, a prandio, cum diei adhuc particula superesset, statim movere parabat. Contra omnes domestici, atque Oppidani de itineris magnitudine, vicinâ nocte, locorum præruptis, periculi certitudine commonefacere, ne se suosque in apertissima discrimina inferret, orare, quorum indulgendum potius voluntati ratus, quàm suæ, eam ibi noctem traduxit.

IV. Erat in Oppido homo miser perditæ mentis, de quo dactum

tum Christo Sacramentum , ratum ne fecisset unquam , nec ne ? Hunc illi sistunt , ut quid facto opus esset , ex ipsius iudicio intelligerent . Quem quidem nullam in eo diligentiam omisisse dicunt , ut ab amentia liberaret . Quid verò profecerit testes non addunt .

V . Candomarcham porro Paræciam, tridui itinere locis aperitate, atque horrore plenis , pedibus sparteo funiculo inclusis , ac solo baculo viatorio (quis enim eò adigat equos ?) confectus, ipse la bore penè attritus accessit . Omnes ejus loci ex Indorum genere incolæ , atque omnis ætatis , audito tanti Viri adventu, ad unum illi obviam contendere, numero ferè mille quingenti. Quibus patriâ caritate comitateque susceptis, mox in concionem advocatis copiosissimam de rebus Divinis, atque ad æternam salutem necessariis orationem habuit. Itaque animis ad Fidem, Fideique confirmationem faciendam eruditus , atque inflammatis, omnibus, ut par erat, consuluit , hos Christiano nomini adjungendo, illos jam adjunctos confirmando, alios suavissimè admonendo, & consolando, plurimorum inopiam copiosis largitionibus sublevando.

VI . Non defuere , qui ejus apprime beneficiis devincti, *Ibidem.*
vel deditissimi animi obsequium contestandi studio, munuscula pro Regionis more, ac naturâ deferrent. Martium pelles, mellis phialas , uvas passas , atque id genus plura . Quibus , & si quamplurimas se se habere gratias seriò pro iis affirmavit , ab omni tamen vel minimo eorum munere accipiendo manus abstinit . *p. 140.*

VII Hinc digressus ad torrentis ripam pervenit. Aquarum rapiditas ibi , atque altitudo ingens collectis imbris metui erant. Necessarium tamen videbatur transducere, ne hospitio, nocte, instante, ac turbidâ, cum suis carere cogeretur. Erat in comitatu Bernardinus Mogrobesius equo vestus prægrandi, atque ut videbatur prævalido . Hic TURRIBO persuaserat , ut mulâ quâ utebatur , magnitudine sanè ac præstantiâ impari, cum equo suo commutatâ , vadum eò tutius transiret . Quod, dum parat Bernardi Alcolzerii consilio affirmantis præstare equo mulam bonitate atque experienciâ , ab incepto revocatur . Eâ re Mogrobesius ille nonnihil offensus , quod iudicio suo, atque equo ita detrahi videretur , utriusque experimentum continuò accipere voluit. Famulo mandat, ut in omnium conspectu bestię dorso insidens , equi atque fluminis periculum faciat. Præfulem cum

Alco-

Alcozerio rogat, ut bonitatem jumentum diligentius interim animaduertant. Vix altiori vado equum, seque induerat famulus, cum præcipiti aquarum agmine dejici, corripique unâ inter pronos vortices visus. Eripuit peritia natandi utrumque ad ducentos ferè passus abstractos, diversâque ripâ vix emergere. Divinam ibi Providentiam omnes agnoscere, ac demirari; immortales insuper gratias agere, quod Præsulem ita servatum voluisset. Ille autem humini signo salutiferæ Crucis impertito, ausus transitum mulâ suâ invecus experiri, quem vorticibus cælesti profecto virtute mitigatis, ita facilem habuit, ut sine periculo cum toto comitatu ad ulteriora pervenerit.

VIII Jam Cuquiquillam petenti, antequam perveniret ad tria circiter millia passuum itinere perangusto, ac difficillimo illud evenit. Mulâ vehebatur naturâ contumaci, atque effreni, & si juri suo relinqueretur, in omnem licentiam ruitura. Huic, tali loco ore frenum excidit, habenæque per libera colla fluxere. Periisse putabant Antistitem, qui viderunt, neque enim aliquid ex ingenio suo furens bestia non factura videbatur. Hortabantur proinde, ut si fieri posset in tutum se reciperet, vel saltem non procederet, donec habenas restituerent, ne si libertatem suam sentiret bestia secum per præcipitia devolveret. Nihil horum ille opus esse affirmans ad periculum intrepidus, nec pro salute sollicitus, manu fluentes habenas sustentans, Dei auxilio se totum commisit. Totum igitur illud itineris ad bruti ingenium ita peregit, ut nunquam sedatius, aut moderatius. At vix in loco desilierat, cum suis intemperiiis agitata mula furere cœpit. Non illam diu, multumque calces-jactantem, famulorum nota vox, nota manus prohibere poterant, aut retinere. Deû cælesti ope TURIZO in tam manifesto periculo adfuisse omnes putarunt.

Ibidem.
P. 141.

IX. Ex eo porro loco Taquilponem Præsul pervenit, Santa flumen interfluit, rapidum in primis, ac maximum. Hoc per funem, quemadmodum aliàs demonstravi, transire bis opus fuit.

X. Dies Dominicæ Passionis anniversarii cœperant agi cum Chicamam adiit, quò antequam perveniret, alterius fluminis moras eluctari coactus est. Nocte jam cœptâ illud se se obtulit, altissimas rupes ingenti murmure personans, atque insuperabili vado. Famulorum plerique cum impedimentis, ac cætero comiteatu, præcesserant. Imbrium veritus accessionem TURIBIUS, ac transitum attentare non ausus, ripæ hospitio eâ nocte utitur. Fluvia-

vialis arena culcitram, fragulum pulvinar incurato corpori ded-
dit. Inter quæ adversa, & incommoda, mirum dictu! quàm præ
gaudio præcordia illi gestirent, explicaretque frontem lætitia.
Nihil quotidianarum precum, quas plurimas Deo persolvere con-
sueverat, missum fecit. Accellit ad hospitii ceteras molestias,
muscarum, & culicum importuna sævitia. Quâ tamen non con-
tentus Turbibus, voluntariis afflictationibus cumulavit. Nam
per ipsam quietem digredi ab aliis visus, specie quidem eas bestio-
las vitandi, in loca opaca, atque arboribus impedita, verè ut ab
innocenti corpore more suo pœnas cruentis flagris exigeret. Di-
luculo transvadare flumen ausus, quâ minus rupium angustis ar-
ctari, frangique videbatur, summâ facilitate alveum suis, imbr-
iumque hiemalium aquis tumescentem trajecit. Res pro miracu-
lo celebrata.

XI. A Chicama peragratiss aliis locis, Divinisque officiis in
Dominicæ Passionis memoriam religione summâ rite perfunctus,
iis præcipuè, quæ in die Cœnæ peragi ex Divina, atque Ecclesia-
stica institutione mos est, ad Oppidum Santam progressus. Ibi
fœ minam nobilem ad summâ rei familiaris inopiam redactam,
liberorum græge solum abundantem, cum ipsi illa opem fidem-
que implorasset, mirâ liberalitate juvit. Ducenos enim aureos
ex pecuniis, quas in pauperes erogandas circumferebat ad coë-
mendas vestes, sibi, ac liberis, quarum defectu a publico,
ac Divinis rebus abstinere cogebantur, statim numerari iussit. Li-
berorum verò duos adolescentes, cum viatico, ac litteris Li-
mam misit, quibus & Regio Præfecto eorum nobilitatem com-
mendabat, in Academiam a se excitatam adscribi jubebat.

XII. Morum quoque Villam secundo petiit, ut Indorum non-
nullos, quos biennio ante uti ineptos excluderat, jam ut puta-
bat idoneos, in Christiana disciplina confirmaret.

XIII. Atunguaila, cum ex sacrorum ibi Præfecto audisset
plures de Indorum genere trans flumē Santam gregatim habitare,
post datum Christo Sacramentū in antiquas superstitiones re-
volutos; quo genio suo ac perfidiæ indulgerent liberius, procul
Sacerdotum oculis, procul institutione, eò se transferre statuit,
ut eos ad sanam mentem reduceret. Fune igitur, ut superius di-
ctum, trajicit amnem nec cymbas, nec pontem ferentem; per-
fugasque repertos, patriâ increpatione perstringit, exhortatio-
ne revocat, institutione docet. Exin dato Judice qui adversus Re-
ligionis perfugas iure ageret, iterumque in fune amnem remensus,
Atunguailam rediit.

XIII.

Ibidem
P. 142.

XIV. Inde Jungajum profectus, multa ibi laboriosè, multa utiliter administravit. Refectiunculam rerum vefcarum a foemina principe dono missam, cum gratiis ad eam referri iussit, nihil se a quoquam in Provincia accipere posse sine scelere affirmans.

XV. Palpam ex Oppido Aveajama ad tria passuum millia distantem, novissimâ cognitione institutâ, cum accessisset rerum agendarum magnitudine, ibi noctem coactus traducere. Postero verò die ubi Aveajamam se retulisset, ecce muliercula, Viro religioso adducto teste, suum a servis Antistitis, in hospitii ornamentum pridie commodatum tapetum, toto cum instrumento compilatum, asportatumque quærens, ac postliminio repetens. Hujus querimonia Bernardus Alcozerius rei familiari præfectus prius fatigatus. Quo (postquam omnem frustra diligentiam adhibuerat) negante in instrumento domestico reperiri, in servos verò ne suspicionem quidem flagitii cadere posse, quorum notissima rei alienæ abstinentia, perspecta fides in minimis æquè, ac in maximis rebus; mulier nihilominus ex sententia sua contumacior, nullum sua repetendi finem faciebat. Ni restituantur, ad Antistitem se fraudem delaturam servilem cum minis vociferans. Perfecit tandem: repertoque ad Antistitem aditu, longam adversus servos expostulationem instituit. Quibus ille auditis, statim Alcozerio omnino mandat, ut rem diligenter perquiri curet foemina postulanti restitui. Nullam se ille non diligentiam adhibuisse affirmavit: fraudem verò illam ad nullum domesticorum pertinere se certissimè scire. Alios, quos furti insimularet muliercula, quæreret. Tunc Dei famulus e pueris uno in auxilium accersito Attalicum de lecto suo ornamentum detrahit, traditque mulieri. Quod factum Alcozerio improbante, quod straguli id genus rarum admodum esset, ac pretiosum. *Quorsum hæc!* ait Presul, *Aliud nimirum vilius dari oportebat? At Deus tu pueri, adde & culcitram & cubili nostro.* Id quoque Alcozerio indignante, ac nimiam illius liberalitatem inculcante, quòd datis mulieri culcitram, stragulis, sibi ad quietem captandam e lecto nudam dumtaxat humum, aut rude stramentum relinqueret. Propterea, adjecit Antistes, *perge puer, & cervicalia, & lintea lecto deripe, mulieri trade.* Quibus traditis. Jam, inquit Alcozerius, *hanc dabium, quin humi te cubare deleat.* Testis quoque qui pro muliere fuerat locutus tantam liberalitatem admiratus. *Non hæc,* inquit, *Domine sibi compilata queritur semina, sed suum tapetum pictum ad fores velandas,*

Ibidem.
p. 143.

non

non lectum. Ad quem ille: *Quæ jam dedimus*, inquit, *data sunt neque repeti a nobis honestè possunt*. *Amissum* verò *tapetum quanti erat obsecro? Sex ut plurimi aureis* homo respondit. Et ille: *duplum*, ait, *igitur detur, quandoquidem re usi sumus, & amisam restituere non possumus*. Quibus dictis duodecim statim illi aureos numerari mandavit.

XV. Cœperat anniversarium Divinis institutionibus traditum celebrari jejunium, cum tempore hibernis pluviis maximè iēdo, Paucatainburn Provinciæ Chincacufæ Obpidum venit: ex quo loco statuerat ad Indorum domicilia, quæ Guanabambam appellant, excurrere; quippe non levis ejus gentis multitudo a Christi Fide aliena esse nunciabatur. Accedebat verò ad anni tempus iniquum itineris cum longitudo, tum difficultas ineluctabilis. Triduo pedibus laborandum erat per loca multum impedita. Vbi verò tandem perventum foret, inhospita tellus. Celi asperitas incredibilis, rerum omnium, quæ ad tolerandam vitam, victu, quiete, domicilio necessariæ sunt, summa caritas. Hæc a locorum Regionis gnaris prædicta, cæteros omnes adeo perterruerunt, ut nemo iter illud eâ tempestate tentandum putaret: seq; si Præsul vocaret minimè secutores condicerent. Ipsum verò TURIBIUM, ne minimum quidem a sententia dimovere potuerunt. Adeo nihil arduum, aut inexpeditum, Divinæ caritatis impetus, humanæque salutis cupido videre sinebant. Nono sacrorum jejuniorum die processionem parabat. Calceos tantum e recte, baculum viæ adminiculum, nihil præterea nisi omnino necessarium assumens. Viatici nulla ratio, omnia ex cælesti Providentia expectanti. Qui sequi ita vellet evidenti periculo, reperit neminē. Neque hæc animi contumacia erat in famulis, aut laboris horror, quæ tanti facere non consueverant, sed in Dominum suum pietas, quem saluum inde recipere vix se posse sperabant. Viæ se nihilominus tradere non dubitabat, si Alphonsum Guerram Virum in primis gravem, ac doctum a sententia sua alienum non habere vidisset. Hunc TURIBIUS magnopere oraverat, ac pene auctoritate coegerat, ut ejus secum laboris partem susciperet. Cumque jam jam profecturus intraret: *At*, ait Guerra, *quæ præterito Dominico die populo ad concionem vocato, verè pièque locutus es, mente nunc tuâ Domine, excidere? Ne, a mortali homine Divinum Numē tentandum nunquam monebas. Nec fas esse manifesto se periculo credere, prodigioso Divinitatis auxilio vindicandum. Jam dictis cæteros rectè instituent, contrariis exemplis pervertes? Quid hujus processionis periculo certi-*

M

ns,

us hoc anni tempore, hanc locorum naturâ, his viarum impedimentis? Quâ spe induere te, tuosque in hac discrimina cogitas? Nimirum nullâ te necessitate, nullo caelesti jussu ad hoc iter cogente sperandum est audaciori confidentiâ Numen affuturum, vias complanaturum, impedimenta amoturum, temporum vires commutaturum, commeatus e Cælo daturum, inter medias nives, atque inhospitales saltus, ædificia, hospitalia omni genere suppellectilis liberaliter instructa paraturum? Quid, rogo, tentare Deum est, si hoc tandem non est? Præsul utile consilium Guerram dedisse censuit. Vtique erat incredibili, optima quaque in re animi fortitudine, infatigabili constantiâ, adversum verò fas, ac rationem minimè pertinax, contra obniti, aut ultra in sententia sua perseverare nefas ratus: Quando, inquit, differenda hæc in tempus aptius profectio videtur, idque ex Divina voluntate futurum dicis, differamus. Ita ab ea profectioe cohiberi potuit. Qua in re ut singularem in humanæ salutis procuratione ardorem, ac studium præsetulit, quo per omnia agi discrimina non recusasset; ita modestiæ exemplum egregiæ reliquit, sententiam suam, ac voluntatem tam certam alienis consiliis inflectendo. Humanæ quippe, seu naturæ, seu potius superbiæ vitio, plerique omnes etiam manifesta delicta, nedum quæ specie virtutis quandam atque honestatis præferunt, defendere malumus, quàm emendare.

Ibidem.
pag. 145.

XVI. Per eadem tempora a cliviori jam die, ad Augustinianorum quemdam fundum, Guamanzanum dicunt, iter faciens, præcedere aliquantulum cæteros jussit, Divinis erga Deum officiis operam incedendo daturus. Interea appetente nocte, cum diu expectatum famuli, nullum cernerent, fuit inter eos, qui iter retro legere, ac moræ causam cognoscere apud se constitueret. Jamque spatii nonnihil remenso, ecce verberum sonitus audiri cœpit ex proximæ rupis secessu. Substitit; quidque illud rei sit, quemve auctorem habeat, curiosius oculis circumductis explorat. Illic Antistitem videt seminudum Christi crucifixi effigiem lævâ oculis præferentē, dextrâ ferreis flagellis corpus diverberantem, vultum lacrymis, terga sanguine probè irrorata. Rei cum novitate, tum acerbitate attonitus homo quid ageret diu dubitavit. Expectare tandem exitum, quàm inter pellare, modestiæ illius gratius, verecundiâ suâ dignius fore judicavit. Igitur postquam cæsum corpus vestem recipit, sociosque consequi celerius cœpit TURIBIUS, ei tunc homo captato tempore, ac loco, nequid a se observatum videretur, se se obtulit; tam longæ causas moræ rogat, noctis jam præ-

præsentis, remotioris hospitii, laboriosi longique itin eris monet. Ille vultu ad omnem hilaritatem more suo explic ato: *Dies inquit, dum quotidiana precum pensio Deo exolvitur, tardè incendenti fugit. Cætera Deus ipse leviora efficiet.* Et verè effecit, noctem, itineris longitudinem, & difficultatem, hospitii longinquitatem minimo labore, brevi tempore, summâ facilitate superare ut possent dato.

X V I I. Sequenti die factò Sacro Indorum concione advocatâ, publicè privatimque erudire Divinarum rerum ignaros coepit. Suâ dignitate minimè alienum, aut indignum ducens, pueris Christianæ Fidei elementa explicare, allicere munusculis, singulis denarium impertiri, ut per hæc fluxa, atque mortalia, eorum mentibus æterna, atque immortalia facilius imprimerentur. Neque verò id semel, aut hoc uno loco, sed semper, & ubique eadem modestia fuit, eadem largitio.

X V I I I. Chiuccam quoque Dominicanorum Suburbanum Ibidem, p. 146.
memorabili factò illustravit. Ad hunc locum convallibus circumclusum, jejuni maximi feriis nocte compellitur. Erat inter asselas vir clari in ordine suo Franciscano nominis Franciscus Matritensis. Is jentaculi vespertini tempore in vitrea phiala vinum haud ignobile dedit. Turibus id conspicatus, unde phiala, unde vinum esset, rogavit. Muneris quippe accepti suspicio animum inceserat. E scorte sua vinum: commodatam a Villico phialam Matritensis, respondit. *Commodatam?* inquit Turibus. *Atqui diligentissimè prospiciendum, ne ex commodo nostro, incommodi quidpiam percipiat Villicus. Pretium proinde saxi omnino detur pro commodato: neque enim re nobis alienâ uti gratis fas est.* Tū Villicus rogatus, quanti phialam commodasset, velut injuriâ se affici putavit, quòd pro rei vilissimæ brevi usu usuram percepturus crederetur; pecuniamque oblatâ recusavit, nihil se accepturum jure jurando affirmans. Turibus indignabundum homine videns, ubi perjerare vetuisset, suavissimis verbis alloquitur. Non propter illiberalitatis de eo opinionem usum phialæ pecuniâ repensari jussisse, sed juxta instituti sui certissimas rationes, ne quid in provinciali negotio gratis acciperet. Haberi illi gratiam muneris; totâ liberalitate uti non posse. Maxima æquè ac minima religiosè sibi respuenda, quæ vel muneris unbram præferrent. Honestè accipi usuram posse, quam Religio dare juberet. Quibus iram illius aliquantulum mitigavit, præcepitque ut usura phialæ, vel invito daretur.

XIX. Porro Icam cum profectus esset Joanni Vasquesio e Socie-

tate Jesu Sacerdoti in primis mandavit, ut linguâ incolis propriâ publicè populo adventus sui causas enuntiaret; hortaretur que e proximis agris, ac vineis, cum parvis liberis, & cum idonea Christianis auctoramentis pube ad certum tempus adessent. Mox audito, ea madata sine magno eorum periculo peragi non posse, propter fluvium corrivatis imbribus rapidum, quem transduci oportebat, contraria enunciare mandavit, hoc est, ne quis loco, larvae suo discederet, sed adventum suum domi exspectaret. Improbi esse Pastoris, pro quibus animam suam dare debet, eas in periculum oves adducere. Se potius fluminis aditum millies pericula, quàm unius caput semel periclitari passurum.

XX. Sed habet enim verò jucunditatem, quod in ejusdem fluminis transitu TURIBIANÆ modestiæ accidisse fertur. Convenerat puerorum, ac puellarum multitudo ad Caballinam Vallem, quò Præfulem venturum intellexerunt, transiture; quos, ut ille adveniens vidit alvei magnitudine impediri, vadumque periculosè quæri, tolli in jumenta singulos jussit. Ipse exemplo cæteris præiit, sex circiter annos natum mulæ suæ tergo imponens. At puerum ratus, puellam sustulit; nec prius diguovit, quàm vado simul altiore, ac medio fuit. Ibi a puero, quod ejus esset nomen sciscitatus, cum Marichillam vocari accepisset, ad nomen, vocemque muliebrem totus expalluit, nec de vestigio moveri prius voluit, aut ulterius progredi, quàm exclamanti ac jubenti famuli adessent, amotâque puellâ puerum imponent. Adeo pudicitæ suæ, ac modestiæ ab omni vel exiguo occasionis fomite castissimus Præful timebat! Hujus porro facti exemplum, non omnes tantum qui aderant admirati sunt, sed & inter eos accolæ, ut singulare æternâque memoriâ dignum hætenus tradi, celebrarique testes affirmant.

Ibidem.
P. 149.

XXI. Mira quoque sunt, quæ apud Panataguas gessisse TURIBIUS dicitur. Ea gens a Christiano nomine longè maxime aliena, sedes barbarie, foeditateque suâ plusquam belluina, extremis Provinciæ sinibus habet. Rari ad eos aditus, supraque omnem fidem difficiles. Non tamen idcirco prætereundos sibi putavit pius Pastor. Eorum verò fines ut adiit, armatorum statim globus circumstetit, atroci aspectu, cædis cupidissimus. Constitit ille intrepidus, verbisque omni humanitate plenis salutato, alloqui cœpit. Qualis in noctis confinia sol novus irrumpens exulare tenebras cogit, talis e barbarorum mentibus, ubi primum fines ingressus, omni oppressâ hostilitatis sævitia, cæcitas

tis horrores, erroresque perfidiæ TURANÆ adventus exclusit. Vidisses ad sanctissimi Viri pedes versâ in modestiam militari audaciâ, feritate in reverentiam, se armaque sua abiicere, fimbrias Sacerdotalis vestis exosculari, officiosâ voluntates illi suas devotione addicere, & consecrare: Contra TURANUM jacentes erigere; omnem operam, omnes vires, vitam denique ipsam pro eorum salute polliceri. Erat inter familiares barbarorum linguæ non ignarus qui nec intelligere, nec intelligi Antistitem ratus, interponere se interpretrem eorum, quæ vicissim jactabantur, volebat. Non permisit TURANUS, sibi que, postquam oculos ad cælum vertit, Deo illud muneris, cum gratiis acceptum referens, non ignotas eorum voces accidere, dixit. Multa quoque ipse latinè, atque Hispanicè in sermone enunciavit, quæ a barbaris, qui ante ne nomina quidem earum linguarum norant rectissimè percepta, atque intellecta dicuntur. Unde non obscuris indiciis, quod modestiâ Viri diligentissimè ad illud tempus celaverat, deprehendi potuit, inter alia cælestia beneficia quibus ab auctore gratiæ ornari meruit, omnium quoque linguarum, quarum in accepta Provincia usus erat, intelligentiam fuisse consecutum. Hic verò illud singulare accessisse videtur, quòd non intelligere solum, quæ ab aliis alienis verbis pronunciabantur posset, sed ipse vicissim intelligi, tanquam eorum vocibus uteretur.

XXII. Ab his, Regionis interioris partes adire aggressus, Christianæ Religionis lucem illaturus, summâ montis asperitate, Ibidem,
p. 150a avii sive præruptis prohibetur. Ibi aliquandiu in sinibus morari eorum precibus adductus consensit. Quo temporis spatio sanctitatis ejus fama de illo Regionem pervagata, ingentem illuc hominum multitudinem traxit. Rudimenta Christianæ fidei omnibus tradidit, nonnullos inter Fideles adscripsit, cæteris, quibus eruditio major opus esse videbatur, Sacerdotes, Institutoresque reliquit. Munera insuper iis plura impertivit, nullum ex iis quæ offerebantur accepit.

C A P V T XXXI:

*Pestilentia in Vrbe Regum eo absente grassante ,
quemadmodum se gesserit .*

Ca. xxv.
p. 158.

I. **C**IRCA hæc tempora Lima pestilens annus agi ceptus, plurimique mortalium contagione absumpti, ægros capere valetudinaria vix poterant : & maxima quidem pars non tam luis favitiâ , quàm rerum omnium egestate , ac solitudine interire cogebantur . Quæ ubi ad Pastorem absentem per epistolâ delata , ut non levi animum ejus imperore afficere , ita suum esse existimavit , quandoquidem longillimè aberat loco , auxilio , atque opibus propius adesse . Proinde rerum suarum Procuratori Francisco Quinonio mandata cum litteris dedit ut pecuniam , rem familiarem , domesticam suppellectilem suam , omnia denique in miserorum sublevandis ærumnis impenderet . Cæterum si opus esset mutuum acciperet , neu quid opis , atque operæ a quoquam desideraretur , maximâ , & caritate , & liberalitate perficeret . Creditoribus , quo satisfacere posset , sibi cum vita ex Dei optimi maximi Providentiâ , affluentiaque sperare . Porro quem exitum habuerit hæc pestilentia , quem TURIBI mandata , testium nullus , prodit . Credibile est , & illam aliquandiu grassatam , & hæc adamussim per Procuratorem effecta . Itaque luem magna ex parte Urbem , miserorum verò necessitates , omnem ejus anni TURIBI censum , pecuniam omnem conflata , rem denique omnem familiarem absumpsisse .

C A P V T XXXII.

Adversus Regium Præfectum Jus Sacrum tuetur .

Ca. xxiv.
p. 157.

I. **A**D laborum Provincialium cumulum accessere cum Regiis Præfectis , jurisdictionis causâ , nonnunquam acerrimæ TURIBIO contentiones . Etenim , cum ii omnia ad regias rationes , ipse verò ad Dei gloriam atque ad animarum salutem metiretur , uti venire necesse erat , ut in multis convenire non possent . Talis ea fuit , quam cum Regio Præfecto Aloysio Velasquio habuisse fertur .

II. Provinciam , uti superius demonstratum est , obiens TURIBIUS , nihil prius habuit , quàm , ut ovium suarum saluti ita consulere , ut cælestis pabuli defectu nulli perirent . Hinc pluribus locis cum summâ ejus inopiâ laborari vidisset , longiusque a Pasto-

Pastoribus errantes greges hinc inediâ interire , illinc venenatis pascuis impleri , alibi luporum in ore versari , passim per omne abruptum , ac præceps a recta dilabi; datis Magistris , qui earum curam agerent , alimentis Divinis reficerent , a noxiis arcerent , rectum virtutis iter ostenderent explicarentque , omni tandem studio iis providere curarent , maxime juberat . Quatuor (præter ceteros in Provinciæ Guailæ , Gamay , Cavixamayi & Campicorongi) Chincacochæ Parochos constituerat , singuli annui census portione , quam piissimi Regis liberalitas in hujusmodi Christianæ rei usus dari a Præfectis mandaverat , assignatâ . Quod ubi Præfectus intellexit , quia se inconsulto fieri non potuisse putabat eam Parochorum additionem ad judicium suum , atque inutilem eam abolendi , Regiæ liberalitatis administrator avarus consilium cepit . Ut a re nefaria abstinere , TURIBIUS monuit . Facultas Parochos ubi opus esset constituendi Sacrorum Præsidis esse , non Regii Præfecti . Hujus esse pecuniam Regiam constitutis impertiri . Augere autem , aut minuere sacrorum ministrorum numerum , sine injuria utriusque Juris non posse . His tamen parum profecit , contendente Præfecto , temere a se Regiam pecuniam non impertiendam . Videndum quibus an utiliter ? an juste ? Controversiam tandem Regii Senatûs judicium , ad quem appellare opus fuit , adversus Præfectum deciderit : censuitque ab ejus munere alienum , quæ Antistes pro Religionis , aut incremento , aut splendore constituisset , rectè , an perperam constituta essent inquirere .

Ibidem.
p. 158.

C A P U T XXXIII.

Adversus Alphonsum Alvaredum Sacrorum Jurium violatorem , Ecclesiæ ac pauperum causam strenuè defendit .

C. XXXIII.
p. 155.

I. **C**V M Alphonso Alvaredo Caxatambi Provinciæ Præfectore ut jura Ecclesiæ sacra testaque conservaret , fortiter dimicavit . Ejus quippe Regionis sacras res cum cognosceret , intellexit ab homine illo avaro , e Sacris Templorum thesauris , omne æs in Divinum cultum , in Templorum instaurationem , in pauperum , & ægrotorum subsidia , atque in ceteros pios usus , religiosâ liberalitate collatum , ab illo homine per vim ac nefas extractum , compilatum , ac specie publicæ necessitatis , cupiditati

Ibidem
p. 156.

tati suæ impensum. Quid Turisius ad hæc? Sacrilegii scelere, flagitii immanitate, audaciâ hominis, Religionis injuriâ, sacrarum Aedium damno, pauperum oppressione, piarum voluntatum fraude, gravissimè commotus, adversus itapium caput, sacris censuris agendum necessario putavit. Monendum tamen prius, ut ad mentem rediret, ac magnitudinem sceleris poenitentia, atque iis, quæ injustè sibi propria fecerat, restituis, corrigeret. At homo amens, ut cupiditate cæcus, nullum jus, nullum sacrilegium anterespexerat, ita monita pii parentis nunc flagitii facere ac deridere. Jussu Regii Præfetti se coactum dicebatur, eam pecuniam, in rebus Regi, ac Regno maxime necessariis, jam collocatam. Præstare Reipublicæ, quam pauperum commoditati prospicere. Sacra omnia, ac prophana Regum necessitatibus parere. Litteras quoque a Regio Præfetto facti culpam elevantes ipsius Regis Catholici voluntate, ac mandatis pretextis multas obtinuit. Sed nihil proficere his potuit, qui segrex ab Antistite ex fidelium coetu fieret, apud quem non Regum imperia, non Præfectorum minæ, non denique ulla mortalis potentia ratio valere unquam potuit, ubi fas ledi, æquitatem pessundari, Deum immortalem affici injuriâ, aut Ecclesiam videret.

Ibidem
p. 157.

II. Nihil interea devotum caput omisit, quod ad avertenda ab se ignominiam, ac viri infracti virtutem evertendam idoneum judicaret; præterquam unum illud expilati æris restituendi, aut contumacia abuendi consilium. Vbi verò omnia frustra ab se tentari comperit, nec pestus illud adamantium expugnari ullo modo posse animadvertit, Anathematis longâ magis ignominia, quàm sceleris gravitate coactus, hoc etiam tandem capere consilium statuit. Non accepit tamen Turisius, neque ejus nomen ex albo piorum erasum prius reposuit, quàm præter integram ablata pecuniæ restitutionem, criminis quoque multam exolverit.

C A P V T XXXIV.

*Romanorum Pontificum litteris, laudibus
ac singularibus privilegiis exornatur.*

I. **T**ANTAM Mogrobessii nostri erga creditas sibi oves sollicitudinem, tantam adversus hominum avidorum rapacitatem, fortitudinem animi, tantos per Provinciam exaltatos labores, communis humani generis hostis hominesque pravi

Lib. T. C.
xxiii. p.
77.

pravi cum eo consentientes sæpe aut persequi calumniis, aut in deteriorem partem trahere malignè conabantur. Sed hæc omnia frustra: nam quò magis ii contendebant, ut TURIBII laudes & merita obloquendo & insectando minuerent, Deus contra servi sui virtutem qualis erat patefacturus, ejusdem sanctitatem illustriorem magis ostendebat. Incredibile dictu est, quàm semper magnum, ac mirabile ad Romanorum Pontificum aures TURIBIANUM nomen accesserit. Quàm bene de Christiana Republica mereri illum existimaverint! quàm copiosè gesta ejus laudarint! quàm liberaliter Romanæ Sedis privilegiis, ac prærogativis ornarint! Sex Summi Pontifices, eo Limano Antistite, Ecclesiæ præfuerunt, Gregorius XIII. Sixtus V. Urbanus VII. Gregorius XIV. Innocentius IX. Clemens VIII., quorum duos si excipias, Urbanum, atque Innocentium, quos brevissima Pontificatus periodus, spes vetuit inchoare longas, cæterorum mirum erga TURIBIUM amorem, mira beneficia videbis.

Ibidem.
p. 73.

II. A Gregorio XIII. dignitatem cum Pallio obtinuit. Sixtus Motu, ut dicunt, proprio, ut ad Apostolorum Limina per Procuratorem, ac decimo quoque anno veniret indulsit.

III. Alteri verò Gregorio, ut res a TURIBIO per Provinciam gestas jucundissimum ex Didaco Zuniga e Societate Jesu, Romam ex iis Orbis partibus procurationis causâ misso, audire fuit: adeo ut exclamare lacrymis præ gaudio, atque admiratione obortis coactus dicatur: *Benedictus Deus, qui ubique regnat, & ubique Servos suos regnare facit*: ita eidem Zunigæ litteras ad eum Apostolicas singulari benevolentia, atque humanitate scriptas dedit, quarum hæc erat sententia: Se maximâ Zunigæ testimonio lætitiâ affectum. Primum, quòd læta de ipsius salute nunciasset: Deinde, quòd ejus erga se, erga Apostolicam Sedem obsequium, ac reverentiam celebrasset. Denique, quòd de ea, quâ Divinum cultum, quâ Pastoralis muneris partes, quâ animarum ejus curæ creditarum salutem diligentia promovebat, certiore fecisset. Gratias proinde Deo debitas, atque immortales agendas, universum terrarum Orbem temperanti, qui pro sua pietate ministros optimos deligat, qui strenuè in vineæ suæ cultura exerceantur, quique fructus afferant dignos in patientia. Pergratum præterea accepisse se nuncium, aiebat Pontifex, quo ipsius in Domo Dei zelus, quo labor, atque assiduitas in administratione Diocesis, in Conciliorum Provincialium, ac Synodorum celebratione, in Provinciæ per se ipsum cognitione esserebatur. Quæ omnia

Ibidem.
p. 79.

nia ceneri abs se quidem laude dignissimâ, omni verò Christianæ Reipublicæ imitabilia, æternæ tandem gloriæ præmiis a Deo decoranda. Ad extremum maximopere se hilaratum, quòd quo tempore universæ Ecclesiæ ex cælesti largitate præesset, hujusmodi in animarum salute procuranda, cælestique semita demonstranda ministros fortitus esset. Caterum auditurum ex Zuniga qualis esset suus in cum amor, quâ patriâ caritate complecteretur, quàm virtute ornatum, quàm valetudine integrum esse vellet. Majestatem verò Divinam se (Apostolicâ e Pontificio folio benedictione impertitâ) suppliciter oraturum, ut gratiæ viventi incrementa, defuncto gloriam cælestem concederet. Scripta fuit Epistola XVI. Calendas Junii Anno MDXCI. Pontificatus sui primo.

IV. Clementis post VIII. his non minus honorificas litteras accepisse dicitur, quibus potestatem ei fecit, ut Rosaria, (quæ Itali vocamus) seu Numismata Sacra quæ (Medagliæ, vel Crucēs) ad quatuor millia, alii septem millia dicunt, manu suâ consecraret, Indulgentiarum beneficiis cumulativè eos ditatura, a quibus haberentur. Quòd ut pervulgatum est infinita ad eum undique multitudo concurrat, Rosaria sua ostentantes, & consecrationis beneficium, pro se omnes exorantes. Quòd a Sanctissimo Antistite accepisse geminati beneficii loco habebatur. E cujus videlicet virtute, ac sanctitate quædam pietas major iis afflari videretur.

V. Ad hæc, amplissimis privilegiis, & Diplomatis a Romanis iisdem Pontificibus ornari TURIBUS sanctitas meruit. Quorum nonnulla Jacobus Moralius in suo testimonio refert, ac se legisse, cum a Secretis esset testatur. Pius enim, ait, Quintus (Notarij, aut Interpretis, in nomine mendum patet, Pio quippe Pontifice nondum TURIBUS Sacerdotio fungi cœperat, Sixtus, puto legendum) tribus Diplomatis potestatem fecit ab Irregularitate dispensandi, Provinciales Conventus quinto quoque anno cogendi, Sacrum chrisma e balsamo ejus Regionis conficiendi. Gregorius XIII. Conventus Provinciales habendi potestatem ad septimum quæque annum, Synodos ad secundum prorogavit. Tum ab omnibus, & singulis delictis, & criminibus Apostolicæ Sedi reservatis, ac in Bulla, quæ in Cœna Domini dicitur, descriptis in utroque foro reos, nec non ab hæreseos crimine, quòd ad Indos, absolvendi. Præterea Episcopos, ubi Collegarum legitimus numerus adesse non posset cum duo=

duobus tantum Viris dignitate præditis, inaugurandi, & consecrandi facultatem obtinuit, atque hujusmodi alia complura.

CAPUT XXXV.

Frequentibus ipse litteris de rebus a se in Provincia gestis Romanos Pontifices certiores facit, & qua cum modestia.

I. **I**Psus verò TURIBI erga Romanos ipsos Pontifices, eorumque Constitutiones reverentiam, atque obsequium quis dicat? Has ante oculos rerum agendarum veluti exemplar, ac regulam, ita semper habebat propositas, ut narratum quidem unguem ab illis recederet. Eosdem haud perinde quam terrestria Numina, Deique Optimi Maximi personam agentes respiciens, de omnibus rebus suis crebris litteris consulere, eorumque oraculis tanquam Divinitatis ore editis acquiescere, semper consuevit. Libet hic Epistolæ ipsius fragmentum ad Clementem Octavum Pontificem Maximum in medium proferre, ubi paucis verbis res a se in Provincia gestæ ita narrantur, ut addi posse nihil a nobis videatur. *Postquam, inquit, ex Hispania ad hujus Regum Urbis sacram Præfecturam primum accessi anno MDLXXXI. præsens pluries invisi, & legitime impeditur, per meos ministros ejus ditionem, illud omni curâ contendens, ut oviculas meas, & cognoscerem, & enutrire. Multis erroribus, ac vitiis occurrere, attulique remedium. Dominicis diebus, atque aliis festis conciones habui ad Indos, atque Hispanos propriis eorum linguis. Ingentem numerum; ut mihi visum est, ac multorum affirmatione acceptum, supra sexcenta hominum millia sacro Chrismate confirmavi. Ii nunc quinquè ferè millium, ac sexcentarum leucarum confecto multoties pedibus meis propter viarum perversitatem. Fluminibus verò maximo cum vitæ periculo tranatis. Aliis denique prope infinitis difficultatibus superatis. Aliquando defectu comæatus, hospitabiliſque loci mihi ac sociis in commune laboratum. Cæterum ad eas Indorum Nationes Christianam Fidem colentium, ac bellum cum Infidelibus perpetuum gerentium penetravi, ad quas ante me Prælati, aut Visitatores accesserat nemo.*

Lib. I. ca.
xxiv. pa.
80.

Ibidem.
p. 81.

II. Ex his fideliter redditis, quam candidè sincerèque, quam minimè jactanter, ac tumidè summos Christianæ Reipublice

Moderatores, suis de rebus communicare consueſſet, vide. Ita enim laborum ſuorum magnitudinem exponit, ut potius diminuendo modestior, quàm augendo ſe jaſtans videatur. Nam de hominum a ſe confirmatorum numero ſupra decies centena millia, qui minimum dicunt, eos fuiſſe affirmat. Quòd verò de concionibus, ait, eas Indicè, Hiſpanicè pro ratione, Auditorum habuiſſe, quam paucis rem omnino mirandam potius tangit, quàm dicit! Indicè enim loqui, non ut videri poteſt, unius tantùm linguæ ſcientiam exigit, ſed plurium. Quot Oppida, tot ferme ibi linguarum ſpecies, inter ſe ſe valde abhorrentes, atque ad diſcendum difficiles ejus Regni Scriptores eſſe tradunt, ut non ineptè, *Idiomatum multiplicem ſylvam quis appellavit*. Ex his omnibus non obſcurè liquere poteſt, ipſum cæleſti planè ope adjutum, talia ac tam admiranda præſtitiffe.

LIBRI SECUNDI FINIS.



VITÆ



V I T Æ
 S. TURIBII ALPHONSI
 MOGROBESII
 LIMENSIS ARCHIEPISCOPI
 LIBERTERTIVS.
 CAPUT PRIMUM.

Severioris Vitæ disciplina, & Corporis afflictationes.

I.



PRIMA ætate blandis cupiditatibus
 acre bellum constanti fortitudine
 indixit, nec toto, quo deinde tem-
 pore in vivis fuit, aut fœdus, aut in-
 ducias vel minimas cum iis pepigit.
 Domus clarissimæ commodis, pa-
 rentum dulcissimorum complexi-
 bus, fratrum consuetudine perjucun-
 dâ, propinquorum, ac patriæ con-
 spectu vix duodecim annos natus

Herrera
 lib. III.
 Cap. XVI.
 p. 261.

carere cœpit. Vallisoletum ad rem litterariam missus. Illic ut
 lilium inter spinas, ad sui candoris integritatem servandam
 asperitatibus usus est. Cum litterarum cognitione, non ut ple-
 rique solent, suimet ipsius ignorantiam, aut oblivionem con-
 junxit aliquando. Tempus enim ita distribuerat Deo, sibi, stu-
 diis, ut ejus ne minima quidem particula si fieri posset deperiret.
 Adolescentiæ omnem pestem procul habuit, otium, ludicra,
 voluptates; omnia verò ejusdem ornamenta conjunctissima Mo-
 de-

deftiam, Temperantiam, gravitatem. Nihil in oculis lascivum, nihil in verbis arrogans, nihil in gestu indecorum, nihil in gustu intemperans, nihil in consuetudine procax. Ita enim ad Divinæ Legis rationes actus suos omnes, motusque exigebat, ut eam corporis compositionem, vel amare, vel revereri omnes cogentur.

Ibidem.
p. 263.

II. Jam tum abftinentiæ, ac jejuniis studere, veftitu maximè communi, ac vulgari uti, afflictationibus corpusculum macerare, animum adversus cupiditates malas exercere, lucubrationibus fomnum depellere, sibi ab omni juvenili levitate diligentissimè cavere, fortissimè imperare. Nemo illum per Urbem æqualium iu turba vagantem vidit. Nemo curiosè res, quas vulgus miratur spectantem, nemo juveniliter lascivientem conspicatus est. Nisi rei necessitas cogeret domo pedem nunquam efferre. Hinc quod de se, Divoque Coutubernali suo Basilio Athenis studia excolentibus Gregorius Nazianzenus affirmavit, in Mogrobesium quoque nostrum quadrare perbelle potuiffet. Duas nimirum tantummodo vias ei notas fuisse, alteram, quæ ad sacras Aedes, alteram, quæ ad Præceptores ferret.

III. Salamantica honorarium munus affecutus, tantum abfuit, ut aliquid de severioris vitæ institutione remitteret, ut potius cum ætatis, ac dignitatis accessione, addere ad superiorem severitatem nonnihil necessarium existimarit. Qua in re cum mediocritatem excedere videretur (extingui enim pallor vultus ab voluntariis flagellationibus, viriumque summa debilitatio, ab inedia, & vigiliis fieri apparebat) opus fuit moderatorem adhibere, a quo nimia illius in se ipsum severitas coërceretur.

IV. Litterariis feriis non, ut alii, Suburbani ruris delicias quærere, aut defatigato studiorum laboribus corpusculo requiem concedere; sed per illud otii, majori contentione ad virtutum acquisitionem se exerceret: illa corpori recreando dumtaxat non respuens, quæ essent cum labore, atque asperitate conjuncta. Quemadmodum cum Compostellanam peregrinationem, nudis pedibus, habituque, per eas ferias, uti supra libro primo exposuimus, confecit.

V. Nondum Sacerdotio initiatus, nec Pontificiâ dignitate decoratus, eâ vitæ ad omnem virtutem actæ laude præstabat, ut nihil ei deesse videretur quod summam ostendere potest sanctitatem. Ecclesiæ adscriptus majorem sibi necessitatem impositam, exemplis, quæ alii sequerentur prælucendi, cognovit. A Deo

De-

delectus ut Ecclesiam Limensem regeret : quæ quidem Provincia difficultatibus, laboribus, & periculis obsepta, alium quemlibet absterre ab illa suscipienda potuisset, adeo nullo incommodo, nulloque discrimine deterritus ab illa capeffenda fuit, ut Dei voluntatem sibi proponens patriam, parentes, amicos omniaque domestica commoda promptâ alacritate reliquerit, in id unum intentus, ut Deo ad arduos eum labores vocanti, obtemperaret.

VI. Ubi Sacerdotii sui Sedem obtinuit, eam sibi vivendi rationem præstituit, quæ & integra servari posset dum viveret, & inculpabilem illum domi, forisque præstare. Inter cætera verò exempla, illud non postremum, quod imperare corpori suo quidquid collibuisse, videbatur, ab illo nunquam in transversum abreptus. Solidam noctem dormire ne a maxima quidem fatigue cogi potuit. Ante exactam dimidiam ejus partem, nunquam cubuit. Aurora semper vigilem, Divinisque commentationibus vacantem invenit. Lecto pro dignitate composito ad speciem utebatur : revera super pavementum in stragulo, ne vestibus quidem detractis dormiebat, rudi ligno, pro cervicali subiecto, quem cubandi morem, cum domi, tum peregre iter faciens non mutavit. Etenim culcitæ quidem binæ, & quidquid ad cubile molliter concinnandum pertinet (quæ dignitas Sacerdotalis erat) ferè convehébatur, ac parabatur per servos ubi ad hospitium ventum esset, ipse tamen instrato barbarico torali, subiectâque capiti hippoperâ, ejus vice pavimento usus, lectum mane perturbabat, ut clam omnibus res ageretur.

VII. Parcitas ciborum maxima, cura nulla. Nunquam exurire se dixit, aut indicio vel minimo demonstravit, & si in multas a meridie horas prandium differretur. Nunquam exculentum quidpiam postulavit. Vocari oportebat ad curandum corpus, alioquin perseverasset semper in occupatione jejunos, sui que oblitus. Neu ignobilis necessitas totum tempus occuparet recitari semper aliquid inter edendum ex Sanctorum Virorum gestis, Concilio Tridentino, aut alio pio Commentario volebat. Ejus cœna etiam cum non jejunaret frusto panis, atque aquæ poculo peragebatur. Severissima jejuniorum, quadragesimalium præsertim, lex erat. Majoris Hebdomadæ totam periodum præter cæteras afflictationes pane tantum, ac aquâ absolvebat. Dominicæ Passionis anniversario his quoque abstinere solitus, etiam si eo die iter, aut opus Provinciale perageret. Hujus

jus rei Testis minime spernendus Joannes Alphonfus Cadallus ,
 qui aliquando eo die ad Oppidum Carvatum unâ iter faciens ,
 cum Occidente jam sole Præsulem de refectiōe admonuisset ,
 ille ne , quod in more habebat , cogereetur fateri , ex hippopera
 quidem sua panem protulit , quasi cum cæteris corpus curaturus ;
 verum cum ibi , seu casu , seu consilio , manu excidisset , hinc
 anam continuandi jejunii nactus : *Bene est* ; ait , *panis manu de-*
cidit , quid hoc ? nisi quodd divinitus monemur . non est hodie curan-
do corpori omnino indulgendum ? Itaque ne buccellam quidem de-
 gustare voluit . Ex inedia voluntariisque macerationibus , sub
 Hebdomadæ ejusdem finem , ab ingenti ægitudine recens vide-
 batur ; adeo decolor vultus , adeo exangui pallore squalens cor-
 pus . Cæteris festorum dierum pervigiiliis , nec non ternis heb-
 domadæ cujusque diebus , sabbatis nimirum cum feriis quartis ,
 ac sextis semel vescabatur , & paulo quidem maxime parabili , ac
 rudi , olere cepâ elixâ , frixâ cucurbitâ , pomis subacerbis . Pi-
 sces non adhibebat , nisi ex iis , quos Peruvienſes Maquetas ap-
 pellant ; genus omnium insuavissimum , ac deterimum , quo ne
 mediastini quidem vesci solent propter multum spinarum , & pa-
 rum pulpæ . His quoque rarius , & elixos , nam si conditos su-
 spicaretur , aut aliquid palato blandiri posse videret appositos
 recusabat . Ova , lacticia , aliaque omnia non lautè parata
 obſonia iis diebus , etsi usu receptum esset , nunquam degusta-
 vit . Ptisanarium orizæ lacte ovillo conditum aliquando appo-
 fuerant domestici , existimantes eum facile decipi posse amigda-
 lini succi specie , at ille fraudem ex gustu statim compertam ,
 aliâ arte eludere cogitavit , & : *Quid hoc* , ait , *insulsi est ?* Mox
 salinum , specie aliquid de eo inspergendi accipiens , manu labi
 totumque in pulstem effundi salem , ex industria permisit . Tum
 quasi indiligentiæ suæ subiratus : *Heu me !* inquit , *nimiâ salis asper-*
sione quàm optimas dapes corrupti ! At mirandum non est , si cum co-
quus non sum , æquitatem in condiendo servare nesciverim . His , cum
 sale dictis , apposita auferri jussit . Eodem vel simili artificio
 quoties gulæ adlubentia apponerentur uti solebat . Cinerem enim
 in mantica apud se clam gerebat , quem cibariis nullo observan-
 te permisceret , inde vel seponendi anſam arrepturus , vel saporis
 suavitatem corrupturus . Epulas si quis commendasset , eas
 commendantis esse jubebat , ut ne attingere quidem eas ipse co-
 geretur . Exemptis jejuniis diebus ejus mensa vix bubulam , aut
 vervecinam recipiebat . Volatilia omnino excludebantur . In
 jeju-

Ibidem
 p.265.

Ibidem
 p.266.

jejunio, ne si adversâ quidem valetudine laboraret, aut alia quavis, vel præsentissima necessitas urgeret, adduci unquam potuit, ut cibos mutaret, aut horam. Quamobrem cum Divinis aliquando rebus operam daret vernalis jejunii tempore, repente virium defectu correptus, atque ad terram prolapsus, ut animam deinde collegit, nullis domesticorum precibus flecti potuit, ut quidquam vetitum jejunantibus degustaret, aut horam constitutam mutaret. Triduo tamen, antequam migraret ad superos jussu Medicorum adactus, carnes in solemnî jejunio comedit; ratus, non obedientiam placitum Deo minus, quam abstinentiam. Ad convivia, etsi mediocri apparatu, atque honesta, accedere tamen abstinuit, ne forte vesci epulis cogeretur: nec a Præfectis, aliisve summæ nobilitatis Viris, vel etiam Religiosis invitatus aliquando annuisse dicitur; ut ne semel quidem alienæ eum mensæ accubuisse memoriæ proditum sit. Apud hospites cibum capere iterum aliquando necessitate coactus, eos maximopere ante rogabat, ut secum familiariter ageretur, nullusque epularum apparatus fieret. Quæ res Antonii Varreii testimonio ita confirmatur: *Umai*, inquit, *Pago*, ubi primum ad Provinciale munus egressus est, paternæ domus hospitio Antistes excipitur. Ibi parentem meum obtestari, ne quid præter bubulam, atque allia singulare sibi, aut quasitum apponeret. Cui tamen annuendum pro sua, Virique dignitate Pater non putavit. Hæc testis oculatus ille. Poma si offerrentur, pulcra præsertim, ac suavia paululum cum Creatoris laude miratus, atque odoratus, pauperibus ne libata quidem impertiebatur. Allia, cepe, olera, maximè illi familiaria. His tantum delectari videbatur. Parochis imperaverat, ne quo tempore, apud eos versaretur sumptus supervacaneos in epularum apparatus facerent, mensam verò maximè parabilem, frugalemque, neque a quotidiana, privataque consuetudine valde remotam, sibi suisque apponerent. Qua in re si peccatum esset, dapibus relictis, acri reos reprehensione perstringebat. In potu æquè parcus, ac temperans. Supra tres cyathos, eosdemque minimæ capacitatis, exhaurire in mensa nunquam visus. Qui defuncti intestina videre, chirurgiæ, ac medicinæ peritissimi Viri, ea ad miraculum arentia, ac exucca fuisse retulerunt. Addidit pro testimonio Joannes Vegas nobilis Chirurgus, cujus operâ exenteratio peracta est: se ne indicium quidem præteriti cibi in eis, argumentum abstinentiæ planè mirabilis, cognoscere potuisse. Ea denique tum cibi, tum somni parcitas erat, ut ejus vita censeretur miraculum.

Ibidem.
p. 268.

O

Quid

VIII. Quid de frigoris tolerantia subjungam? Peruanæ hiemes, incredibili asperitate rigentes, atque acutæ dicuntur. Has Præsul TURIBUS caelesti flammâ succensus ita contempsit, ut per eas medias, insuperabiles alpes adire non dubitavit, divinos calores gentibus æterno gelu circumseptis allaturus. Nec verò cum diu, noctuque per altas nives inter ventorum colluctantium flabra iter confecerat, ipsâque hieme rigidior ad hospitium venerat, igni, aut fomentis, aut penitiori cubiculo, frigus abs se depellere; sed cognitiones statim instituere: quæ opus facto essent jubere: sui muneris partibus accurate defungi infaticabili perseverantiâ, atque alacritate curabat.

Ibidem
p. 269.

IX. Otium ita fugit, ut gravissimum piaculum existimaret, vel momentum temporis non curare, vel utiliter collocare, dicere solitus: *Tempus nostrum non esse, sed Dei, ejusque exactissimam rationem nobis reddendam.*

X. Vitæ ejus cursus perpetua occupatio fuit: ne sedere unquam visus, nisi aut capiendus cibus esset, aut ad se advenientibus officium præstandum. Ex qua standi, aut agendi ratione, quàm gravi corpus incommodo atfici opus fuit!

XI. Nullam sui, aut vitæ suæ rationem habuit, ubi eam impendere pro suorum salute curanda res postulasset. Boni enim Pastoris esse ex Divinæ veritatis oraculo non ignorabat, Animam suam dare pro ovis suis. Quamobrem incredibiles labores diu, noctuque, itinerum, tempestatum, discriminum, famis, sitis, somni, aeris, adire nunquam dubitavit, in obeunda Dicecesi, in Divini verbi prædicatione, in altarium, ac sacrorum utensilium consecratione, in divinorum mysteriorum, Confirmationis præcipuè administratione, in Religionis propugnatione, ac propagatione, ut operis sui partes adamullim expleret.

XII. Ad extremum Vir planè Apostolicus castigandi corpus suum, atque in servitutem redigeni nullum finem faciebat. Nec solum assiduus laboribus, jejuniis, vigiliis illud macerare, sed & cilicio hamulis ferrei fili instructo, ferreâque catenâ ad nudum, nec non asperioribus e ferro flagellis excarnificare consuevit. Quæ poenarum instrumenta, ut domesticos omnino laterent, eorum operam vestes induens, aut exuens excluderat. Flagellorum usus illi frequentissimus. Iis enim præter sabbata, & ferias jejunio additis, festis quoque diebus insignioribus, eorumque pervigiliis se divexabat. Quâ verò acerbitate, se dilaceraret, locus multo sanguine resperçus ostendebat. Domi Ora-

torium : peregre , ubi clam cunctis id fieri non posset , agrorum solitudines petebat . Hujus rei testes , & plures , & fide dignissimi afferuntur , e quorum testimoniis nonnulla hic exempla ad ea , quæ superiori commentario memoravimus adungere , neque ingratum fore , neque sine operæ pretio existimo .

X I I I . Bartholomæus Menachus Vir a doctrinæ ornamentis , morumque probitate maximè insignis , in comitatu erat , cum Xauxam Præful , Regionem omnium maximè glacialempera-
graret . Is quadam nocte , tertiâ vigiliâ jam cœptâ , cum Præful ex diversorio vicinum montem petere visus fuisset , nec post longam inde moram reverti , metuens ne quid illi adversi fortè contigisset , eodem auxilii , si opus esset , causâ contendit , at propius postquam accessit , audisse se verberum atrocissimorum sonitum , sine medo , ac sine se se ferientis affirmavit .

Ibidem.
p.270.

X I V . Nonnullos ex Indorum genere a Fidei castris profugos quaritans Præful , ad Oppidum quoddam venit , ubi Joannes a Carcere facti testis , Gubernatoris vice fungebatur : a quo domi humanissimè excipitur . Jam ad cœnam hospitem vocaturus , ad conclave simul accessit , audiit verberum frequentes , validosque ictus . Stupet , observat , introspicit per rimulam , videtque Virum genibus flexis , tergo nudato , in Christi Domini Crucifixi Imaginem , quam lavâ tenebat , oculis , & cogitatione desixum , dexterâ verò stricto se flagello dilaniantem . Exaudiebatur & vox gratias immortales Deo referentis , quod eò se venire voluisset , ubi animarum tam grandi jacturæ consulere posset . Quibus hospes non sine ingenti admiratione perspectis , dum interpellare præ reverentia non audet , diu expectare ejus laniationis finem cogitur . Porro post duarum horarum spatium lætus , atque alacris e cubiculo ad cœnam venit . Quam verò cœnam ? De referta optimis dapibus mensa , nihil planè gustare voluit præter paucos , e genere caniorum pisciculos , & Indicum pro pane frumentum . Atqui ubi , & in iis edendi voluptatem adrepere nonnullam cognovit , binis , ternisve absumptis : *Ita ne* , inquit , *Corpus tibi indulget ? Adeo ne sapiunt ?* Quibus dictis multo sale resperfit ceteros , ut gulæ saperent minus .

X V . Truxilli plana invisentem , Vir ex Indorum genere ab atate , pietate , fide , non contemnendus testis , haud semel vidisse se retulit ante quartam noctis vigiliam , montis secessus , tigribus , ac leonibus infestos petentem : ibique ferreis flagris , validè , atque immisericorditer sibimet verbera infligentem , ut

fragor ad ducentos prope passus exaudiri posset. Guttas etiam sanguinis integras, recentesque mane abs se iisdem locis reperas, pluresque menses, immo annos arbutorum foliis, quibus inspersa erant, ita inhæsisse adjecit: aliique plures confirmarunt.

XV I. Cæterum quas sibi plagas hujusmodi flagellationibus inflixerit, hinc intelligi posse non obscurè videtur, quòd Chirurgorum illi operà sæpe opus fuit, ad eas curandas. In his Joannes Perez palam affirmabat, se dum ulcera in tergo ipsius curaret, cum graviter ob earum acerbitem animo commoveri, tum patientiam in remediis minimè blandis fortiter perferendis admirari valde consuevisse. Cum illud unum interea cum obtestari non desineret, ne cum aliquo mortali, de ea re verbum facere vellet, præsertim sua cum sorore. Nam, quod ad se attinebat, ita dolorem consuetudine vicerat, ita superiori inferiorem portionem parere cogerat, ut ne minimum quidem assidui cruciatus indicium præferre unquam ullo modo visus fuerit: nullas in fronte rugas: nullam contracti vultus acrimoniam: immo perpetuâ serenitate explicatam faciem, semperque lætissimâ suavitatem renidentem ostendebat, ut nullâ molestiâ, maximâ verò voluptate, & gaudio semper affici videretur.

Ibidem.
p. 171.

XV II. Enim verò non tam quidem, ut proprii corporis contumaciam, quæ nulla erat, ad rationis imperia perfringeret, quàm ut alienæ mederetur, suppliciiisque suis flagitia non sua dilueret, non unquam in se ipsum desæviit. Unicum e multis exemplum, huic toti rei, & fidem faxit, & finem.

XV III. Loci cujusdam Sacerdos, creditarum sibi ovium lupus magis quàm Custos; iis cum vitæ exemplis sacro Ministro minimè dignis, tum injustis vexationibus perniciosus evaserat. Avaritiæ quippe vetitisque negotiationibus studere ferebatur, increpationibus aspide surdior. Hunc aliquando accersitum Præsul secretò castigavit, quòd quæstui indigno operam daret: quòd invidiam in se suorum conciret: cunctis pessimo exemplo noceret. Monuitque pluribus, ut Sacerdote non indignam vitam exin institueret. Exemplis bonis, superiores sordes extirperet. Enim verò ad meliorem frugem his omnibus reduci non poterat. Quo Præsul cognito, in penetrabile secum conclave quodam die hominè sevocat, fores claudit, humeros suos veste nudat. Tum ante Imaginem Christi Domini de Cruce pendenti provolutus, flagellorum ferream tempestatem concire, tergo insonare, perditæ mentis homini flagitiorum cognitionem, ac poenitentiam
piis

piis simul precibus a Deo flagitare. Inter hæc Sacerdos spectaculi acerbitate commotus ut desisteret enixius rogabat. Contra ille ingeminare ictus, seque quandoquidem suspicari aiebat, ne sua peccata ejus tantæ contumaciæ essent in causa, nunquam sibi parsurum, nisi duritiam cordis illius veniæ eorumdem peccatorum exorata expugnasset, affirmare. Ne multa: Expugnavit, emendavit. Scelus enim suum ibi confessus reus sacerdos, alium se ab eo, qui fuerat, deinceps futurum, non promisit solum, sed quæ promiserat fideliter præstitit.

CAPUT II.

Modestia et Humilitas.

lib. 3. cap.

xix. pag.

280.

I. **A**B humilitate ac modestia severissimas in corpus suum leges TURISIUM didicisse quis dubitet? Etenim cum nihil grande sibi adrogaret, nihil honorificum existimaret, imo e contrario se inutilem servum omnium mortalium, virtute postremum, improbitate maximum, hinc erat, ut non Deo solum, sed omni etiam humanæ creature propter Deum se ultro subijcere gauderet: cunctas in universum hominum genus Cælestis iræ animadversiones suis malis imputaret, omnium se flagitiorum reum crederet, poenas tantæ severitate exigeret, sensus tantâ custodiâ cohiberet.

II. Res fuit planè mirabilis intueri TURISIUM adhuc impuberem, humanisque disciplinis operam navantem, quàm modestè tamen se gereret in æqualium consuetudine: quàm verbis parcum, quàm moribus gravem, quàm gestu compositum, quàm facie verecundum, quàm vestitu frugi, quàm solitudinis amantem.

III. Eodem tempore, atque ætate talem in eo gravitatem vidisses, qualem vix in iis, qui severissimæ disciplinæ cursum confecerunt, reperias. Optimo cuique ejus aspectus mirum in modum erat jucundus, ac suavis; improbis ita reverendus, ut eo præsentem aut loqui, aut age re quidpiam intemperanter, aut inverecundè, nedum turpiter auderet nemo. Nihil tamen affectati, nihil violenti, aut acerbi ea in facie, quam perpetuus ingenuæ hilaritatis tenor ornat: Nec abhorrebat ab æqualium quidem prorsus consuetudine, sed honestissimi deligebat, inquinatos, aut intemperantes vitabat, ne quid sibi mali moris afflaretur.

IV. Adolevit cum ætate modestia, quæ ætate ipsa semper

Ibidem.

p. 281.

ma-

major videbatur. Eadem perpetuo de se opinio, eadem verecundia, eadem demissio, eadem cautio. Utque omnium mortalium (que viri erat modestia) postremo se loco numerabat, ita honestissima queque munera, ne cogitatione quidem ad se pertinere estimabat, aut affectabat attingere. Atqui quò attentius honores fugiebat, ii fugientem sequebantur.

V. Laureatos honores (in qua gloriolæ aura, ingenia, vel modestissima sibi adeo placent, tantopere concupiscunt, tantâ ambitione exquirunt) & ultro delatos ægrè juribus accepit. Ad Magistratum Fidei primum Hispali, deinde in Baticis nullum sibi aditum, aut iter præmuniit, nullius operâ, aut gratiâ fretus, virtutis tantum commendatione pervenit.

VI. Limensis Ecclesiæ summum sacerdotium omnia alia cogitanti a Philippo Secundo Hispaniarum Rege defertur, quam quidem dignitatem, ut is, qui se minime idoneum ad eam iudicabat, diu recusatam, nunquam accepisset, si oneris multò plus, quàm honoris conjunctum habere eam non cognovisset.

VII. Prærogativam Primatis Granatensis Joannis Mendes, ut eodem die quatuor gradibus ad Clericalem Ordinem ascendere posset, quia honoris gratiâ offerebatur, non modeste solum, sed fortiter recusavit, haud tanti se estimans, cui a communi legitimoque more abire liceret.

VIII. Sacerdotium jam adeptus, antequam in Provinciam proficisceretur amicos salutandos putavit per Hispaniæ Oppida. Quo in itinere honoris vitandæ causâ, privati hominis speciem gerens, de dignitate, quam obtinebat, verbum fieri a se vis vetuit. Vbi verò non obscuram sui nominis famam, habendumque sibi honorem suspicaretur, eorum locorum diversoria adire prætermisit, agresti potius loco, in umbra alicujus arboris cibum capiens, & requiem fufus humi corpus, struſtoque e veste sedili.

IX. Generis nobilitatem, munerum amplitudinem, sacerdotii dignitatem, Romanorum Pontificum privilegia, summorum Principum gratiam, cæteraque hujusmodi plura non iactantia, sed tacitissimæ humilitati famulari cogebat. Ex his prætium, aut existimationem supra ceteros comparare, aut propterea supercilium attollere, alioſue despiciere a TURBIDIANIS moribus alienissimum fuit.

Ibidem
p. 282.

X. Rerum a se optimè gestarum gloriam adeo non affectavit, ut etiam vel omnem eorum memoriam premeret, vel alijs

illis imputaret. Id in Limensis Academia, ac Sactorum Gynecæorum ædificatione vel maximè perspicuum fuit. Nullum enim de se monumentum in illa poni; horum Saldagnæ nomini totam laudem (etsi maxima pars eorumdem operum pecuniâ suâ, ac studio excrevisset) ascribi voluit. Insigne Gentilitium, quod multis amicorum precibus victus in Academia TURIBIANÆ taudem facie collocari permiserat, pari patientiâ, ac modestiâ a Præfecto urbis per summam injuriam, ac vim deturbari, deterique tulit: reponi, cum jam, vel Præfecto invito possent, non tulit. Neque Controversiâ sibi a Senatu Regio adjudicata intumuit propterea, aut Adversario suo invidiam comparare, victoriæve jactantiâ pudorem infundere cogitavit. Quin potius summo silentio rem tegere, nullam illatâ sibi contumeliæ memoriam servare, nullam commemorationem facere auditus; modestissimè usus eâ potestate, quæ doloris in Adversarium suum speciem haberet, ne insultare victo videretur.

XI. Quoties in urbem e Provincia revertebatur, ut quàm maximè fieri occultè posset ingrederetur, neve reditus sui famâ excitata Civitas in occursum gratulabunda contenderet, ingressum semper differebat in noctem.

XII. Summus Peruvienſis Regionis Sacerdos quæ minorum Sacerdotum sunt munera per se exercere, ubi opus esset non dedignatus est, ea præcipuè, quæ cum humilitate, caritateque in proximos conjuncta essent; veluti; Christianæ Fidei elementa pueros docere: ægrotos invisere, proximè morituris adesse, ærum-nosos ope, verbisque levare; ad eorum domos forſibus licet op-pletas accedere, atque hujusmodi sexcenta, de quibus nonnulla superius tradita sunt, humilitatis munia exercere.

XIII. Eâ verò erat animi demissione, ut omnium doctissi- Ibidem
p. 283.
mus, nihil tamen sine consilio, ad se præsertim spectans, agere auderet. Hinc jussu Medicorum, uti carnibus jejunii tempore, in suprema necessitate adactus, non prius assentiri voluit, quàm consilium, & facultatem Parochorum Sequens, ac Sagnensis Francisci Guisandi, & Ioannis Herreræ obtinuisset. Adeo judicio suo nihil tribuendum, nihil doctrinæ, nihil in re sua auctoritati, ac prudentiæ putabat.

XIV. Sententiam suam in Conciliis, Doctorumque conven-tibus ita enunciabat, ut cæterorum, nec sperneret, nec multâ contentione dilueret suæ contrarias, falli se posse in opinionibus omnium maximè existimans, cunctosque sibi sapientiâ, ac doctrinâ longè antecellere,

VX. Ne.

XV. Neminem unquam despicere, aut parvi præterquam se ipsum pendere visus est, itaque agebat cum omnibus servis, an liberis, Indis, an Hispanis, divitibus, an pauperibus, ut nihil in vultu supercilii, nihil in sermone imperitantis, iracundi, aut minacis, observari potuerit. Eaque verborum modestiâ, eâ paritate, librâque utebatur, quæ ne in verbum quidem otiosum unquam minusve consideratum penderet.

XVI. Per Provinciam iter faciens a privato sacerdote in nulla pene re disserre videbatur. Nihil in eo singulare, nihil magnificum. Quotidiano se victu indignum putabat, nisi multo prius labore meruisset. Quamobrem alicujus loci cognitione peractâ, continuo aliò ne se transferret, non preces, non temporum vicissitudines, non noctis vicinitas retinere poterant. Nimirum ne ibi panem, uti agebat, otiosè alienum comederet, onerive hospitibus esset inutili morâ, inutile pondus. Hinc præter necessariam familiam, convivam aut iovitare, aut admittere audebat neminem, nisi ab iisdem, quorum hospitiiis jure utebatur Parochis, facultate prius impetratâ. Neque enim tantum sibi tribuebat in aliena domo, cui invitare quengquam suâ auctoritate liceret ne incommodo hospitibus esset, assiduâ sollicitudinis Modestia ipsius torquebatur. Proinde cum suburbana inviseret, omnem e domestico suo penu commeatum aduehi, ut eâ curâ Parochi levarentur, jubebat. Ad longinquas Regiones proficiscens, cum id fieri omnino non posset, minuendæ tamen hospitibus molestiæ, atque impensæ omnem rationem habebat, non solitas sui causâ fieri prohibens, eosque severioribus verbis castigans, qui non mensam, sed lavatas epulas apponerent.

Ibidem
p. 284.

XVII. Humanis laudibus adeo non capiebatur, ut etiam qui dignitatis ipsius amplitudinem in familiari sermone commendassent, eos tacere juberet: illud dicere solitus: *Quid quid sumus apud Deum, ac pro Deo sumus; cætera nihil.*

XVIII. Amplitudinem Provincie, quæ multorum, plerumque animos tollit majoris TURBIO demissionis incitamentum fuit. Neque enim se tanti æstimabat, qui tanto gregi, ut par erat, regendo sufficeret. Hinc dicere nonnunquam auditis: Se libentissimè tunc mortem obiturum, cum Limensi Ecclesiæ, dignum eo munere Antistitem contigisse cognosceret. Hinc illè ad Regem, ejusque venatores cum litteris preces, quibus Provincie tam amplæ, tam laboriosæ contrahi sibi fines petebat. Quas quidem non laboris metus, sed de imbecillitate sua opinio ex humili-
latis

latis radice expressisse credenda est. Neque enim ut plerisque mos est, ampliare nominis, aut rationum suarum numeros Provinciarum amplitudine curabat, qui se opesque omnes mortales ita nullo habebat in pretio, ut nec pecunias unquam attingeret, nec earum nomina, aut pretium nosset, nec retinere apud se posset: negotio Procuratoribus dato, ut in pauperes, pioque usus illas collocarent. Sui verò nominis immortalitatem, non apud mortales quæreretur, sed in Cœlis.

XIX. Vulgatam olim falsò famam de sui inter Purpuratos Patres delectu, ita non curavit, ut etiam affirmaret se se quando argui fama mendacii non posset, eâ dignitate certillimè abdicaturum, cui Peruenfis Primatis nomen satis superque oneri foret. Ex quo videre est quàm alienam ab omni hñorum cupiditate gereret mentem, qui animo suo, secundum Romanæ Sedis fastigium oblatum recusare statuerat. Ac proinde jure optimo ab aliis genuinum sanctæ humilitatis exemplum, ipsissimam ab aliis. Humilitatem fuisse appellatum.

XX. Ex quo humilitatis fonte multa eaque amplissima in TURBIS animum confluxerunt. Ornatus corporis maximè vulgaris: exterioris atque interioris hominis mira compositio: virtutum summa occultatio. Etenim quod ad vestitum ipsius attinet, nihil vanum, nihil pretiosum, nihil a vulgari abhorrens vidisses, qui tegeret corpus, personam quam gerebat tantum non dedeceret. Elegantiam in vestitu ne privatus quidem affectavit. Delicias adeo procul habuit, ut carbasinas a sorore ex Batavico filo tenuissimas aliquando sibi ad suos usus datas egeno statim donum dederit, subuculas suas crassiori filo contextas esse oportere affirmans. Quæ propria sunt dignitatis dignitatem decere, cætera quæ sui corporis indumenta, paupertatem, atque honestatem, satis putabat. In his holoserica nulla, e lana omnia, eaque villiori. Dignius Christiano Sacerdote ratus Sacerdotii sui pecuniis pauperes alere, ac fovere, quàm pretiosa in veste circumspici.

XXI. Sed audiendus Testis, isque fidelissimus Joannes Sa- Ibidem.
„ p. 285.
„ peda: Ejus, inquit, vestitus hic erat: E lana nigro colore in-
„ festa tibialia, femoralia verò e panno, thoracis linea textura.
„ His Sacerdotalis toga accedebat de lanæa, nigraque mate-
„ ria, candidâ Sinthesi superinductâ. Cæterum sacra publicè
„ facturus, femoralia, thoracem, crurumque tegmina e sim-
„ pliciori serico, pulloque assumebat. Hec ille.

XXII. Mira in illo exterioris, atque interioris hominis compositio. Mira, inquam, in homine tam variè occupato, cui nunquam quæ animum perturbare possent defuerunt. Ex omnibus, quæ maximè humanas mentes invadunt, agitantque, cupiditas est rationi malè obtemperans. Ubi hæc in alicujus animum irrepsit tyrannico dominatu imperat, nisi strenuâ constantique virtute coercetur. Hæc a cupiditate non domita immingere oscitantibus pericula **TURIBUS** non ignorans, in eo quàm attentissimè nunquam non totus fuit, ut affectus omnes parere sibi cogeret, & famulari virtuti. Quanquam identidem illi non deerant quæ alium quenque facilè ad iracundiam movissent, illius tamen animum cum tranquilla fortitudine semper conjunctum irritò conatu aggrediebantur. Id non semel patuit cum vel Præfectorum superbiâ, vel æmulatorum audaciâ vel, malevolorum insectationibus & calumniis appetitus, nec unquam animi quiete deturbatus, non obscurè ostendit, affectus omnes nullam habere vim quâ a suo obeundo officio, & virtute excolenda dimoveretur.

Ibidem
p. 287.

XXIII. In subitis casibus impertubabilem mentis statum servabat. Accidit aliquando, ut jumentum Sacerdotale instrumentum vehens, in quo & pallium, Romani Pontificis insigne munus, dum flumen trajicitur, aquarum viraptum, omnium secum jacturam faceret. Multa ibi succensendi, multa servorum negligentiam arguendi occasio: quòd temerè transitum tentassent: quòd Pallium saltem dignitatis præcipuum insigne, quo amisso, ea contrahi non parum videbatur, non diligentius servassent: quòd rapiditatem fluminis non vidissent: bestię insuper quâ & ipse vehi solebat exitium; cæterarum rerum non levis jactura. Audito tamen **TURIBUS** quod acciderat, tam commotus est, quàm si sine sensu fuisset. Non negligentiam servorum accusavit, non bestię, ac rerum suarum amissionem questus: non denique Pallii jacturam, amissasve cum eo prærogativas indoluit. Divino enim consilio, ac voluntate omnia agi, versarique haud nescius, gratias potius Deo immortales agendas censuit, quòd nullus hominum cum bestia periisset, quàm pro jumentum, aut paucarum rerum interitu valde laborandum.

XXIV. Hinc illa corporis in **TURIBUS** compositio ad animi similitudinem omnino comparata, quâ ita ejus omnes motus in ordine continebantur, ut nulli liceret esse in composito, nulli extra modestiæ limites vagari, nulli rerum quæ curiositatem oble-

stare

stare possent, vel minimùm commoveri. Audiendus de hac re Testis Joannes a Rocca Limensis Ecclesiæ Archidiaconus: Vidi „ego met, *inquit*, sèpissime Antislitem Mogrobesium Divinā modo rem ritu solemnī peragentem, modo Divinis privatim officiis hac in Ecclesia assistentē, eā gravitatē, majestatem, modestiā, quæ maxima dici possit. Divi nimirum Petri similitudinem referre dixisses. Voxque erat una omnium palam affirmantium „post eundem Divinum Apostolum, Antislitem, qui æquē ac „ipse Turisius dignitatem gessisset, nedum superasset fuisse neminem. Hæc Testis. Quæ reverentia ipsius, quæ pietas in Templo versantis? Ea certē quæ omnium mentes ad pietatem eandem excitaret. Ipsius vel solus aspectus, ad pietatem atque modestiam quosque ipsū intuentes permovebat. Totus mente atque corde in Deum abreptus, non inter homines, sed inter cœlestes versari videbatur.

XXV. Ministrorum negligentia in officiis ac rebus Divinis, unde plerunque alii succensent, alii derident, alii mussant, exsibilant, nunquam a gravitate illa nutum indignationis aut verbum doloris extorsit. Clam tamen summa cum modestia, pro suo munere, ministros ipsos corripiebat.

Ibidem.
p. 388.

XXVI. Totum ejus corpus videbatur ab ipsa modestia confectum. Nihil in sensibus, nihil in motibus inconditum. Visus ab ineptiis, nugisque popularibus perpetuū aversus. Spectacula quæ in foro urbis agebantur, & si e fenestris domus suæ ipsi foro imminentibus, optimus prospectus esset, ne subitario quidem aspectu unquam dignatus est. Ea dum darentur maximo vulgi plausu, in secretum conclave ipse abditus divinis precibus, aut utili commentario vacabat. Quo tempore domesticis spectandi facultate negatâ fenestras ipsas in execrationem immaniſſimorum ludorum clausas esse jubebat; ne primariis quidem viris dato prospectu. Denique nihil eorum, quæ vulgus videndi studio adeo flagrat, Turisii ut mentem capere potuit, ita nec oculos ad illa convertere, qui seu staret, sive iter faceret, oculos semper ad humum modestè dejectos, nunquam vagantes habebat.

XXVII. In auditu quoque summa modestia. Procul iis auribus otiosa verba nedum lasciva. Aliena delicta ingerentibus, nisi æquum, & fas vellent apertas, perpetuò clausæ: obloquentium susurris nunquam concessæ: rerum peregrinarum, ac novarum minimè cupidæ. Ne aliquando convivarum inutili fermorinatione opplerentur, pii alicujus libelli lectione cavebatur.

Garrulos, atque alienæ famæ parcere nescios, tanquam aspides horrere. In horum sermonibus si quæ offenderet TURIBIUS reprehensione digna, vel fugâ eludebat, vel sermones aliò trahebant, vel psalmi: *Laudate Dominum omnes gentes*, interpellatione tacite improbat.

XXVII. De gustu nil in præsentia repetendum, cum jam satis quæ ad hanc rem faciunt supra memorata sint. Quid de sermonis temperantia? Nemo a TURIBIO se verbo læsum, aut contumeliâ affectum queri potuit. Necessitas vocem elicere sola poterat, multâ prius limâ ab omni superfluitate expolitam, sæpius ad lancem revocatam. Nugas in ore Sacerdotis blasphemias censerî non nescius: ab aliena fama non linguâ minus, quàm aure temperandum. Sordida verba æquè procul habuit, ac vitam turpi labe foedatam. Delicta ut arguere non omittebat, ita omni id patientiâ, doctrinâque præstabat. Increpationis amaritudinem, suavi sermonis efficaciam ita temperare solitus, ut ægri sanarentur, non exasperarentur. Solitudinem magnopere amabat, ubi cum Deo loqueretur, Doctorumque præcepta ex eorum lectis commentariis audiret. Viri sanctitatem, ac perfectionem hinc ad summum disce: Nunquam in verbo peccasse coargui potuit.

Ibidem.
p. 289.

XXIX. Ad hæc ne qua pars corporis Mode stia honestissimos ornatus exueret per quam diligentissimè cavit. Præter os, ac manus, cætera detexit nemini. Tangere, ac tangi præterquam a pueris, quibus exosculandas manus præbebat, eorumque capitibus illas imponens, bene precabatur, æquè exhorruit. Servos idcirco a vestibus nunquam adhibuit, neque alicujus induendo, exuendove corpore operâ usus. Libet hanc rem lepissimi exempli narratunculâ confirmare.

XXX. In Suburbanis Truxilli agens TURIBIUS, pustulæ in manu erumpentis ita dolore excruciarî cæpit, ut plures dies etiam febri laboraret. Nec dum planè convaluerat, aut manus adhuc ægræ involucri abjecerat, cum insigni honestate, ac nobilitate laudatissimam foeminam ibi commorari intellexit. Ad eam invisendam more illi novo, quippe qui omnem foeminarum consuetudinem æquè refugeret, atque ad pietatis officia exhortandam, quibus ejus loci incolis multum prodesse posse sciebat, conferre se non indignum putavit officiosissimus Præsul. Quo facto datâque occasione, ægritudinis suæ causam foeminæ exposuit. Illa commiserari se dixit: non difficile tamen sibi fore remedium, siquidem curari a se non displiceret. Manum tantum

sibi

sibi explicatam traderet, ut morbi genus animadvertere posset. Medicina in Peruviiis apud foeminas versatur. A viris non æquè culta. Peritissima verò siqua alia medicæ artis hæc qua de loquimur censébat. TURIBII ad hæc responsum fuit, non oris, sed pudoris. Neque aliàs perturbari magis visus. Manum mulieri tractandam tradere, vel tantùm rogari modestiæ inexpressibilem offensam ratus. Jamque ab ea magis quàm a sua pustula timens, discessionis occasionem quàm fieri posset citissimam, silentio expectabat. Quod servus animadvertens, causâque perturbationis optimè deprehensâ pro Domino discedendi veniam statim petivit; longiorem moram valetudini nondum confirmatæ apparere ex recenti vultus perturbatione minimè opportunam prætexens. Nihil ibi Præsul cunctatus, dictâque principi foeminae paucis verbis salute, ab ejus aspectu, velut ab angue refugit: auditus identidem in digressu, ac per viam dicere: *Pape! Mo manum tradere! Manum nostram velle, & videre, & contrèllare!* Tanti nimirum valetudinem manus non æstimans, quanti Modestiam.

XXXI. Sed TURIBII humilitas, in propriis virtutibus occultandis tegendisque maximè enituit. Servile circa corpus suum ministerium non admittebat; eodem, quo ipse cubiculo, neminem dormire patiebatur: foribus munitis penitissimè a cæteris se recipiebat, ne quis scilicet se noctes integras divinis commutationibus vacantem: ne in pavimento vel aslere, in summa quietis necessitate cubantem: ne flagellis nudâ tergâ cruentatam; ne cætera poenarum, ac virtutum instrumenta: ne frequentes ad cæleste bonum aspirationes, ac suspiria; ne cum Cælitibus ipsis sæpe consuetudinem observare, aut evulgare posset; Quid quòd & domesticis innocenter imponere ne ex indicibus deprehenderetur solitus erat? Lectum enim habere in cubiculo optimè instructum voluit, quo ad quietem se usum, ut credi posset, mane perturbatum relinquebat. At servorum sagacitatem ne ita quidem fefellit, dum lintea semper eodem modo candida, nulliusque corporis attritus referentia animadvertabant.

XXXII. Quamvis assiduis doloribus cõflictatus ob quotidianas sui corporis cædes, cæterosque cruciatus, summam tamen, ac perpetuam vultus hilaritatem præferre vidisses, ut nullo vel dolore, vel incommodo affici videretur.

XXXIII. Per Provinciam quibus locis secretissimum cubiculum non reperisset, agrorum, ac sylvarum solitudines nocte petebat,

Ibidem
p. 291.

bat, ubi sine arbitris, nulloque observante, liberioribus suspiriis, aspirationibus, gemitibus, corporis castigationibus, Divinam Majestatem imploraret.

XXXIV. Denique illud planissimum est, ac maximè perspicuum, de se suisque rebus, vel semper eum tacuisse, vel necessitate cogente, tanta cum modestia locutum, ut quæ occultare omnino non posset illa quàm accuratissimè imminuens celaret. Ita cum de iis ad Pontificem Maximum, seu Regem referret, omni verborum ambitione, omni ampliatione abstinere, ut inornata veritas, haud perinde splenderet.

Ibidem.
p. 292.

XXXV. Cæterum cum tanta animi demissione, ac modestia, magnanimitatem, dignitatis quæ summam, ac prudentem rationem, conjunxisse TURIBIUM omnes testes confirmant. Neque enim Modestia est, sed inertia, quæ aliquando ubi opus est nescit attolli. Sensere Garzia Mendozes, atque Aloysius Velasquius Regii Præfecti. Sensere Joannes Ortizius, atque Alphonsus Alvarettus Prætores. Sensit cum suis affectis Cusquensis Antistes: sensere innumeri alii, quàm sublimes ab ea Humilitate spiritus interdum exurgerent. Quàm enim in se peccantibus modestus, atque indulgens, ut qui non alium de se, quàm de vili mancipio omnibus omnium contumeliis, odiis, injuriis obnoxio conceptam opinionem habebat, tam acer ac fortis in Religionis, aut Sacri Juris violatores, flagitiisque præcipuè Clericorum arguendis, ac vindicandis esse videbatur. Si quos enim turpis lucri cupidos, aut hujusmodi criminum reos: si quos inquinatis moribus: si quos sacram personam indignè pudendèque agentes, publicè convictos comperisset; cum his non sibi adeo demissè agendum, connivendumque rebatur.

C A P U T III.

TURIBII *In Paupertatem amor.*

Ca. XVIII.
p. 273

I. **J** Am ut in summa demissione erectus, ac sublimis, ita in multa opulenta pauperrimus. Limesium Antistitem census quanti sint, alibi dixisse me memini, ampli nimirum, & ei Præfecturæ non impares, TURIBIANIS temporibus etiam aucti plurimum. Ad triginta enim scutatorum millia annui redditus Successori reliquisse dicitur, triplo enim auctiores reddius, quàm cum illam Ecclesiam regendam suscepit moriens reliquit.

II. In hac igitur opum copia summam paupertatem potuisse perpeti, prodigii simile videri queat, nisi & voluisse credatur. Nun-

Nunquam enim animum induxit eos redditus, quos amplissimos percipiebat, suos esse ut crederet; sed Christi pauperum, inter quos postremo se loco numerabat. Hinc minimâ eorum parte ad suos, familiæque necessarios usus vix servatâ, cœteros iis distribuebat, quorum & esse censebat. Illud omnium testimonio certissimè constat, ne teruncium quidem apud se habere voluisse: Nummorum nec nomina, nec pretia nosse; abstinuisse denique tanquam a fordibus, & quisquiliis ab omni pecuniarum contrectatione. Procuratoribus censui suo præfectis diligentissimè mandaverat, ut dati, acceptique rationes in Tabulas referrent, ne pauperum patrimonium dissiparetur curarent. Ut autem citra omnem fraudem summâ fide administraretur, ejusdem reddi rationes ad quadrantem quotannis saltem volebat. Duumviris religiosæ severitatis, æquitatisque incorruptæ. Tunc maximè lætus tanquam Divinitatis creditor, cum omnem censum pauperes abstulissent, superarenturque accepti rationes.

III. Cresceret census, an minueretur scire neutiquam laborabat: neque Procuratores de ea re unquam interrogavit, dum qualiscunque esset optimè dispensari cognosceret. Adeo ut non locupletis nomen sibi compararet, sed ut boni dispensatoris parum, an multum a Deo dispensandum acciperet, fatagebat.

IV. Ut plura essent, quæ dare posset a domesticis sumptibus, a sua mensa, ab indumento, nonnihil vel necessarium suffragari, decorum honestumque habuit. Alienam paupertatem non ferens, suam amans.

V. Nullam sibi exactionum decumarum, nullam quartarum, nullam cœterorum nominum curam assumere.

VI. Enim verò in ædificiorum extructionibus (Ædes enim sacras plurimas, Valetudinaria, Asceteria, Collegia extruxit) Ibidem. P. 275. præter omnem suum morem fabris, atque operis ipsemet præf. se (neque enim Procuratorum diligentiam satis fore putabat in stipendiorum dispensatione promptam, ac fidam) ipsemet suis manibus, ea operariis partiri voluisse dicitur.

VII. Præterea suarum rerum nihil satagens, nihil sollicitus, quorum totam administrationem a se rejecisset, in Collegii tamen bonis administrandis, quæ ad sacrorum Ministrorum Seminarium augendum pertinebant, adeo sollicitus, adeo fraudem metuens fuit, ut nulli eam abs se curam committendam putarit. Ipsemet annum ejus proventum, relatum in Tabulas habere;

ne

ne quid minueretur summâ diligentia, ac studio curare.

VIII. Ad mendicandum quotidianum victum se redegit; quidem res ipse suas administrare itidem voluisset. Etenim adeo nihil sibi retinere poterat, ut si hodie quidquid auri in Peruvii est, suum esse novisset, nihil in crastinum diem sibi integrum reliquisset quod indigentibus non distribuisset. Opus erat ut nesciret rationum suarum numeros, ut non statim ad nihil deveniretur.

IX. Opes mortales tanti fecit, quanti res nihili, ac meras nugas. Quamobrem ut nullo earum amore capiebatur, nullâ admiratione, ita æquè omnes contemnebat. Con sanguineis magis ipse alebatur, quàm eos alebat: quos siquæ fortunarum angustiae premerent, a vulgo pauperum non secernebat.

Ibidem
p. 276.

X. Augendæ rei nullæ artes, licet bonæ & honestæ. Quantum enim pecuniarum conlasset, si quæ fas permittit munera in provinciali negotio accipere ab initiatorum, confirmatorumque tot centenis millibus voluisset? Cereos, sudariola, tænia, cæterorum Præfulum emolumenta non levia, non accepit, etiam dedit. In jure dicundo, ita ab omni sorde abstinuit: ut ne ea quidem acciperet, quæ leges omnes permittunt. Nil illi venale, omnia gratuita. Supremis tamen vitæ temporibus fiscum habuisse dicitur, in quem illud tantum æris conjiciebat, quod colligebat ex multis quibus plectebantur ii qui ausu contumaci sacras Censuras incurrebant: illâ pecuniâ in pios tantummodo usus nullamque aliam in rem semper utens.

XI. Cum pauperculis veluti sui similibus, versari magnopere gaudebat, quorum circa se greges, cum cibum præsertim caperet contueri, negatis sibi ipsi dapibus refovere, eodem quo ipse bibebat cratere poculum dare, delicias ejus esse credidisses.

Ibidem
p. 277.

XII. Ex eodem erga Paupertatem affectu, provinciales res administraturus ea secum dumtaxat convelli patiebatur, quæ tam longè ab ostentatione essent, quàm cum summa necessitate conjuncta. Hæc verò ipsa, quæ Præfulem decerent, ac pauperem. Quanta in vestibus modestia jam supra meminimus, ut a cæterorum Sacerdotum vulgo vix quiret internosci. Nec semel accidit, ut ad eum venientes homines rudes Archiepiscopum ab Archiepiscopo quærent; vestium simplicitate, paupertateque decepti. Culcitram maximè tritam ac vilem, cum lodicula & linteis ejusdem notæ, ad minuendam potius hospitibus læti comparandæ curam, quàm ad ullos suos usus deferre solitus. Quam pauper-

tas

tatem quidam aliquando e familiaribus admiratus: *Cur*, inquit, *Domine in tuam dignitatem sic peccas? Hæc Limensis Præfatus lætas? hoc stragulum? hæc culcitra?* Post quotidianam, ac laboriosissimam administrationem defecto pene corpori quæ delitiae! Saltem valetudinis ratio habeatur, ubi dignitatis ita negligitur. *Quæ quies in culcitra tam dilaniata inveniri possit equidem non video. Cognitionem peregrinus, Domine, si laboribus tantis nulla succedat quies. Quis dubitet oneri succubiturum, interiturumque brevi corpusculum? Non unâ opus est tibi, sed geminâ culcitram, optimè facta, atque instructa, ut valetudini, dignitatiq; non dico fiat satis, sed ut non injuria.* Ad quæ Præfatus: *Apaga*, inquit, *istas curas hoc tempore. Montes quod tendimus abundant stipulis. Sat molliter cubabitur, si super his addatur & culcitra, licet non optima, ac leviter facta.* Quo responso, quàm maximè paupertatis artibus delectaretur satis declaravit.

XIII. Nec in stragulo solum eam amare præfetulit, sed in cæteris quibusque rebus: nam identidem Indorum ad sedes profectus, quò abacus domesticus propter naturam locorum asperam, & aviam sequi non poterat, incolarum patinis, quas mates vocant, atque e cucurbitis bipertitis conficiunt, agrestem pulcem tantâ suavitate capere visus, quantâ in argenteis, atque auris non cepisset.

XIV. Pecunias adeo non amavit, ut etiam hostilem erga eas animum gesserit, nec apud se habere voluerit, nec eorum nomina, aut pretia didicerit. Eventus id aliquando apertissimis indiciiis comprobavit. Clericum nescio cujus criminis reum mille aureis multarat. Multam ille, utpote pecuniosus, ac viri opinione suâ sancti sententiâ se justè damnatum ratus, ad eum statim detulit, sacculisque apertis in mensam effudit. Obsupuit Turbarus in tot aureorum copia, seque tantâ eum summâ multare voluisse negavit. Tum particulâ multæ nomine sepositâ, quam partim sacris Virginibus, partim rei ipsius consanguineis pauperculis attribuit, cætera quæ supererant, sibi hominem referre jussit. Hæc Jacobus Lusitanus Regii Senatus apud Carchas Præfex, virtutis, ac prudentiæ laudibus Vir apud Indos celeberrimus, narrare de Turbario solebat.

XV. Illud quoque alteri accidisse referre solitus, qui debitam pecuniæ pensionem ad eum detulerat. Cognito enim pecunias deferri: *Procul hæc*, inquit, *procul. Apaga e domo mea hostis. Ad Franciscum Quinonium deportato.* En quo loco aurum, atque argentum ab eo censcebantur.

Ibidem.
p. 278.

Q

XVI. Ad

XVI. Ad oras aliquando Indorum accesserat ubi summâ rerum inopiâ laborabatur; eademque erat Ædium sacrarum conditio quæ totius gentis. Nihil splendidum, nihil cultum, nihil ad res Divinas dignè comparatum. Quas misérias relevare Præful volens, omne argentum suum, ac vestem inter pauperes, Ædesquæ sacras diviserat, ipse ad maximam inopiam redactus. Non pedo, non Cruce, non pelvi, non aliâ quavis re suos ad usus reservatâ. Interrogantibus, cur sibi necessaria ad mensam, ad indumentum aliis daret? *Hæc, ait, domum regressi, aberat ostingenta ferè millia passuum, facile nos reparare poterimus: præsentis sacrarum Ædium necessitati consulere, nunc satius est, Divinisque obsequiis inservire.* Aliis jam abacum vacuum, nullamque super patenam argenteam, in qua cibus ministraretur esse quærentibus: *At Apostoli,* inquit, *nunquam argenteis lancibus usi sunt.* Quo se quoque eorum æmulatorem fictilibus, ac vili Indorum pauperum catillo in mensa sua uti posse significavit. Neque Apostolico Viro indignum idcirco agi.

Ibidem.
p. 279.

XVII. Constat denique post mortem ne obulum quidem in fideis ejus repertum, quo exequiarum honos pro dignitate haberi posset. Omnem quippe ejus anni censum jam in pauperes effuderat, ut alienis sumptibus funus ejus curari oportuerit.

C A P V T IV.

Ejusdem LIBERALITAS.

Cap. vii.
p. 220.

I. **H**ACTENUS pauperem TURIBIUM demonstrasse sufficiat: Jam Liberalitatem, vel Paupertas ipsa miretur. In uberrimam sanè segetem falcem immitto, quam si totam persequi velim deficiam, antequam finio. Selectiora quædam delibare opus erit, ne multitudine, magnitudineque obruar. Equidem paucos antiquæ sanctitatis Viros in hoc liberalitatis studio pares habuisse TURIBIUM existimo, recentis fortasse nullos.

II. At quomodo, qui nihil pene apud se habuit, tot tantaque poterat aliis impertiri? Hoc nimirum paradoxi simillimum est, quod & nihil habuit, & plurima tamen dedit. Plurima vero! Immo plura dedit, quàm habuit. Miraris? Age dum, res dictis mox fidem facient.

III. Academia Vallisoletana testis est, quàm liberalis ejus adolescentia extiterit, quo loco primum Largitoris seu ELEMOSINARIJ cognomen audire cœpit. Portionis pro ejus alimentis

mentis a parentibus missæ maxima pars miseris aluit. Sibi vel maxima necessaria subtrahebat ut pauperes pasceret, ac foveret. At de his temporibus, vix pauca TURIBIANÆ liberalitatis vestigia retinentibus inveniuntur. Haud dubium quin singularia multa, atque egregia hujus edita exempla generis, unde tam clarum cognomen accederet, scriptorum vitio interierint. Est, ut jactura dolenda sit, tot tamen, tantaque in Pontificatu edidit, ut horum copiâ, illorum supplere possimus defectum.

IV. Illud cum primis in genere mirandum subit suo censu liberaliorem fuisse TURIBIUM, hoc est, plura ut dicebam dedisse, quàm habuerit. Rationum Tabulis Præfectus Franciscus Quinonius datis cum acceptis sæpe collatis, cum superare illa multis numeris videret, ut non pari magnanimitate, expensas, hoc est, in miseris liberalitatem contraheret cum hortabatur, alioquin eò se redactum iri, ut ære alieno ad se familiamque servandam obstringeretur. Ille verò, cui præter munificentiam, singularis de Providentia Divina erat fiducia, hos timores eludens, extendi potius, quàm contrahi jubebat, illud identidem in ore habens: *Hilarem datorem diligit Deus.*

Ibidem, p. 221.

V. Quoniam verò duæ illi manus dandi voluntati non satis erant, a largitionibus viros habuit publicos, ac privatos. Hos e paucis omni virtutum genere ornatissimos, spectatissimæ fidei, atque incorruptos delegit: qui miserorum nomina scripto exciperent: eorum necessitates pervestigatas sibi renunciarent: pro earum ratione pecuniis a Procuratore suo acceptis opem ferrent.

VI. Nemo quidquam ab eo petiit, quin voto majora retulerit: neque enim ad modestiam petentium, sed ad liberalitatis suæ libram danda pensabat. Qua in re nullas interponi moras tulit, nullas excusationes Procuratorum caritatem pecuniariæ rei querentium ratas habuit. Nisi statim daretur quod jusserrat, brevissimas quasque moras geminatâ liberalitate corripcebat.

Ibidem, p. 222.

VII. Omnem porro TURIBIANÆ liberalitatis rationem trifariam divisam esse animadverto. Partem Religio, & Sacra obtinuerunt. Reipublicæ altera pars, ac miseris generatim cessit, juvandis. Tertia in miseris singillatim collocata est, quarum quæ alteram superavit haud ita facillè dijudices.

C A P U T V.

*Liberalitas in his, quæ ad Religionem, & res
sacras spectant.*Cap. viii.
p. 223.

I. PRIMAS quidem habuit Religio: etenim, cum ejus esset amantissimus, nusquam, quæ ad eam pertinerent neglectui habere, aut non pro dignitate excoli passus est. Multas per Provinciam Aedes sacras ædificavit, multas restauravit, multas suppellectili sacrâ exornavit. Quod si Regionem totam Peruviensem obire, singulorum locorum, ac gentium voces percipere posses, passim audire liceret. Hanc Aedem TURIBIANA liberalitas mihi extruxit: alibi TURIBIANÆ largitatis monumentum, has Nolas, hos sacros Calices, hæc sacerdotalia ornamenta agnosce. Illic ostentarent candelabra, & Cruces ex argento, hic acerras, & vasa ad rem Divinam conficiendam non vulgaria, cum ejusdem liberalitatis commendatione. Vix gentem amplissimæ Provinciæ ullam tam procul positam, ad quam TURIBI beneficium aliquod non pervenerit, ubi singularia non extent vestigia reperies. Pauca hic e multis persequar, quæ locis insignioribus liberaliter gessisse fertur, ac dignitatem habere videntur majorem.

II. Ac illud primùm occurrit, quod apud quemdam Indorum populum factum est. Eò progressus cognitionis causâ TURIBIUS pro Aede sacra pene stabulum conspexit. Crux e simplicioribus lignis compacta in cippo rudi, atque inornato unicum inerat Religionis vestigium. E rebus cæteris nil Deo dignum. Causam tantæ incuriæ ex incolarum incredibili paupertate pro fisci intelligit. Sacerdotis tenuissimas res vix alendo pares. Igitur eam Templi faciem squalentem, ac foedam miseratus Præsul, præsentī ope quâ maximè potuit adjuvit. Atque inter cætera ligneam illam Crucem pro altari positam argenteâ suâ commutavit, eaque in hastam sublatâ sibi præiri jussit, donec argentea haberi ex Urbe posset. Sæpius id factum memorant & aliis locis ubi eadem necessitas premeret. Adjecit nonnunquam, & argenteos urceolos cum pollubris, ad Divinorum ministeria. Adjecit sacras vestes, adjecit candelabra, & acerras, & calices, & hamulas, quibus omnibus uti ipse consueverat: vulgaribus interea, atque e viliori materia ipse utens.

Ibidem.
p. 224.

III. Pagum de nomine Sanctæ Mariæ de Parilia dictum inven-

vifenti, loci Sacerdos Martinus ab Arancivia ejus sacrae Aedis inopiam TURIBIO commemorat, atque opem poſcit. Neque enim, ajebat, Dominici Corporis anniverſariis ſacris duci ſupplicatio de more poteſt, deerant quippe omnia quae ad geſtandum decenter Chriſti Corpus neceſſaria erant. Non ultra rogandus fuit Praeſul. Continuo ſex argenteas lances e ſuo abaco dari juſſit, quarum pretio ſacrae ſuppelleſtilis neceſſitati conſuleretur. At ſervus qui dare juſſus, duas inſignis magnitudinis, atque elegantiae aliis aliquanto minoribus commutare auſus, in cauſa fuit, ut donatum augetur, ſexque illis, & duae minores jungerentur.

IV. Apud Canchaum Pagum, ſervi incuria ſcyphus aureus trecentis vix ſcutatis factus, paternum TURIBIO monumentum, amittitur. Quo cognito idem ſervus, prius Domino quam nuntiaret, remeſſi retro itineris conſecti ſpatia ſtatuit, ſicubi forte inveniret amiſſum. Invenit, rediitque altero die, noſtem enim totam quaerendo abſumpſerat, cum ſcypho laetus. Res TURIBIO renuntiatur, qui praeteritam ſamuli ſollicitudinem ferre aegrius quam pro ſcyphi recuperatione letari viſus eſt. Mox ne ultra quod omnium erat cariſſimum amitti poſſet, Deo Optimo Maximo donum dedit in ſacrae ejus Aedis ornatum transferendum.

V. Armentum Bouum (qua una in re omnes ejus gentis vitae artes, ac fortunarum ratio conſtat) in Majobambenſi, & Caco-pojenſi ditione copioſum emit, cujus fruſtibus Paraciam ditavit, ubi propter inopiam nec Sacerdos, nec Divinae res haberi poterant, magno incolarum damno, animarumque pernicie.

VI. Majobamba vero Urbi, minimè omnium ſplendida, ac locupleti, in ſacrae Aedis munditiem, ac decus quid non dedit? Lampades deerant. Argenteas fieri curavit. Vaſa ad rem Divinam paupertate ſqualebant. Auro, atque argento nitida effecit. Sacrae veſtes deſiderabantur. Splendide providit. Oſto praeterea ex argento paropſides dedit. Simul Crucem cum haſtili, dicens, ob ponderis nimiam gravitatem commodè praeferrī non poſſe. Campanas non ſacravit ſolum, ſed magna ex parte aere ſuo curavit.

VII. In Provinciam quoties profectionem adornabat, multum argenti facti, multum Atticae veſtis in ſarcinas conferebat; ſpecie quidem pro ſuis uſibus, revera ut indigentibus Eccleſiis elargiretur. Nam illud omnium conſenſu conſtat nihil unquam domum retuliſſe eorum, quae convehi ſecum juſſerat, non pa-

Ibidem.
p. 225.

paropside, non argenteam Crucem quæ illi præferri solebat ; non sacrum Pedum. Immo non semel accidit, ut antequam domum reverteretur ter, quaterque totam suppellectilem reparare oportuerit, quam brevi tempore ita transferebat, ut nihil sibi reliquum faceret.

VIII. Cum verò domi esset, non tamen liberalitatem ejus Aedium sacrarum angustia desiderarunt. Cognitores enim ad eas interdum mittebat, datis muneribus non exiguis ad tenuitatem sacræ rei sublevandam, ad coëmenda sacerdotalia ornamenta, ad removendas Divinis altaribus sordes, atque accersendum splendorem.

IX. Quale Capocavanensi B. Mariæ Virgini Sacellum in Urbis Regum Basilica condiderit, pulcherrimè nimirum instructum, ac liberaliter ornatum: qualem Divo Lazaro in suburbio Limensi Aedem: in ipsa verò Urbe quale Divæ Claræ cum sacrarum Virginum Collegio Templum, jam supra demonstratum. Multa quoque in Ecclesia sua, singulari munificentia, ac liberalitate ab eo facta, etiamsi testes taceant, ratio persuadet. Neque enim veri videtur simile sponsæ suæ ornamenta nulla quævisse, qui tot tantaque solebat alienis.

CAPUT VI.

Liberalitas in iis quæ ad Rempublicam, & miseros generatim.

Cap. IX.
p. 225.

I. **A**LTERAM TURIBIANÆ munificentia partem publicæ res occuparunt. Res voco publicas, quæ non ad unius singularis personæ commodum, sed ad multorum pertinent qualia sunt Collegium, Academia, Valetudinaria, atque hujusmodi, vel a fundamentis propriis extructa impensis, vel ab angustis rerum necessariarum liberaliter erepta. Non hîc repetam: quæ supra de TURIBIANA Academia, deque sacrarum Virginum domiciliis maximis ejusdem sumptibus exædificatis, amplissimis proventibus auctis, commemoravi. Pauta tamen exempla non omittenda videntur, in quibus quàm præclarè in hoc publicæ liberalitatis genere TURIBIUS præcelluerit dijudicare non possit nemo.

Ibidem
p. 226.

II. Valetudinarium habent Hispani præcipuum in Urbe Regum sub auspiciis Divi Andreæ Apostoli. Hujus auctor Præbyter quidam sæcularis Franciscus de Molina. A quo rogatus Præsul

ful ut opus longè maximè pium ope suâ juvaret, ducentos ei pendì argenteos continuò mandat. Procurator, erat is Franciscus Quinionius, de quo sæpe memoravi, defectum præsentis pecuniæ causatus, sequenti die se numeraturum illam dixit. Quâ difficultate Turisius cognitâ, ac perendinationis impatiens, parendi enim aliquam in cæteris cunctationem ferre poterat, in largitionibus nullam, Mancipium ex Maurorum genere quingentis nummis emptum, cujus operâ uti plurimum in administratione domestica consueverat, cum litteris ad eundem Molinam mittit, in quibus erat scriptum: Litterarum latorem, prodilata a Quinonio largitione jure retineret: atque ut valetudinarii proprium in ægrotantium servitiis deinde occuparet.

III. Haud multo post eidem Molinæ quinquaginta aureos numerari jubet. Eadem pecuniæ difficultas, eadem mora. Quid faciat? Hominem Turisius e stabulo suo Mulam omnium præstantissimam, ac multo sanè majoris pretii, quàm quod a Quinonio citò non dabatur, sibi adducere pro pecunia jubet.

IV. Ut malè valentibus in Nosocomio, subsidium aliquod impertiretur, tertio a Præfecto in summa difficultate rogatus, quingentos dari scutatos præceperat. In diem posterum jussu dilata. Quod suspicatus Turisius a Procuratore redeuntem hominem e fenestra videns, ad se vocat, & an quingentos acceperit, percontatur. Promissos in alterum, aut perendinum diem affirmanti: *Non ita*, inquit, *jam nunc, si Deo placet, necessitati ægrotorum consulendum est*. Tum dari jussit Mulam suam, umbellas majores quæ domi erant omnes, quatuor scyphos argenteos, par Maurorum servorum, aliaque non quingentorum solum pretio, sed multò pluris æstimanda. Super hæc vero die sequenti promissam pecuniam ad assen numerari voluit.

V. Ad hæc duo aureorum nummum millia ad ægrorum curationes, ac puellarum dotes singulis annis xenodochio, cui a Caritate nomen, impertiebatur. Neque his contentus, cætera quoque ægrotantium Collegia magnis opibus juvabat.

VI. Anno Limensi populo peste laboranti, quâ liberalitate afflicte Civitati subveniri jusserit supra exposuimus. Ibidem.
p. 227.

VII. A Rege Hispaniarum Philippo Secundo, seu potius ejus nomine a Regio Præfecto Aloysio Velasquio mutuatam pecuniam, aut donativum in Reipublicæ nescio qua necessitate rogatus, ubi viros doctos de ea re consulisset, de eorum sententia decem

decem millia nummum donativi nomine dedit. Eâ tamen conditione, ut in Christianæ Religionis propugnationem atque opem insumerentur, expeditione adversus barbaros susceptâ. Alioquin a voluntate sua valde alienum fore, si pauperibus debitâ pecuniâ Regius fîscus locupletaretur.

VIII. Francisco Quinonio sororis viro ad Quilensium res administrandas cum imperio proficiscenti, viginti millia nummum, quos ejus Regni militibus Hispanis summa victus, ac vestis inopiâ laborantibus, ac stipendiis ferè nullis bellum Christianum adversus barbaras nationes gerentibus donativum afferret.

IX. Innumeram præterea hujusmodi militum multitudinem cum conjugibus, ac liberis, fame, ac nuditate, cum iis stipendia non numerarentur, miserrimè pereunti um quotidianis largitionibus aluit, ac vestivit, atque eorum parentem semper se, patronumque gessit. Quippe indignum putabat ærumnis eos, ac miseris conficiendos permittere, qui ad Christianæ Reipublicæ defensionem in laboribus versabantur.

CAPUT VII.

In miseros quosque singillatim Liberalitas.

Cap. x.
p. 228.

I. **H**ic mirari necesse est & animi, & donorum magnitudinem, quorum tamen plusquam millesimam nos partem nescire certò scimus: pluraque in his adeo sibi invicem similia, ut majori operæ pretio omitti, quàm iisdem pene verbis cognosci narrata posse videantur. His nihilominus quæ dicentur magnitudinem, atque admirationem existimo non abfuturam.

Ibidem.
p. 229.

II. Aliquando duo ex Religiosa familia Viri in itinere illi occurrentes aliquod subsidium suis necessitatibus petiere. Nihil erat ad manus. Adire Oeconomum suum iussit. Dedit ille quatuor denarios. Desiderata tamen in eo largitas, majoraque ab ipso Præsule se accepturos fuisse, ut pro certo habebant, ita aucturum largitatem, siquidem tenuitatem resciret sperabant. Igitur gratias agendi specie, revera ut ab ipsius notissima liberalitate majus quidpiam elicerent, iterum se illi offerre non dubitant. Nec sua eos fefellit opinio: nam cognitâ Præsul parvitate largitionis, ac necessitatis petentium magnitudinem, Maurum illis famulum dono dedit. Illi modestè recusare, neque enim

câ be3

eâ beneficentiæ amplitudine rerum suarum statum indigere. Minori sublevatum iri. At nihil idcirco Præsul de liberalitate minuit. Quod dederat datum esse, ratumque voluit.

III. Oculorum ægitudine quidam ex Ordine Prædicatorum Vir Religiosus ad cæcitatem penè laborans, cum remedia adhibere, aut comparere ob paupertatem non posset, a TURIBIO opem imploravit. Quinquaginta *Patacones*, monetæ genus, Chirographo suo dari iussit. Visâ sunt largitionum Præfecto triginta sufficere. Nec plura sanè dedit. At redeuntem ab eo virum Præsul excipiens. Quantum pecuniæ illi datum exquirat. Cum triginta solum data comperisset, redire ad Præfectum hominem iussit, suoque nomine centum exigere. Paruit. Præfectus tamen in majori summa plus hæsitavit. Quod ubi TURIBIUS cognovit, ducenta continuò numerari voluit. Nec finem geminandi unquam fecisset, nisi omni cunctatione sublatâ, quod postremo iusserat datum fuisset.

IV. At illud non minus memorandum quod Augustinus Parade testatur, domesticorum ipsius TURIBII, ac Bernardini Mogrobessii Nepotis relatione a se auditum. A prandio cum ceteris ad corpora curanda dilapsis solus Præsul in triclinio esset, accessit ad eum vir publicè mendicare verecundiâ prohibitus, necessitate coactus; cui cum pecuniam nullam haberet quam daret, nec famulorum quispiam adesset, quem ad Præfectum cum homine mitteret, oculis omnia proximè circumspiciens, ac viso in abaco argenteo cratere, hunc tradens: *Pallio*, inquit, *obte-*
ctum defer.

V. Simile illud, quod Rodéricus Hernandes testis minimè
contemnendus in oculis suis accidisse affirmat, de quadam foe- Ibidem.
p. 231.
mina maximis inopiæ incommodis affecta. Erant enim nobiles illi filia duæ, nihil dotis, nihil quo eas aleret, quo vestes compararet, adeo ut biennio domi inclusas pudor nuditatis tenuisse diceretur, ne in publicum, ne ad sacra quidem prodirent. Audita Præsul fortunæ huiusmodi angustia, opemque rogatus, postquam commiserationis sensum præfetulit, vas argenteum, quod primum fors obtulit, mulieri dedit, cuius pretio, ducentis circiter nummis venire poterat, propriæ, ac filiarum necessitati in præsentia consulere, eandem monens ut ab oculis domesticorum caveret.

VI. Habet cum liberalitate leporem quod sequitur. Aderant vescenti TURIBIO semper mendicorum greges, inter quos

R

appo-

appositas sibi dapes tribuere, eodem scypho poculum, eâdem patinâ fercula ministrare maximopere delectabatur. Hæc aliquando dum peraguntur, in turba frequenti, quidam argenteum vas, in quo cibi portionem acceperat, furtim auferre non dubitavit. Cum quo dum loco se proripit, a famulis deprehensus jurgio non sine verberibus afficitur. Gemitu vapulantis, & fragore commotus Præful, quid turbæ inter servos sit quaritat. Homo miser producitur furti reus. Credebatur scilicet Præful cum eo acerbius acturus, justèque pœnas irrogatas comprobaturus. At humanissimus Præful famulorum linguis manibusque compressis: *Sinite, inquit, sibi miserum habere, quod jurgiorum, ac verberum pretio comparavit.*

Ibidem.
p. 232.

VII. Audita TURIBUS Sacerdotis cujusdam apud Divi Sebastiani in ipsa Regum Urbe animarum Præfecturam gerentis insanabili ægitudine, misit ad eum homines certos, qui suo nomine inviserent, atque opem si quâ indigeret suam offerrent. cælesti providentiâ id fieri æger erga se ratus, renuntiari TURIBIO rogat se quidem omni ope, atque auxilio destitutum cum morte colluctari. Nullâ tamen re magis animum suum angere, quàm quod cum ducenta, atque amplius stipendia & sacrificia acceperat, atque ut suum esse cognoscebat Sacra ex neglectu non fecisset, moreretur, neque restituendi ulla jam esset facultas. Proinde etiam atque etiam orare Præsulem, ut in semet debitum reciperet, animumque suum Divini judicii eo metu liberaret. Quibus Præful auditis, *videamus*, quasi per jocum ait, *quid pecuniola fiscus noster pepererit* (in hunc emolumenta ex subscriptionibus censurarum jure facta conjicere sub extremis vitæ temporibus coeperat, in stipendia sacrificiorum pro piis Defunctis impendenda) sciebat enim pauca quædam se conjecisse præsentem minima ex parte necessitatem levatura. Mira res! Aperto fisco ducenti & plures nummi, quos *Patacones* vocant, in eo reperti, cum ne viginti quidem ante injectos fuisse constaret. Hinc decumbentis cumulatissimè eo ipso die votis satisfactum, in cunctos pene Urbis Sacerdotes distributis idcirco stipendiis. Accessit ipsius Præfulis sacrificium. Quibus nuntiis jam lætior ægrotus, intra duarum horarum spatium placidissimè christianâ morte obdormivit. Cui etiam funus Præfulis impensâ non illiberaliter ductum.

Ibidem.
p. 230.

VIII. Petenti subuculam militi duas dari jussit. Ubi datas ex detritis cognovit, cubiculum ingressus quam paratam sibi reperit

perit candidam, atque optimam ei dedit, additâ pecuniarum largitione.

IX. Filias in matrimonium collocaturis opem ab eo implorantibus, alii ducenos aureos, alii Mulam phaleris ornatam, alii mancipia dedisse traditur.

X. Si quando loculos exhaustos præteritâ largitione inventuros qui a se aliquid petebant suspicaretur, ne frustra largitionum Præfectum adire cogeret, plerunque enim ad ipsum mittebat, eis quicquid pretiosi ad manus suis offerebat, aurum, argentum, lapides pretiosos, vestes suis ipse manibus statim dabat. Qua in re, ne indumentis quidem sui corporis quibus eo tempore utebatur pepercit: nam Clerico indigenti togam, qua indutus erat aliquando donavit.

XI. Alteri verò Servatoris Nostri natali die largitiunculam roganti, ac subucula se carere dicenti, detractam quam sibi ipso die novam induerat dedit.

XII. Candelabro aliquando argenteo dato, candelam manu suâ tenere visus est. Quam rem indignè ferentibus servis. *Dimittite, inquit, has curas: Archiepiscopus nullâ re indigere potest. Omnia illi supervacanea sunt.*

Ibidem.
p. 214.

XIII. Dominicæ Passionis die anniversario in itinere, Indo, ac miserabili viro, omni Christianæ Religionis cognitione destituto obviam factus, opemque aliquam ab eo rogatus, postquam Fidei rudimentis animum, quasi cælesti pabulo imbuït, panem quoque quem unicum, ad ejus diei refectiunculam habebat dedit: ipse incurato corpore, viâque fesso, in posterum jejunus permansit.

XIV. Hispani hominis ex eorum numero, quos Indi *Ga-petones* vocant, hoc est novos colonos, petitione, dum Truxillum iter habet, auditâ, visâque calamitate, cum nihil ad manus esset, a pedibus mutuatus est. Caligas quippe dedit, ocreis sibi solis ad crurum tegmina retentis.

XV. Alteri etiam non petenti, quem inter vastæ solitudinis arenas, mulæ clitellaræ, macie, fame, ulceribus pene confectæ insidentem reperit, suam ultro obtulit optimam, optimo ephippio, ac phaleris instructam. Statimque jumentis commutatis, clitellis ipse sedens, atque infelicis bestię dorso latus, iter suum feliciter & hilariter profecutus.

XVI. Sic pius & liberalis Præsul quanquam calamitosos omnes, atque egestate vexatos summa cum benevolentia, tum

beneficentia prosequeretur, infirmos tamen, sui que corporis invalidos fovendo, largitionibus opem ferendo, liberalitatem ipsam vicisse visus. Etenim non contentus Dispensatorum suorum diligentia, ipsemet nocte intempesta famulo tantum conscio, accomite horum tuguria petebat, atque humanissimis eos verbis consolatus, largo pecuniarum subsidio eorum inopiam levabat.

Ibidem. XVII. Provinciam obeunti sub Christi Domini Natalem munus a sorore Grimanessa delatum insigne, iisque omnibus laute instructum, quæ in secundis mensis convivas delectant, pomis, bellariis, cupediis. Vidiſſe illi, pomumque unicum delibasse satis fuit. Cætera decumbentibus ejus Oppidi ægris, aut misit, aut detulit.

Ibidem. XVIII. Nunquam finiam si cuncta in hoc genere persequi velim. Illud generatim dixisse sufficiat, nihil pene in ejus domo fuisse quod statim egenis non largiretur. Etenim qui suum nihil esse animum induxerat, cuncta pauperum. Se verò tantum dispensatorem ne fraudis, atque iniquitatis in rationum suarum judicio argui a Deo posset, maximopere cavendum sibi existimabat. Hinc suum iis quorum erat dispensare nullâ re sibi usurpatâ fas esse ratus, tamdiu rem aliquam domi esse sinebat, quamdiu pauperibus non opus esset. His indigentibus summâ fide impertiebatur; etiam si iis carere sine maximo suo incommodo aliquando ipse non posset. Quemadmodum cum suas vestes, aut stragulum, & lodiculas, aut commeatus, & vitæ suæ necessaria præbebat.

XIX. Nec semper hæc ut peterentur, aut ipse adiretur expectare poterat, sed e fenestra calamitosos identidem conspiciatus iis quidquid offerebatur projicere solitus erat. Quibus in rebus ut liberalitati indulgere, sic omnium oculos effugere summo opere studuit.

XX. Hinc soror ipsius e domestica quotidie suppellectili aliquid desiderari animadvertens, nunc argentea vasa, nunc stragulam vestem, nunc parietum ornamenta, suspectam famulorum fidem sæpe habuit, earumque ab eis rerum rationem muliebri increpatione castigatis exigere non dubitabat. Quam delitigantem cum Præsul aliquando audiret, ad eam submittebat qui suis verbis significarent: poneret sollicitudinem atque invehi in infantes desineret. Fraudem in famulis nullam: quid de iis rebus actum esset se habere exploratum. Neque amissa, aut depen-

deperdita, sed integra, & meliora reditura.

XXI. Cæterum TURIBIANÆ liberalitatis amplitudinem intra certos limites concludi posse non puto. Septem primis annis, quibus Provinciæ præfuit, rebus adhuc valde angustis supra centum quadraginta tria millia trecenta aureorum nummum se largitionibus pauperum impendisse, ad Clementem Octavum ipsemet fatetur. Chilensium Pontifex, qui pro funere laudavit plusquam trecenta aureorum millia toto vitæ tempore elargitum TURIBIUM affirmavit. Alii pluribus numeris hanc summam transgressum verò similis putant, additis præsertim quæ in ædificiis, de quibus supra meminimus, collocata sunt.

CAPUT VIII.

Caritas erga Proximos.

I. **I**NSIGNIA sunt atque singularia quæ TURIBIUS in proximos caritate incensus gessit, utque in tanta rerum gestarum copia ordinem quendam sequamur, primum de ipsius ardentissimo salutis animarum zelo, deinde de alienæ calamitatis commiseratione, postremò de ipsius erga inimicos amore dilectioneque, atque offensarum omnium condonatione, sermonem instituemus.

II. Jam cum partem hominis optimam, atque immortalem non corpus, sed animum esse perspicuum sit omnibus, hanc TURIBIUS præ cæteris partem sibi in quolibet proximo diligendam, ac juvandam omni studio, atque operâ putavit, adeoque ejus æternæ salutis cupiditate exarsit, ut mirum sit tamdiu vivere eos inter æstus potuisse. Incitamentum illis, & materiam assatim suppeditabat Amor Divinus. Hæc porro cupiditas quem hominem facere non coëgit? quò non impulit? quibus periculis non objecit? Hæc nunquam illum cessare, nunquam defatigari, aut animo dejici ob laborum magnitudinem, quos ei, vel Provincialis administratio, vel temporum, vel locorum vices, vel hominum improbitas plurimos attulit patiebatur. Hæc una ut Europæ pulcherrimum, nobilissimumque Regnum, natale solum, parentes, propinquos, amicos relinqueret, remotissimasque immensis pene aquarum spatiis ab Europa Regiones adiret incitamento fuit.

III. Neque vero hic repetenda, quæ superiores commentarii exhibuere, hujusmodi caritatis facinora, nisi quædam ibi, aut

Cap. vi.
p. 205.

aut prætermiffa, aut minus expofita. Nam quis non videt omnia ejus gefta ad hanc animarum falutem procurandam totum Viri fancti ftudium contuliffe? Huc pertinet Provinciæ fuæ, tot annis, tot itineribus, tot laboribus, tot periculis, frequens cognitio. Huc Athenæorum, Parthenonum, Gynneæorum, Templorum extruções, huc quas paulo ante recensui majori ex parte largitiones. Vnius autem hominis æternæ falutis in tuto collocandæ caufâ, inter omnium difcriminum adverfitates, fluctus, morti caput objectare, nedum adire, profundere domesticas opes, rerum omnium mortalium jacturam facere non dubitaffet. Etenim non femel apertiffimo captis fui periculo, ut unum^{que} paucos a Chriftiana Religione vel extorres revocaret, vel alienos perduceret, vel indigentibus fuppetias ferret, rapidiffima flumina non fine manifefto periculo tajiciebat divino fretus auxilio, quo talia caritatis opera fufcepturus fe adjutum iri certâ fiducia fperabat. Eâdem fpe animique fortitudine confignatus profundas valles, prærupta montium juga, iteneraque difficultibus & incommodis undique obfta fuperabat.

Ibidem
p. 206.

I V. Aliquando accidit ut cum plures Baptismi aquis tintos Chrifto adjunxiffet fciscitaretur. Ecquis Baptifmo Chriftianæ Fidei nomē daturus fuiffet? In proximo quidem neminem, procul verò ad novem circiter millia paffuum hominem quendam Indum genere, penitiffimâ convalle habitare dicunt: quò non pedes, non eques accedat. Manibus adrepere, falis prærupta fupplere opus effe. *Quid hoc?* ait Præful: *Ideo me falus miferi hominis negligenda, beneficioque Sacramenti propter accessus difficultates privanda? Hæc ovicula errabunda, ac segrex de qua loquitur Evangelium. Age ad eam requirendam eatur.* Hæc præfatus uno comite affumpto eò contendit, ad hominem manibus, pedibus postquam diu laboratum pervenit: denique apud eum per diu moratus, quæ ad falutem confequendam neceffaria effent, docuit, atque Baptifmate initiatum reliquit.

V. Pares, aut præruptiores anfractus aliàs pari caufâ aggreffus, duobus tantum famulis adfcitis, ubi ad loci altitudinem ventum, ab iisdem famulis, horrore jam, ac lassitudine præfractis, ne ultra iter illud tentaret, moneri cœpit. Quos leniter increpitans. *Hoc Pastoris*, inquit, *est oves fuas querere: nam & Chriftus idcirco e Calis in terras descendit. Quid si nos in has valles?* Ab his paulum progressus, gravi lapsu cecidit per proclivia ruiturus, nisi cum famuli manus tenuiffet. A casu verò alacrior, confir-

firmatiorque surgens : *En* , inquit , *inferni hostis invidiam ! Malignè enim fert impius nostrâ operâ has gentes salutem consequi posse . Nil proficiet .* Perrexit ergo ad Indorum sedes ferino propemodum ritu , turguriis , ac speluncis degentium : inter quos plures quindecim , aut duodeviginti annos nati , nondum Christo nomen dederant : omnes rerum cælestium rudes , præceptorum ignari . Pœnitebat comites , & viæ , & hospitii , vix præ lassitudine consistentes , ac labore confectos , gestiebat contra gaudio bonus Pastor , deperditis oviculis jam repertis . Quamobrem strenuus , atque infractus , immo somni etiam , cibique oblitus , continuo eas in humeros tollere , cælestibus pabulis recreare : ad salutem necessariâ docere , partim salutaribus aquis ablueri , partim peccatorum confessione expiare , partim christiano more confirmare : omnes , paucis diebus quibus apud eos moratus est , ad ovile salutis reducere .

V I . Portus Pisci nomen loci est , ac Montis . Agenti illic Antistiti , quosdam servos præruptis procul saxis , ad decem , vel duodecim passuum millia profugos habitare refertur . Quo audito , Martino Rosilio ei curæ præpositio mandat , ut ad eos vadat , ac rem diligentius cognoscat . Negat ille id fieri posse sine summo capitis periculo . Viam minimè a feris tutam , nec planè viam , sed per acuta , ac prærupta saxa præcipitium . Tum Præful : *Nil tanti* , inquit ; *Equidem inveniam viam .* Ac statim illò iter aggressus . Haud poenituit laboriosissimi cum itineris , cum ad locum veniens , cælesti planè instinctu se adductum cognovit ; quo nimirum periclitanti aniculæ succurreret . Hæc Christianis nondum sacris initiata , in summa vitæ mortalis periodo laborabat , æterna mox caritura , nisi ille opportunus venisset . Venit autem , & postquam pro ratione temporis , paucis eam consolatus Christianæ Fidei elementis instituit , Sacris mox volentem initiavit , eodemque die quo Baptismum recepit vivere desit .

V I I . Aliquando præ iterum longitudine , atque incommodis passum gravissimis , nec non rerum omnium inopiâ deficere omnino visus est : diuque creditus exanimis , atque alienis humeris in feretro com portatus , dum paucas oviculas segreges ad salutis septa revocare cupit .

V I I I . Sape in barbarorum terras , Xauxæ , Guancabambæ , Cacapoæ , Mitilenæ , Majobambæ confines , ad quos Evangelii lux deferri a nemine adhuc potuerat , propter cum horrendum .

Ibidem
p. 207.

rendos, & naturâ suâ, & belluafum immanitate saltus, tum incolarum plusquam ferinam barbariem, penetrare primus salutis præco non dubitavit. Dissuadentibus suis, ac vitæ ipsius metuentibus: Non esse timendum, *inquirebat*, hominum ferociam ubi cum Deo Dei res ageretur. Peragendum potius alacri promptoque animo. Quod si ea profectioe vita ipsa amittenda foret, quale hoc compendium! quale decus! An pro Fidei Christianæ propagatione vitam profundere quæpiam pigeret, postquam Dei ipse Filius pro omnium salute toto cum sanguine eandem profudit? Sævirent barbari, an mansuescerent, utrinque maximum sibi lucrum promitti, hinc eorum salutem, illinc Martirium suum.

IX. Dominicis quibusque diebus Divinis perfunctus pro Basilicæ valvis ne intus Divinis officiis incommodaret, sellâ, ac pedo Pontificio utens, ad Indos, atque Hispanos propriis eorum Linguis, themate ex Evangelio ducto, sermonem de Fidei mysteriis habebat, de morum disciplina, de rebus ad salutem necessariis, de virtutis pulcritudine comparanda, deque aliis hujusmodi rebus: quem morem non domi solum, sed et per Provinciam perpetuum retinuit. Nec Dominicis solum, sed cæteris quoque festis diebus, & quartâ, sextâque hebdomadarum quadragesimalium feriis. Adeoque animarum saluti conducere eas institutiones putabat, ut nil tanti faceret cujus gratiâ aliquando cessaret. Nam Mocone in agro Truxillensi Oppido, quamvis gravissimâ febri correptus a Concione tamen, Divino fretus auxilio, non abstinuit. Quo caritatis ardore morbum ipsum continuo restinxit, evasitque a concione incolumis.

Ibidem.
p. 208.

X. Nec solum sacri Oratoris munus, quod honestatem, quandam habere videtur, propriumque summorum Sacerdotum est, obire nunquam prætermisit, sed & puerorum eruditioni operam dare, ac primis Christianæ Fidei elementis formare, quod nihil habet dignitatis, minoresque vix æquis animis præficare Sacerdotes possunt, tantum Primatem non pudit.

XI. Limæ diebus festis, plerumque pomeridiano tempore unâ cum aliquot e Clericorum ordine, pedes ad Aedem Divo Lazaro in Suburbio sacram contendere consuevit; eoque pueros in trivis repertos, mirâ verborum suavitate, ac munusculis invitare ut ibi puerili exercitatione præcipua Religionis capita ipsos instrueret.

XII. In itinere, si qui Christianæ rei rudes offerrentur (inter-

terrogabat enim sæpe non pueros tantùm, sed & adultiores gregarios quosque, & agrestes.) non aliter dimittebat quàm Doctrinæ Christianæ documentis eruditos. Pulcrum erat videre Primatem turba puerorum stipatum, virgam manu gestare, eruditoris partes exercere, promptos, gnavosque laudibus, præmiis ornare: tardos, atque indiligentes aliquando mitillimè castigare: sæpius excusare: blandimentis excitare: promissis alligere: omnes amantissimus veluti parens complecti, monere ad Dei metum, ac virtutis amorem cohortari. Quòd si abesse, quenquam intelligeret (erant enim nonnulli, quos Christianæ eruditionis vel puderet, vel tæderet, se latebris saxorum imperviis, ne eò cogerentur occultantes) ipsemet latibula eorum circumibat, repertos blandis sermonibus captabat, a fuga dein revocatos sacræ eruditioni interesse compellebat, nulli parcens labori, nullis territus periculis.

XII. Ad Clericalem ordinem primùm initiandos sæpe ipse per se erudit. Porro ne viri docti ullo unquam tempore deessent, quorum operâ evangelica veritas explicari longius citra erroris suspensionem posset, quique ad salutem animarum incumberebent Seminarium extruxit, ex quo multi quotidie Fidei Christianæ propagatores, atque Ecclesiasticæ disciplinæ seduli conservatores prodierunt. Ipsemet non paucas diei horas institutioni Auxiliarium seposuerat, quibus agendi rationem adversus Indicas superstitiones, barbararum gentium impietatem, morum emendationem experientia tot annorum prudens demonstrabat.

XIII. Ad hæc, ut Ovium suarum voces, & ipse sine interprete audiret, & audiretur ab eis ad salutis pascua compellens, *Quicquid* loqui, quæ lingua, ut Peruanis usitatio, ita omnium ejus Regni difficillima habetur, inter tot maximas, gravissimasque occupationes, non minori quàm puer in tyrocinio patientiâ, modestiâ, labore didicit: adeoque perfectè asssecutus, ut in ea natus videretur.

Ibidem
p. 209.

XIV. Quæ pro concione dicenda erant, non seriâ tantùm meditatione, ac studio limabat, verum etiam scripto, ac memoriæ mandasse dicitur: præsertim cum se Indicè loqui expedire posse ex tempore non putaret. Quos omnes, atque alios labores, suapte naturâ arduis difficultatibus non carentes, molestiâ, tedique plenos, animarum salutis spes ita allevabat, ut nihil pene laborare videretur. Infinitam proinde multitudinem ad Christianam Religionem a sacrilego Idolorum cultu atque a

barbaricâ superstitione abduxit. Plurimos Christiano nomine abutentes, vitiisque omnibus implicitos ad meliorem frugem revocavit.

X V. Sacramentum Confirmationis, qui minimum centum hominum millibus: qui mediocria decies centenis millibus, qui plurimum terdecies centenis millibus administrasse ferunt. Quod ut incredibile videtur, non contemnendis tamen argumentis confirmant.

X VI. Quatuor Antistites, innumeros alios minores initia- vit, inauguravitque. Campanas, Calices, mensas, atque aras sacro ritu omni tempore plurimas consecravît. Parochos multis in locis constituit, ne Christianæ doctrinæ pabulo diu carere incolæ cogerentur.

X VII. Quotannis in memoriam Dominicæ, Divinæque Caritatis imitamentum duodecim ex egenorum turba lectos in Coenaculum Domus suæ splendide paratum, floribus, & odora- mentis inspersum excipiebat. Ubi postquam quæ ad rem Divi- nam ejus diei propria ritè pièque curaverat in Templo, con- vivium liberaliter instructum suis manibus ministrabat. Ad mu- tuam deindilectionem dulcissimis verbis cohortatus pedes iisdem abluebat, tergebat, exosculabatur humi provolutus, servorum ritu præcinctus. Tandem vestes singulis, sudaria, argenteum numisma elargitus ab se dimittebat. Quem morem non domi suæ solum servasse, sed & peregre ubicunque eo die esset.

X VIII. Omnibus denique excolendæ pietatis, amandæ virtutis, acquirendæ salutis, quâ dictis, quâ exemplis auctor fuit. Quibus in rebus omnem ferè ætatem consumpsit.

X IX. Milliaria plusquam viginti millia magnâ parte suis pe- dibus confecit. Omnibus omnia factus cum Apostolo, ut om- nes salvi fierent. Nullâ re uberiori lætitiâ affici solitus, quàm cum: suorum mores ad salutis æternæ rationes compositos esse videret.

X X. Contra summum mœrorem ex perditorum ruina, mo- rumque improbitate semper percepit. Quos ut corrigeret, re- stitutumque in iter reponeret, ubi caritatis blanditiæ nil valebant, austeriori supercilio, justisque ani- madversionibus non parcebat. Neque enim ferre æquo animo poterat, ut quis propriæ salutis dispendio in Deum crimen admitteret.

Ibidem
p. 211.

X XI. Cum audisset aliquando hominem in proximo con- clavi temere per Deum jurantem, misit continuo qui ad se il- lum

lum adducerent : Tum gravissimis in eum verbis invectens : *An tu, inquit, nescis in se iram Dei laceffero, qui pejevare nefario impioque ore non pertimescis ? Ita ne Dei sacrosanctum nomen in ullo pretio habes ? At severissimis crimen supplicii te luiturum expecta, si quid præterea tale temerario ausu effutieris.*

XXII. In judiciis verò ubi jure jurando opus esset non prius juratores accepit, quàm juramenti sanctitate, perjurii improbitate, Divinæ, humanæque vindictæ obnoxii pluribus vei bis demonstratâ.

XXIII. Cognitiones sæpe de Clericorum, Parochorum præsertim vita, & moribus capere solebat, cum ne pravis exemplis subjectas oves contaminarent, tum ut dignis reprehensionibus, ac poenis coerceretur improbitas.

XXIV. Oculatissimus semper ut supremum Pastorem decet invigilavit, ne Ministrorum, atque Auxiliarium incuriâ salus cujuspiam periclitari posset. Inexpectatus enim sæpe illis superveniebat, quæ ad Baptismum, quæ ad Eucharistiam, quæ ad cætera Sacramenta conficienda, administranda sanctè mundèque habenda pertinent, diligentissime statim recognoscens. Quibus in rebus minimam quanque negligentiam tolerare non poterat.

XXV. Baptizandi formam multos passim, quos aptiores censebat, docuit, ne in subitis casibus defectu Ministri quispiam periret.

XXVI. Magnopere præterea curavit, ut quàm ornatissimè sacræ Aedes haberentur. Pluribus ornamenta ipse dedit : pietatis enim, ac reverentiæ erga Deum, valida hæc apud rudiores instrumenta esse solent.

XXVII. In sacros Ritus, aut Pontificum, & Conciliorum decreta peccantes, acerrimè corripiebat. Venerat aliquando in Canchucos, qua in Provincia e Prædicatorum coetu Vir valde Religiosus Paræciam a Divo Dominico dictam regebat. Is adventu Præfulis audito, simul consuetudinis ipsius primum omnium Aedem sacram adeundi minimè nescius, ad octavam noctis horam patentibus Templi valvis opperiri eum perseveravit. Ut tandem venit, atque Aedem patere apertis foribus conspicatus est (Concillii quippe Limensis consulto non licebat, post vespèram Tempia patere) incredibile dictu est quàm ægrè se ferre demonstraverit, quamque graviter de ea re cum Religioso illo Viro exposulaverit, nullâ adventus sui, aut honoris excusatione acceptâ. Graviora delicta gravioribus poenis mulctabat, da-

tis etiam iudicibus a quibus criminum rei punirentur.

Ibidem. XXVIII. Ceterum Sacerdotibus magnum ab omnibus honorem haberi voluit: ab aliquo impune eos contemni nunquam passus est.

XXIX. Eadem vigilantia in sacrarum Virginum Collegiis factis, testisque servandis usus dicitur. Ea frequentissime, atque inexpectato recognoscens, nequid eò licentiæ impressionem faceret, easque minus attentas in legum suarum observantia redderet. Quoties ex Provincia in Urbem reverti voluit, id quam occultissime posset fieri curavit, nocturnâ quiete delectâ: nec ante domum suam ingrediebatur, quam huiusmodi Collegiis circumspectis, an integra, & ad præscriptum composita omnia essent.

Ibidem. XXX. Qua verò Domui suæ ratione præfuisse putandus qui tantam Ecclesiæ Dei in commune diligentiam habuit? Illam Sanctissimorum Patrum exemplo sic instituit, ut in ea quasi quodam in speculo, quidquid aliis omnibus præciperet, ante emitteret, conspicereturque perfectum, præcipue verò in ipso.

XXXI. Neminem apud se unquam habere locum pertulit, cujus vivendi ratio ab omni suspitione improbitatis non alienissima esset, atque omnium præterea testimonio laudata. Davidi illius memor, ac æmulator propositi: *Ambulans in via immaculata, hic mihi ministrabat. Non habitabit in medio Domus mea, qui facit superbiam, qui loquitur iniqua non direxit in conspectu oculorum meorum* (Psalm. 100.)

XXXII. Unicuique munus, certâ agendi lege dabatur: temporibus ad præscriptum Divinis, humanisque officiis attributis. Mandavit Francisco Quinonio Oeconomo, sororis viro spectatissimæ probitatis, ut quam diligentissime singulorum Domesticorum mores observaret, inquinamenti suspectos quosque amoveret: an Dei metuentes, an pietatis amantes, an modesti, ac frugi, an constituti temporis atque officii memores, neque enim diligentie suæ satis fidebat, probe cognosceret.

XXXIII. Fores domesticas nocturnis egressionibus, atque ingressibus clausas, ab initio noctis custodiri, nullique patere, nisi fortasse ex gravissima, ac necessaria causa, præcepto caverat. Ipsam impudicitie suspitionem omnino exulare ab aula sua iussit, nulli flagitio æquè infensus. Exemplis verò suis, morum sanctitate, quotidiana consuetudine, ita omnes formaverat, ut Religiosa potius censeretur familia posset, quam Aulicorum cætus.

XXXIV. Ni-

XXXIV. Nihil tam invitus facere visus, quam arguere, increpare, punire; quibus rebus nunquam uti voluisset, nisi necessaria veræ caritatis instrumenta cognovisset: salutis enim potius æternæ consuli, quam his connivere delictis.

XXXV. Non minus ei displicebat poenas irrogare, quam iis ipsis quibus irrogabantur, calamitateque alienâ plusquam suâ moveri videbatur. Antiquissima sanè illi fuit huiusmodi commiseratio. Nam & ante Sacerdotium, cum Fidei censorem in Hispania ageret, nihil illi acerbius contingere poterat, quam cum in impietatis adversus Deum, hæreseos, superstitionis, aliisque talibus criminibus accersitos, animadvertendum legibus erat. Contrariis enim quasi mediis affectibus angebatur, amore communis naturæ, odio criminum. Illo ad beneficentiam pro ingenio, hoc ne sui muneris oblivisceretur ad vindictam: neutri quidquam abnuere nescius, utrique miro artificio satisfaciebat, ut si fieri posset a punitione criminum reorum salus inciperet.

XXXVI. Damnatos verò rei capitalis, nunquam ad supplicium dum traherentur, spectare sustinuit. His per forum eductis, prospectus omnes ad eos adimi jubebat, nequis domesticorum fenestris ipsi foro superioribus alienæ calamitatis spectator esse vellet. Quæque unâ ipsâ re opitulari miseris poterat toto eo die penitiori cellâ abditus, humique fusus illorum salutem a Deo multis precibus orabat.

XXXVII. Indulgentiam ut reis impetraret, vel saltem supremis suppliciis eximeret, ubi delicta ex eorum genere non essent quibus salvus iuribus ignosci non posset, libenter sequestrem se interposuit, ac sæpe feliciter. Cujus rei supra exemplum habes præclarum.

XXXVIII. Vir ejus Ordinis, qui captivorum redemptioni operam suam collocavit, degener sanè, ac Religiosus hominis, nedum Sacerdotis loco, habitu, nomine, omnium mortalium minimè dignus, religionis damnatus, quod multa adversus Divinam Fidem dixisset, fecisset, Sacerdotali gradu publicâ ignominia dejiendus, a Magistratibus Fidei aliquando productus est. Adesse Turbido necessarium fuit, quod impiissimis hæretici manibus consecrationem abraderet. In sacram igitur venit Curiam, ubi Fidei Censores, Regius Præfectus, ipsiusque proceres, paratâ refectiunculâ jam aderant eum expectantes, ut cibi aliquid unâ prægustaret, sed exorari minimè potuit, et puercellam cape-

caperet, aut ad mensam conveniret, moratus interea, cæteris corpora curantibus, in inferiori atrio. Post unâ simul in forum progressus est ubi iudicium agi coeptum, atque ad mediam usque noctem continuatum, quo toto tempore, loco, statuque eodem veluti immobilis perseverare visus est. Nihil cibi, nihil potus admittere. Sententiâ tandem pronuntiata surgens, indumentoque Sacerdotali ornatus, quæ ad se pertinebant in reum ita egit, ut ubertim profluentes ex oculis lacrymæ commiserationem & dolorē indicarent: nec Domū regressus, ab hesterno licet die jejunos ad corpus cibo reficiendum, sed diurnam Deo officii pensionem exolvendam cogitationem intendit; nullâ præ animi commiseratione refectioe accepta: vix deplorandi finē faciens, pertinacissimi hominis corporis, animæque miserabile exitium.

Ibidem.
p. 215.

XXXIX. Deplorabat, & publica mala vitio humanæ ignorantie tanquam instrumenta voluptatis ita in morem recepta, ut curari jam vix posse viderentur. Ludi forenses, ubi tauorum venationes summo utriusque salutis periculo magno studio vulgus confectari solet, sic oderat ut ne clam quidem spectare aliquando illos voluerit, aut domesticorum ulli spectatorem sævissimæ voluptatis esse permiserit; ne in salutis discrimine verifandi potestatem facere videretur,

XL. Ad extremum quidquid alienam salutem, quam cupidissime optabat, evertere poterat, hoc arguendo, increpando, obsecrando in omni patientia, ac doctrina juxta Apostolicum monitum submovere maximopere nitebatur. Vbi verò e sententia non succederet, connivendumque inolitæ consuetudini deteriorum metu esset, commiserationis stimulis quasi confossus cæcæ multitudinis æternam ruinam, multis lacrymis, multis precibus deprecabatur.

XLI. Nulla hominum conditio a TURIBIANA dilectione remota fuit, aut aliena. Non enim in hominibus fortunam amavit, aut beneficia, sed imaginem, ac similitudinem immortalis Dei, quæ quemadmodum in omnibus par est, ita æquè omnes unicè sibi diligendos putabat. Hinc factum est ut nullæ unquam improborum hominum injuriæ, calumniæ, infestationes, veluti quedam in eum irruentia flumina, obruere caritatem illam potuerint. Quin potius adversariorum maleficiis magis impetita, non aliter quàm ventis ignis coortis, magis ardere, atque emicare visa est. Id superioribus exemplis ubi de controversiis cum Cusquenſi Antistite, Præfectis Regiis, aliisque

que optimatibus fusè differtum , ita planum existimo factum , ut multis hîc confirmare supervacaneum videri queat . Vnius Testis verba proferre abs re fortasse non fuerit , quibus cæteri omnes Testes summo consensu adstipulantur . Ex propria, *inquit*, Ibidem. p. 216.
 „ scientia, multorumque sermonibus mihi satis constat Antistitem Turisium singulari patientiâ, tolerantiaque ornatum extitisse . Hinc quo tempore inter mortales fuit, cum sæpe sapius a Præfæctis , Magistratibusque Regiis divexari multis ac variis rationibus contingeret , ut continere se ab ira , atque indignatione nemo præter eum posset , ipse tamen (seu jura adversus hosce Ecclesiæ suæ tueretur , seu Parochorum numerum ampliaret , seu rationum tabulas , ac statum publicorum nosocomiorum , sacrarumque Aedium ædificationes cognosceret , seu Limense Collegium constitueret , quæ omnia Regius Præfæctus a Sacerdotali jure distrahere improbiis contentionibus nitebatur , adeo ut & Pontificis Insignia e Collegii superiori limine aliquando per summam vim atque injuriam disturbare non dubitaverit) ipse tamen, inquam, ne verbo quidem dolorem , aut iram prætulit vel exiguam . Inter ipsas insectationes Deo gratias agere, injurias quantumvis graves sibi illatas , ultro ac libentissimo animo condonare : omnia alacriter , fortiterque perferre consuetus . Loco amplissimi honoris, ac muneris scilicet ducens, hac in re Christi Domini Magistri sui exempla posse imitari . Ita Testis .

XLII . Et verò Adversariorum suorum salutis non minor illi cura fuit , quàm minè ipsius illis . Eo majori studio eorum dignitatem integram cupiens , quò labefactare illi atque evertere ipsius nomen voluissent . Si quid in illatis sibi injuriis displicere potuit , inferentium piaculum , ac perniciēs fuit . Neque enim , ut accipi , sic fieri illas innocenter posse citraque , & Deioffensam , & facientis ruinam .

XLIII . Nullum officii genus erga Adversarios suos unquam prætermisit , ut eos ad æquitatem , benevolentiamque compelleret . Nunquam de calumniis in se excogitatis , confitisque criminibus queri auditus . Mentionum ab aliis cum calumniatorum improbatione fieri coram non tulit . In improbè factis probem voluntatem excusavit . Fortunâ eorum adversâ tristior , secundâ semper gavisus . Pro offensa gratiam referre , maleficia beneficiis repensare , criminationes falsas vitæ sanctitate, atque innocentia diluere ejus perpetua consuetudo fuit .

XLIV . De

XLIV. Denique qualem Apostolus veram caritatem describit, patientem, benignam, nil perperam agentem, quæ sua sunt non querentem, minimè inflatam, minimè ambitiosam, irritari nesciam, nil mali cogitantem, super iniquitate non gaudentem, congaudentem veritati, omnia ferentem, omnia credentem, omnia sperantem, omnia sustinentem (1. Corinth. 13.) talem Tuam esse, omnis novi orbis angulus, omnis Provincia, omnes homines, omnes testes ignorari non sinunt.

XLV. Nec verò satis Turisio visum si caritatis ipse inviolata jura servaret; nisi etiam servarentur si fieri posset ab aliis omnibus. Hujus rei causâ ut suam in omnes caritatem effunderet, omnis ejus cogitatio semper versari visa est. Hanc in concionibus, ut mutuam inter se haberent omnes gravissimis verbis insinuabat. Hanc ubi animorum dissensionibus oppressam intellexeret, accuratissimis officiis relevare, ac redintegrare curabat. Hanc vel minimè lædi non sine maximo mœrore ferebat.

XLVI. Plures virorum, ac foeminarum Sodalitates pluribus locis instituit, ut animi iisdem pietatis exercitamentis unâ coalescerent. Nec aliam ob causam sacrarum Virginum Collegia, atque Adolescentium Academias tot impensis, tot laboribus extruxit, nisi, ut convictu, studiis, iisdem vivendi institutis, unâ inter se voluntate, caritatisque vinculo colligarentur.

XLVII. Alienæ existimationi famæque, ne leviter quidem, detrahi se coram permisit. Quòd si aliquando, ut solet in mensis conviviarum sermones ad aliena probra evulganda dilaberentur, eos sermones utilioribus corrigi, vel accersito lectore piam lectionem induci jubebat. Oblocutiones inceptas, vel inter Principes viros verba Psalmi *Laudate Dominum omnes Gentes*, ipse submurmurans præcidebat.

XLVIII. Deferentes aliena crimina, nisi jure ageretur audire recusavit: delatoribus jussu rectius, diligentiusque ea cognoscere, de quibus alios accusare vellent, neque enim ea fortasse vera, sed vanis suspicionibus temerèque conficta. Alteri quoque parti aurem servandam, nec tam facilè de aliena re judicandum.

XLIX. Ob eandem causam litteras ad se undecunque missas non ante legit, quàm scribentis nomen ratum, certumque comprobasset. Si quid enim alienæ famæ contrarium contineretur, ab ipso auctore, si opus foret, confirmari posse volebat.

L. Negligi pauperes, aut imæ conditionis homines nunquam

quam tulit. Servos si quis Mauros, aut fortunæ nomine, non proprio appellasset, cum acrius objurgare consuevit.

LI. Illud extremo loco non præmittendum reor **TURIBII** Caritatem, ita omnes cujusvis ordinis, fortisque homines respexisse, ut amantissima libros suos mater.

LII. Jam super nihil esse puto, nisi quod omnium summum est, & caput, in his Caritatis officiis non opes solum, operam, vires, sed & vitam ipsam prodegisse **TURIBIUM**. In opere enim, ut post demonstrabo, juvandi gregis sui causâ suscepto, cum cætera omnia jam dedisset, animam suam dare non dubitavit. Majorem hac caritate non esse quis nesciat, nisi qui oraculum Divinum ignoret.

C A P U T IX.

A muneribus accipiendis TURIBIUS prorsus alienus!

I. **V**ideri potest fortasse non nemini hac in re Præsul non-
 fter religiosior, nisi candorem illius animi vel mi- Cap. xlv.
p. 252.
 nimas labeculas metuentis satis habuerit perspectum. At qui
 levare ad Deum puras manus summa curâ, diligentiaque sem-
 per studebat, ne illegitimo muneris alicujus contactu pollui con-
 tingeret, omnia æquè abhorrui, atque intacta reliquit etiam
 legitima.

II. Nil domi suæ alienum unquam passus, neque operâ ali-
 cujus, aut re gratis usus; ne pomo quidem si dono daretur,
 accepto. Eam sibi legem statuerat omnino servandam, ut ne
 videre quidem missa ad se munera, nedum accipere vellet.

III. Eandem servis, ac familiaribus suis sanctissimam inte-
 gerrimamque legem indixerat, a suorum numero abire cogens,
 qui vel leviter in illam peccassent.

IV. Locorum cognitione peractâ, Parochos magnopere
 obtestabatur, ut si quid eis familiares sui damni intulissent, si
 quid dati muneris accepissent, ingenuè proderent, ut damna
 si quæ illata essent ante profectiorem suam repararentur.

V. Ab eo primum tempore, quo publica munera admini-
 strare coepit Fidei apud Baticos Censor, ad vitæ finem ne avel-
 lanam quidem nucem dono accepisse fertur: neque alieno con-
 vivio interfuisse, quamvis a multis amicis, ne cum iis prandium
 recusaret, Matrino profecturus rogaretur. In suburbana si quando
 eorum venit, nunquam exorari potuit ut quidquam acciperet.

Ibidem
p. 253.

T

VI. Au-

VI. Auxit a muneribus accipiendis abſtinentiam poſtquam factus Archiepiſcopus ſevereſorem eadem in re ſibi legem indixit. Sæpe a Principibus Viris, sæpe a Religioſis invitatus, æquè re-
cuſavit. Apud Patres Societatis Jeſu Antiſtitis aliquando inau-
guratione factâ tardiori jam die, atque in opere ipſe deſatiga-
tior, nullis Religioſorum precibus, nullis Collegarum Antiſti-
tum, ipſiusque inaugurati precibus adduci potuit, ut convivio
interſeſſet.

Ibidem.
p. 254.

VII. Muneribus verò ita abſtinuit, ut pauca poma ab ho-
mine Religioſo Ordinis Prædicatorum Generali Vicario miſſa,
ad eundem cum gratis referri, uno vix oſtaſto, juſſerit. Non
ſibi rectè valenti, ſed ægris eas primitiarum delitias dicens mitti
oportere. Ne pomi quidem unius a Joanne Capeda familiari ſuo
donum admiſit, ut ipſemet Capeda in Actis teſtatur.

VIII. Dominicæ Nativitatis die anniverſario ex Regii Præ-
feſti Aloyſii Velasquii, ac Procerum Regni convivio, munus
aliquando allatum reſuſare omnino ſtatuerat: ſed Grimaneſiæ
ſororis, cæterorumque familiarium, multis, atque honeſtis ra-
tionibus perſuaſus, tandem conſeſit ne allatum munuſculum iis
qui dederant remitteretur, eo paſto, ut nihil ex illo deguſta-
ret, dieque inſequenti munus ad ſe miſſum alio duplo majore
compensaretur.

IX. Uvam alieno anni tempore, rarum munus, ſœmina
quædam princeps, Ludovici Cordubeniſis Conjux, Hiſpalenſis
Antiſtitis neptis Turisio miſerat, rata rem per ſe levem raritate
ſolùm commendabilem ab eo non reſuſatum iri. Contra tamen
quàm ſperaverat accidit. Haud enim ita multo poſt fanulum
ad ſe cum munere revertentem vidit, excuſatione ab eo allatâ,
quod Præſul ne ſui officiï oblitus videretur a muneribus omnino
abſtinebat.

X. Ingai quoque in Oppido a Reguli Conjuge bellariorum
nobile munus miſſum rejecit. Neque inoris, neque arbitrii ſui
eſſe dicens, in Provinciali cognitione cujuſvis munus accipere.
Gratias tamen ſe eas agere quas poſſet maximas, pro tali erga
ſe voluntate, ac beneficentia.

Ibidem.
p. 255.

XI. Antonius Garajenſis Eques omnium ejus Regni opulen-
tiſſimus, famâ tanti Viri excitatus jamdiu cum viſendi cupidita-
te tenebatur, cumque morte correptus id conſequi non potuiſ-
ſet, ſupremis Tabulis Crucem auream, ſmaragdīs, pretioſiſſi-
moque lapillo diſtinctam legavit. Hanc ad eum Hæredes, ad Ur-
bem

hem Guanucum cum venisset, detulerunt; defuncti parentis optimam erga eum voluntatem eo munere significantes. Negavit illè sibi ias esse, aut posse sine culpa rem ullam accipere, quo tempore Provinciali cognitioni operam daret. Itaque illos dimisit. Paucis post diebus Cuncaceam Provinciam peragran-tem rursus Hæredes adeunt, supremæ parentis sui voluntati sãtisfacturi. Orant ne legatum contineat, in quo ne suspicio quidem culpæ excogitari poterat. Nihil enim parentem suum aut post mortem iniquum obtinere ab eo, eã largitiuncula velle, aut vivum voluisse. Monumentum tantum suæ voluntatis id ab eo relictum, ut quanti virtutem ipsius faceret, quem nunquam videre potuerat, intelligeret. Inexorabilem verò Præfulem in suo proposito ubi vident, relicto ibi in mensa munere recedunt. Quo cognito Præsul, non tamen id in re sua esse voluit, priusquam doctissimorum Virorum, an integris juribus conscientiæ fieri posset, consilia explorasset.

XII. Quid quòd nec Breviarium cum Rosario Romã a Purpurato Patrè ad se missum sine eodem consilio suis rebus adnumerandum putavit?

XIII. Appositis nunquam vesci voluit, quæ inempta, aut adventitia suspicaretur. In itinere progredi aliquando interfectu fluminis, nocte, solitudine prohibitus, agrestesque decerpere fructus inopia commeatus coactus; ne gratis vel ab arbore aliquid accipere videretur, suspensum in ramis pretium mandavit.

XIV. Quæ a sorore dono mittebantur, nisi ejusdem chirographo pecuniã suã empta esse constaret, sibi apponi non tulit. Sin autem, ubi ea recusandi certa ratio non erat, accepta inter pauperculos dividebat.

XV. Per id tantum tempus, quo loci alicujus cognitioni operam dabat, alienã, hoc est Parochorum, vivere mensa flagitio carere, utpote jure factum censebat: eã porro absolutã, nefas, vel si circa meridianum tempus, aut vespertinum absolvisset: sed ita, ut erat jejunos operaque defessus, aliò statim contendere ubi sibi victum novo labore mereretur.

XVI. Enim vero ea fuit viri parcitas, præcipuè apud hospites, quæ vix summæ necessitati sufficeret, non quæ famem excluderet.

XVII. Servorum operas ut uberi ipse mercede compensabat, ita abstinere eos ab omni re aliena manus volebat; duplum restituere coactis, qui gratis accepissent a quovis rem, aut operam.

XVIII. Bernardo Alcozerio aliquando mandavit, ut quatuor Sacros lapides ad rem Divinam faciendam ex Oppido Ocos ad Urbem Regum advehi jumentis curaret, uti ea in refervorum operâ ne vellet. Homo mandatorum oblitus Indorum humeris comportari lapides jussit. Hi ad Oppidum Cupem, ubi Præsul rem gerebat, ubi venissent, isque eos sub pondere laborantes vidisset, ægrè sanè mandatorum negligentiam tulit. Tum quid mercedis pro eo labore dandum esset ab eis sciscitatus, postquam duos singulis denarios intellexit, advocato Alcozerio, gravique increpatione excepto, duplicaret ex propria pecunia bajulis mercedes præcepit.

XIX. Quid quodd nec a puero jumentum, ubi ad hospitium venerat, aquatum, spatiatumve duci gratuito tulit! Quod si ob operæ levitatem sine mercede dimitti videret a famulis, e vestimento, ornatuque sui corporis aliquid ipsemet impendebat.

C A P U T X.

Incorrumpit in Jure dicundo Justitia.

I. **H**UJUS virtutis lances TURIBUS ita tenuit suspensas, ut ab æquilibrio suo, nullius unquam, seu vis, seu favor, seu necessitudo, seu simultas, seu pollicitatio, seu minæ, seu potentia, seu quidvis aliud movere potuerit. Ne ab ipsa quidem misericordia, ad quam tantopere dum vixit visus est propensus, adversus justitiam exorari se unquam sivit.

II. Hæc autem præstantissima virtus amplissimos fines habet. Illa quid Deo optimo maximo, quid hominum communi generi, quid nobis ipsis tribuendum sit, apertè demonstrat, ac mandat. Sed ne longius progrediar, omnem ejus amplitudinem paucis complexus, judiciaræ tantum Provinciæ TURIBIANAM justitiam spatiis circumscribam. Multa enim supra de Justitiæ Jure, erga Deum, erga se ipsum, erga cæteros omnes dicta; multa etiam in sequentibus dicenda.

III. Plura igitur integerrimæ in judicando Justitiæ, æquitatisque exempla, eaque illustria TURIBUS reliquit. Etenim cum nihil a quoquam acciperet, turpi placendi, displicendive aticui curâ ita vacuus, atque liber, æquo cunctos habens loco, rectè seu pravè factis præmia, multasve decernebat, nullo inter plebejum, ac nobilem, inopem, atque opulentum, nisi meritum discrimine.

IV. Nec

IV. Nec verò qui justitiæ rationes lædi ab aliis impunè ne-
tquam ferebat, is cum de rebus interdum suis ageretur, illas
neglexit, in re aliena semper mitior, quàm in sua Judex. In
Provinciam recens cum pervenisset, quàm virtutis hujus amans
esset, exemplo domestico declaravit. Etenim cum petenti Na-
varcho vecturæ pretium exolvendum esset, pecuniæ verò sum-
mas id temporis haberet angustias, ne creditor expectare paucos
dies cogeretur, aulæa quæ parietes convestiebant amoveri, ac
venire jussit, ut debitum solveretur.

V. In jure dicundo æquissimus juxta atque omnis moræ im-
patiens fuit. Superfedere diu causis tenuiorum præcipuè, a Judi- Ibidem.
cibus, ac ministris suis nolebat omnino : identidem eos com- P. 250.
monefaciens, ne quæ odii, amoris, vel alijs affectus perturba-
tione judicia sua depravari paterentur ; at Deum præ oculis, fas,
& æquum perpetuò haberent. Ab ipso verò jus petentibus aper-
ta semper domus, nulli præ foribus servi, nullum in janua sipa-
rium ab accessu excludens. Aures nulli hominum conditioni
faciles, intentasque non dedit ; solitus etiam prævenire rudio-
rum, ac timidiorum verba, animum simul addere ad causam
dicendam.

VI. Nihil apud eum gratia ; causarum æquitas una valuit :
Nihil e reorum mulctis in rem suam unquam convertit : dimi-
diam earum partem in ædificia ferè Templorum, aut Collegio-
rum, reliquam ad arbitrium, in opera pietatis, ac misericordiæ
conferre consuevit.

VII. De publicis delictis sæviora exerceri judicia jubebat :
plures etiam Judices ad ea coercenda constituerat. Edictum
tulit, publicè quotannis a sacris Præconibus enunciandum, quo
hujusmodi criminum auctores prodi a consciis præcipiebatur.

VIII. Ipsorum sæpius reorum, aut parentum æumnas mi-
seratus, postquam in eos sententiam dixerat, ac mulctam exol-
vere pro delicti modo coëgerat, ejusdem mulctæ parte releva-
bat. Ita Laymëbambensi Parocho, quem bis centum aureis
nummis mulctarat, ut eâ pecuniâ opem parenti in summa ege-
state ferret roganti, annuisse dicitur. Ita Melchiori Ruizio ho-
mini tenuissimæ fortunæ filii damnatione consultum. Is Alphon-
sus Bonifacius nomine, Sacerdotio simul apud Caxamarquillam
fungens, simul fordidissimæ negotiationi, ut conjici potest ex pœ-
næ genere studens, gravissimè in sacras leges peccasse convin-
ctus, mille aureis pummis mulctatus a Turibio fuit. Armentum
quo-

quoque mille boum, Equarum quadringentarum, mularum centum quinquaginta, Equinorum pullorum decem ademptum, ac parenti concessum. Ita a Jacobo Fernandio ducenis nummis aureis, quòd aliena jura turbasset, plexo, cum ille ab ea sententia provocasset, nec tamen vicisset post annos duodecim (ita in Actis: biennium in vita Italica) senatusconsultum in sepe summam vim, atque injuriam scriptum, quòd in stipendiis regis dispensandis equitatem non haberet, ex vultu recognito, nullam exigi pecuniæ multam mandavit, nisi judicio provocationis absolutum se demonstrasset. At homini provocationem infectam relinquere se iniquam fortunam adactum causanti, libello supplici veniam, et flagitanti, ac præ animi ægritudine pene in vitæ discrimen adducto (etenim præterquam quod in tenuissima re versabatur, filias nobiles Castellæ binas se quoque habere affirmabat, quarum dotibus eam pecuniâ ademptâ, nihil omnino esset super) etsi non habuit continuò fidem Præsul donec an quæ ille adducebat vera essent certior fieret, ubi tamen rei veritatem cognovit, postulationi annuendum putavit, eo pacto ut judicio prius pecuniæ solutione satisfaceret; deinde in collocandis tantum Virginibus, eam receptam uti fas esset.

I X. Illud quoque cum justitia, quòd cum Caxatambi Templis curandis ea pecunia jam addicta esset sententiâ; ne propterea Religioni quidquam detrahi videretur, ex sua pecunia tantundem iis assignari voluit.

X. Eandem erga damnatum Clericum humanitatem adhibuit, postquam enim pœnam luere pecuniariam coëgit, ad ipsius sorores, quas in quodam Galliciæ oppido dotali re carentes habere se dixerat, pecuniam transmisisse fertur, quâ honestè in matrimonium collocari potuere. Hoc pacto Justitiæ, ac Misericordiæ ex æquo satisfaciebat.

C A P U T XI.

*In Jure Ecclesiastico, dignitateque propugnanda
ineluctabilis animi fortitudo.*

I. ILLUS haud ignarus sapientissimi Regis præcepti: *Nolite querere fieri judex nisi valeas virtute irrumpere iniquitatem, ne forte extimescas faciem potentis, & ponas scandalum in aequitate tua* (Ec. 7.) omni sepe contentione, iniquis hominum potentium

tium ausis se se intrepidè opposuit, ac pro æquitate, ac jure pugnavit. De hac ejus virtute omnes testes luculentissimè affirmant. Vnius verba sunt: Se nosse, ac perspexisse in eo viro fortitudinem, atque constantiam singularem, quidquid providendum, agendumve judicaret. Nullis cum humanis causis, aut rationibus moveri: quippe qui Decreta Tridentini Concilii, Apostolicarumque Constitutionum scita quidquid ageret, jubereve, semper ante oculos haberet proposita. Utque summà erat animi demissione in summa dignitate præditus, ita ejusdem dignitatis gravissimum custodem, ac propugnatorem semper fuisse, in qua tuenda, suoque in honore servanda nullam Regni Principum, nullam Regionum Præfectorum, nullamque cujusvis alterius rationem habuisse. Nulli rei injustæ assensurum unquam se ne proposita quidem mortis necessitate, dicere solitum: Ecclesiæ jura succumbere minimè oportere: neque Divinæ voluntati, & obsequio neque rationi adversans quippiam, aut alienum committendum. Fuisse itaque sacri Juris eximium defensores, summæque diligentiam, ne Ecclesiastica immunitas læderetur aut Jurisdictionis diminutio fieret cavisse.

II. Subscribit his alter, his pene verbis: Erat TURIBIUS S. Tridentini Concilii, Sacrorum Canonum, Constitutionum, ac litterarum Apostolicarum, Juris, & declarationum Purpuratorum Patrum acerrimus propugnator: quas integerrimè, ac diligentissimè observari curabat nullà omnino indulgentiâ. Ad hæc animi fortitudine, & constantiâ præcelluit, adeo ut per medias difficultates, ipsasque maximas, perque omnia obstantia viam sibi moliri non dubitaret, cum de justitiæ, deque rectæ sui muneris administratione ageretur. Singularem animi demissionem cum summa gravitate, auctoritateque conjunxit: nulla in re dignitatem imminui, a quovis mortali æquo animo, aut impunè passus. Cum Præfectis Regiis ita semper se gessit, ut dignitate superior. Nil quòd vel turpi obsequio, vel trepidâ demissione suæ dignitati ullam vel minimam notam posset inurere, ejus in suis obeundis partibus constantiam unquam fregit.

III. Tertius Testis: Fortissimè, inquit, res adversas, hominesque in jura sua irruentes pertulit. Cum Regiis Magistratibus pro dignitatis integritate, proque Ecclesiastica congregatione immunitate sæpe coactus. In iis rebus, quæ ad se unum pertinerent, nihil eo demissius, in iis autem, quæ ad Ecclesi-

siam,

Ibidem
p. 258.

„ siam, ad Pontificiam potestatem, ad decus, ad Concilia, ad
 „ Apostolica decreta, nihil erectius, aut fortius: adeo ut post
 „ Divum Mediolanensis Ecclesiæ Præfulem Ambrosium extitisse
 „ neminem TURISIO in Ecclesiasticæ rei propugnatione alacrio-
 „ rem, fortioioremque facile mihi persuadeam. Magnum sanè vi-
 „ riologium! grave testimonium!

IV. Sed & illud alterius non leve ita affirmantis: Pertulisse
 „ TURISIO Alphonsum, utpote qui iustus, ac Dei famulus erat,
 „ multa adversa, atque iniqua probè novi. Haud rarò a Magi-
 „ stratibus Regiis divexatus, & injuriis, mediæque iniquitate vi-
 „ ctor, atque infractus emerfit. Nil tam grave, ac molestum
 „ fuit etsi plurima gravia, & molesta subiisse constat, quòd non
 „ animi dicam fortitudinem illam expugnare, sed ne ver-
 „ bum quidem doloris exprimere in adversarios potuerit. Cum
 „ pro auctoritate, dignitateque res fuit, ut cætera mitissimus, ac
 „ pauper spiritu, adeo incaluit, ut in hominem alium verti, ac
 „ transformari videretur. Exemplum dein tale subiungitur:
 „ Cum Regius Præfectus Montis Regii Comes Limensis Urbis
 „ Basilicam adiit, Præsul cum Pontificali ornatu excepit. Insi-
 „ gnia utriusque Dignitatis præferri iussa; hinc cum Cruce sa-
 „ crum Pedum a Sacerdote, hinc Gladius ab Equitum Magi-
 „ stro. Hos inter de digniori statim loco excitata contentio
 „ est. Neutro itaque alteri concedente, turbare ceptum. Quid
 „ rei sit sciscitatur Præfectus. Cui Equitum Magister: Scire, *in-*
 „ *quit*, velim jure, an injuriâ primas petam? Ambigebat in re-
 „ sponso Princeps, cum Præsul fortiter, ac pro jure: Injuriâ, *in-*
 „ *quit*, ex Cæremoniæ libris, vel si Rex ipse, aut Impera-
 „ tor adsit; Cruci enim nostræ Enses vestros, quicumque tandem
 „ estis decedere æquum, fasque jubent. Quo audito Præfectus
 „ ne Religiosus non videretur: Et nos, ait, Cruci cedamus,
 „ jussu Equitum Magistro lævam petere.

V. Neque illud omittendum, quod a Religioso Viro, ac Sacerdote fide digno, ita conceptis pene verbis perhibetur: For-
 „ titer, *inquit*, pati adversa quoque TURISIO consuevit. Nec
 „ defuit illi patientiæ exercitium ferè assiduum a Regio Magi-
 „ stratu Garziam Hurtadum Mendozem omnium iniquissimum
 „ habuit: pluresque ab eo injurias, & contumelias accepit, quâ
 „ in Collegii ædificatione, quâ in aliis rebus permultis. Novas
 „ Paræcias addere, Doctrinæ Christianæ tyrocinia aperire, sti-
 „ pendia hæc Præfectis designare, ædificia Templorum, res-
 „ que

„ ad valetudinaria pertinentes curare, ab Episcop ali mune-
 „ re divellere omni contentione adnitente. Quas injurias quis
 „ alius ita æquo infraſtoque animo devorare potuiſſet? Quid
 „ quòd Inſignia ejus familiaria ab eodem Magiſtratu forde e
 „ Collegii fronte deturbata, proculcata, comminuta! Quid quòd
 „ jura ab Indorum ſuburbio Sancti Lazari aliò coacta transmi-
 „ grare, perturbata? Nil tamen perturbatè, aut dixit, aut fe-
 „ cit TURIBIUS, in his talibus Regiam ſententiam expectans. Ibidem.
p. 260.

V I. Cæterum ubi non in ſe injuriam, ſed in Religionem, aut ſacras immunitates illatam vidiffet, tunc verò non ferendo tantum, ſed & ſua jura tuendo fortiter dimicavit in inferentium contumaciam; cenſuræ, aut interdicti gladio confidentiſſimè inveltus. Exempli a me ſatis ampla, atque illuſtria ſuperioribus libris memorata non eſt cur hic repetenda nunc exiſtimem. Hæc pauca teſtimonia ex Actis, verbis latinis factis paucis, integrâ ſententiâ fide rerum compendii, aut idiomatum cauſâ mutatis protuliſſe ſit ſatis.

C A P U T XII. P R U D E N T I A .

I. **P**RUDENTIÆ virtus quæ in rerum vitandarum, & appetendarum ſcientiâ maximè poſita in omni TURIBI vita, factis, dictis, cum cæteris virtutibus ſic emicuit, ut ſine ipſa nihil dictum, factumve inveniatur. Naturâ hoc illi inſitum, ut omnia circumſpectè, penſiculatè, ſuo tempore, modo, ratione, conſilio, nil inconsideratè, nil temere ægeret. Multâ tamen exercitatione naturæ donum cumulavit. Et verò haud vulgari prudentiâ munitiſſimum eſſe oportuit, qui in vaſtiſſimæ Provinciæ adminiſtratione, tot Adverſariis circumſeptus, tot graviffimis negotiis diſtentus, tot periculis objeſtus, tot annis tam laudabiliter virtutem, ac dignitatē, ab omni improbitate inviolatam ſervavit.

Cap. xi.
p. 241.

II. Humanarum, Divinarumque litterarum cognitionem, ac Juris utriuſque ſcientiam, aſſiduo ſtudio diligentiâque ita cõparavit, ut inter doctiſſimos meritò numerari potuerit. In ſacris Canonibus, Conciliis, nec non Pontificum ſcitis apprime verſatus erat.

III. Jus Canonicum, ac Tridentinæ Synodi Decreta omnia memoriâ firmiſſimè complexus fuiſſe fertur.

IV. Romanum Pontificem de pluribus rebus in eadem Tri-
 V den-

dentina dubiis consultit : liberque editus earum cum declarationibus extat . Jus Canonicum marginalibus notis ab eo locupletatum affirmant Testes .

Ibidem. V. Hominum doctissimorum consuetudinem cum primis
P. 242. amavit ; habitusque ipse omnium doctissimus , qui ad eam Mundi oram ab Europa pervenerint . Hinc Decreta illa sanctissima , atque utilissima , uti e suis fontibus ad Concilia dein Provincialia , ac Diocesana tam sapienter , copiosèque derivata , ut utroque pollice ab omnibus laudari , accipique digna visa fuerint . Hinc judicia illa incorrupta , æquitateque plenissima , quibus in suorum flagitia animadvertere , virtutis præmiis ornare consueverat . Hinc denique Provinciales cognitiones tanto Religionis auctu , Ecclesiarum emolumento , animarum fructu , vitiorum excidio , morum optimorum propagatione peractæ .

Ibidem. VI. Tenue verò rerum scientia ad bene vivendum , publi-
P. 243. camque rem administrandam instrumentum ratus , hoc undique solidissimis fulcimentis juvare , tuerique studuit , cæterarum virtutum auxiliis huc accersitis . Prudentiæ quippe genus omnino inane illud esse non nesciebat , quod in rerum multarum scientia , non in vitæ etiam innocentia , sanctitateque versatur . Prudentiam carnis vocat Apostolus , quam & mortem esse definit . Neque illud verum , aut prudentiæ appellatione dignum , quod aliis rectè agendi præcepta tradere , ab improbitate avertere , meliores facere potest , seipsum non potest . Quamobrem veræ , optimæque prudentiæ genus , quo & sibi , & Reipublicæ prodesse posset consequi volens TURIBIUS , illud a vitæ suæ , morumque sanctissimâ institutione cœpit , quam prudentiæ animam esse planè intelligebat . Fundamenta hujus Christianæ super solidissimam Divini timoris , atque amoris petram principiò collocavit . Immortale dein odium in omne vitium , scelerumque nomen substruxit . Humanæ ad hæc salutis singulare studium adjecit .

Ibidem. VII. Hujusmodi Prudentiæ genere ornatus TURIBIUS , Sa-
P. 244. cerdotale munus ita obivit , admirationi ut omnibus esset . Quantumlibet enim rerum agendarum multitudo premeretur , singulis ita suum tempus , locum , modum , curam dare novit , tanquam si præter illam rem nullâ aliâ se urgeri sentiret . Nil temere , nil perturbatè , facto , dicto , gestu agere , cunctis verò ita satisfacere visus , ut nemo aliquid ab eo desiderare , nemo negligentiam accusare potuerit .

VIII. Plura semper rebus præstitit , quàm verbis . Si qua
verò

verò in re prudentiæ specimen dedit, in omnibus enim dedit, in promovenda apud barbaros Religione, atque animarum salute curanda omne procul dubio mediocritatem superavit. Nullum profectò negotium magis prudentia tractandum, ubi in omnem se formam versare, & ut Apostolus loquitur, omnibus omnia fieri, infirmis infirmus, validis validus, pueris puer semper est usus.

I X. Eodem die vidisses infulâ, ac sacris fulgentem vestibus ad aram Deo sacra facere, e superiori loco gravillimè concionari, Divinis myteriis vel abluere, vel inungere, ad ordinem Sacerdotalem initiare, promovere alia plura cum dignitate, gravitateque facere, ac puerorum plebejo agmine circumstante, simplici cultu, veluti dignitatis oblitum, gravitatis negligentem humili loco sedere, prima Christianæ doctrinæ elementa explicare, ac tradere, horum tarditatem aut excusare, aut excitare, illorum laudare diligentiam, munusculis incitare, virgâ urgere segnes, minitari immodestis: inde valetudinaria, carceres publicos, ægotantium pauperum sordidos lares, non pædore, non æmionis permotus intrare, anicularum, plebejorumque querelis, & postulationibus aures concedere, eaque omnia præstare, quorum vix mercenarium Sacerdotem non aut tædeat, aut pudeat.

X. In omnem juvandorum vultum, fortunam, affectum transformare se ad prudentiæ exactas leges noverat: *gaudere cum gaudentibus, flere cum flentibus.* (Rom. 12.) & *humiliari & satiari, & esurire, & abundare, & penuriam pati.* (Philip. 4.) Ibidem. P. 245.

X I. Prudentissimus in conciliandis animis vel simultate aut odio divisus, consiliorum auctor, errantium monitor, scelerum vindex, causarum iudex, ovium suarum Pastor, ab omnibus judicatus: apud semetipsum minime prudens erat in iis præsertim rebus quæ ad se pertinebant. De se quippe præter omnem modum metuens quidquam agere sine consilio non facile in animum inducebat.

X I I. Caterum in commisso gregis vigilantia quàm oculatus! In sacrorum Ministrorum delectu quàm circumspectus! in Religionis, ac pietatis rebus quàm sedulus! Is denique fuit, in quem suas omnes perfectiones contulisse absoluta omnibus partibus prudentia videretur.

C A P U T XIII.

PROVIDENTIA.

Cap. xiii.
p. 246.

I. **H**Æc illi duplex a Natura, a Deo. Neque enim solum ad futura mala præcavenda, bona prospicienda, ac præoccupanda ingenium erat illi sagacissimum, sed & divino spiritu illustratum, ut multo antequam fierent futura videre, ac prædicere posset. Humanam illam Providentiam in omni re habuit familiarissimam, nunquam solitus quidquam aggredi nisi in omnem partem re optimè consideratâ, perspectâ, ac solerti meditatione versatâ, quid boni, quid mali inesset, quem finem habitura esset, quibus adjumentis tractanda, quâ dexteritate incommodis occurrendum, quod tempus ad agendum magis, quod minus opportunum, quæ difficultates emergere, quæ facile superari possent.

II. Hinc tantâ postquam de aliqua re deliberasset animi fortitudine, constantiâque eam persequi pergebat: quippe qui omnes ejus partes ita explorasset, ut nullum obicem non ante vidisset, ac superasset, quàm ad rem manum admoveret.

Ibidem.
p. 247.

III. In rebus corpori suo, fortunivæ spectantibus, nullam habere providentiam, sed ex Divina omnino pendere. Eam verò summam existimavit providentiam. Œconomis, ac Procuratoribus rem omnem domesticam administrandam permiserat: per eos, quæ ad necessarios, & quotidianos vitæ usus forent humanæ curarentur. Dignitatem animi sui non decere ratus ad hujusmodi vilissimas curas descendere, præsentī cibo, veste, re contentus. In futuros eventus, aut necessitates, non pecuniam, non frumentum, non aliud quidpiam domi superfluum servari voluisse, ea ostendunt, quæ ante de Liberalitate ipsius exposita sunt.

IV. In rebus verò quæ ad Religionem, Dei cultum, animarum æternam salutem, indigentium necessitates, morum reformationem, Provinciæ vigilantiam spectare videbat, nihil eo viro prospicientius, nihil providentius. Quæ Religiosa virorum, foeminarumve familia, quæ bonis artibus excolendis instituta Academia, quæ valetudinaria domus, quæ totâ provinciâ sacræ Aedes, qui privatis ærumnis oppressi, quæ publica res cum religione conjuncta, quæ vidua, quis pupillus, quis ægrotus, quis denique alicui necessitati obnoxius Turbarum aut latuit, aut non abun-

abundè ab eo sibi prospectum esse non fatetur ? Id factis confir-
mare supervacaneum est, cum hac de re pluribus agere idem pla-
nè esset ac Soli lucem addere.

C A P U T XIV.

Futurorum eventuum præfagatio.

I. **M**aximum verò huic veluti naturâ insitæ providentiæ Capit. 11,
P. 181.
e Cælo momentum accessisse satis constat. Quadam
enim animi divinatione, ac futurarum rerum præscientiâ se præ-
ditum, quantalibet diligentia, quæ Vlri modestia, occultare stu-
deret, multis tamen locis, Divinâ voluntate quin patefaceret
omnino non potuit, quod, etsi alibi demonstratum est, ubi de
puero non dum baptizato, deque aliis nonnullis occultissimis re-
bus ab eo detectis dicebam, confirmare tamen hîc paucis fortas-
se otiosum non fuerit.

II. Novissimè in Provinciam ab Urbe Regum, ac a sorore
sua digrediens, se deinceps ab ea non videndum affirmavit.

III. Eâdem professione pueros præter morem, nullâ ætatis
eorum habitâ ratione confirmavit. Rogatus quamobrem id ita
faceret, cum contra præteritis temporibus, exactum saltem se-
ptennium voluisset. Necessariò id a se fieri respondit : se enim ad
ea loca nunquam amplius rediturum ; alios nonnisi post longum
tempus.

IV. Pallasæ re administratâ decliviori jam in vespere die,
imbres verò tristiori facie Cælo non minitante solum, sed & fun-
dente, discessum nihilominus adornavit, nec ullis ab ejus loci Sa-
cerdote Joanne Glanensi precibus, aut rationibus, nullis Cœli
minis, hiemis acerbitate, viarum asperitate, nocte jam ingruen-
te retineri potuit. Omnia paucis eluctatus. De mora, jam re
peractâ, illic sibi eam non concedi : de cæteris, minas Cœlum
mox remissurum, siccumque iter futurum. Nec in præfagio er-
ravit, ab ejus discessu, imbre, nubilo in miram serenitatem con-
versis.

V. Illud quoque inter ejus præfagia fertur, quod in hominem Ibidem,
P. 182.
quendam militarem ad se venientem aliquando ominatus est.
Etenim cum de obloquentem multorum fama tantisper patien-
ter tulisset potius, quàm audire voluisset, denique amentiam ho-
minis redarguens : *Quid, inquit, nostra interest aliena carpere ?*
Apoge quæso isthac. Ita ne trabem in oculo tuo non vides, qui in oculo fra-

lo fratris tui etiam festucam perspicis? Effutire multa temere perseverantem, deque ipsius Christianæ Religionis institutis, ac veritate dubitare se nonnihil etiam jactantem, vehementius, ut par erat, increpuit Præsul, ac tacere jussio: Crede, inquit, si sapias mi homo, quidquid Sancta Mater Ecclesia Catholica firmissimè credit. Altiora te ne quæseris, alioquin cave a Magistratu Fidei debitas perfidia tue pœnas ne luas, quas certè lues, nisi Catholicè, & sentire, & vivere diligentius curabis. Parvi sanctissimi monitoris verba fecit perditæ salutis homo: sed minas non evasit. Paucis enim post diebus Religionis accersitus, ac damnatus igne vitam finire coactus est.

V I. Marco Garziæ adhuc Adolefcenti Sacerdotium, ac Sequeutepequensis Ecclesiæ Præfecturam, ut alibi mihi dictum, prædixit.

V I I. Gaurâ discedens Alphonsum Guerram Sacerdotem super premis verbis allocutus, ulterius invicem se videndi copiam nullam fore affirmavit. Neque se sequenti anno oleum de more consecraturum, sed Quitenfium vice sui Præsulem Ludovicum Lopezium. Eventus vaticinium probavit. Sequenti enim anno sub idem ferè tempus majoris Hebdomadæ in morbum incidit, quo impeditus ne suo munere fungeretur, ad Quitensem Præsulem Xayanæ agentem, bidui circiter itineris distantia misit, rogans, ut partes sui muneris iis diebus, quod ad olei consecrationem, ac Clericorum initiationem obire vellet. Eodem tempore vitâ decessit, nec a Guerra ulterius in vivis videri potuit.

V I I I. In transitu Carasmalis, ut supra fufius expositum, montis asperrimi, & ante Turisium omnino arentis, cum comites siti urgerentur, prandentibus aquæ potum non defuturum recepit. Nec sanè defuit, uberi, ac limpidissimo fonte, ubi nunquam visus fuerat, demonstrato.

I X. Quid quodd nonquam Sagnæ Oppidum, ubi post mortuus est, intravit, quin dicere auditus fuerit: *Exeamus fatali nobis loco?*

X. Pridie ejus dici, quo decumbere cœpit, ad Augustinianorum Collegium Guadalupense in agro Truxillensi a meridie modicæ quietis causâ, dum æstus remitteret, divertit. Mox Alcozerio familiari suo admonente, intermissum iter repetendi jam a desse tempus, e religiosa cella ad locum ubi unâ cunx sua familia Moderator Religiosus, honoris eum causâ opperiebantur, descendit. Quibus pro hospitio gratiis actis: *Agite jam, inquit,*

Reli-

Religiosi Patres, bene feliciterque valete. Itineris nobis faciendi hora jam venit. Commodum illi fore, pronā jam luce, & sperare se, & precari a Deo retulere. Ego verò, Præsul inquit, non de hoc itinere loqui volui, sed de alio ex hac ad alteram vitam immortalē. Et illi: absit nunc. Voluntati Divinæ hoc, Domine, integrum omnino relinquendum. Tum Præsul: Quoniam, inquit, in rem præsentem apud cadit, Exemplum referam, ed vobis futurum gratius, quo domi vestræ natum. In Collegio vestri Ordinis, Vir cæterorum Moderator vitæ sanctimoniam, annosâque civitate reverendus aliquando fuit. Ubi ed ætatis pervenit, ut ad agendum omnino inutilis videretur, quieti suæ relictus est, datusque ei socius, qui illius curam in omni vitæ usu diligentem haberet. Igitur quadam die in summa mentis tranquillitate, rerumque cælestium meditatione agentis, Virgo Deipara se illi videndam præbens, mortis proximæ obeunda momentum patefecit: quo jam propinquante, socium senior vocat; ad lectulum suum deduci rogat, in eo tanquam corpus jam jam moriturum sacris remediis procurari. Delirare virum præ senio ille opinatus, Ain verò, inquit, Pater? Nihil his, quæ rogas fieri minus oportet. Ad mensam mecum, non ad lectum venies, cibo enim corpus, quàm supremis sacris curari magis indiget. Cui senior; ut vis, inquit, quando ex obedientia res agitur. His dictis unâ discubuerunt. Corporibus mox curatis: jam verò senior inquit, jussa ego tua peregi frater, postulatis tu nunc annue meis. Itaque in lectulum deducitur, in eoque detractis vestibus componitur. Tum sacrum cereum in manus sibi tradi poscit ardentem: ac tradenti socio oculis in Cælum sublati: Ecquid, inquit, Dei Matrem me vocantem non vides? Age jam verò eundem mihi quò vocor est. Illo respondente, se nihil tale videre, penituit senem cælesti beneficium significasse, eadem videre immerenti. Unde & se quodammodo corrigens: fortasse, inquit, oculi mei fallabantur. Quo dicto animam Deo Creatori restituit. Iisdem mihi iterum verbis uti vobiscum liceat, Patres. Agite jam, & vos bene valete. Eandi nobis tempus est. Atque his dictis abiit. Aegritudo verò quâ postridie laborare cœpit, ac paucis post diebus eâ etiam oppressus est, vaticinii indubitatam fidem comparavit.

XI. Jam satis manifestè conjici potest, qualis TURBARI nostri providentia, ac prudentia in rebus gerendis semper extiterit, cui præter naturam, doctrinam, experientiam, non providere solum solerti mentis acumine in futurum, sed & res ipsas futuras, quasi oculis subjectas prævidere cælesti beneficio datum fuit.

CA-

Ibidem.
P. 183.

CAPUT XV.

Linguarum genera.

Lib. II.
ca. XVI.
p. 160.

TURIBII virtutibus loquendi variis iisque omnino barbaris linguis donum jungere aut abs re judicari potest si perpendatur, a Deo hæc liberaliter non tribui, nisi illis, qui virtutibus meruerunt, ut his beneficiis Deus remuneraretur, aliisque ad exemplum patefaceret illorum sanctitatem. Cum igitur TURIBII inter barbaras gentes singulas Nationes illarum linguis, seu Christianâ Fide illas instruens, seu piis monitis rectè vivendi rationem illas docens alloqueretur, inde quoque non obscurè liquet, non vulgares fuisse TURIBII virtutes, quarum meritum ex tam singulari linguarum dono quo ille a Deo cumulatus fuit, cognoscebatur. Porro de hac re exemplum supra exhibui satis luculentum, ubi apud Panatagujas populos, & Religionem, & linguâ abhorrentes a TURIBIO res gestas memoravi: quod cui lectum, facile id sine hoc celesti linguarum munere, usvenire non potuisse, is fateri cogatur.

II. Haud equidem eam inficias, quod apud omnes in confesso est, nec memoriam illi optimam, nec singularem diligentiam in addiscendis ovium suarum variis potius, quam certis vocibus unquam desuisse; multum quoque valuisse. Nam linguam sanè Quicuam utpote apud plures receptam, ac familiarem inter summas, gravissimasque occupationes, studio ita persequi visus, ut puerili prope exercitatione consequi etiam potuerit. Tanti referre putabat interpretam operâ inter se, gregemque suum non indigere. Verum, ut industriæ, ac labori nonnihil dedemus, nemo tamen dubitat humano id more fieri potuisse, ut tam facile, tam expeditè, tam modico temporis spatio, omnibus sermonis illius, quibus plenissimus est, difficultatibus superatis, verba habere, mirâque facundiâ eloqui potuerit.

III. Quid quòd uni tantum cum operam dederit, omnium scientiam consecutus fuisse visus est? An ne forte quis sibi persuadeat, pauca sibi que valde affinia, ac similia Peruanæ gentis linguarum esse discrimina, uti apud nos Italos hæc propterea unam rectè assecuto, cæterarum facile variantes voces ex sermonis ratione deprehendi? Audiat Religiosi Viri Peruanarum rerum minimè rudis iudicium: „Idiomatum, *inquit*, tam multiplex „ sylvæ est, ut in his locis, quæ ipse emensus sum, existimem „ plu-

„ plusquam triginta linguas numerari, easque valde inter se „ abhorrentes, & ad discendum difficiles (Josephus a Costa) Neque verò qui hæc scribit tot fortasse loca emensus fuerat, quot TURIBIUS.

IV. Qui igitur sine cælesti dono audire, audiri que in tanta linguarum varietate potuisset? Ajunt tamen duabus tantum publice usum, Maternâ suâ cum ad Hispanos, Quicuâ cum ad Indos sermonem haberet; ceteras non ita familiariter adhibuisse, nisi cum res omnino posceret. Ibidem. p. 162.

V. Illud quoque non sine admiratione auditur, ac fertur, ad ignaros Hispani, ac Latini sermonis, Hispanicè, aut Latine sæpe verba facientem non minus ab Auditoribus exauditum, quam si eorum vernaculis linguis eos fuisset allocutus. Hoc munus Apostolis olim cælitus impertitum, virum apostolicæ doctrinæ, ac vitæ sectatorem nimirum decebat.

CAPUT XVI.

FIDES.

I. **F**IDES, in Deum, Dei oraculis, mysticis, promissis, firmissimè nititur, nullâ unquam dubitatione aliò abrepta. TURIBIUS Fides a primis annis ad extrema tempora vitæ, semper eadem fuit, ea nimirum cui vitæ ratio quam sanctissimè consentanea responderet. Lib. III. c. 1. pag. 174.

II. Vera in Deum fides, non in opinionibus posita est, sed in operibus. Rectè factis gravis esse oportet, alioquin, aut mortua erit, aut nulla. Qui enim agat perperam, qui fide didicit factorum suorum vindicem adstare Deum, supplicia malè, præmia bene factis æterna repensurum? Qualis TURIBIANA fuerit, ex ipsius vita intelligi opinor satis potest, ita nimirum sanctis operibus commendata, ut TURIBIUM eam inter Christianas virtutes in primis excoluisse latere non patiatur. Ibidem. p. 175.

III. Ex quo enim tempore Deum cognoscere cœpit (cœpit tamen ab ipsâ infantia) ipsius bonitatem amare, justitiâ metueri, majestati placere, providentiæ fidere, voluntati obtemperare, omniaque ad ipsum referre, ab ipso expectare, pro ipso aggredi velle nunquam desit: utque ætate in dies, ita fidem in Deum augere visus. Quam cum vitæ sibi magistrâ, ac ducem semel elegisset, ab ipsâ ne latum quidem unguem discedere, ab ea oculos nunquam avertere, vestigia præeuntis fideliter sequi, iisque insistere perseveravit.

IV. Divinæ hujus Fidei ope subnixus ea feliciter pericula ellugit in quæ facile ætas incidit, in qua non satis a vitiis & a criminibus sibi caveat, quos Fidei præsidia non defendunt adversus illecebrarum insidias, ac dolosas criminum molitiones. Ejus ductu vitæ genus instituit cunctis admirandum; purum ab omni flagitio, omnibus veræ laudis ornamentis excultum. Nemo eum conspicatus, quin quasi quosdam Divinæ lucis radios perspiceret. Quo factum est, ut simul ac per ætatem licuit, Fidei ipsius Magistratu, omnium judicio dignissimus visus fuerit, homo sacri adhuc Ordinis, togæque expertus eo in Regno, Urbe, Gente, apud quam, ut Christianæ Fidei summa ratio est, ita optimus quisque, ac spectatissimus deligitur. Quo in munere Fidei res cæteris omnibus semper præposuit, non donis, non gratiâ, non potentiâ, non aliâ quavis re corrumpi se passus.

V. Juvandæ, ac promovendæ Catholicæ Fidei studium ejus apud omnes notum, ut Limensi Sacerdotio, Pervanâ re tum maximè laborante, omnium haberetur aptissimus effecit. Idem ne gravissimam dignitatem recusaret persuasit.

VI. In Sacerdotio, si unquam aliâs TURBARI Fides emicuit. Ubi in Provinciam venit, primum omnium, quæ ad Fidei confirmationem, amplificationemque pertinere videbantur, curare coepit. Haud aliò Concilia, ac totius ditionis cognitiones, de quibus in superioribus luculenter demonstratum, spectabant.

VII. De Religione ambigentibus, præterquam quod durius eos objurgabat, dignas perfidiæ poenas minitatus, nisi ambigendi finem facerent, domo suâ interdictum esse voluit. Ex his aliquando unum ad se sub prandii tempus accedentem, antequam deprehenderet, quia pauper videbatur, cibum cum aliis ex familia capere iussit: mox ejus perfidiâ prodita, postquam coram redarguit, multisque, ut ad mentem rediret hortatus est, a se abire coëgit, neu deinceps eò accedere omnino auderet, mandavit.

VIII. Pro Christiana Fide pugnantes ope, atque auxilio
 Ibidem. p.176. juvare nunquam destitit. Francisco Quinonio fororis conjugii in Chilim cum potestate proficiscenti, viginti mille nummum militibus sacrum bellum gerentibus donativum dedit. Eorumdem militum uxoribus, liberis, magno numero, necessaria quotidie suppeditabat.

IX. Fidei Præco ad gentes barbaras, & Christiani nominis inimicissimas accedere, Fidemque inferre inter illas non dubitavit;

tavit: pro ea mori per omnes cruciatus non paratissimus solum, sed cupidissimus.

X. Institutores rudis, minutæque multitudinis in Fidei disciplina, cum plurimos per Provinciam dedit, tum ipse puerilem institutionem exercere præter sacri Oratoris munus non neglexit.

XI. Mores sui gregis, ut ad Fidei professionem sanctitatemque dirigerentur, summopere elaboravit; vitia ejusdem venenum infatigabiliter divini Verbi gladio persecutus. Rerum Fidei ignorantiam nullibi consistere passus est. Nam præter Institutores teneræ ætatis, Divinique Evangelii præcones, quorum magnam copiam iis erudiendis præfecerat; libros etiam communiori Indorum linguâ conscriptos evulgavit, quibus Christianæ disciplinæ ratio omnis breviter, dilucidèque explicata continebatur; ut quò viva vox pervenire minus potuisset, scripta penetrarent: minusve memoriâ Fidei rudimenta sic elabi possent, frequentè lectione confirmata, quàm aure semel excepta. Hos libros plurimis salutis fuisse affirmant Testes.

XII. Vestigia Peruanæ superstitionis, pluribus adhuc locis hærentia abolere penitus diligentissimè curavit. Iis contaminatos ubi fontes nonnullos sacris ritibus expiasset, vim aquis salutiferam adversus varias ægritudines inde mansisse dicunt.

XIII. Philippi secundi Hispaniarum Regis nomine pecuniariam opem in publica Regni necessitate conferre rogatus decem millia nummum contulit, hoc tamen pacto, ut in sacri belli administratione adversus Fidei hostes ejus pecuniæ usus esset.

XIV. Quidquid fide credendum propositum est auctoritate Divinâ, sine ulla unquam hæsitazione, incredabili verò studio, ac veneratione persecutus est. Erga præcipuum Fidei mysterium, Eucharistiam videlicet, mirum in modum affectus pietate fuit. Divini hujus cibi per præpositos populis Sacerdotes diligentissimam rationem haberi volebat, ut sanctissimè servaretur, ne indigentibus deesset. Ministrari etiam singulis per ætatem idoneis statò tempore jubebat. Sacerdoti tarditatem ingeniorum ætati prævalere causanti, nec omnes sibi propterea aptos Divino muneri videri, quibus adultior esset ætas dicenti: *Tardiores, inquit, multo ante erudiantur, fiantque diligentia Sacerdotum apti ex ineptis.*

XV. Synodo, seu Conventu quovis Sacerdotum coacto, *Ibidem.* Fidei professionem, antequam agi res inciperet, ab omnibus p. 177.

singillatim exigebat. Ipse morti jam propior, præter cætera bis, terque summâ alacritate, summâ, uti suo loco dicemus, voluntate profectus est.

XVI. Melchioris Monsonis e Prædicatorum coetu, Viri religione, Sacerdotio, fide conspicui verbis rem claudio. " Aliquando, *inquit*, narravit mihi Præsul TURISIUS ALPHONSUS itinera a se confecta per Provincias Cacapojam, ac Majobambam, perque Regiones Xauræ, Guancabambæ, & Cocangarai. Insuper multa animi fortitudine, atque alacritate superata pericula, deque Indo octogenario ad Fidem perducto; & sacro fonte expiato. Ostendit præterea cicatricem manus, ex vulnere apprehensi rubi, dum per loca abrupta, casu ferretur, quò animarum salutis amor, Fideique Catholicæ promovendæ studium adegerant. Qua quidem in re plurimum laboravit, omnesque vires suas contendit. Voluisset ob eam causam si Deo placuisset, ubique locorum Christianæ disciplinæ rudimenta ipse tradere; Idololatriam, ac superstitiones, quibus Indorum gens obnoxia radicitus summâ, & voluntate, & diligentia extirpaturus. Hinc est quòd infinitus pene Indorum numerus, in hac Diœcesi Christianæ Fidei institutionem accepit, animisque eam altius impressit. Neque enim Præsul illius angulum invisum reliquit; quotannis vel coram, vel per certos ministros si ipse non posset, fidei erga Deum spectatæ, salutisque humanæ percupidus, cuncta recognoscens. Quamobrem spatio quinque, & viginti annorum circiter, quibus eam dignitatem obtinuit, jugiter laboravit, Tempia, atque altaria pene innumerabilia consecravit, quatuor Episcopos, ni fallor, sacris ritibus inauguravit, sacrorum vasorum multitudinem incredibilem rite dicavit, muneri suo cumulatissimè satisfecit. Nunquam in Indum incidit, quin ab eo summa humanitate, comitate, caritate Indicè percontaretur, an inter Christianos nomen dedisset. Ita Monsonius de TURIBIANA Fide.

Ibidem
p.178.

C A P U T X V I I.

FIDV CIA SEV SPES.

I. **H**Æc virtus, cum in omni ejus vita satis appareat, paucis hîc loquendum de illa satius puto. Ex rectè factorum conscientia (quanquam modestissimè de suis omnibus rebus

Ca. 111.
p.186.

bus

bus opinabatur) singulari in eum fiduciâ erigebatur ; ea omnia sibi ab ejus immensa bonitate certissimè sperans , quæ non ad æternam modò felicitatem consequendam opus essent , sed quæ etiam ad optimam sui muneris administrationem . Ita Deum optimum maximum respiciebat quemadmodum amantissimum sui , beneficentissimumque Parentem filius , ad ipsius providentiam confugere tum maxime solitus , quoties aliquâ vi , aut necessitate premeretur .

II. Ejus auxilio fretus omnia se posse confidebat , & si maxime ardua , & humanis viribus , & judiciis difficillima . Ubi aut honor Divinus , aut humana salus , aut sacræ jurisdictionis causa postularet , quò magis inclinata res videbatur , eò majori spe cælesti auxilio erigendam , dirigendamque expectabat . Quamobrem despondere animum , aut a consueta tranquillitate , quavis difficultate oblata , nunquam abire visus .

III. Cum terræ Principes ac Dynastias adversarios , atque infestos interdum haberet , tum verò Deo res suas commendabat , ei se totum committens . Calumniis identidem , confictisque criminationibus insultatus , innocentie suæ Deum non defecturum certo certius persuasum habuit .

IV. Controversias , quibus cum Regis Ministris sæpissime habuit , quamvis prævalere vim , ac potentiam juri , æquitatque videret , magno sustinuit animo , sua jura justitiâ fulta inconcussâ fortitudine propugnans .

V. Quot , quantaque in peragrandis Provinciis adiit pericula , *Ibidem* cæli , hiemis , ætus , viarum , fluminum , solitudinum , ferarum , *p. 187* barbarorum , atque alia id genus sexcenta superius explicata ! In iis tamen omnibus , eâ in Deum confidentiâ assurgebat , ut nullo unquam discrimine , quamvis præsentis & gravissimo , illius animus frangeretur .

VI. Quid de vitæ necessariis dicam ? Quoties eò inopie venit ut deficiente comœtu unde illum peteret , inter vastissimas eremos non haberet ? Quoties inter deserta ferarum nocte oppressus ; hospitio , lecto , cibo carere , pluvio cælo , madenti sabulo cubare non summo sine vitæ discrimine coactus fuit ? Nihil tamen a Providentia Divina omnia sperantem , unquam formidine illius animum concussit : majori tunc voluptate affici visus , cum rerum tristior facies , metum ac desperationem incutere majorem posse videretur .

VII. Quid quòd eadem Providentiâ nixus necessaria ipsa *Ibidem* cum *p. 189*

cum suppeterent, liberaliter egenis impertiebatur, se omnino negligens, seque totum Deo tradens? Nam unum aliquando pauperem in itinere longo ac difficili, pauperi dedisse supra diximus, corporis sui jejuni, viâque defessi, oblitum.

VIII. Futuri temporis, aut eventus adeo securus fuit, ut omnem curam, & cogitationem in Deum iactasse credi possit. Et si multa fore mox sibi usui sciebat ad mensam, vestem, lectum, cætera quotidiana, ea tamen in egenos erogabat, quid mox futurum esset sperandum magis a Deo, quàm diligentia suâ præcavendum existimans.

CAPUT XVIII. CARITAS DIVINA.

I. QUANTUM in Deum caritate TURIBIUS exarserit, facile conjicere poterit, qui ejus res gestas non prorsus ignorat.

Cap. IV. II. Pauca hoc loco afferam, eo posita ordine, ut primum
p. 191. locum habeant quæ Deum spectant, deinde quæ Religionem, Jura, cæremonias, demum quæ Ecclesiam Dei respiciunt.

III. Illud primum satis constat Deum ita perpetuo diu, noctu, quâvis in re habuisse oculis propositum, ut nihil sine illo cogitare, nihil moliri, nihil aggredi, prosequi nihil vellet. Cuncta verò ad ejus voluntatem, obsequium, amorem retulit. Joannis a Rocca Limensis Ecclesiæ Archidiaconi jurati testis hæc verba: Nunquam
„ humanis rationibus, causis, auctoritate moveri visus. Ejus
„ quacunque de re deliberantis familiare dictum: Quod coram
„ Deo salvis legibus Divinis, humanis tuta conscientia sit.

IV. Incredibili proinde cupiditate flagrabat ejus, ut par erat, honoris, & gloriæ ampliandæ, ac promovendæ non in se solum, sed in omnium animis: illud pro virili contendens, ne Divinæ offensæ usquam locus esset, nec quidquam quod Deo displiceret a quoquam committeretur. De qua re Testis locupletissimus, ac fide dignissimus Joannes Lopezius Vexaramus: Eminebat,
„ inquit, maxime in Antistite TURIBIO Divinæ caritatis virtus.
„ Etenim Divinæ legi ita vitam suam convenientem semper obsequens,
„ stendit, ut ne imperfectio quidem notabilis, nedum gravioris
„ crimen in ea cognosceri unquam potuerit. Divini verò honoris,
„ atque obsequii ardore ita inflammabatur, ut e Seraphinis aliis
„ quis cælestibus videri posset.

V. Di-

V. Divinis commentationibus addictissimus, assiduusque fuit; inter ipsas enim gravissimas Provinciæ curas, quæplerunque omnem animi ita cogitationem absorbere, atque opprimere solent, ut vix integrum sit mentem in celestia extollere, ipse aut cum aliis piè de Deo loquebatur, aut secum de illo cogitabat. Tantâ porro caritate in Deum ferebatur, ut illi hærentem quidquam aliud avellere non posset: nec mentem aut oculos a Deo in alia vertebat, nisi aut suo munere, aut aliquâ piâ necessitate obstringeretur.

VI. Tempora Divinis, humanisque curis ita dispensaverat; ut licet cum Deo mente conjunctus, non negligeret quæ sui muneris administrationi postulabat. Hinc non sine admiratione factum, ut tot tantaque negotia simul conficere, tantùm Deo simul, si-bique vacare potuerit.

VII. Dies a Divinis auspiciari solitus. Postquam in Aedem sacram venerat, secretaque ejus parte genuflexus, tribus aut quatur Sacris audiendis adfuerat, diu adhuc orabat, insuper diurnarum precum pensum persolvebat. Mox ipse quoque Sacrum faciebat, celestem ad ejus diei negotia optimè peragenda opem implorabat: domum reversus aures advenientium postulatis accommodabat si qui ad eum venissent, si minus intra cubiculum lectioni, ac rerum agendarum studio vacabat.

VIII. A prandio post meridiem ferè duas horas dilato, ad Angelicæ Salutationis vespertinæ signum adeuntibus aures præbebat: mox duas, tresve cubiculo abditus horas orationi dabat. Dein familiaribus Clericis accitis matutinas preces ad horam simul perducebat. Demum coenulâ abstemiâ, hoc est modico tantùm pane, & aquâ refecto corpore, iterum ad orationem secedebat, partim mente, partim voce conceptam: nam quotidie bis officium Defunctorum ac B. Virginis, aliasque pias preces trium ferme horarum spatio continuatas recitare illi mos erat. Quem morem tenacissimè domi, peregre, summâ religione servasse fertur. Eo vero tempore a nullo interpellari, aut adiri volebat, non hominum, non rerum gravitatem tanti faciens, ut propterea a rebus Divinis se avocari pateretur. Circa tertiam noctis vigiliam, ut somni aliquantulum caperet, a famulo monendus erat.

IX. Dies nunquam dormientem; occupatum semper in Divinorum contemplatione invenit.

X. Sacrificium quotidie Divinum ubicunque tandem esset, ut ut valetudine affectus, & facere, & dum fieret interesse consue-

Ibidem
p. 92.

Ibidem
p. 192.

fuavit. Quamobrem sine sacris vestibus; neque asperrimas montium solitudines adiit. Animo nonnisi apparatissimo rem Divinam tractabat, eaque peractâ, diu in gratiarum actione, mente in Deum defixâ permanserat.

XI. Iter meditabundus ferè agens plus cœli animo, quàm terræ passibus metiebatur: ad viarum difficultates, & pericula minimè attentus; non pervagari huc illuc oculis, non rerum, aut locorum specie capi, non ex familiarium confabulationibus levamentum petere.

XII. Ita Dei Caritate inflammatus videbatur, ut vultus etiam scintillis emicaret. Nec defuere, qui in ejus fronte sideris quandam speciem ardere inter ea potissimum caritatis officia, quæ in abluendis pauperum pedibus quotannis Christi Domini imitator obibat, cum admiratione suspexerint.

XIII. Caritate in Deum Angelos pene æquasse omnes ferè testes confirmant. Quam quidem ex Divinæ familiaritatis consuetudine proficisci solere, sacrarum litterarum auctoritate, & exemplis satis perspicuum est.

XIV. Haud dubium, quin Deum toto corde, totâ animâ, totâ mente, totis viribus ex caritatis præscripto semper dilexerit. Quippe nihil in rebus, nihil in corpore, nihil in existimatione, ac fama, circa quæ bonorum genera, cor, anima, mens, vires mortalium maximè versantur, tam carum habuit, quod propter Deum abdicare, atque contemnere non semper esset paratus. Immo verò re ipsâ omnia præ Deo contempsit, domum, patriam, parentes, propinquos: Opes pauperibus eas dilargitus: Corpus laborum patientiâ, ac voluntariis poenis conficiens: Animam martyrii cupiditate exæstuans: Famam ab æmulis lacerari falsò vix curans, contumeliis affici gaudens: Vires denique omnes, nihil sibi aliquando parcens, nihil quod Deum velle sciret, non aggredi audax, vel cum vitæ, omniumque rerum jactura.

XV. Qui illius conscientiam moderabatur Franciscus Molina Sacerdos Truxillo oriundus ita de hac Turani caritate Divina testatur: Quo tempore apud eum se versatum, nam a sacris confessionibus fuisse ille se dicit, animadvertisse in homine singularem Divinæ caritatis ardorem, adeo ut omnis ejus cogitatio in hac una re versari videretur, ut Divinæ Majestatis honor omne augmentum, diminutionem nullam acciperet, a qua caritate neminem alienum esse, voluisse maximopere curando, ut ad eam omnes quos videbat perthaeret. Dininarum injuriarum fortissimum vindicem.

XVI. Di-

XVI. Didacus verò Moralius Sacerdos, ac testis æquè gravis hæc habet „Eo omnia animi fervore pertractabat, ut divino spiritu agi, assilarique dubitaret nemo, mirarentur omnes. Summâ erga Jesu Christi Domini nostri mysteria afficiebatur pietate. Quid quid ageret Divinam opem maximâ confidentiâ implorabat. Decretorum, ac Litterarum ejus clausula una hæc, & perpetua: Quod conscientiæ bene veritat: Deo in obsequium cedat. Illud totâ animi contentione cunctis in rebus providebat, ut Divinæ Majestati reverentia, atque honor, ut par est, haberetur. Quamobrem omnes ad Divinam servitutem cohortabatur, brevitatem voluptatum, ac vitæ hujus mortalis propositâ, æternæ spe gloriæ erectus, caduca quæque aspernari: corporis incolumitati nihil studere: ad animæ verò rationes, ac vitæ perfectionem, quidquid conducirer, illud quamvis arduum, quamvis difficile summâ alacritate aggredi. Res adversas etiam gaudens tolerabat, Deo gratias agens, summâque in eum fiducia confirmatus. Divinæ caritati semper vacabat: omnes simul eâ incendere conabatur. Audivi egomet nonnunquam in hominum corona exclamantem JUDICIUM, ÆTERNITAS, INFERNUM! Quibus verbis timorem circumstantibus incutiens, illos ad amorem Dei vehementer impellebat. Hoc se in Hispania ab insigni Divini Verbi Præcone, nomine Lupo didicisse agebat. Mox pluribus interpositis: Frequentissimus hic ejus sermo LAUS DEO; quo omnes ad se venientes salutare solebat, atque ad rei cujuslibet exitum uti.

XVII. Addit Joannes Roblensis: Incredibili animi moerore afficiebatur, quoties scelus a quopiam perpetrari intelligeret. Peccantes paternâ caritate increpabat: eos vultu lacrymis perfusus, ad pedes demissus orans, atque obsecrans, ut ab offensa Divina abstinerent. Illud quoque affirmabat. Mori se, quàm levissimâ culpâ scdari malle.

XVIII. Ad hæc accedit Religionis, Legum, Cæremoniarum studium, & cura pene incredibilis. His enim neglectis nullum caritati locum, aut esse in homine Christiano, aut esse posse facile quisque judicabit. Ibidem. P. 195.

XIX. Statim ab infantia Religioni se addictum TURIBIUS ostendit, suæque secum Deo deberi, cultu, quem ætas illa ferre poterat professus.

XX. Mox adultiori ætate, ac judicio sibi ab omni Dei offensa cavere, sacras expiationes frequentare summâ cum corporis,

rum

tum animi reverentiâ, Divinis rebus interesse nihil de iis alienum, nihil humile, nihil non sanctissimum sentire.

XXI. Ad hæc omnium studiorum suorum rationem, omnem vitæ ordinem ac modum in Religionis Divinæ amplificationem, tutelamque dirigere.

Ibidem.
p. 196.

XXII. Denique Reipublicæ gerendæ jam maturus Magistratum nullum accipere voluit, nisi ubi Religionem juvare, Divinamque rem promovere se posse speraret. Caritatis quippe Divinæ ardor ad hæc quàm sanctissimè præstanda illum adeo incendebat, ut ea omnia maximè vellet quæ Deo amato placere, quæque ad ejus cultum, & honorem spectare intelligeret. Neque verò satis ei videbatur eum a se coli diligique, nisi eodem planè modo ab aliis quoque coli, ac diligì curaret. Hinc ad ejus Religionem, & cultum cæteros quosque accedere cupiebat, quod ut consequeretur, per medios eam hostes et barbaras nationes invicto animo inferebat.

XXIII. Nec minori cupiditate flagrabat TURIBIUS, omnem Religionis labem ab universæ Provinciæ suæ sinibus, totoque terrarum orbe propulsandi; ut Deo cultus ubique summâ sanctitate, integritateque haberetur.

XXIV. In Religionem crimina majori odio prosequeretur, gravioribus suppliciis vindicabat. Divinum nomen a juratoribus usurpari non nisi sanctissimè, gravissimâque causâ in judiciis, ferebat: nedum execrabiles in id contumelias impiè jaci impune permetteret.

XXV. Aedes sacras splendidè ædificari quàm maximè fieri posset, ornatèque instrui volebat. Plures ipse suâ pecuniâ, & crexit, & exornavit.

XXVI. In rebus ad Divinum cultum spectantibus, nihil æquè odit quàm sordes. Decorem Domûs Dei maximè diligebat.

XXVII. Dies festos eos maximè, quibus Dominicæ Passionis annua memoria recolitur, præcipuo cultu agi curabat. Per eos quippe dies vix parum panis, & aquæ frigidæ corpori concedens, animum, vires in omni religionis, ac pietatis genere exercebat, in eo totus ut Divinis Misteriis piè excolendis suo in Deum amori obsequeretur, aliosque ad hæc eadem præstanda suo exemplo induceret. Hæc omnia Testium verbis dicere, & confirmare, fuerit fortasse majoris operæ pretii. Sit primum Sanctis Abulensis Viri a pueritia apud TURIBIUM educati testimonium.

XXVIII. *„Scilicet, animadvertisse in TURIBIO studium Divini ho-*

ni honoris non exiguum, quippe qui nunquam permetteret, ut coram se quisquam juraret. Si quando verò juratores admittere judiciali causâ cogeretur, multis eos, ac gravissimis verbis præmonebat, jurisjurandi religionem, pejerandi improbitatem, poenas etiam Divinis humanisque legibus in pejerantes constitutas diligenter attenderent. Templorum honestatem, atque ornatum semper curavit, quòd in Dei, ac Domini nostri laudem cederet. Mandabat sacras vestes ad Sacerdotum, atque altarium cultum comparari. Sicubi res ita tenues essent, ut id a Parochis fieri non posset, vasa argentea, atque inaurata, eleganti artificio confecta quæ secum ab Europa convexerat, pretio singula ducenorum ferè aureorum nummum, unde calices, patinæ, urceoli, Cruces, quæ passim e ligno erant, ex argento conficerentur donabat. Si quid pecuniæ ad Templorum facta tecta sepositum intelligeret, in eorundem ornatus, ac in alia necessaria impendi mandabat. Itaque Ecclesiæ acerrimus defensor extitit. Optavit quàm splendidissimè res ejus administrari: Symphoniacos etiam ex Indorum genere adesse, qui psallendi modos, atque artem pueros, cum legendi scribendique notitia docerent, quos pauperes ut Divino cultui addictos, quadratis pileolis, aliisque ad sacrorum ministerium pertinentibus instrui jubebat.

Ibidem.
p. 197.

XXIX. Addit Andreas Dias Canonicus Limensis Ecclesiæ, ac Juris prudentiâ clarus: Operam perquam diligentissimè dedisse ut divina officia summâ curâ peragerentur, servatis admodum iis, quæ in libris cæremoniarum, Pontificali, Rubricis, tum Missalis, tum Breviarii constituta leguntur. Sacris verò Insignibus, Aedibus maximum cultum, & venerationem habuisse: ab offensa Divini Numinis, quæcunque illa tandem esset, cavisse: laudem, & gloriam eidem comparare semper studuisse.

XXX. Joannes Cepeda Regii Sacellarii dignitate vir præter cetera insignis: Divini, *inquit*, cultus studiosissimus fuit, quippe qui nihil aliud tam seriò agere videretur, quàm ut Pontificales cæremoniæ, unâ cum Missalis, ac Breviarii præscriptis regulis, a se aliisque omnibus exactissimè servarentur. Templorum verò decorem, ornatum, cæteraque ad rem Divinam splendide pertractandam necessaria negligi minimè patiebatur. A salutatione Angelica vespertina ea jussu ejus claudebantur. Sacram suppellectilem, altaria, vasa sacra in iis desiderari non

„ ferebat : quæ ne deessent pluribus locis , suâ operâ , ac sumptu
 „ confecit .

XX XI. Mauricii quoque Rodriques testimonium non con-
 temnendum : „ Sex , *inquit* , noctis horas divinis commentatio-
 „ nibus totas impendebat . Interdiu cum in expediendis negotiis
 „ versabatur , quæ Provinciæ administratio asserret , tum in Ho-
 „ rariarum precum recitatione , atque in aliis pluribus exercita-
 „ tionibus multum temporis collocabat . Quotidie sacris ope-
 „ rabatur in Basilica : quibus peractis sub Templi testudinem se-
 „ cedens , alios sacris operantes spectabat , summâ pietate Divi-
 „ nam sibi opem implorans . Vbi duas trefve horas morabatur ,
 „ Sacerdotes observans , an in re Divina conficienda a cæremoniis
 „ præscriptis recederent . Quod si contingeret , eos ad se
 „ deinde acciri jubebat , erroris humanissimè admonendos . Sa-
 „ crificium in domestico Sacello fieri , ne vultudinis quidem cau-
 „ sâ malâ affectû pertulit : sed aut ægrè per se incedens , aut servo-
 „ rum operâ adjutus in Templum se conferens ibi Sacris adera-
 „ tur .

XX XII. Hæc aliaque hujusmodi plura ex caritate quâ Tu-
 nius in Deum flagrabat profecta , quisque rem attentè perpen-
 dens faciliè affirmabit . Qui enim verè Deum diligit , nihil , quod
 Dei est negligere , nihil summâ diligentia curare non potest .

XXX III. Nec minus amoris curæque illi fuit in Sanctam
 Romanam Ecclesiam . quam ut Matrem piè obsequens filius sum-
 mâ semper est observantiâ profectus . Quidquid enim ab illa
 constitutum observandumque cognoscebat , promptâ obedientiâ
 exequabatur , utque id ipsum ab aliis fieret omni ope curabat .

Ibidem
 p. 198.

XXX IV. Pontificum scita tanquam Dei ipsius auctoritate
 lata præterire aut negligere nunquam ausus . Ejus Capitis se se
 membrum semper professus , a quo nec dividi , nec dissentire un-
 quam , parere verò , perque omnia sequi necessarium putavit .

XXX V. A Romanæ Ecclesiæ Consultis , Legibus , Decre-
 tis , Conciliis , ne latum quidem unguem discissit , nisi ejusdem
 summi Moderatoris privilegio eximeretur (multis enim eum
 cum propter longinquitatem locorum , tum propter personæ di-
 gnitatem Pontifices privilegiis exornant) Præcipuum verò stu-
 dium adhibuit in iis , quæ in sacris Juribus , aut Tridentina Syno-
 do jubentur . Ea enim omnia , ut perhibent , etiam memoriæ
 mandaverat . Tridentinam semper in sinu habuit , ejus lectioni
 temporis particulas subsecivas , aliisque occupationibus vacuas
 impendens , ut firmitus memoriæ imprimeret . Si quid in ea non

ita

ita perspicuum videretur, quod explicatione indigeret Romanum. de ea re Pontificem consulebat. Omnes verò animarum curæ Præpositi, ut accuratissimè ejus decreta fervarent ita curavit, ut in eos non leviter animadverteret, qui non solum in ea quippiam peccassent, sed apud quos non ea reperisset.

XXXVI. In iis nunquam dispensationibus usum ferunt, Ibidem, p. 199. quamvis homines nonnunquam auctoritate, meritisque insignes postularent: id in sacris Ordinationibus servatum inprimis voluit. Iisdem adductus Seminaria Clericorum ædificavit: Collegia sacrarum Virginum erexit: sacras Aedes, Sacella, sodalitates plures instituit, dedicavit. Concilia præterea habuit, Provincialia tria, Dioecesana tredecim, pluraque habuisset, nisi Gregorius XIII. privilegio Tridentinæ Constitutioni nonnihil quod ad tempus prorogatum fuisset. Quippe ei concedebatur, ut Dioecesana in biennium, Provincialia in septennium differre posset. Quo privilegio tantâ religione usus est, ut quamvis leviuscula, aut nulla essent negotia comitiorum coitione digna, plurima verò incommoda, cum sibi iis temporibus Provinciam ferè obeunti, tum Patribus difficili, longoque itinere conventuris occurrerent, ac deterrere viderentur, nihilominus ea & indixerit, & consecerit, tantum ut sacris constitutis pareret.

XXXVII. Ex his cui caritatis in eo Divinæ magnitudo obscura aut dubia esse jam queat? Nimirum nullum illius indicium evidentius (siquidem oraculis Divinis, atque Apostolicis fides est, quæ maxima esse debet) quàm mandatorum observantia, ac studium. Ex ore illud veritatis: *Si quis diligit me sermones meos servabit (Jo. 14.)* Et illud æquè: *Qui dicit se nosse Deum, & mandata ejus non custodit mendax est, & in hoc veritas non est. Qui autem servat Verbum ejus, verè in hoc Caritas Dei perfectæ est (1. Joan. 2.)*

CAPUT XIX.

In Virginem Dei Genitricem TURIBIANA pietas.

I. SECUNDUM Deum Divinam Genitricem MARIAM Virginem summo studio, ac pietate semper coluit Lib. II. CXXVII, p. 163. TURIBIUS. Ad hunc porro in Deiparam cultum, quæ facere videbantur, Hyppolitus Marraccius frater meus, in Antistitibus suis Marianis, ea decerpit, ac diligenter executus est. Quamobrem eadem prellius hic reddere paucis additis ex Actis, satis esto.

II. An,

I L. Antiquissimam illi, hujusmodi fuisse pietatem illud satis ostendit, quod adhuc adolescens, dum Vallisoleti disciplinis operam dabat, pustulâ manum molestissimâ occupante remedium ab ipsius Virginis Imagine, cui a Sacrario nomen, & quæsit, & ratione planè mirabili invenit.

III. Diurnum præter alias pias preces Officium ejusdem parvum semper persolvit, etiam postquam ad amplissimæ Provinciæ Præfecturam evehctus, rerum gerendarum multitudine, gravitateque obrui videbatur.

Ibidem
p. 164.

IV. E Limensi suburbio Effigiem B. Virginis cognomine Capocavanam, quæ multis miraculis clarere cœperat, in Basilicam Urbis nobilissimam honorificentissimè transtulit: ubi insigni Sacello extructo, sodalitate simul Indorum hominum, quæ ejus cultui addicta deferviret, institutâ, in Virginis cultu suas potiores delicias constituerat. Plures diei horas inter Divinas preces ibi traducere: sacris mysteriis operari: sacris Ordinibus initiare: Christianis auctoramentis confirmare solitus.

V. Nec minori amplitudine in augustissimo Deiparæ Templo apud Guadalupas, quo loco divinitus de vicina morte admonitus est, ædiculam condidit ornatu, ac censu splendidam.

VI. Ad hæc Collegii Sanctissimæ Deiparæ Virginis Sponsi Josephi Virginum Discalceatarum, sub auspiciis purissimæ, atque Immaculatæ ejusdem Virginis Conceptionis auctorem eum fuisse Joannes a Rocca testis gravissimus prodit.

VII. Præterea Divæ Claræ Collegio magnificentissimè extructo, Imaginem illuc Deiparæ Virginis, famâ miraculorum illustrem, cui a Pegna Franciæ cognomen, transferri ex agresti, humilique ædícula, quò honestius, sanctiusque eoleretur jussit, ut in suo testimonio Christophorus Ortega est auctor.

VIII. Denique nocturnis itineribus defatigatus, dum Provinciæ res invisit, Sacerdotes domesticos, ac famulos omnes sibi adesse volebat, ut unâ cum illis Litanias Beatissimæ Virginis decantaret. Quæ de re Didacus Moralius in suo testimonio: „ Dum „ Malam, *inquit*, proficiscimur, offusâ nocte per iter satis aspe- „ rum, acclivitate arduum multa Præsul Noster perpeffus est „ mala. Ibat verò Divinas laudes jugiter versans, ac Deiparæ „ Virginis Litanias præcinens. Cui Religiosus Vir Melchior „ Monfonius, qui mecum simul venerat, & Capeda succinebant. „ Videbamur autem nobis Angelum audire canentem; adeo ut „ laborem itineris nullum sentiremus.

IX. Om-

IX. Omnes erga eandem Deiparam affectu pietatis inflammare studebat, ad Rosarii, & Coronę ipsius cultum, ac recitationem cohortari solitus.

X. Sodalitia quoque Indorum in Oppidis, ac Pagis sub Virginis Deiparę auspiciis plura instituit.

XI. Exilire gaudio solebat, cum visitationis causâ in montes eundum erat, proposito ante oculos Dei Matris exemplo Elizabetham invisentis, de qua illud: *Exurgens Maria abiit in montana cum festinatione &c.* (Luc. 1.) Quę verba cum suavissimè recitebat, tum pulcherrimis concionibus exornarat.

XII. Deiparę virtutes nunquam suspicere, nunquam imitari desit.

C A P U T XX.

Corporis, atque Animę Virginalis integritas!

I. **O**MNES pene Testes rite sanctęque jurant ab infantia omni tempore ita ab ipso servatam, ut omni impure labis inquinamento caruerit. Lib. III.
Ca. XXI.
p. 298.

II. In ipso juventę lubrico, inter profligatę pudicitię adolescentem incontaminatum virginei pudoris florem non sine admiratione servasse supra jam diximus.

III. Ita verò in omni vita se gessit, ut omnem contrahendę labis occasionem procul habuerit. Nullius familiaritate, nisi probissimi usus est. Inquinatorum consuetudinem sibi interdixerat. Non turpitudinem solùm, sed & nomina ipsius apprime perosus. Ne in improborum amicitiam fortè per imprudentiam incideret, ab ipsa pueritia, solitudine delectari cœpit, cautè sibi timens a periculis in quę facillè incurunt non pauci, quibus non eadem attentio. Otium cupiditatum malarum artificem in primis nequissimum, vitę suę adrepere nunquam sivit: tempus inter Divinas, humanasque res ita partitus, ut nihil vacaret, nihil efflueret. Dei, ac Cęlitum familiaritati plurimùm dare, reliquum studiis. Ibidem.
p. 299.

IV. Jam Sacerdos, atque exemplar virtutum tot populis datus majorem in modum eidem integritati cavuit. Cum fœmina, licèt honesta, etateque graviore verba sine arbitris facere non consuevit, nec sine magna necessitate. Pulcherrimum illud, quod in Alphonsi Castrensis testimonio invenitur. „ Apud Caram „ Peruanum Oppidum fœmina in primis nobilis nescio quid con-

„ controversiæ cum leviro suo habens, in qua operâ ipsius egē-
 „ bat, libellos in hominem scriptos, ad Præsulem deferre ausa
 „ est. Intempestic noctis silentia secreti causâ delecta. Igitur
 „ circa tertiam noctis vigiliam, ad cubiculum ejus clanculum
 „ veniens, famulis tunc aliò intentis, ad januam accedit, pulsata,
 „ Divinis officiis adhuc vacantiem interpellat. Ille intus respon-
 „ dens quis? quid veniat, quærit. Ubi sermone Civitatis no-
 „ bilissimam, libellos ad se deærentem, & colloquium poscen-
 „ tem audit, valde eâ re commotus, verbis minimè blandis:
Quæcunque tandem sis, inquit, nihil ages: Quin potius si quis pu-
dor, apage te hinc continuò pacificè. Egone te hac noctis horâ in cu-
biculo audiam, cui, ne interdum quidem, cum seminis miscere ser-
mones mos est? Eâ repulsâ mulier contemni se arbitrata, agrè-
 „ que id animo ferens recessit, libellis in januæ rima relictis.
 „ At Præsul exacto die, Cubicularium suum acrius objurgavit,
 „ quòd ita negligentem Præsulis curam habuisset, vehementer
 „ orans, atque imperans in futurum ne se incustoditum relinque-
 „ ret.

Ibidem.
p. 300.

V. Aspectum quoque muliebrem usque adeo timuit, ut vix
 forori Grimaessæ domi suæ locum esse permiserit. Quæ cum
 aliquando ancillas quasdam adhibuisset ætate adhuc florentes,
 easque Præsul domo egrediens vidisset, ea de re vehementer cum
 illa expostulasse dicitur; ac se nisi puellas ancillantes Sacerdota-
 li domo abesse juberet, aliò procul dubio demigraturum. Neque
 enim fas esse Præsulis domum adiri, nisi a Viris Religiosis, ac
 Deo addictis.

VI. Osculum manus a foemina, ne venerationis quidem gra-
 tiâ unquam admisit. Propior nunquam stetit, aut consedit.
 Oculos in vultum nunquam, aut conjecit, aut extulit. Interdum
 causam afferentes, aut opem petentes audire magis necessariò,
 quàm sponte, paucissimis expedire: noctu, nec audire omnino,
 nec alloqui passus.

VII. Virginum Divino cultui addictarum Collegia, quod
 ejus munus erat, invisens, ab earum aspectu, quamvis in iis Ne-
 ptes & consanguineæ forent, oculis temperare semper visus.
 „ Quo tempore, ut testis utar verbis, extra se positus videba-
 „ tur, atque a sensibus corporis remotus, Angelicam similitu-
 „ dinem referens.

VIII. Fatali ægritudine oppressus, nullam, aut foeminam, aut
 foeminarum opem, quarum apud eas gentes præcipuus in re medi-
 ca est usus admisit.

IX. Si

I X. Si quando ad ejus cubiculum germana soror, secretos de aliqua re gravissima sermones habitura cum fratre venisset, continuo ille egrediens, egredi & ipsam jubebat, ut ab arbitris spectari possent; causatus, minus incommodi foris, quam intus aeris æstus afferre.

X. Omnes Divino cultui, aut animarum curæ addictos honestatis, ac pudicitiae studiosissimos optavit. Præfecturis iisdem amovere, ac gravissimè animadvertere in eos solitus, quorum vita, & mores ab omni impudicitiae suspicione alienam non reperisset. Evangelicum illud sæpissimè inculcans, Nisi efficerentur sicut parvuli, simplicitate videlicet, pudore, innocentia, non intraturos eos in Regnum Cœlorum.

Ibidem
p. 302.

XI. Hinc fiebat, ut exemplo tanti Præfulis tam conspicuo virginæ integritatis, omnes non solum domestici, ac familiares, sed externi etiam, & Provinciales quique permoti, Castitatem, ac verecundiam magnopere sibi colendam, servandamque putarent: ac multi tum virorum, tum foeminarum hujusmodi virtutum laude florarent.

XII. Paulus Moja Contrerensis Vir summâ fide, & auctoritate ita habet: „ Fuit TURIBIUS usque adeo honestus, ut libidinis ne verbum quidem audire, vel minimum posset. Homines verò lasciviâ inquinatos, etsi alioquin doctrinâ, ac litteris insignes sibi majorem in modum displicere palam ostendebat. Illud notissimum, omniumque opinione receptum, Virginitatem perpetuò illibatam eum servasse; puramque ab omni labe vitam duxisse. Ejus quippe honesta vivendi agendique ratio ita credere persuasit, non iis solum quibuscum hîc conversatus est, sed & iis quibuscum adoleverat in patrio solo: huc enim si quis eorum ad nos adveheretur, id inter alia de eo prædicantem audiebamus. Itaque in ejus Virginitatem publicis acclamationibus itum est: qui sine arbitris, nunquam loqui cum foemina visus, nisi forte si qua opem imploratura, aut jus suum postulatura venisset.

XIII. Bartholomæus Menachus: „ Castitate, inquit, ac pudicitia, supra omne encomium præcelluit. Feminis, si quæ audiri ab eo omnino vellent, allatis causis, invitè, atque agrè aures dabat. Quod non obscurè deprehensum ab iis, qui aderant. Nullam verò secretò allocutus, quamvis Religionem professam. Eò honestatis pervenit, ut ne Collegia quidem sacrarum Virginum, quibus præesse cogeatur adiret, quò ea-

„ rum ullam inviseret , aut alloqueretur . Vix festis quibusdam
 „ anni diebus , sacris apud eas mysteriis interesse non refugit , a
 „ quibus tamen statim domum revertebatur .

Ibidem
 P. 303.

XIV. Subscribit Petus Ortega Sotomajor egregius Theo-
 „ logus his verbis : „ Præfulem TURIBIUM ALPHONSUM se novisse ,
 „ castitate, omnique modestiæ genere adeo insignem, ut oculos
 „ ad mulieris vultum nunquam erigeret , nullamque ex eis allo-
 „ queretur , nisi multis præsentibus , iisque causis , quibus neces-
 „ sario cogeretur , hoc tamen interdium ; nam noctu muliebres
 „ omnes sermones refugisse . Domesticos quosque hanc ejus pu-
 „ ritatem sibi imitandam proposuisse : immo per totam Provin-
 „ ciam Sacerdotes , exemplis sui Præfulis tam perspicuis atque
 „ commendatis ad hæc eadem præstanda inductos . Cui quidem
 „ virtuti a primis annis singulariter eum addictum fuisse . Qua-
 „ mobrem ratum , certumque inter eos , qui a pueritia cum eo
 „ versati erant , simulque adoleverant , incontaminatam semper
 „ animæ , & corporis integritatem illum conservasse .

Ibidem
 P. 304.

XV. Pluribus jam uti Testibus quid opus , cum omnium pe-
 „ ne eadem sint verba , idem omnes affirmant ? Ex his facile col-
 „ ligitur quo amore cordis puritatem , vitæque integritatem Tu-
 „ ricius dilexerit , & quantâ vigilantia custodiverit .

LIBRI TERTII FINIS.



VITÆ



V I T Æ
S. TURIBII ALPHONSI
MOGROBESII
LIMENSIS ARCHIEPISCOPI

LIBER QVARTVS.

CAPUT PRIMUM.

*Proximæ mortis suæ conscius TURIBIUS
ægotare incipit.*

I.



ANNUM sexagesimum octavum TURIBIUS agebat, Anno a Christo nato MDCVI., cum susceptâ in Provinciam tertiâ profectiōe, cujus quâdam parte peragrata, Guadalupem circa mensem Martii pervenit. Locus is Augustinianorum Collegio, Temploque B. Virginis celeberrimus in Convalle Pacasmajo maritima, Urbe Limâ trecentis passuum millibus ferè distans. Ubi Religiosum hospitium, meridiani solis causâ ingressus, in quietem corpus exiguum exolvit: quo tempore æternæ mox acquirendæ certior factus fuisse creditur, corpore ærumnisque mortalibus exolutus. Nam remittente mox astu, cum ad itineris prosecutionem a familiaribus compellatus fuisset; sub digressum, aliud sibi iter urgendi jam tempus advenisse, manifestis verbis prædixit.

Herrera
lib. IV. c. I
p. 309.

Z 2

II. Po.

II. Postero die ægritudine tentari cœpit, quam tamen non tanti fecit, ut prosequi propterea cœptum iter non vellet. Itaque litteris ad Ludovicum Lopensium Quitensium Antistitem missis, quibus rogabat, ut proximis diebus olei consecrationem, ac cæterarum sacrarum rerum administrationem pro se ægro tante obiret; Quereppem, inde Requem Oppida venit, resque in his sacras recognovit, eâ tamen celeritate quâ potuit maximâ, morbo in dies gliscente, ac gravius premente.

III. Hebdomadæ sanctioribus Dominicæ Passionis, ac mortis mysteriis dicaræ tertius dies erat: quos illi dies sanctissimâ religione, singularique observantiâ transigere solemne fuerat. Jejunii primùm sacras leges exolvere, ne eo quidem rerum, ac vitæ statu sibi fas putavit, multoque minus cibis eo tempore vitæ vesci, quod a Medicis jubebatur. Mox obedientiam jejuniis præstare ubi secum ipse reputavit, Medicorum voluntati cedere non recusavit, adeo tamen cunctanter, ac religioso pene dixerim metu, ut prius a Sacerdote loci Præfesto edendi carnes facultatem sibi fieri voluerit; quasi ne tum quidem sibi rectè consulere, suoque de rebus suis iudicio deliberare, sine erroris suspitione posset.

Ibidem,
p. 310.

IV. Sagnam eodem, aut sequenti die iter dixerit, quò cum ventum esset, ita se vis morbi statim explicuit, ut contemni jam ultra non posset. Apud Joannem Herreram ejus oppidi animarum curam gerentem hospitio receptus est, a quo facultatem cibis eo tempore non concessis vescendi confirmari, memorabile Christianæ demissionis exemplum, voluit. Tum, quò brevius sibi vivendi tempus superesse videbat, eò amplius a virtutum exempla edere contendit. Si unquam aliâs Divinæ se voluntati, suæque omnia tunc conformavit.

V. Liberalibus statim largitionibus omnium sacrarum Aediorum, Collegiorum Religiosorum, infirmorum, egenorumque incolarum sibi opem implorare studuit, non vivendi sanè cupiditate adductus, sed rectè moriendi.

VI. Venâ exsolutâ, ac medicamentis adhibitis ex Medicorum præcepto (tum primùm his uti coactus, ante inediâ morborum causis occurrere, flagorum dilacerationibus sanguinis vim diminuere consuetus) valetudinis recuperandæ vix ulla spes affulgebat, cum vis morbi non incerto periculo mortem jam ingruentem minitaretur. Quod videntes Medici, Naturæ Artem suam cedere confessi, de ipso actum pronuntiarunt. Ibi Joannes Roble-

blesius Sacerdos domesticus, cum identidem ab eo referri cum laude audisset de quodam Granatensi Antistite omni virtutum genere ornatissimo, qui ægrotans, munus nuncianti primùm sibi de mortis suæ die receperat, in eam venit spes, fore ut si Turibio pauca vitæ momenta superesse nunciaret, ab eo præmio non vulgari liberaliter donaretur. Ad eum itaque Roblesius accedens: *Meministi ne, inquit, exempli quod de Antistite Granatensi non semel narravisti, qui liberali manu remuneratus illum fuit, a quo mortis jam impendentis certior factus erat?* Cum ad hæc se hujus rei bene meminisse Turibius affirmasset; ergo, Roblesius reposuit, *ad hoc ipsum faciendum hoc exemplo tuoque promisso obstringeris: ideoque præmium quod hac de causa pollicebaris expecto; primus enim te propediem ex mortali hac vita ad sempiternam evoluturum patefacio.* His acceptis veluti optatissimis nunciis incredibile dictum est, quàm totis præcordiis gestiens exultaverit. Continuo sublatis in cœlum cum manibus oculis, læto præter omnem morem vultu, iisdem ac Granatensis ille vocibus exclamavit: *Lætatus sum in his quæ dicta sunt mihi in Domum Domini ibimus.*

VII. Post hæc de supremis Tabulis conficiendis cogitavit, Ibidem. in quibus jussit: Res, quas secum advexerat inter domesticos famulos distribui: quidquid annui censis, instrumenti familiaris domi relictum, pauperibus cedere, ad quos propinquitatis jure arctiori se pertinere profitebatur: corpus exanime efferri Religiosis vestibus contestum, Dominicanâ Franciscanâ, Augustinianâ, ad Urbem deportari, intra Basilicam humari: cor verò exëptum apud Divæ Claræ collocari, monumentum religiosi amoris ac paternæ benevolentiae, quâ ejus loci Virgines Dei sponas semper fuerat profecutus.

VIII. Jam morbi vi prope summâ lectulum in Templi angulo sibi componi jussit, Viaticum Divinum accepturo: neque enim dignè factum putabat venientem ad se Deum opperiri in cubiculo. Quo uti jusserat, factum; ubi eo in lectulo collocatus, Sacerdotem sibi sacra Mysteria asserentem conspicatus est, largo fletu ora perfundens, singultibus pectus crebris quatiens, caritatem quâ flagrabat tunc ardentius ostendit. Internam verò illam pietatem, demissionem, reverentiam, gaudium, piique animi significationes, quibus ad se venientem excepit facilius cogitare, quàm verbis exequi, & narratione complecti potest quicumque rem attentè perpendit. Ex iis qui morituro aderant vix ullus a lacrymis temperavit. Omnes tanti Præsulis jacturâ, quam

Collegii Moderator erat Joannes Ramiresius fidibus canere Cap. n:
P. 314.
sciens. Huic Præsul mandavit, ut Dechachordo caneret coram

se Davidicum Carmen : *Credidi propter quod locutus sum.* Quo obsequente, aures a sacris modulis, oculos a Jesu Christi e Cruce pendentis, ac Sanctissimorum Petri & Pauli Imaginibus non avertit.

III. Mox iterum Fidem rite professus, ejusdem a circumstantibus Synbolo decantato, veniam simul cum lacrymis a Deo suorum peccatorum precatus, effigiem Crucifixi in manu gerebat, iterum fidicinem rogavit, ut similiter aliud Carmen inciperet: *In te Domine speravi &c.* quo ad extremum illud deducto: *In manus tuas commendo spiritum meum*: manibus in Crucis modum efformatis, animam suo Creatori reddidit, ad extrema momenta, vocibus, ac sensibus integris nihilque turbatis, decimo Calendas Aprilis, sub vesperam tertiâ a meridie horâ; quo tempore, Ibidem.
P. 315.
bonus Jesu Christi æmulator, caritatis singulare specimen exhibere quotannis ante consueverat pauperum pedes abluens, iisque Ministri officio fungens singulari caritate coenam præbens, anno a suscepto Archiepiscopatu quinto ac vicefimo.

IV. Corpus ejus exanime suavissimum spiravit odorem. Vultus gratia incorrupta, ac nitor quidam singularis permanfit,

C A P U T III.

Prodigia mortem consecuta, ac funus :

I. **N**ON paucis, aut levibus, sed multis, ac fide dignis Cap. III
P. 316.
testibus proditur eadem nocte visum insolitâ claritate cælum splendescere jubare purpureo in Crucis similitudinem latè quadrifariam partito. Quod Limæ animadversum mortis, & gloriæ ipsius per laboriosissimæ vitæ, quasi perpetuæ, atque ingentis Crucis patientiam, comparatæ certissimum indicium, ab interprete Divinorum Virgine religiosa, acceptum est.

II. Addunt alii Lunæ defectum ad quatuor, & amplius horas præter morem omnem, ac tempus: quo intelligeretur, luminare ejus Regni TURIBIUM Præsulem sanctitate clarissimum extinctum, in terris esse desisse.

III. Statim ab excessu exenteratum cadaver, atque unguentis conditum. Cor detractum in Divæ Claræ, uti mandaverat, parte Templi superiori, honorifico loco anno sequenti collocatum, additâ Petri Villagomesij Successoris, & consanguinei inscriptione hac sepulchrali.

Huic

*Huic tradi jussit proprium TURIBUS urna
 COR, donec, sicut Spiritus, astra petat.
 Sanguine quem clarum genuit MAJORICA Villa
 VALLISOLETUM nutrit, excoluit.
 Hinc a Salmantinis, qui dicuntur OVETI
 Collegis rapitur dignus honore toga.
 Post Censor Fidei factus regnante Philippo i
 LIMANOS Populos, ut regat eligitur.
 Commisam rexit blando moderamine sedem
 Subjeclis placidus, pauperibusque pius.
 CONCILIIS docuit Peruanos dogma salutis:
 Effusus speculum, normaque Pontificum.
 Formavitque Domum pueris, quam sacra docendis
 Tridenti Synodus jusserat erigere.
 Hocque MONASTERIUM struxit, Monacasque sacravit;
 Ut Domino fundant, nocte dieque melos.*

Ibidem
 p. 317.

I V. Illud mirum de intestinis ejus fertur, nullum in eis præteriti cibi vestigium fuisse repertum, atque ita jejuna, & inania, ut si nihil a multo tempore fuisset ingestum. Quod abstinentiæ laudi datum, & si quidam Medici inediâ confectum existimaverint.

V. Biduum jacuit in feretro, supra religiosas vestes cum quibus humari testamento mandaverat, propriis dignitati indutum, atque insulatum. Quo temporis spatio lugubribus Campanæ Templorum tinnitibus, populorum gemitus non tam ciebant quàm cumulabant. Pauperes amantissimum parentem amisisse se se querebantur, Sacerdotes Sanctissimum Pontificem, Religiosæ Familiæ amantissimum Patronum, omnes providentissimum Pastorem, clarissimum exemplar, columnen, ac præsidium singulare.

VI. Interea pecrebrescens inter vicinas Gentes acerbissimus nuntius, univerfas ad exequiarum suprema contraxit. Nulla ferè hominum cōditio, sexus, ætas defuisse visa est. Undique multitudo confluere certatim ingenti numero. Quæ quisque religiosè sanctèque facta dictaque a Dei famulo, aut viderat, aut audierat memorare. Deprædicare alii caritatem, alii Liberalitatem, alii Modestiam, alii Vjtæ integerrimæ candorem, alii laborum assiduam patientiam, alii alia. Erant, qui ante cadaver ad humum dejecti, ejus suis rebus opem, ut inter cœlites jam recepti implorarent. Multi ex ejus Reliquiis aliquid excerpere, uti pretiosissimum pignus collaborabant. Plures Rosaria, & Coronas admo-
 vere;

vere, sanctitate viri consecrandas curabant. Universi propius accedere, oscula pedibus infigere; defuncti vultum minimè deformatum; ora veluti adhuc spirantia; membrorum nullum rigorem; suavitatem planè cælestem ex iis efflantem admirari: tum acclamationibus sanctitati ejus favebant; felicitati gratulabantur.

VII. Ea fuit multitudinis vis, ut custodes circa feretrum statuere necessarium fuerit; ne aut in tumultum versâ se opprimeret, aut audacius quidpiam more suo moliretur.

VIII. Pridie ejus diei quo Christus Dominus noster tumulo redivivus; eodem ipso prioniori in occasum sole, funebri pompâ in princeps Sagneusium Templum elatum cadaver humatum est. Cujus bonus odor cum opinione sanctitatis longè, latèque diffusus, plurimos ad se ex vicinis, ac longinquis Regionibus veneratores excivit. Ibidem
p. 318.

IX. Limæ quoque ubi de TURIBII excessu nuntius allatus, novendialibus sacris ei parentatum est, apparatu lugubri ac magnificè instructo; magno totius Civitatis concursu, elogiis, luctu.

X. Vitam ipsius, ac laudes, Chilensium Præsul Joannes Peresius Espinosa e Franciscanorum coetu, gravi elegantique oratione complexus est; Exordio ex iis verbis deducto: *Ecce Sacerdos Magnus, quem constituit Dominus super familiam suam*. Virum Sanctum quotiescunque illum nominabat eundem appellans.

C A P V T IV.

Limam TURIBII Corpus honorificè transfertur.

I. **A**PUÐ Sagneſes per annum TURIBIANI Sepulchri maxima ubique fama, ac veneratio fuit: quo exacto in Limensium Sacerdotum cœtu deliberatum fuit de Corpore in Urbem ac Basilicam suam transferendo. Mattheus Consalvus inter Canonicos Magisterii dignitate præcellens translationi præfici-Cap. iv
p. 318. tur. Duodecim e Sacerdotali ordine delecti adduntur.

II. Ab his ubi Sagneſium in oppidum ventum est, locustumuli jure recognoscitur, detegitur, omnia circa corpus diligentissimè inspiciuntur. Mira res! Cadaver ante annum conditum perinde integrum, atque incorruptum repertum est, ac si recens sepultum fuisset. Labra purpureo adhuc colore suffusa, caro mollis, ac tractabilis, artus ad flexum faciles; forma denique omnis qualis aut vivo, aut nuperrimè extincto. Nihil in illud duæ illæ potissimæ corruptendorum corporum causæ valuerunt, lo-

ci humidioris natura , & calor ingens adjunctus .

Ibidem. 111. Igitur exhumatum inde summâ veneratione pretiosum pignus, loculo includunt, Limam læticâ advecturi . Quod non sine ingenti Incolarum mœrore fieri potuisse demonstrare verbis supervacaneum fuerit . Id tamen supremis Tabulis jussisse Præfulem , acerbitem doloris aliquantulum mitigavit .

IV. Plures ex oppidanis , ac loci accolis honoris ergò ad Urbem comitari statuere spatio centum, ac decem leucarum distantem . Eo porro in itinere infinita hominum multitudo e vicinis oppidis , ac vicis accessit . Ubicunque venientis rumor audiebatur , vidisses confluerè obviam virorum, ac mulierum cum cereis , ac votivis muneribus agmina: audisses deplorantium amantissimi Pastoris jacturam, flebiles voces , easdemque sanctimoniam ipsius acclamantes . Quemadmodum flumen principio modicum , collectis pluviarum , ac rivulorum influentium aquis præter modum excrefcit, sic turbis passim se se in comitatu adjungentibus ea multitudo augebatur donec ad Urbem deveniretur . Non satis viæ amplæ: effundebatur hinc inde more aquarum per campos . Nunquam tam ingentem hominum multitudinem intra sua moenia confluisse Limesis Civitas vidit . Nunquam ita viarum latera densis ordinibus obsessas; fenestras domorum adeo desideratas, fora tam frequentia: singultus acclamationibus miscebantur, hinc suam vicem lugentium , hinc illi beatitatem gratulantium .

V. Jam ad sacram D. Dominico Aedem intra Urbis moenia corporis deductio facta fuerat , cum cumulandæ funebris pompæ causâ ibi celfo pegmate depositum per bidui spatium relitum est , ut Populus qui frequens advenerat suæ in TURIBIUM pietati, suoque dolori ob illius mortem , hoc veluti lenimento satisfaceret .

VI. Interea funebri apparatu adornato inter Religiosorum hominum , Sacerdotumque Cœtus , Urbis Magistratibus adjunctis, solemni ritu ad Basilicam inde deportatum . ubi iterum jussis exolutis , laudatâque a Petro Nunnesio ejus Ecclesiæ Decano Viri sanctimoniâ , quia Mausoleum sub Aramaxima (quo paucis post annis , Bartholomæo Lobo Guerrerio , qui TURIBIO successerat curante illatum est) absolutum nondum erat , privato facello interea temporis condi , necessarium fuit .

Ibidem.
p.320.

TURIBIANÆ Sanctitatis summa ubique opinio .

I. **E**A verò , cùm apud eos , qui TURIBIUM viventem viderant , tum post mortem rebus hisce interfuerant , virtutumque præclarissima decora deprædicari audierant , opinio de eo percrebuit , animisque omnium in hæsit , quæ de Beatorum in numerum adscriptis ob insignem sanctitatem haberi solet . Cap. v.
p. 320.

II. Undique ad ejus , sepulchrum tanquam ad Viri sancti cineres concurriri ; vota nuncupari , supplices fundi preces , munera afferri : cætera denique omnia fieri , quæ cum Sanctis .

III. Quæ opinio ita constans , ita in dies auctior evasit , ut nemo TURIBI nomen sine sanctitatis laude enunciet . Nemo magnopere a Summo Pontifice enunciari non exoptet , quod jam tandem non privatis tantùm votis , sed & publicis quoque postulatur .

IV. Id nequis populari tantummodo favori niti putet , id vulgo , id optimatibus , id doctis , indoctis commune votum esse intelligat . Hoc non unius Peruviani Regni vocibus , sed Hispaniæ , Italiæ , Europæ , Americæ , utriusque tandem Mundi succlamationibus flagitari . Doctissimorum Virorum testimonia nonnulla , jam tum a principio congesta . Centum in Actis ejus jurati testes , eosque probatissimos ac summa fide dignos Vitæ Hispanicus Scriptor Antonius Legionensis recenset . Accessere post alii plures . Epistolas verò supplices ab Hispaniæ Regibus ad Romanos Pontifices binas . A Primatibus Toletano , Granatensi , Limensi , Plateni : Ab Episcopis Cordubensi , Salmaticensi , Legionensi , Pamplonensi , Calaguritano , Zamorensi , Pacensi , Conchensi , Vallisoletano , Cauriensi , Gaditano , Asturicensi , Glandomerensi , Auriensi , Abulensi , Oxomensi , Truxillensi , Chilensi S. Jacobi , Chilensi Conceptionis , Cusquensi , Panamensi , Guamangensi , Arequipensi , & Legionensi . A Capitulis , ut vocant , Cathedralium in idem quoque argumentum eodemque in TURIBI sanctitatem studio scriptæ Epistolæ . Ab Academiis Salmanticensi nova , veteri S. Jacobi Ovetensi , Complutensi , Vallisoletanâ , Limensi : A Religiosorum Virorum ordinibus , Prædicatorum in Peruvii , Franciscanorum , Augustinianorum , Redemptionis Captivorum , Jesuitarum , a Religiosarum Virginum coetibus Conceptionis , Incarnationis , Trinitatis Limensibus : a Clero Limano totaque

taque Civitate, a regio Præfecto ejus Regni, a Consulibus Urbis Regum, a Magistratu Rationum, aliisque pluribus quos recensere nimis longum esset, scripta, & missa in eandem rem ad summum Pontificem postulata.

V. Jam mos obtinuit apud eas Gentes, ut cum Sanctus Antistes dicitur, vel auditur, antonomastice **TURIBIUS** Alphonfus intelligatur, cujus exemplar tantæ auctoritatis est, ut cū rem quampiam magni momenti administraturi sint cujus exitum magnopere felicem, atque e republica velint, agendi rationem ab eodem auspiciandam putent; ita se in re simili gessisse æquè **TURIBIUM** memorantes.

VI. Quoties usuvenit, ut de sacri alicujus Præfulis laudabili Vita, ac sanctimonia incidat sermo, **TURIBIANÆ** comparatione amplificare solent, quem Præfulem non Gregoriis, non Chrysostomis absumilem fuisse deprædicant.

Ibidem.
p. 322.

VII. Nec solum **TURIBII** memoria in benedictione est, ejusque nomen celeberrimum, ac sanctum habetur, sed cum omnia, quæ ipsius aliquando fuere, tum Imagines quæcunque eum referentes piâ veneratione coluntur, conservanturque, immo felices, ac fortunatos se putant, qui vestium fragmenta, aut aliud ab eo acceptum, apud se quasi malorum omnium præsens remedium, possident: argenteis thecis inter pretiosissima hæc servare consueti.

VIII. Hujus opinionis causas duas potissimum esse puto, alteram, quæ in vita gessit heroica, alteram, quæ post mortem admiranda. De illa supra jam satis: hanc mox exequi incipio. Quâ cognitâ perspicuum erit opinor, non temere ita homines de **TURIBIO** sensisse, & opinionem, quâ illum Sanctis accensendum, jure merito arbitrabantur, certatim confirmabant. Ea etenim beneficiorum magnitudo est, quâ sibi quotidie mortalium mentes obligare constat **TURIBIUM**, ut ejus deprecationem ad supplicum vota consolanda plurimum apud Deum valere, plures expectantiâ docti cognoscant, omnesque pietate instructi ultro fateantur.

C A P U T VI.

TURIBIANI Corporis admiranda.

Cap. vi.
p. 322.

I. **I**LLUD cum primis Testes ferè omnes cum admiratione commemorant, quòd Viri Sancti Corpus cum indu-
men-

mentis, quibus involutum, aut ornatum fuerat, non incorruptum modò a morte permanferit, loco humentiatque mortuorum cadaveribus ob varias cœli aërisque injurias vehementer contrario, sed tractabile, & in omnem formam tanquam viuum flexu facile. Gratiam ad hæc oris, & coloris quamdam florentem in labris venustatem non potuiffe per mortem aboleri inter res dictu miras recensent.

II. Nam cœlestis odoris suavitatem, etiam ex ipso Cadavere emanasse, quis non miretur?

III. Antonij de Penaranda Viri ex Ordine Prædicatorum insignis testimonio, hoc memorabile proditur „ Quendam, ait, in
 „ sua familia inferioris ordinis fuisse Joannem Michaellem nomi- Ibidem
p. 323.
 „ ne, qui(quo tempore a Sagnensium Oppido in Urbem TURIBII
 „ Corpus translatum in in D. Dominici Templo expositum man-
 „ sit) opinione sanctitatis adductus, ex eo particulam sibi exop-
 „ taret. Temporis proinde opportunitatem nactus(quæ illi cum
 „ esset ædituus non admodum difficulter oblata est) noctu acced-
 „ sit, ac digitum dentibus abscindere primùm ausus est. Quo fru-
 „ stra diu tentato ubi nihil proficere se vidit, acutum exemit fer-
 „ rum, eo ratus rem con fici posse; & verò potuiffet vi, ac ferro, ni-
 „ si miraculo se defendiffet Vir Sanctus; quo ita sui corporis ar-
 „ ticulum adamantinâ quadam duritie complevit, ut vi ullâ
 „ nec ferro, nec cute quidem tenus leviter unquam violari, ne-
 „ dum refecari potuerit. Quamobrem prodigio ille obstupescens
 „ ab audaci incepto desit, particulâ tantùm vestium honoris ca-
 „ usâ defectâ, quo mirabili eventu venerationem erga TURIBIUM
 „ auxit, in opinione de illius sanctitate magis ideo confirmatus.

IV. Huc accedit, quod Didacus Alvarez Sacerdotali fide dignus de eodem corpore TURIBII affirmat suis se oculis pervidisse,
 „ hisce verbis, „ Supra annum menses aliquot a funere præterie-
 „ rant, cum TURIBII corpus ab Oppido Sagnensium, in Urbem Re-
 „ gum deportandum, exhumatum fuit me præfente, ac viden-
 „ te. Ibi nova res, & admirationis plena, barbâ recenter abrasâ
 „ ipsèmet videram cum tumulatum fuit, tunc auctâ, ac promif-
 „ sâ repertum est. At hoc, & naturæ dari posse non nego. Mul-
 „ tis enim capillum scimus, aut unguis a morte produci. Habet
 „ tamen rei miræ specimen in TURIBII corpore tamdiu ante vi-
 „ tã destituto, tam vivo persimili.

V. Pauca hæc in ipso corpore, pluras sunt quæ ab ipso in aliorum beneficium edita demiremur. Non enim otiosum in tumulo

colis, vadi audacius tentati exitus infelices. Proximè Religiosos quosdam Viros in summum laborem adductos, audaciæ suæ poenituisse, vix e mediâ morte erreptos. Quibus exemplis Matthæo Consalvo persuadere nitebantur, ne se, comites, sequentem turbam, Viri Sancti pretiosissima pignora, pari si non majori periculo vadis committeret. At ei persuaderi non potuit, ut in ripis sub ardenti Sole, totum diem consistens opperiretur, dum fluvius sub vesperam more suo detumesceret. Quid enim sacri pignoris advesfor timeret? Cur a Deo famuli sui meritis tutum vadum non reddendum speraret?

II. Talibus fretus auxiliis, ac fiduciæ plenus lepticam, quâ corpus vehabatur, præcedere jussit, ponè ipse cum tota multitudine consecuturus.

III. Vix jumentum primoribus ungulis aquam tetigit cum fluvius, qui erat altissimus humili repente lapsu subsidere, infra riparum aggeres lenius fluere, nullum turbidâ rapiditate metum incutere visus. Quid plura? Vadari nunquam se passus est tantâ undarum facili placiditate.

IV. Maximâ omnium mentes admiratione res planè mira affecit: tum verò maximè cum totâ jam multitudine transductâ, iterum visus est ab imo, in altitudinem priorem sustolli, solitoque impetu labi.

V. Nemo fuit, qui a TURBII sanctitate miraculum non agnosceret, nemo qui non ei immortales post Deum gratias agendas, habendasque non existimaret. Quæ opinio magis magisque confirmata est alio ejusdem generis prodigio in Barancæ fluminis transitu edito, cujus pari modo rapiditas compressa constituisse memoratur.

Ibidem.
p. 326.

C A P U T IX.

Pueris ægotantibus a TURIBII Corpore mira sanitas.

I. **S**ED & illa eodem in itinere mira. Truxillensem ad Urbem ubi perventum esset, ex accolis, pueri periculossimè ægotantis parentes cum ipso puero obviam processere a Consalvo etiam atque etiam flagitantes, ut ne filium loculo Sancti Præfulis imponi vetaret, a quo incolumitatem certissimè consecuturum sibi sperabant. Non difficile fuit ab humanitate pro quod optabant impetrare. Imponitur loculo puer, pro ejus sospitate

Cap. ix.
p. 326.

nondum pueritiam egressus triennium æger gravissimè decubuerat. Quamobrem cum Coniuge Anna Berrera nobili scæmina adolescentis matre molestissimis curis angebatur.

VII. Inter hæc de TURIBIANI corporis transvectione nunciis allatis, quod medicamentorum vi, humanisque artibus tamdiu non potuerat, exorare ab eo precibus, ac votis nuncupatis facile posse confidit. Quâ confidentiâ puerum ad eum locum perducunt quâ transitus illi futurus erat, ubi feretro postquam imposuere, opemque illi a Dei famulo vehementer expetiere, paucarum horarum spatio voti compotes domum suam læti cum filio jam sospite reversi sunt.

C A P U T X.

Puellæ incolumitas restituta.

I. **L**UDOVICI Vergæ Carrionis Santensis civis filia Petronilla nomine incurabili æquè ægritudini a triennio obnoxia, postquam TURIBIANO feretro (ab avia Anna Varquesia ad eum locum quâ portabatur ducta) incumbere permissa est, inter ipsius aviæ vota, ac preces omnino incolumis, ac bene valens recessit. Cap. ix.
p. 327.

II. Altera apud Guermæi Guauræ Provinciæ villam manibus, ac pedibus ægritudine longâ ita labefactis, atque debilitatis, ut agendi, incedendique prorsus impos videretur, jacebat, cum transvectio illac fieret. Mater piâ erga miseram sollicitudine adductâ, cui nullum inter homines remedium jam esse videbat, Confalvum magnopere obtestari cœpit, ut quo filiæ suæ infortunium depelleret remedium unicum ne abnueret, linteum a sacro Corpore, aut indusium detractum exoravit. Quo cum mox puellulam involuisset, factis ad TURIBIUM ipsum votis, continuo illa agiles a morbo manus ostentare, pedibus suis liberè incedere, nullo ægritudinis impedimento prioris teneri.

C A P U T XI.

Multiplex a TURIBII aspectu remedium.

I. **N**ONDUM Truxillo sacri Corporis sarcinam extulerant cum Mulier ulcerosum, impeditumque multipliciter corpus eò pertraxit, ubi illud constitisse dicebatur. Cap. x.
p. 328.

II. Hæc viventem Præsulem, pluribus olim beneficiis opitulatum

latum sibi fuisse professâ, ejusdem mortui aspectu frui posse novissimum omnium munus efflagitavit, certissimâ potioris alicujus beneficii fiduciâ scilicet salutis recuperandâ.

III. Tam piis, justisque votis ut fieret satis, loculi superiore parte remota, velamen quo facies, & corpus contegebantur subduci cœperat; quod dum peragitur ad primum TURIBIANI vultûs aspectum, sanam se mulier omnino esse, & cognovit, & pronuntiavit.

C A P U T XII.

*Alia agra, & capite dolens quomodo curata a
TURIBIO fuerit.*

Cap. x.
p. 328.

I. SEXTENTA hujusmodi toto illo translationis, & spatio, & tempore patrata, affirmantibus præsertim non obscure testibus, credere ego non dubitaverim. Pleraque tamen, ut sæpe querebar, & fortasse digniora cum iis ipsis, qui ea accipere in obscuro jacent oblivione sepulta, donec ad majorem Sancti nostri gloriam in lucem tandem proferantur. Id tamen solari dolorem potest, quod ea quæ habemus ejus generis esse videntur, quæ magnitudine suâ, multitudine saltem eorum quæ amissa fuere sarcire quodammodo possint.

II. Inter quæ illud quoque non spernendum, quod de alia ignoti nominis, ac loci foemina memoriæ proditur. In ipsa Corporis TURIBIANI transportatione accidisse tantum liquet. Illud enim dum prætervehitur, hæc membris ex longo tempore malâ valetudine affectis, in caput præsertim desæviente doloris acerbitate, ut ut valuit, propius se per turbam inferre ad feretrum curavit. Cum tandem accessisset fiduciæ potius, ac piæ voluntatis viribus usâ quàm suis, ac læticæ caput ægrum immisisset, sic repente cum toto corpore sanum retulit, ut deinceps ne doloris quidem vestigium resederit.

Ibidem.
p. 329.

III. Aliis pluribus, uti dicebam, ægritudinem variis generibus laborantibus, ad prætereuntem læticam accessisse, saluti fuit, sed hæc obiter, & in via. Quæ sequuntur per TURIBIUM in Urbem suam jam advectum gesta.

CAPUT XIII.

*Maura mulier ad TURIBII Corpus piè orans
vehementem febrim discussit.*

I. **S**Us ipsum enim Urbis Regum ingressum, & præsertim Cap. xi.
P. 329.
bidui spatio, quo in Dominicanorum Aede fuit beneficia liberalius impertiri cœpisse reperio. Illud singulare memorie traditur de quadam servilis fortunæ foemina genere Maura, Mariana nomine.

II. Apud Petrum Azagneum Militarem Ducem hæc serviens, acutissimam febrim contraxit, quâ dum miserabiliter cruciatur, cum fama rerum mirabilium quæ per viam gesserat, adventus in Urbem sacri Corporis assertur. Quo quidem nuncio majorem in modum exhilarata, inde salutem sibi quoque adfuturam sperare cœpit. Nil cunctata Dominum suum multis precibus fatigat, ut invisendi sacra pignora sibi potestatem faciat. Annuitur. Ad Dominicanam Aedem, ægris passibus, forti fide, ac robustâ pietate se confert. Ibi ante sacrum Corpus provoluta piis votis medium suæ ægritudini precari cœpit. Parvâ morâ salutem consecuta, votorum compos efficitur.

III. Alii aliter idem narrant. Bernardus Alcozerius in sexu variat, & loco, illum virilem, hunc Divi Lazari, non Divi Dominici Aedem affirmans. Quædam addit de infirmitatis genere, phthisim illam fuisse memorans. Hominem præterea non suis pedibus sed a propinquis adjutum, ac delatum, mox tactu corporis sanari cœpisse.

IV. Franciscus Ortizius auctor est, in transitu pontis sublicii apud Limam, ac feretri contactu rem peractam. Ægritudinem verò incurabilem, ac longissimi temporis dicit.

V. Alphonsus verò Morenus, Martinam foeminam appellat. De phthisi, ac Medicorum desperatione consentit. Loculum ab ægra tactum in ponte sublicio, deinde ad Aedem Divi Lazari illum consecuta. Quo loco, antequam in Urbem deduceretur fuisse depositum corpus, donec statueretur, utrum ad Franciscanos, an Dominicanos divertendum esset. Ibidem.
p. 330.

VI. Hæc Testium varietas Interpretum fortasse vitium fuerit: nam in re ipsa convenire omnes videntur.

CAPUT XIV.

Ludovico Cordubensi, & Francisca Biveria Conjugibus ad extremum aegrotantibus a TURBIO suppetiæ & salus.

Cap. XII.
P. 330.

I. **A**B hoc tempore usque ad annum millesimum sexcentissimum viceesimum nonum, viginti annorum spatio nihil in Aëlis TURIBIANIS tradendum testatum reperio. An quia nihil admirandi interea egerit? Quis credat? Quia beneficia ejus nemo expetierit? Quid magis a fide alienum in tanta apud omnes opinione, tantâ jam sanctimonîæ ipsius experientiâ? Non Aëta profecto hoc toto tempore defuisse, sed qui ea scripto exciperent, atque evulgarent putandum est.

II. Porro illud hoc Anno MDCXXIX. sub majoris Jejuniî finem memorabile traditur, quod hic subjicio.

III. In ipsa Urbe Lima eodem planè tempore in morbum æque pestilentem, atque exitiabilem inciderant pari nobilitate conjuges Ludovicus Cordubensis, & Francisca Biveria, quos intra paucos dies eò vis morbi adegit, ut actum de utroque jam esse videretur. Mulierem certè Medici vivere non posse consenserant. Tali rerum statu Sacerdos quidam Franciscus Palma nomine ad eos invisendos veniens, osculum quod e TURIBI corpore habebat secum tulit, ac Ludovico tradens, eum adhortatus est, ut sancti Præfulis opem magnâ fiduciâ, quâ sibi met ipsi, quâ conjugibus per se id facere non poterat imploraret, procul dubio non defuturam. Paruit, ac votis summâ voluntate, pietatisque sensu conceptis, quibus fidem simul suam, simul conjugis, in vitæ, ac mortis confinio ita fluctuantis, ut sensu omnino, ac ratione uti non posset, obligabat, se novies TURIBI sepulchrum piè invisurum pollicitus, sibi & uxori valetudine restituta, quod beneficium a TURIBIO sibi allatum iri sperabat. Ac spe confirmatus fideque plenus TURIBI Reliquias ægris corporibus admovit.

Ibidem.
P. 331.

IV. His peractis haud ita multo post ostium pulsari, Parochus Divini Viatici suprema sacra Francisca ferens adesse. Quæ res plurimâ cunctos admiratione affecit. Quippe nec Parochus vocatus advenerat, nec ægra sensibus omnino destituta Sacro Viatico muniri tunc posse putabatur. Vix tamen Sacerdos ægræ cubiculum ingressus, procurare eam sacris Mysteriis voluit, cum il-

la

la ad sensus , & rationem reverti cœpit. Profundo veluti e somno excitari dixisses .

V. Jam serio Christiano feritu criminum maculis expiat : jam Corpus Dominicum summâ pietate , mente omnino sanâ, voluntate alacri suscipit : jam se vivere posse sperat .

VI. Mane ita convalescerat , ut periti fateri cogerentur tam subitam valetudinem , humano more non contigisse , sed cœlesti omnino effectum ope. Quid multa! Ab eo momento uterque Conjux habere se melius cœpere : paucos verò intra dies virum integritatem , perfectamque salutem recuperant, bene de se merenti Turibio vota promissa persolvunt : a quo Sacerdotem etiam illum eâ noctis horâ ægræ mulieris summa necessitate accersitum cum nullus unquam , qui accersisset , aut quis ille tandem fuisset omni diligentia adhibitâ, deprehendi potuerit, non levi conjecturâ creditum est .

C A P U T X V .

Puerpera TURIBII Chirographum salutare gemino miraculo experitur .

Cætera
p. 333.

I, **F**ORMINÆ de se TURIBII Alphonsi beneficiis eumulationis testimonium dicenti fides esto. Hæc Consalvi Curayæ uxor , Magdalena nomine , in Guacarensis quodam Provincie Oppido de Sancto Joanne dicto tribus circiter post annis , hoc est Millesimo sexcentesimo tricesimo secundo, ob partus difficultatē in manifesto vitæ periculo versabatur. De vita sua jam desperantem Hieronymus Vrdegnesius mulieri affinitate junctus , vir bonus , ac pius invisit: Chirographum TURIBII mâu scriptum multâ apud se religione , ac veneratione custoditum deferens secum . Ibi postquam pluribus verbis mulierem consolatus fuit , persuasit, ut notæ sanctitatis , ac beneficiorum famâ clarissimum virum auxiliatorein suum invocaret, recitatâ semel in ipsius honorem Dominicâ oratione cum salutatione Angelica . Accipiendi beneficii tanquam certissimum pignus , ipsius Chirographum sibi esse; confidenter omnino peteret .

II. Nil omisit , aut neglexit mulier sancti Præsulis suppetias enixius rogans , statim quæ jubebatur enunciare cœpit . Cui Vir ille bonus , ut confidentiam adderet , Chirographum utero superimposuit . Nec mora . Fœtus rectâ prodire in lucem cœpit : mulier exitii sui metu exolvi , editâque prole præteritos labores sola

Ibidem
p. 334.

solari, atque oblivisci: pro beneficio grates TURIBIO agere.

111. Quid tum deinde? A puerperio per octo continuos dies tam copiosa sanguinis profusione exhausta est foemina, ut vitæ simul profundendæ novus, nec levis timor invaserit. Quid faciat? Superioris beneficii, atque ipsius auctoris in tanta vitæ necessitate memoria, ad novum beneficium petendum incitamento fuit. Chirographum proinde sibi iterum tradi postulat: utero iterum, imponit: sacras preces ut ante fundit, sanguinem subito fluentem sistit.

C A P U T XVI.

Res amissæ ad TURIBII invocationem recuperantur.

Cap. xii.

P. 331.

I. Quid quod & ad res fortasse amissas reperiundas efficacissimum TURIBII nomen, atque auxilium piè invocatum creditum est? Joannes Trebexius (ipsiusmet viri hic etiam testimonio utor) mulam suam deperditam per octo fere dies, nequidquam nullâ non parte quæsierat. Recordatus deinde TURIBII nominis, famâ sanctitatis, ac miraculorum post mortem clari, ad ipsius opem sibi confugiendum putavit. Quo facto, nullâ prorsus morâ amissum jumentum adesse vidit. Quod inter admiranda TURIBIANA numerandum esse omnino censuit.

C A P U T XVII.

Corporis & staturæ TURIBII Alphonsi descriptio.

Cap. xiv.

P. 335.

I. Fuit TURIBIO statura dignitati par. Species suo nomine digna, Alphonsus enim apud Arabes, pulcher est. Corpus a Natura optimum, optimæ animæ domicilium. Membrorum inter se omnium apta conformatio. Modesta quædam, venustas piaque majestas in vultu sanctum Virum veneratione dignum probabat. Ex vultu in quo gravis hilaritas constanter emicabat cum totum ad absolutæ virtutis leges factum, perfectiorisque sanctitatis cultorem facile ac libenter quisque credere poterat. In fronte nunquam tristi mœrore contracta, nec iracundiæ acerbitate unquam minaci amabilis quædam lenitas elucebat, quâ omnium sibi amorem conciliabat. Vividus Oculorum nitor, quo moderata cum demissione conjuncto latens in animo virtus singulari cum decore se inde suspiciendam præbens cernebatur. Os, Labia, & reliquæ partes quæ vultum constituebant, nihil

nihil ei deesse quod ad formam omni ex parte perfectam magisque commendatam desiderari possent perspicue ostendebant.

II. Plura scribi ad hanc rem potuissent, si omnia quæ in tanto viro admiratione digna fulgebant cognita haberemus. Scripsimus utcumque tenuis ingenii facultas concessit, quorum notitiam vel ex probatorum testium narratione, vel ex Actis publicâ conscriptis auctoritate cognovimus. Multa quidem, & nonnulla fortasse potiora nos latuerunt, quæ si ad nostram notitiam pervenissent, illa quoque his quæ hîc scripsimus adjunxissemus. Hæc monitos Legentes volumus, ut vel oscitantæ, vel negligentæ culpam in nos ne conferant, si non omnia quæ TURIBIUS gessit hoc nostro labore complexi sumus. A Legentium humanitate petimus, ut quæ præstitimus licet multum infra dignitatem argumenti, boni consulant, voluntatemque sincerè saltem scribendi quæ de TURIBIO novimus probent. Deum interim oramus ut huic nostro labori faveat, atque Christianis omnibus, & præsertim vis Ecclesiasticis exemplo quod fideliter sequantur esse velit.

H A C T E N U S M A R R A C C I U S

C A P U T XVIII.

De miraculis a TURIBIO patratis postquam Beatorum Fastis adscriptus est.

I. **M**Ultis magnisque prodigiis TURIBIUM inclaruisset etiam postquam illi a sede Apostolica religiosus cultus delatus est, Acta pro eo in Sanctorum album accensendo edita Romæ MDCXCV. luculentissimum nobis testimonium exhibent. Quippe Deum Opt. Max. TURIBII meritis ab anno MDCLXXIX. quo Innocentius XI. Beatorum Fastis illum adscripsit, ad annum usque MDCXCV. quo de illo inter Sanctos adnumerando Romæ actum est, viginti & supra edidisse prodigia loco mox laudato pagina 1. litteris proditum legitur. Sed ne eorum numero Lectorem fatigem hîc tantum XII. miracula in ipsis Actis relata breviter percensebo, uti TURIBII vita omnibus numeris absoluta prodeat, libentiusque excipiat. Marraccius noster equidem illa non neglexisset si suâ edita fuissent ætate.

II. Annus Millesimus sexcentessimus octogesimus volvebatur, cum Josephus de Andrada Linæ in Collegio Sancti Martini Alumnus, ob studium haud intermissum vigentiquatuor foli-

darum

clarum horarum Theologicis thesibus brevi ab ipso propugnandis impensum, in gravem morbum incidit, cuius vi mens tantæ studii contentione defatigata a sua sede dimota est, utque a phrenesi quæ exagitabatur in præcipitium aliquid non raperetur sibi-que met mortem haud intentaret, manibus pedibusque ferreis vinculis constrictis, ceu bellua palo illigata, dies noctesque miserè traducebat. Nullo helleboro, nullave Medicorum arte insidens in cerebro humor pellebatur, immo in dies magis ac magis augebatur morbus, cumque ad actum jam menses protracta esset infania, de eo propemodum actum credebatur. Sed TURIBII ope ab ipsius Matre et Sorore enixe imploratâ, atque ejusdem Beati Reliquiis ægroto admotis, extemplo mirabile dictu! infaniâ depulsa, mens suæ sedi tam validè restituta est, uti catenis citò resolutis, gratias Deo egerit, sacris solemnibus, quæ pro TURIBIO Limæ tunc agebantur interfuerit, sanâ reliquo vitæ suæ tempore mente TURIBII beneficio omnia gerens.

III. Josephus de Lara Sacerdos ex officulo casu deglutito, quo fauces nimis premebantur, cum ad TURIBIUM confugisset illico ipsius ope illud feliciter eiecit.

IV. Non absimile beneficium consecuta est puella quædam quæ æneam cochleam in guttur trajecerat.

V. Maria Castagnida tres annos nata suffusione oculorum, capta, instar cæci Evangelici, *inquiunt Acta*, homines tanquam arbores ambulantes vix cernebat. Lucia ejus avia B. TURIBII Reliquias ei applicuit, ægramque ad ejusdem Servi Dei Imaginem in sacra S. Dominici Aede publicæ expositam adorationi duxit, ut TURIBII beneficio quod præsens sperabat freta, egritudinem quâ vexabatur depelleret. Vota feciliter consecuta fuit, opem quâ agebat experta.

VI. Bartholomæus & Franciscus germani fratres de Ascurtunz pleuriti die, malignâque jactati febri in ultimo vitæ discrimine versabantur. TURIBII effigie eorum pectoribus admotâ, cum totam noctem quietè traduxissent, insequenti die febri excussâ cæterisque morbi reliquiis omnino evulsis evigilarunt, ac post tres dies ad TURIBII sepulchrum provoluti Deo bonorum omnium datori gratias egerunt.

VII. Copioso e naribus sanguinis effluvio Matthæus de Roxas & Aguero correptus, remediisque domesticis ut sileret frustra tentatis, ut primum TURIBII Reliquiæ ægroto pene exanguî appositæ sunt statim cruorem qui tunc uberrimè scaturiebat com-

compescere. Ne verò id casu evenisse putaretur, sacris illis Reliquiis suo loco restitutis priori impetu sanguis erumpere coepit, atq; eisdem rursus admotis, protinus sistitur.

VIII. Sacro eadem Reliquiarum tactu puer ibimus Antonii de Yturis filius vehementi apoplexiâ correptus ad novam velut revocatus vitam Turis gloriam tam insigni beneficio & miraculo auxit.

IX. Gravissimo æquè ac molestissimo Erysipelatis morbo, quo eodem anno MDCLXXXIV. plures absquebantur, Sacerdos Joannes de Mendoxa capite correptus, & febris, quâ urebatur, in gravem periculum redactus, Turis imaginem petiit, quâ sibi admotâ, statim ingravesceas dolor vim suam remisit atque æger pristinam valetudinem recepit.

X. In maximis doloribus tres annos exegerat Joannes de Salzedo chirurgicæ artis professor. His afflicta ipsius valetudo debilitataque in paralysem proruperat, quâ viribus omnibus pene destitutus, motuque præsertim in cruribus privatus, vix sustentis aliorumve ope adjunctis, incedebat, spe omni illi erepta e morbo evadendi: quare ad xenodochium incurabilem, ut dicunt, quod sanctissimus Præsul extruendum curaverat, ductus, ibidem eadem paralyse laborans absque ullo medicæ artis præsidio tres menses expleverat. Coelitus instructus Turis sacellum, quod eodem in loco fidelium pietas erexerat, adire apud se omnino constituit, quamobrem fulcimentis nixus & corpore raptans, ægerrimè licet, illuc se contulit: cumque a Dei servo præsidium postulasset, sibi que quoties accedebat vires augeri sensisset, subito pristino se robore donatum sensit; quapropter rejectis illico sustentaculis liberè expeditèque domum suâ a xenodochio haud parum distitam, omnibus miraculum suspicientibus Deumque laudantibus adivit.

XI. Petronilla Arias Maldonado ulcerosâ gangrænâ in crure premebatur. Chirurgus nullum non movit lapidem ut excrecentis ulceris vim cohiberet, at cum oleum & operam perderet, gangrænæque ipsa magis crudefceret, ægram uti sacrâ se expiaret confessione præmonuit, quandoquidem insequenti die non sine gravi vitæ ipsius periculo ulcus ferro altius impresso secandum opus sibi esse, ne virus quod serpebat delitesceret, crus totum vitaret. Mulier, ut ferri sectionem quam nimis abhorrebat effugeret, Turis orat ejusque Iconem, subductis emplastris, ulceri illigat, ac paulo post solutis ligaminibus, crus tumore ulcero omnino ex puncto, apparuit.

XII. Ea-

XII. Eâdem servi Dei Icone Joanna de Pennafiel maximis partûs doloribus excruciatâ, subitò prolem emisit.

XIII. Infestissimo Ischiadis morbo Cleria Fatia Virgo Romana a longo tempore divexabatur. Nullum quod ab arte præsidium desiderare poterat neglectum. Medicaminibus non solum ingravescens egritudo non depellebatur, immo magis ac magis obfirmabatur. Ut verò TURIBII opem petiit statim pristinâ salute donata magnum TURIBII nomen Romæ etiam tam insigni miraculo quod contigit anno post humanæ Redemptionis auspiciis MDCXCII. inclarescere cœpit.

XIV. Hæc pauca ex multis quæ in Aetis ob TURIBIUM in Sanctorum numerum accensendum refesuntur viri sanctitatem non virtutibus solum sed tot insignibus quoque miraculis commendatam luculenter produunt. Hinc habent Pii omnes quæ imitentur, ut imitationis merito TURIBIUM propitium experiantur.

LIBRI QUARTI ET ULTIMI FINIS.



AOI 1470119



